



BIBL. NAZ.

Vitt. Emanuele III

165

L

24-25


NAPOLI

109

50

XIII. P. 16

21 9 111X



759

HEINRICI
HENNIGES,

DE

SUMMA
IMPERATO-
RIS ROMA-
NI POTESTA-
TE CIRCA
SACRA.

LIBER UNICUS.

Nisus

Drayton. Vienna.
An. 1712.




NORIBERGÆ,

Sumptibus WOLFGANGI MAURITII
ENDTERI, & JOHANNIS ANDRÆ
ENDTERI Hæredum.

ANNO M. DC. LXXVI.



Grado Fee.



*SERENISSIMO PRINCIPI,
AC DOMINO
DOMINO*

**CAROLO
LUDOVICO,
COMITI PALATINO
RHENI, S. R. I. ARCHI-
THESAURARIO ET ELE-
CTORI, DUCI BA-
VARIÆ. &c**

*DOMINO MEO CLE-
MENTISSIMO*

**FELICITATEM!
VICTORIAS!
TRIUMPHOS!**

)(2

Erunt



Runt fortassis, SERENISSIME PRINCEPS ELECTOR! qui importunum me & audaculum dicent, quod non temporis, non rerum præfentiū æstimata facie adire Principē ego ociosus ausim, tot curis negotiisque nunc obsessū, quod togatus ipse & literariæ rei deditus intempestivè compellem sagatum Ducem, ac jam diu sumpto paludamento cum patriæ hostibus feliciter præliantem, quod bellum literis misceam, & enses stylo. His vero ut ex subselliis reorum intrepidè respondeam, sicut me non teneri sentio, meritò enim

libera

libera esse debet electio quærentium scriptis rebusque suis illustre & tutum præsidium : ita apud Te sat scio nullam suspensionem exoriri criminationis tam infestæ. Nosti enim, qua animi es magnitudine, & in doctrinas propenso favore, quàm inepta sit illorum accusatio, qui Gradyo Deo ad populum diem dicunt, in sodalitis Musarum deprehenso, prorsus ac si bello cum literis omne commerciū severa lege interdictum sit. Etenim si in ipsa atrocitate certaminis, interque promiscua virorum fortium funera non timuit Martem pro Trojanis pugnantem mollis & placida Venus sequi, ipsaque vulnerari, velut immanitatem tam sævæ horridæque rei amore suo & blanditiis mitigatura. Quis bello

illas virgines naturâ suâ fortiores
 prohibebit, nisi qui accenso & cœco
 furori temperamentum humanita-
 tis, prudentiæ & justæ fortitudinis
 invideat, quæ sola tamen hoc im-
 mane malum, hanc tetram morta-
 lium pestem continent, ut non ab
 omni memoria abeat humanæ for-
 tis, nec ad extremam perniciem
 mutuò grassetur? Hac mente prisci
 sapientes addidere lyram ad Apolli-
 nis lethalem arcum, armatæque Pal-
 ladis (Deæ scilicet ægide sua & ful-
 minantis dextræ robore insignis)
 galeæ noctuam imposuere, quod
 belli calamitates divinitate scienti-
 arum solari liceat & avertere : imò
 quod ipsum bellum hoc clavo felici-
 us & tolerabilius regere. Græco-
 rum ille maximus Rex, ille domitor
Ori-

Orientis, & latissimi post Romanos imperii conditor, Alexander, totam vitam inter legiones & arma consumpsit, non melior Imperator, quàm intrepidus miles. Cur ergò cum Homero suo semper dormivit: cur cœci vatis fabulas assidue legit? si nefas est tibi Musas canentes audire, ubi signa canunt: vel turpe factum, pugnis clamoribusque calentem animum aliquo bonarum artium refrigerio componere. Sed quid ego hæc apud Te discepto? quem omnes novimus ita curas publicas & molem regiminis sapienter partientem, ut subinde apud Te literarum sit aliquod pretium; quibus singulis pene diebus indulges, quantum satis est ad fatigati magnis rebus animi viriumq; commodam refectiõnem,

nullo publici boni neglectu vel damno. Hujus instituti ut Tibi quidem major libertas in pace est, qua securius lætiusque agunt Musæ: Sic illud ne quidem flagrante incendio prorsus deseruisti. Quæ res quidem mihi certam spem affirmat, & hoc, quicquid est mei ingenii, eam à Te gratiam impetraturum, ut bono & læto nutu pro mira tua mansuetudine & humanitate, tanto Principe dignâ, acceptum se possit meritò gloriari. Habeo autem multas & magnas causas, OPTIME PRINCEPS, cur Augustum Nomen Tuum hujus libri frontispicio inscribere mihi visum sit. Cui enim hæc literaria certamina, nisi rei, quæ agitur, gnaro & æquo judici committenda? Sed quis Te Principum totâ Europâ doctrinâ,

etrinâ, sapientiâ, pietate, moderatio-
ne, virtutibusque omnibus illustri-
or ? Quis frequentior inter Musa-
rum Choros, aut notior Præsidi
Deo ? Quis oraculis divinis delibuti-
or ? Quis æquior denique causæ tam
grandis, tam excelsæ, tam plerisque
locis præpotenti invidiâ oppressæ
arbiter ? Te jurium divinorum atque
humanorum scientia, humani inge-
nii mensuram pene exsuperans, ido-
neum : Te prosperis adversisque ca-
sibus fortuna expertum : Te melio-
rum sacrorum disciplina, nec corru-
pta Sacri Ordinis ambitiosis æstibus,
pulum & integrum. Te justitia ci-
vibus & peregrinis nullo persona-
rum respectu, nullo sordium affluxu
hucusque æquali modo administra-
ta, minime omnium suspectum, &

vel ab ipsis hujus causæ hostibus aliquo nomine non recusandum, iudicio constituit. Ut vanum est & inconsultum, apud imprudentes aures causam dicere, ita apud præoccupatas alterius partis gratia, aut inveterata superstitione fascinatas intutum maxime plenumque periculo. Illic enim fortunæ ludibriis aut sorti exponetur iustitia: Hic excandescens invidiæ, quæ illam subito præiudicio damnabit. Igitur, Tu, **CELSISSIME PRINCEPS**, longe optimus in hac lite iudex, nec præterea defensor minor veritatis, quam iste liber adversus malitiam improbæ factionis vindicat. Adhæc futurus procul dubio mihi firmum præsidium, quod invidiæ & indignationi hominum de propalata mysterii sui

tui sui vanitate saviientium cum de-
 core meo opponam. Præterea
 communis est hæc omnium Princi-
 pum causa, olim per sacrificulos sub
 infelici illo & diuturno literarum
 exilio nescio qua opinione pietatis
 oppressa, & nunc demum redditâ
 meliore conscientiis animisque li-
 bertate ex turpissima servitute pau-
 latim in integrum cepta restitui. Cu-
 jus adeoque, quicquid est ubique
 summarum potestatum & Magi-
 stratum patrociniûm suscipere;
 eamque favore publico tueri decet.
 Est denique gravior adhuc causa,
 quæ impulit me, ut Te, tantum
 Principem, tot naturæ ingenii que
 dotibus, sed fide præcipue & con-
 stantia ad immortalitatem famæ
 factum, quacunque licuit venera-
 tione

tione demererem. Etenim quid illa
 excelsæ indolis rectitudine in his
 motibus imperio non præstitisti?
 quid non nocuisti rebus Tuis? Quam
 hoc specimen animi inopina res ple-
 risque fuit, & pene incredibilis? Ex-
 pectabant indies, qui Te minus no-
 verant, ut aliorum exemplo in du-
 bia tempestate, ac se nondum satis
 explicante, aut affectibus privatis in-
 dulgeres, feliciori, qui tum erat, ac-
 cedendo: aut si multum etiam face-
 res pro re communi, quiesceres, con-
 silia ex tempore capturus. Et erat
 haud exiguum, quod de Te homi-
 nes tale quid cogeabat suspicari. Sci-
 licet veterum injuriarum sensus: ca-
 rissimum pignus in regiam domum
 traditum: agri Tui, quamprimum
 te inciperes movere, vicino præsidio

ad direptiones & belli iram expositi. Ante omnia vero Gallus illo tempore nondum publica voce hostis imperii proclamatus: adeoque lenta & tepida defensio, nulli nisi Imperatoris, & singulorum Statuum, exercitus: publicæ omnium securitatis longinqua adhuc cura. Cum Turpente contra opinionem multorum privatas similitudines Reip. condonans, neque speciosis & præsentibus motus, sed fidelis magnique Principis functus pio officio, meliores & justiores, non tutiores partes elegisti. Te non affinitas cum maximo Rege juncta: non munera & largitiones, (quibus hodie tanta vis inest, ut his mutis legionibus omnia firma expugnentur, hominesque hoc philtro tincti pene naturam, certè omnia

omnia divina humanaque , pietatem , fidem , honorem , deserant ,) non vicinum certumque rebus tuis ab hoste imminente periculum , non cædes tuorum civium , non villarum oppidorumque incendia & barbaræ populationes , ab hoc animi robore , hoc sanctæ fidei justitiæque proposito , avertère. O miraculum pietatis ! O rectum & immobile inter mala & spem pectus ! O specimen inconcussæ virtutis. O sincerum in publicam rem studium. Hanc tutam & incolumen ut præstes , ut à servitute vindices , quam cervicibus nostris ambitiosus hostis molitur , omnium fortunarum tuarum jacturam facis. Quicquid Tibi
carum

carum est & naturale, solum, subditos, liberos, aras & focos, pro publico bono consecras: cujus servati major Tibi laus est, quam istorum omnium & erit diuturnior: ita Deus faxit ! Tantam enim virtutem non perpetuo colere & celebrare quæ posteritas nisi ingratissima potest ? Ambivit potentissimus Rex amicitiam Tuam, multa spe, & promissorum longa scenâ adortus est sacramentum. Adjunxit blanditiis minas, excidiis, & vasta populationum calamitate terruit: in summa vulpem se & leonem ostendit, ut Te lucraretur. Interea parum erat, quo demerere tantum Principem, accipere stipendia, & ante fo-

res

res malum declinare licuit, Neque enim ut aperte deficeres, aut cum illo oppugnares patriam Tuam, ausus est petere. Sed ut Te saltem medium quietumque teneas, & utrisque partibus æquum, quod principio belli quam multi fecere? & faciunt aliqui nunc, majore invidiæ fama, quam incommodo. Quippe quos utrique illi, qui partes foveant, & hinc inde in adversa acie stant, suspiciunt lactantque velut summæ belli arbitros, illuc prævalituri, quo se isti extremo impetu & æquas lances tracturo verterint. Sed altior Tibi, meliorque mens SERENISSIME PRINCEPS. Tu inter primos periculo strepituque armorum
tempe-

tempestivè excitus servasti imperio
fidem quam debes , & periclitanti
patriæ cita ope omniumque viri-
um succurristi ultimo experimen-
to , aliis illustre exemplum factus,
ut à veterno illo , tepore , aut tre-
pida & circumspecta mora , quâ
plerunque , dum singula incerta
fortunæ momenta expendunt , &
omnia tuta etiam timent , tardo
difficiliq̃ue auxilio corrumpere geren-
darum rerum occasiones , ad ala-
critatem & fortitudinem Te Du-
cem sequerentur. Hoc pietatis
fideiq̃ue miraculum , hoc thea-
trum constantiæ & virtutis , si pa-
tiemur gratis nobis & sine honore
esse , si inter hostes suos perire ,
quod abominor ; Si ipsi consili-
um tam salutare , tam pulchrum &
):):(forte

forte factum fraudi damnoque vertere ; Si denique non totis imperii viribus hostem ad reddendas res refarciendaque damna , quæ intulit , compellimus : indigni , me Hercule , omnes erimus , quibus vel Tu PRINCEPS FORTISSIME , vel alius quispiam deinceps in dubia fortunâ fidem nobis servet : quod unice hostes nostri optant. Sed inter alios, qui tibi gratias laudesque pro conservatis hactenus bonis debent , Franconum gens est. Quibus Tu felix præsidium , Tu propugnaculum , Tu munimentum es & tutelar quidam genius , qui vim hostium Tuo excipis fortissimo pectore : iram belli in Te primum sævientem velut alta & immobilis rupes frangis :

gis : & populationibus obſtas , ſine
 dubio & Franconiam noſtram , in-
 terioraque imperii correpturis , hac
 arce expugnata. Quod ne unquam
 fiat , DEUS & totum imperium
 prohibebunt. Hoc igitur titulo
 omne Francum nomen Tibi tan-
 tum obſtrictum , quantum vix
 concipi animo poteſt : eloqui nun-
 quam licet. Sed qua potiffimum
 re potentiores , & quibus major
 eſt beneficii Tuis meritis digni ma-
 teria , ſuam deceat gratitudinem
 teſtari , non eſt mei juris decerne-
 re. Privati in Franconiâ homines,
 quod poſſunt , pro ſalute Tua DEI
 pacem aſſidue expoſcunt , ut in-
 columem Te ſoſpitemque inter tot
 curas , tot perplexa negotia , tot
 errores præſtet : neve hoc ſe-

nilis animi sapiens robur incum-
 bentibus graviter malis lassari sinat
 aut mergi. Denique ut pacem ti-
 bi reddat honestam, firmam & se-
 curam. Hoc omnium bonorum
 votum, hæc vox est, quam sum-
 mum Numen ratam firmamq; esse
 jubeat. Minimus ego ex illis, sed
 fide & reverentia in Te nulli secun-
 dus, hanc supplicem libri mei dex-
 tram obsequii cultusque mei esse
 sponforem volui. Accipe, quâ so-
 les, serenâ fronte exiguum & leve
 munus, ac patiare illud gloriam
 immortalitatis consequi Tuo favo-
 re. Sub hac umbra quiescat libel-
 lus ille meus, hoc patrocinio secu-
 rus agat. Argumentum, quod aliis
 bilem forte moveat, Tibi sacris ab o-
 mni immunditie purgatis addicto
 procul

proculdubio placebit. Nam turbulentias & ambitiones Sacerdotum, quas reprehendit, ipse odisti & damnas. DEUS Te, PRINCEPS SERENISSIME, cum Principe Filio, (ah quantâ indole maturæ virtutis ! quanta ad Electoratum spe !) omnique Electorali Domo, Tibi Tuisque, imò & nobis, & patriæ imprimis diu conservet felicem & superstitem. Dabam Onoldi, in Franconia, VIII. Id. Augusti. Anno natæ Salutis. M. DC. LXXV. |

TUÆ SERENITATI ELECTORALI

Subjectissimus Servus

HEINRICUS HENNIGES.



CANDIDE LECTOR!



Ntequam te ad presentis libri lectionem accedere patiar, in vestibulo operis paucam onendus es mihi, ut quo illud consilio, quave de causa procuraverim edi, intelligas. Cum ante biennium, & quod excurrit, observationes meas in Grotium vulgasset, fidem dedi, de Aquila quadam Germanicâ, (quo nomine concinnationem juris publici novâ quadam utiliq; methodo in artem redigendi videri cupiebam promississe,) iudicio tuo & usibus juventutis juri publico dedit a. sistenda. Neq; etiam nunc aut promissi pœnitet, aut pudet incepti. Tam ardua verò est & undiquaq; late diffusæ materiæ hæc res, ut quamvis toto illo tempore scribendo non cessaverim, nondum mihi tamen imperantem saltem partem operis licuerit absolvere. Etenim non est mea consuetudinis, quod alios facere video, ut quicquid in mentem calamumq; inconsulto & subito impetu venerit, nullo ordinis discrimine, nullâq;

lâq̃, iudicii limâ effundere, crudâq̃, & inas-
gesta magnarum rerum mole obruere legen-
tium studia : sed, quantum per me quidem
præstari potest, singula suis discriminare se-
dibus, explicare difficilia, ambigua solvere
& aperire, ac deniq̃, ex veris & genuinis
politica prudentia fundamentis jura Majo-
statis, in imperio Romano certis legibus con-
stricta à malevolorum quorundam, & velut
ex compacto Imperatori, Summo Capiti a-
cerbo odio insidiantium injuriis in splendo-
rem suum & debitam dignitatem asserere.
Hoc ipsum non esse quotidiani & precipita-
ti laboris rem arbitror omnes equos iudices
sentire. Interea vellicari subinde aures me-
as, & ex postulari mecum de fide exsolvende
illius aquilæ publicatione pati debui. Quod
mibi summè molestum accidit. Cum hinc
quidem lentum illud & cogitabundum scri-
bendi genus nollem deserere, ne quod dici-
tur, dum canis nimium festinat, cæcos pa-
riat catulos : illinc vero liberatam fidem
meam præ omni alia recuperem. Incidit
prætereares, quæ metum mihi fecit, ne im-
portunis crebrisq̃, aliorum provocationibus
ab hac provincia prorsus in alium campum
vitaberer. Quippe jam aliqui Jene exorti
sunt disputantium, measq̃, observationes da-

ta opera criminantium iniqui rumores, & plusquam ante annum extraordinarius quidam Wittebergensis Professor notas in Grotium promisit, in quibus utiq; ipsum, si illas edidisset, (quod quantum mihi constat, nondum est factum,) mei non immemorem fore, facile ex eo, quo ille est in Zieglerum studio, potui divinare. Hos omnes impune ferre, & velut ad Dictatorum silere virgas, imperare mihi non potui. Sed jam providebam animo novum certamen, & ad illud me totis viribus componebam. Atq; hac etiam causa est, cur Jenensibus disputatoribus respondere hucusq; distulerim, uno scilicet labore adversus omnes simul defuncturus, dealbando duos parietes una, quod dicitur, fidelia. Indignum etiam sorte mea existimaui, ad quoscunque Academicos clamores, qui plerumq; longius non audiuntur, quam auditorium illud est, turpi trepidatione semper occurrere, imprimis cum Magistellos etiam in me furor improvisus egerit.

Interea dum hoc loco pugnatur, quieturam alibi aquilam meam, neq; tam brevi tempore, quod initio mihi ipsi persuaferam, evoluturam, certum erat. Igitur impetum sumpsit, ut aliqua saltem parte implerem fidem, ab ejus corpore rescare argumentum aliquod,

quod, idq₃ peculiari opere edendum curare, ut
 æquus Lector & specimen laboris nostri ha-
 beat, & publicum sponforem, præstandi mox
 exasse promissi, si per alios licet. Forte etiam
 his subinde partibus speciatim edendis totum
 deniq₃ conficietur per vices opus, ne illud ni-
 mio plus quam velim moretur lectoris exspe-
 ctationem. In præsentia autem elegi publican-
 dum jus Imperatoris summum in sacris re-
 bus, arduum profecto & clarum argumen-
 tum, planeq₃

ἡμφοτέρων, κέρτερον δὲ βούων, καὶ μέτρον ἀρίστη.

Illud cur tam prolixè tractatum à me sit, ra-
 tio est, quod juris publici scriptores tam stri-
 ctim & jejune illud maximi momenti jus re-
 censeant, cum alia minoris utiq₃ dignitatis fe-
 re ad fastidium crepent. Tum gravitas & di-
 gnatio rerum, quibus rectè accurandis asse-
 rendisq₃ ab injusta vi nunquam inutilis aut
 frustraneus est labor. De ipsa veritate reli-
 gionum nullum mihi publicum sumpsi judi-
 cium, & neque id me decebat hoc loco. Ad-
 hac pro comperto habeo, mutuis illis rixis &
 clamoribus præferentium suas utrinque opi-
 niones animos multum exacerbari: ad Chri-
 stianæ rei summam profici parum. Et ta-
 men, proh dolor! in hac funesta incidimus

) : () : (s

tem-

tempora, ut nescio quo Syneretismi crimine calidi quidam & Saturnii homines illos onerent, qui humanis erroribus fomentum, non novaculam adhibent, neque confestim tristi supercilio de agris mentibus volunt male ominari. Sed quicquid illi tam acerba & formidabili pietate precipiant, ego merito hic subduxi invidia caput, iudiciumq; de religionum discriminibus, alias vanum futurum, suspendi, adeo ut ne quidem communem illam catholicam, quam tamen Deus vetet, ut unquam sequar, verbo aut facto iniquo laeserim. Astus, ambitionem, parricidia, luxum, & crimina veteris Ecclesiae Romanae notavi, in eaq; aliquando pro rei atrocitate indignabunde invecus sum, quod multi etiam ex illis fecerunt, quos eadem sacra amplexos studia factionum non fecere iniquiores. Tanta enim corruptione Sedis Romanae, quae olim captivato adhuc Christiano orbe fuit, difficile est non scribere satyram. Et quis aequo animo ferat homines, qui cum suam purpuram, suam dignitatem & divitias Romano imperio debeant, tam ferociter in illo seviere: vanaq; spiritualium prae-textu ipsos suos dominos superbe conculcarunt. Enim vero haec ad ipsam religionem non pertinent. Vitia personarum sunt, quae carpere licet,

licet, in columi sacrorum, quibus præfident,
 sanctitate: nam & apud nos, ut videtur mi-
 hi, incorruptior est doctrina, quam vita mo-
 resq; Sacerdotum. Neque vero, qui sic in ali-
 is se carpi sentiunt merito conqueri arbitror,
 propalari demum & erui præterita mala,
 qua nunc bene recondita melius sit taceri &
 regi, nec priscae dominationis flagitiis seculo
 ad maiorem modestiam composito creari invi-
 diam. Cur enim probant, cur laudant tur-
 bones illos, spiritusq; superbos? cur in exem-
 plum proponunt? cur turpium tacendorumq;
 scelerum importuno patrocinio posteritatem
 ad maiora audenda incitant? cur tranquil-
 liores mentes nec litium illarum avidas igna-
 via & prodita causa sua arguunt? Cur
 Principes suorum jurium, suaq; auctoritatis
 vigiles dehortantur falsa sacrilegii imputa-
 tione: terrent superstitione & suorum ful-
 minum minis? Certe quidem hoc tempore
 rarior illa aestuum & turbarum fulminatrix
 tempestas, quod vereantur nudatam suis op-
 probriis potestatem irrita nec prævalente im-
 petu despicabilem facere. Eadem tamen do-
 ctrina manet, eademq; jactatio contumax
 imperii in cælestia & terrestria omnia latis-
 sime extensi: ne, si occasio ad audendum tan-
 dem aliquid adsit, desit conservatum dili-
 gen-

genter jus. Tamdiu igitur convincendi sunt
 erroris & pertinacis superbia, donec discipli-
 nam mutaverint ad imaginem antiquae pro-
 bitatis atque castimoniae. Scilicet vixere
 quondam parricidae, qui variis artibus insi-
 diati sunt Principibus. Marini, Cottones,
 Bellarmini, aliique ejus ordinis homines suis
 libris non mitiora suasere, cum primum odisse
 incipiunt ingenia Regum. Olim venenata
 hostia periit Imperator quidam: at isti sub-
 tiliiori veneficii genere grassantur, docentq;
 vestibus & subselliis Principum occultam
 mortem insinuare. Quid in Gallia Reges
 cultelli parricidarum illorum non executi
 sunt: quid non tormentarius pulvis in Ja-
 cobum Angliae Dominum destinavit? Quis
 igitur illos venia aut miseratione dignos
 judicet, quibus ad eadem flagitia paratis
 saltem illa tam frequenter non patrantur?
 sive quadam Dei providentia, infausta
 consilia plerunq; aperientis: Sive seculi ge-
 nio, liberi à superstitione, neque amplius
 ad ecclesiasticae potestatis abusum expa-
 vescentis. Quod me attinet, ut non pror-
 sus despero, fore aliquos, quibus noster
 hic labor probatur: Ita longe plures indi-
 cturos nobis bellum esse, nullus dubito.
 Jam enim nostrae in Grotium observatio-
 nes

nes monere nos poterunt, quid expectare debeamus. Ibi egere aliqui gratias studio-
rum, & adulteriora hortati sunt amicis
literis: Alii ad arma ferociter conclama-
runt, ut se propugnatores faciant viro-
rum quorundam, adversus quos ego dixe-
ram: sed qui se ipsi melius his suis amicis
defendere possunt. Præcipue Jene irrita-
vi crabrones, qui inauguralibus aliisque
disputationibus in me vehementer invec-
tati inani strepitu exertum aculeum suo malo re-
liquerunt in vulnere. Quid alibi sit factum:
adhuc me latet. Nec irascor ego plerisque,
quamvis multa rusticitate mihi insultent.
Forte enim nimia crudaque, quam agnosco,
libertate censura commoveri, ut sentirem,
quid sit libere alios de errore accusare, quod
tamen nisi facimus, invenietur nunquam
veritas. Atque si hoc saltem supplicio li-
tatum est invidia, bene actum est mihi.
Unum ferre non possum, Magistellum
quendam πολυπράγμονα & tumultuosum,
quem mirarer adversus me tam profligato
pudore in aliena causa dicere, & quam
meam nunquam feci, nec adhuc facio, nisi
natum eum ad id audivissem, ut data qua-
cunque occasione flagitiose rixaretur. Ho-
mo scilicet, sicut relatum est mihi, com-
potatio-

potationibus , clamoribus nocturnis , ri-
 xis jurgiisq; potissimum in Academia illa
 notus. Adhuc , quod necesse est hoc mo-
 rum genere , assiduus in gladiatoria arena,
 ubi quondam ipse unus contra novem infe-
 sto animo pugnavit , quae feritas omnium
 maxime ab illo debet abesse , qui sacra sci-
 entiae & humanitatis se candidatum profi-
 tetur. Vulgavit iste superiore anno dispu-
 tationem , in qua , ut verba ejus sunt , re-
 cens natam opinionem de impossibili-
 tate polyarchiae simplicis falsitatis con-
 vincere pro virili conatus est , ipse scili-
 cet indigno Praesidis officio functus , & os
 suum calamumq; alicui Jacobo Philippo
 Werenberg , Lyneburgensi , commodans.
 Ibi homo ineptissimus , adversus me multa
 contentione & jurgiis sustinet , posse ma-
 jestatem possideri a pluribus indiviso mo-
 do , quod ego nunquam negaveram. Sal-
 tem enim recensitis Hornii rationibus ha-
 rere mihi aquam ingenue fassus sum , su-
 spendi q; omnem assensum. Hic animi can-
 dor si vertendus est vitio , quod ille vi-
 tilitigator facit si omnia praecisa & clara
 sententia decernenda sunt , si nulla un-
 quam dubitandi aut hesitandi in ambi-
 guis & perplexis rebus libertas est , quam
 multa

Quid ita hominum doct. simiorum vis hoc meo crimine involvitur? Veniet ante omnes in condemnationem Sapientissimus Græcorum præcepto suo, (quod creditum est hætenus societatem humanæ vitæ continere) qui mortales docuit ἀπὲς τοῦ ἐξίλου ἐπὶ τὸν ἐξίλου. Quando enim hoc Magistello iudice res agitur, perpetuo interdicto illud ἐπὶ τὸν ἐξίλου exilio multandum est, & in dubiis causis ad hunc vatem eundum, quem benigniora fata humano generi his ultimis temporibus dedere, ut quicquid est ænigmate Sphingis perplexius, ipse veridica decisione sua explicet.

— --- Risum teneatis amici!

Igitur huic ut verbum respondeam, quis mihi autor erit? Desero vadimonium, desero, quod prædixerat iste. Quid enim, ut habet proverbium, si me asinus calcitret? Solabitur hic me Aristophanes.

Ἀλλὰ ἔτι ἐστὶ σὺκο-φάντα δῆγμα!

Flores quidem contriti manibus suavius olent: Sed pix hæret & contaminat: quare relinquenda est hæc ardens vestis. Cæteris erit fortasse tempus, ut vicem referam, sed procul omni ira & conviciis.

Ita



*Ita enim certum mihi est & obstinatum
in posterum, quam possum, temperatissi-
me scribere. Ex causa enim meritis & ar-
gumentorum vi, non acerbitate & prae-
cipitania sermonis judicatur veritas. Inte-
rim tu, benevole Lector! mihi vale, &
his fruiere. Si placent, quod spero, brevè
plura tibi dabimus. Scribeb. Onoldi.*

*3. Id. Aug. Anno Christi
M. DC. LXXV.*





DE SUMMA IMPERATORIS ROMANI POTESTATE CIRCA SACRA.

CAPUT I. DE OFFICIO PRINCIPIS CIRCA SACRA.

SUMMARIA.

1. Religio in qualibet Civitate Principi necessaria.
2. Quia primò felicitatis civilis & fortuna genetrix.
3. Quia secundò conciliatrix obsequii & concordia.
4. Quia tertio ipsis subditis uti. u.
5. Imò quartò universa Reipublica.
6. Curanda igitur religio. Sed cum modo & sapientia.
7. Sic ad omne vita civilis genus utilis.

§. I.



E potestate Imperatoris Roma-
ni commentationem meditan-
ti visum est, ante omnia præfa-
minis loco de officio Principis
circa religionem in genere
nonnulla dicere. Nam ut om-
nibus imperantibus, ita &
Imperatori nostro præcipua sit

& prima sacrorum cura. Est enim hæc circa sa-
cra & religionem prudens ordinatio fundamen-
tum omnis civilis vitæ, & necessarius Reipublicæ
nexus, quo & Princeps cum civibus, & cives in-

ter te arctissimè colligantur. Solve hæc vincula, quæ animos subditorum tenent, non obsequium Principi, non Magistratibus timor, non civibus fides constabit. Ut proinde quasi ex oraculo à Philosopho dictum sit, in omni Republica esse * *ἄριστον, ἢ ὅτι θεῶν ἐπιμίλεια*; Quamobrem qui felix imperium, pacatam civitatem, unitos & tibi fidos subditos cupis: denique quietem, divitias, splendorem, imo salutem tuam, religionem cole, qua vita constat, ut Plinius ait. Hoc non solum tibi decorum est, quoniam ex judicio etiam (a) gentilis, * *οὐτὶ τὸ ἀρετὸν ἐκ τῶ ἀρίστου τιμᾶται, καὶ τὸ ἀγαθὸν ἐκ τοῦ ἀγαθοῦ* : sed & maxime expedit, idque duabus imprimis de causis.

§. 2. Una, quæ religionem ex ipso ejus fructu commendat, ad divinam providentiam ducit, illam fortunæ Dominam & fabrum. Crede sacris literis, si Christianus, (b) *pietatem habere promissionem hujus & futura vite, & (c) querentibus primum regnum cælorum cetera omnia affatim adjici*: scilicet (d) *felicem regni statum, agrorum domuumque fertilitatem, de hostibus triumphos, & alia infinita*. Nisi enim credideris, pejor infideli es, qui longè benignius de Diis suis sperarunt. Camillus apud (e) Livium ita loquitur ad cives suos: *Intuemini enim horum deinceps annorum vel secundas res vel adversas, invenietis omnia prosperè evenisse sequentibus Deos, adversa spernentibus*. Si Deum dixisset, nihil verius aut magis pium. Cum quo gemina sunt, quæ (f) Aristoteles habet bre-

(a) Diotag. Pythag. ap. Stob. (b) 1. Tim. 4. (c) Matth. 6, 33. (d) Deut. 28. (e) l. 5. c. 5. (f) Rhetor. ad Alexand.

vifed probâ & laudabili ſententiâ. * Τὸς θεὸς ἱερὰς
 εἰρας εἶναι τοῖς μᾶλλον αὐτὸς τιμᾶσι. (a) Unde Ho-
 merus populorum felicitatem & omnium rerum
 copiam Diis adſcribit & Regum pietati : carmen
 ejus tale eſt.

Ὡς τί τιν ἢ βασιλῆως ἀμύμονος, ὅς τε διωδὴς
 Ἀνδράσιν ἐν πολλοῖσι καὶ ἰφθίμοισιν ἀνάσσει
 Εὐδικίας ἐνέχουσι : Φέρει γὰρ μέλαρα
 Πυρὸς καὶ κρείθας, βεβήκει δὲ δένδρεα καρπῶ,
 Τίκτει δὲ ἔμπεδα μῆλα : Θάλασσα δὲ παρέχει ἰχθύας
 Ἐξ ἱερῶν : ἀρετῷσι δὲ λαοὶ ὑπ' αὐτοῦ.

Cape in Roma exemplum, cujus (b) civis gloria-
 rius, Romanos *non calliditate aut robore,*
ſed pietate ac religione omnes gentes nationesq̃
ſuperaffe : cui etiam graviffimis verbis Valerius
 Maximus ſuccenturiatur, inquiens : *Non mirum*
igitur ſi pro eo imperio augendo cuſtodiendoq̃
pertinax indulgentia Deorū ſemper excubuit,
quod tam ſcrupuloſa cura parvula quoque mo-
menta religionis examinare videretur. Et
 rursus alio loco : *Non dubitaverunt, ait, ſacris*
imperia ſervire, ita ſe rerum humanarum fu-
tura regimen exiſtimantia, ſi divina potentia
bene atque conſtanter eſſent ſamulata. E con-
 tra ubi contempta religioſa & deſtituta ſacra :
 illico ex Horatio querelæ.

Du multa neglecti dederunt
Hesperia mala luſtruoſa.

Et Silio Italico :

Heu prima ſclerum cauſa mortalibus
agri
Naturam neſciſſe Deum.

A 2

§. 3. Al-

(a) Odyſſ. 19. (b) Cicet. Orat. de Agrif. reſp.

A De Summa Imper. Potestate circa Sacra.

§. 3. Altera causa est ex vi religionis & ejus efficacia, quæ homines, natura animal ferox, indomitum, æqui impatiens & morosum, virtute sua & suavitate fascinat quasi, emollit, & ad civilem vitam tractabiles facit. Unde recte Ciceroni religio audit, *humana societatis fundamentum*. Ut solum urbis: imo hoc ipso ferè magis necessarium. Videtur enim Plutarcho teste * *πόλις μάλλον ἰδιόφθοις χωρὶς, ἢ πολιτεία τῆς θεῶν θύξῃ ἀναγκασθεῖσης παντάπασιν εὐτασιν λαβεῖν, ἢ λαβύσα τηρεῖσθαι*, & ibidem idem religionem vocat, * *σωματικὸν ἀπάσης κοινωνίας καὶ νομοθεσίας ἔρεισμα*. Quod ex Platone sumpsisse videtur, qui eandem *propugnaculum* dicit *potestatis legum & honesta disciplina vinculum*. Ac eo nomine laudatur Numa Pompilius Romanorum Rex, * *omnium primum rem ad multitudinem imperitam & illis seculis rudem efficacissimam, Deum metum injiciendum ratus*: cui deinceps religionis ordinatori plus Roma debere visa est, quam conditori Remulo, qui dum novos cives ad militiam potius & ferociam instruit, quàm pietatem & justitiam, prædonum manum collegisse videtur, non populum in Reipublicæ faciem & salutarem juris communionem ordinasse. Decretum (a) Synesii habemus, quod sequi oportet; * *Εὐσέβεια ὃ πρῶτον ὑπεβλήθη, κρηπὶς ἀσφαλὴς, ἐφ' ἧς ἐστήκει τὸ ἀγαλμα ἑμπεδόν τῆς βασιλείας*. Religio ergo Reipublicæ inter Principem & cives glutinum, concordiae pararia, & (b) *custos hominum inter se societatis*, qua sublata *vita hominum stultitia, scelere, immanitate complebitur*. Hæc salutare

(a) Orat. de regn. (b) Lactant. de ira cap. 21.

utare imperanti scutum adversus insidias & odium, * φίλτρον, ut Philo vocat, ἀνυσμῶτατον καὶ δεισμός αὐτοῦ ἐννοίας ἐρωτικῆς. Ut enim rectè Cyro arbitratus est, * εἰ πάντες οἱ κοινῶντες θισσῶν εἰς ἡττον ἀν' αὐτὸν ἐθέλουν καὶ το αλλήλους ἀνόσιον τὸ ποιεῖν, καὶ καὶ ἑαυτῶν. Hæc carcer & compedes inquietæ ac fatuæ plebis, in omnia scelera continuo ruituræ, si metu divino vacet. quid enim unus adversus tot millia poterit, senex interdum ac debilis, nisi religio posset adversus omnes ? Si Deus est, qui præmia bonis rependit, & improbis pœnas, qui injustitiam, seditionem, perjurium, fraudes in caput civium, uxorum, liberorum vertit, qui pro patria pro Principe vitam opes & omnem fortunam profundere jubet, omnes libenter paremus, & fracta mitique cervice hoc fidelius subimus humanum illud imperii jugum, qui semel illud divinum, quò firmitus nobis persuasum est, Deo magis quàm hominibus obsequio nostro rem gratam fieri. Et utcunque alia consideratio desit, nescio tamen quâ occulta vi sola religionis tot ceremoniis & haud raro sacris ludibriis stabilitæ ratio hominum mentes in sui cultum & venerationem defixas teneat. Sæpe cum patriæ amorem, legum custodiam, obsequium erga Magistratus, pietatem in parentes, caritatem liberorum, imo ultimam in Rempublicam fidem exuimus odio metuve, sola nos religio & Numinis metus in officio continuit. Clarissimum est hujus rei apud (*) Livium exemplum, quod bello Punico secundo accidit. Cùm enim Annibal post Cannensem cladem victor Romano Im-

A 3 perio

(*) Lib. 22. cap. 53.

6 De Summa Imper. Potestate circa Sacra.

perio superbè & crudeliter insultaret, Nobilissimi Romæ juvenes actum de patria rati factò scèdere ejus deferendæ consilium inierunt, & prævaluit potentissimi ac jamjam urbis mœnibus inhiantis hostis metus adversus omnia humana, quæ cuique cara erant in natali solo, & pretiosa. Non patria movit percussos, tot adoreis olim macta, & beneficiis hōnoribusque in universos cives liberalis: non legum rigor, non Magistratum majestas: non parentum, non liberorum ratio: non denique libertatis cura, quam semper tamen Romani vita potiore duxerunt. His omnibus potior desperatio & periculi impendentis imago territos ad fugam, & quod magis mirere, servitium impulit, in aliena terra & Regum aulis quærendum: jamque omnia ad fugam parata erant, cum religio Rempublicam servavit, humana ope destitutam. Nam Scipio, post felicitate & victoriis in Lybia partis Africanus dictus, juvenis tum etiam ultra ætatem suam confidens audito desertorum consilio, & veritus ne dato semel exemplo plures traherentur, nulla mora adhuc consultantes & de salute anxios adiit, strictoque ad terrorem omnium gladio in vestigio ipsis moriendum sua manu denunciat, nisi sibi confestim interposito juramento fidem darent, Italia non excessuros: quo præstito veriti Deum ultorem, si fallerent, in officio & fide retenti sunt. Præterea non facile oderint subditi eum Principem, quem pietate sua in Deorum gratia & tutela sciunt: cū ne Deum inimicum habeant, injuriæ suis illatæ vindicem, tum imprimis quod sibi minus ab eo possint metuere,

tuere , quem ipsum metuere Deum credunt. Probè Aristoteles (5. Polit. 11.) * ἥτις τὸ γὰρ φοβῶνται τὸ παθεῖν τὸ παράνομον ἰδὲν διαισθάνονται νομίζουσι εἶναι τὸν ἄρχοντα καὶ φοβούμενους τὸ θεῶν: καὶ ὁπβυλιώσκειν ἥτις ὡς συμμάχους ἔχοντι καὶ τῆς θεῶν. Ubi verò metus exulat , qui malus est diuturnitatis magister , vix odio locus relinquitur. Demum enim secundum vererem Poëtam

Quem metuant, oderunt.

Sed odio vitato periculum vitas , vitæ, bonorum : scilicet

Quem quisq; odit, periisse expetit.

Ita per gradus, execrantur, insidiantur opprimunt. Hanc pestem à Principe religio arcet, ad cujus securitatem festivè admodum (a) Plato regales domos templis jungendas esse censuit. Ex religio omnis quidem, etiam gentilis, impia, absurda : nam quæcunque fuerit, modo ad civilem vitam composita, animis ducendis efficax est : quoniam (b) sua cuiq; optima videtur, ut quæ non ratione, sed affectu dijudicetur à singulis : Notabile est hanc in rem Livii iudicium : *Eludant nunc licet religionem*, inquit, *quid enim est, si pulli non pascentur? si ex cavea tardius exierint? si occinuerit avis? parva sunt hæc, sed ista parva non contemnendo majores nostri maximam hanc Rempublicam fecerunt.* Imprimis vero Christiana, quæ vel ab ipsis adversariis suis hoc testimonium habet, quod homines sacramento obstringat, ne latrocinia committant, ne fidem fallant, ne depositum appellati abnegent. Sicut Plinius ait: vel ut Ammianus Marcellinus,

A 4

quod

(a) Lib. 6. de LL. (b) Phil. Int. ad Caj.

quod nihil doceat nisi iustum & lene. * Δοξία πάν-
 της ἀμαρτάνης ἀναγκαστική, ut Zosimus loquitur. à
 qua etiam à Deo præsidium, cum in falsa ab ho-
 minibus occasione Dei. Verissima & verè aurea
 est Trismegisti apud (a) Lactantium sententia. *
 μία φυλακὴ ὑπερβία; ὑπερβύς γδ' ἀνθρώπου ὅτε δαίμων
 καὶ ὅς ᾧ ἐν ἱμαρμένῃ κρατῇ. Θεὸς γδ' οὐτάει τὸν ὑπερβῆ
 ἐκ παντὸς καλῷ. Ita utilis est Principi, imo neces-
 saria religionis curatio.

§. 4. Etiamne subditis? omnino. Nam qui
 Principem plium & religiosum habent, nunquam
 tyrannum experiuntur: semper enim cogitabit
non tantum, quantum sibi commissum, sed &
quatenus permissum. Nec fas esse potentes posse
quod nefas est. Hinc lene & patrium civium re-
 gimen, ex quo amor citra odium & contemptum
 in Imperantem: concordia inter subditos, deni-
 que vita felicissima.

§. 5. Ad hunc modum Principi & subditis re-
 ligio salutaris non potest non & universæ Reipu-
 blicæ esse. Imo hæc ipsa est quasi quædam sacra
 anchora, ad quam deploratis jam publicis rebus
 confugere datur. Samnitibus cruento & peri-
 culoso bello cum populo Romano commissis post
 acceptam in Etruria pene ad internecionem ex-
 ercitus cladem, cum viribus potius quam animis
 fracti nec jam bellare possent, nec quiescere, ad
 ultima tentanda religio præsto fuit, qua ægre
 contractas copias implebant. Repetito enim
 veteris cuiusdam sacrificii more singulos milites
 horribili juramento ad pugnam obligarunt &
 fortitudinem, paratis ad terrorem, & si opus es-
 set,

set, cædem centurioribus, si quis jurare detre-
taret. Quod etsi ipsis tandem male vertit, * *non-
dimeno si vede*, inquit (a) Machiavellus, *come
a loro non parve potere havere altro refugio, nè
tentare altro rimedio a poter pigliare speranza
di ricuperare la perduta virtù. il che testifica ap-
pieno, quanta confidenza si possa habere medi-
ante la religione bene usata.* Congerere hoc
loco in cumulum exempla gentium, quæ religio-
nis vi ad ordinandam conservandamque Rempu-
blicam, aut ad victorias & fortunam feliciter usæ
sunt, id verò esset omnium historiarum seriem
transcribere : Romanus tantum populus quo-
tiescunque hoc amuleto aut factiones plebis so-
pivit, aut militum animos accendit ad virtutem.
Hæc plebem Romuli cæde efferatam sedavit,
Patriciis imperium populo ereptum sæpius resti-
tuit, Vejos decennali obsidione expugnavit, in-
numeras victorias peperit, quæ omnia nunc fu-
sus explicari nec institutum nostrum nec tem-
pus patitur; congeffit tamen aliqua hanc in rem
exempla (b) Machiavellus, quem videre licet.

§. 6. Cura, cura ergo religionem, sine qua nec
ipse, nec cives, nec Respublica stare possunt :
Divinum est (c) Mæcenatis ad Augustum consili-
um. * Τὸ μὲν θεῖον πάντῃ πάντως αὐτὸς ὁ σίβη καὶ
τὰ πατρία, καὶ τὴν ἄλλαν τιμὰν ἀνάγκασι. Τὴν δὲ ξυ-
ζινοῦντι τὸ πρὸς αὐτὸ καὶ μίσει καὶ κόλασι, μὴ μόνον τῶν θεῶν
ἵνικα, ἀλλὰ καὶ ἀφροσύνας ἔχον ἄλλοις ἀντιπρὸς φρονημασίαις :
ἐλὼν ὅτι καὶ τὰ τινὰ δαιμόνια οἱ τοιούτοι ἀντισφίροντες
A 5 πολλὰς

(a) Discurs. supr. Liv. l. 1. c. 15.

(b) Discurs. supr. Liv. lib. 1. c. 13. & 14.

(c) Apud Diod. Cass. l. 52.

πολλὰς ἀναπείθουσιν ἀλλοτρίοις; καὶ τὴν ἐν συ-
 μοσίᾳ, καὶ συστάσει, ἰταλείαι τε γίνονται, ἀπὲρ ἡκιστα μο-
 ναρχία συμφέρει. Nec pejus hic (a) Machiavellus,
 quamvis aliàs multa mala, * *quelli*, inquit, *Prin-*
cipi, *ò quelle Rep. lequali si vogliono mantene-*
re incorrotte, hanno sopra d'ogni altra cosa
ad mantenere incorrotte le cirimonie della lo-
ro religione, & tener le sempre nella lor vene-
ratione: perche nessun maggiore inditio si puo-
 te havere d'ella rovina d'una provincia, che
 vedere dispreggiato il culto divino. Et mox.
 * *Debbono adunque i Principi d' una Rep. ò d'*
un regno i fondamenti della religione, che loro
tengono, mantenergli, & fatto questo, sarà lor
facil cosa mantener la lor Rep. religiosa & per
conseguente buona & unita: & debbono tutte
 le cose, che nascono in favor di quella, * *come,*
che le giudichassero false, favorirle & accrescer-
le, & tanto piu lo debbono fare, quanto piu
 prudente sono. & quanto piu conoscitori delle
 cose naturali, & perche questo modo è stato ob-
 servato da gli huomini savi, ne è nata l'opi-
 nione de i miracoli, che si celebrano nelle reli-
 gioni etiam false: perche i prudenti gli aug-
 mentano da qualunque principio e' si nascono,
 & l'authorita loro da poi a quelli fede appresso
 a qualunque. Modustamen adhibendus; pri-
 mò in ipsa religione, nè in superstitionem eva-
 dat: & fiat (b) *gens superstitioni obnoxia, reli-*
gionibus adversa. Quare juxta versiculum ve-
 te em:

(c) *Religentem oportet esse, religiosum nefas.*
 Mul-

(a) Disc. sup. Liv. l. 1. c. 12. (b) Tac. 5. Hist. 13. (c) A. Gell. l. 4. c. 9.

Multum inter utrumque discrimen: imprimis illud, *Deos à religioso vereri, à superstizioso timeri*, tu fuge hoc: nam (b) *superstitione qui est imbutus, quietus esse nunquam potest.* Deinde in scopo illo civili religionis, cave, cave scdulo, ne fructus, qui tibi inde & Reipublicæ debentur, sacrificulis cedant, (a) *quibus questui sunt capsi superstitione animi.* Gravissimo damno hunc errorē multis abhinc seculis res Christiana luit, sed serius agnitum, quàm ut emendare posset. Nisi enim Ecclesiasticæ disciplinæ adstricta severitate sacrum ordinem, per quem populus de religione docendus est, intra debitos cancellos coerceas, avaritia, ambitione, libidine ebrii, suas res agent apud credulam plebem, non tuas, cum auctoritatis publicæ ingenti jactura in Antistitum illorum inofficiosam venerationem nimis defixam, & iisdem deinceps flabris ad quævis pericula subeunda & defectiones commovendam. Ante omnia hic prohibendum est, ne hoc hominum genus, alias suapte natura avarum, contumax, & quasi propiore Numinis favore & locietate superbum, immoderatis largitionibus & furiali liberalitate saginetur. Nisi hanc Charybdim, quæ inexplebili voragine omnes Reipublicæ thesauros absorbet, prudenter declinaveris, jam actum de te esse scias, & illas ipsas opes, quas aut tutemet aut majores tui tanto flumine in sacerdotes profuderunt, in te ipsum ex occasione aliquando vertendas esse. Fecerunt omnes ferè Christiani Principes hujus rei lethale periculum, inæ-

quali

(a) Cicero. 1. de Fin. (b) Liv. lib. 4. c. 30.

quali tamen sorte & fortuna. Nonnulli enim quasi incisus uno ictu laqueis & plusquam Gordiis superstitionum nodis ex communi naufragio prudentia sua & virtute emerferunt. Aliis servitutem suam deplorare magis datum est, quam exuere. Non invidemus Hispanis aut Italibus præposteram pietatem, de qua sibi magnifice gratulantur: nam sic quasi dissipata illarum provinciarum potentia & robore minus nobis timendum est. Fallor autem aut Galliam superiore & hoc seculo non una vice poenituit liberalitatis suæ & beneficii, quo fovit sacrorum præfules & otiosam turbam. Factionibus enim in regno exortis non præsentiora perduelles instrumenta ad concitandam plebem, & Regibus invidiam creandam his ipsis seditionum Æolis habuerunt, assiduis concionibus & Reges tyrannos, hæreticos, Dei hostes proclamantibus: Factiones verò bonos Principes, vindicandis populi injuriis & defendendæ fidei & religioni natos. Hæc licentia Heinrico III. tot millium sanguine, florentissimi regni excisione, ignominioso exilio & denique vita constitit: Hæc eadem in altissima pace Henricum IV. cultro sacri carnificis confodit. Hæc secunda sui confidentia capitibus Regum & Principum quasi in publicis nundinis venum propositis perditissimorum quorumvis & scelestissima superstitione Numinisque metu impletorum incantationibus illudit, venenis, gladiis, verbo, parricidiis. Quid enim non ausuros homines credis, qui bonis per scelera, libidinesque decoctis ad promerendam divinam gratiam his magistris utuntur & in-

cento-

centoribus, peccata ex composito anxiiis, & confusis in majus exaggerantibus, quo eorum luentorum causa hoc obfirmatiores ad quævis facinora habeant, satis interim sibi sua ipsa doctrina tuti, qua miseris persuadent, si auctores cædis per quævis tormenta expugnatus revelaverit, nihil eum sua pietate & militia sacra profecisse, sed implacabili Dei ira piacularem æternis diabolorum laniatibus nulla redemptionis spe simul ac mortuus fuerit objectum iri, cum ex adverso servata fide & constantia, si utique ipsum in hac Dei causa, quam suis cupiditatibus perfidè prætendunt, occidi oporteat, recto, non obliquo ad purgatorium itinere in cælum ad capienda Martyrum præmia & coronas evoluturus sit. In hunc modum fascinatissimis parricidarum animis nulla tormenta & cruciatus corpori illati tam graves sunt & inhumani, quos non pertinax latro obversante identidem Diabolorum flagellantium imagine occupatus, & præter hæc quotidianis dolorum omnis generis experimentis ad tentandam patientiam ab ipsis suis præceptoribus asuefactus sustineat, vel in ipso equuleo mori certus, quàm ut ullo indicio eis periculum creasse videretur. Ad erudiendam tam impia religionis prævaricatione juventutem olim per omnem Europam à Gregorio XIII. Pontifice peculiaria seminaria instituta feruntur, in quibus seditionum, perfidiæque semina jacebantur, in Regum & Principum cædes eruptura, cum adoleverint. Hæc matura falce evellere oportuit, non damnosa facilitate tueri: quod enim insuper habitum sit, tot procellis & cladi-

bus,

14 *De Summa Imper. Potestate circa Sacra.*

bus, in Angliam, Galliam Belgiumque inundantibus ignaviae seculi litatum est. Enim verò minus externis movemur: Convertamus animum ad cadaverosam Germaniae nostrae faciē, quam cum publico luctu hodie aspicimus: Causas malorum indaganti non potest non omnium, primum neglecta religio occurrere soluta sacri Ordinis disciplina. Sicut enim membrum in humano corpore ultra justam suae mensurae rationem cum aliarum partium, succo vitali exhaustarum, injuria in immensum auctum & sibi ipsi ad legitimum usum impedimento est, & corpori damno, quod sua mole debilitat: Ita & opima & pinguis Cleri apud antiquos Cæsares fortuna Rempublicam virilitate sua, id est, virtute & potentia pristina exsecuit: & luxu molliēque ipsos religionis Antistites à vitæ morumque innocenti sanctitate ad sacras nundinationes opumque per fas & nefas quærendarum profanas rationes deduxit. Præiverunt aliis hac in re incauta pietate & pernicioso exemplo Imperatores, infano studio dilapidantes imperii bona, usque dum superfuit quod profunderent: testes in id sunt amplissimæ tabulæ, quæ noxiæ liberalitatis fidem ubique faciunt. Hos deinde privati secuti sunt, eo religiosiores crediti, quod faciliores in Clerum, cœlum impudenter iis promittentem, à quo maxime ditati sunt. Unde tot monasteria regalibus impensis extructa, & immensis locupletata redditibus, quibus pecora pascerentur ventri servientia & libidinibus. Quantum enim Deo placere censes, quod frigidissimas preces ad globulorum mensuram & velut ad di-

mensum

mensum ei imputent? Cæterum intus male vo-
 ta castitate torrentur secretis ignibus, aut in
 furtivam venerem desituris, aut quod pudet di-
 cere, bestialem. Ventrem enim lautissimis e-
 pulis quotidie sollicitare, & non uri, hæc talia
 sunt, quæ ignem calore destituunt. Nec exau-
 diet Deus de castitate orantes, qui media ab ipso
 humani generis bono ordinata immani sapientia
 negligunt, & torqueri malunt, quam sanari. Au-
 xerunt perpetuam calamitatem invidenda privi-
 legia & immunitates, quæ Principes nostris sacri
 Ordinis possessionibus indulserunt, oneribus fe-
 rè in laicos derivatis, impares solos immani pon-
 deri, cum omnes plusquam pares essent. Certe
 Magnus Carolus quanto hic prudentior? qui o-
 mnia bona etiam in Clerum cum suo onere tran-
 sire voluit, veritus, ut post evenit, ne debilita-
 retur Respublica præcipuis viribus, si hic cuivis
 prodigum esse liceret. Accedit quod illis ipsis
 divitiis, quas sine fine & modo consecuti sunt,
 non tantum privata gula improbè & nequiter
 usos constet, sed & in patriæ, quæ plerisque pa-
 tria non erat, & Reipublicæ perniciem. Acies,
 quæ olim contra Imperatores Heinricos & Fri-
 dericos steterunt, quo milite & sumptibus con-
 scriptæ sunt, nisi maxima sui parte Sacri Ordinis
 ad quævis Pontificis mandata perduellis. Nec
 eis hoc difficile erat potiores Germanis provin-
 cias non tam implentibus, quàm habentibus in
 potestate. Ut enim ex gravaminibus quondam
 in Comitibus Carolo V. exhibitis liquet, inito re-
 è calculo Clerus bessum totius imperii occu-
 pavit, plurimi messorum, prodigium, in exigua
 messe.

messe. Tandem religio male à Principibus administrata in causa est fugi, Christiano orbi per Hierarchiam Romanam Impositi, in tantum ad-
ultam, ut nunc morbus supra remedium sit. Prima incunabula debet hic primatus Imperatorum & Regum donativis, unde confidens sui potentia: mox superbia: ambitio: denique imperium in omnes: non spirituale tantum, ministeriale, ad animarum salutem ordinatum: sed civile etiam, regium, tyrannicum, in divina & humana; cœlestia & terrena, corpus & animam potens. Quanti hujus dominationis abusus & vitia, quæ relæ publicæ passim prostant, ab illis quoque frequenter cumulata, qui nondum se pontificiæ religioni subdixerunt. Quid enim iniquius feras, quàm sub imagine spiritualis alicujus potestatis capita coronasque Regum ad arbitrium tractari: summis potestatibus in alteram suæ civitatis partem, i. e. Clerum, jurisdictionem debitam subtrahi, subditos omnes solvi obsequio, quod legitimo Regi debent, ad nutus & desideria Pontificis minus parato: seditiones excitari, cædes, incendia, & ut uno verbo omnia mala dicam, civile bellum. Toleratur tamen hæcenus, imo defenditur ab illis ipsis, quibus tantopere nocet, hoc sacrum imperium, cum errore & ignavia communi, tum quod aliquam etiam utilitatem ex isto veneno sentiant. Primo enim non nisi summo cum periculo & discrimine regni salutaris reformatio instituitur, subditis plerumque ad antiquam religionem defendendam & per se paratis, & concitatis à sacrificulis ad majorem superstitionem. Nec tam docta plebs est,

est, quæ inter ipsam religionem & abolendos errores distinguere noverit, inter præcipua pietatis officia hoc etiam reputans in nullo cessisse: sapienter (a) Cicero, *omnes religione moventur, & Deos patrios, quos à majoribus acceperunt, colendos sibi diligenter & retinendos arbitrantur.* Ita sane Rex Franciæ Henricus IV. non prius pacatum regnum habere potuit, quàm publica fidei Romanæ confessione populo satisfecerit, dignam coronam Galliæ missa judicans. Paucis igitur populis hæc felicitas quasi singulari Dei beneficio contigit, ut se ab omni pontificia immunditie & humanis traditionibus purgaverint. Solæ in Europa ad Septentrionem gentes, nec illæ omnes aut ex omni parte ista & clementia coeli & sua virtute prudentiaque fruuntur: cæteris nec servitutem invidemus nec fortunam suam. Deinde commodum Principibus nonnullis visum est, subditos quamplurimis religionum ceremoniis & externæ pietatis imaginibus, quibus plebs rudis maxime movetur, occupatos habere, libentius etiam sibi ipsis parituros: nam ut ille apud (b) Curtium censuit, *nulla res multitudinem efficacius regit, quam superstitio.* * Denique velandis Regum cupiditatibus & ambitioni auctoritas Pontificis & sacrum imperium quasi quædam Orci galea est, quâ injustitiam injuriasque tegunt. Matrimonium in gradibus divino jure prohibitis contrahere vis: præsto est dispensatio, ubi merces: alienum regnum concupiscis, ex occasione facile occupandum: Venditor Pontifex est, qui pretio condigno placatus, ex-

B aucto-

(a) Vid. in Verrem. (b) Lib. 4.

auctorato priore Rege & solutis ab obsequio subditis tibi jus dabit opportunum ad opes quærendas. Sic Angliam Hispano adjudicavit, Elisabethâ fideratâ : sic Navarrenum regnum Ferdinando Arragonio : ita utræque Indiæ, quas nunquam conspexit, inter Hispanos & Lusitanos distributæ : ita certatur reciprocis officiis inter Pontifices & Catholicos Principes, ut dum unus alterum recenti memoria obnoxium tenet, is minus in Romanam sedem ausurus credi possit. Hæc igitur mala, has calamitates religio neglecta & remissior Ecclesiastica disciplina in orbem Christianum inexit.

§. 7. Cæterum eadem illa rectè ordinata omnis civilis felicitatis, (de spiritali enim & æterna nihil dico, tanquam ab argumento nostro aliena) œconomia est & dispensatrix, basis ordinis publici : Scutum imperantium adversus insidias & odium : obsequii subditorum pararia & conciliatrix, vinculum efficax tot millium animorum, quos in diversas partes, suis quique studiis & affectibus, raptos amica vi ad quietem componit & societatem. * *Considerato adung tutto, ut* (a) *Machiavelli germa hoc caput obsignem, conchiudo, che la religione introdotta sia intra le prime cagioni della felicità di città; perche quella causa buoni ordini, i buoni ordini fanno buona fortuna & dalla buona fortuna nasquero i felici successi delle imprese: & come l'osservanza del culto divino è cagione della grandezza delle Rep. così il dispreggio di quelle è cagione della rovina d'esse: perche dove manca il timore di Dio,*

(a) Discurs. supr. Liv. lib. I. cap. 11.

Dio, conviene, ò che quel regno rovini, ò che sia sostenuto dal timor d'un Principe, che supplisca a i difetti della religione: & perche gli Principi sono di corta vita, conviene, che quel regno manchi presto, secondo che manca la virtù di esso.

ANNOTATA

Ad

CAPUT I.

§. 1.

Πρώτος id est, primum caput, divinarum rerum cura. **[Dei τὸ ἀγιστόν.]** i. e. Decet quod optimum est, ab optimo coli; & quod imperat, ab imperante. Optimum dicit, non quod Principes semper sint optimi, sed quod esse debeant, quodque faciat optimos religio. Nam ut ait Seneca Optimus animus pulcherrimus Dei cultus est.

[§. 2. Τὸς Θεοῖς.] Deos illi magis bene velle, qui magis ipsos Deos colunt.

[ὡς τὸ τεύ.] Hoc est:

Quemadmodum alicujus Regis probi, qui Deum veritus

Virisq; multis & fortibus imperans

Justitiam colit. Fert autem atra terra

Tritica & bordea. Oneranturq; arbores fructibus.

Et gignunt sana pecora. Mare autem pisces prabet

Ex justo regimine; Atq; felices sub ipso vivunt populi.

Vide hic catenam ab Homero nexam. Primus articulus & ex quo velut alii pendent, pietas est, imperio in mortales donata, justitiâque coruscans. Unde à Diis in præmium virtutis omnium rerum copia, terrâ marique strenuè suppeditata, benedicente Numine illo, quod impensè colitur. Sic enim intelligendum est, quod mare dicitur pisces affatim dare ob justum illud regimen. Scilicet ex mari Deus uberi piscatu. Ultimum est & summa nexus felicitas hominum, in augmento seu sufficientia rerum necessariarum terminata: quibus dum velut compluuntur miti cœlo, civilis beatitudinis suavissimo sensu eos oportet permulceri.

[§ 2. Πόλις μάλιστα.] Civitas sine solo magis subsistere, quam Respublica sublata de Dei opinione constitui, aut conservari posse.

[*Ἐν ἑνὶ τῷ αὐτῷ.*] Copulam & fulcrum omnis societatis atq; legum.

[*Quoniam primum.*] Livii hæc de Numâ laudatio est, primo Historiæ suæ libro cap. 19. non sibi ipsi contrarii, dum supra capite septimo dixerat, Romulum primum Regem sacra Deû aliis Albano ritu, græco Herculis, ab Evandro instituerant, fecisse. Hic enim, etsi ferocem illam convenarum manum, qua Romam auspicatus est condere, sacris quibusdam imbueret, tamen quod intractabilis adhuc populus esset, & assueto latrocinio in bellum & prædam prævus, contentus ipse superficialia pietate Pompilio informem rudemque materiam reliquit, quam post mitigatos animos diligentius dedolaret, plebe paulatim à cædibus & injuriis ad Deorum merum humanitatemque idonea superstitione admorâ. Ab eo igitur Sacra & discriminata impensius & aucta numero hoc primo auctore videbantur stare, præcipue quod feliciter res cecidisset, artificiosa scena eluso populo, & paulatim mansuetis moribus tincto.

[*Ἐν τῷ αὐτῷ δὲ.*] Pietas primum subternitur crepida seu basis tuta, à qua stabit firma structura regni.

[*Ἐν τῷ αὐτῷ δὲ.*] Philtrum efficacissimum & indissolubile vinculum amoris atq; benevolentia.

[*Ἐν τῷ αὐτῷ δὲ.*] Si omnes, qui in communione vivunt, reverentia Deorum tangerentur, minus & inter se ipsos impium quid saturos, & sibi ipsis.

[*Ἐν τῷ αὐτῷ δὲ.*] Minus enim timent injuriam quid ab eo perpeti Principe, quem Deos timere vererentur, putant. Ac minus insidiabuntur illi, tanquam auxiliares ipsos Deos habent.

[*Ἐν τῷ αὐτῷ δὲ.*] Doctrina omni peccato adversa.

[*Ἐν τῷ αὐτῷ δὲ.*] Unica custodia pietas est. Timentes enim Dei hominis neq; malus genius neq; satum affligit. Deus enim pius tuetur ab omni malo.

[*§. 5. Non dimeno si vede.*] Nihilominus apparet, visum illi fuisse ad concipiendam spem recuperanda amissa virtutis non posse ipsos habere aliud refugium, nec tentare aliud remedium. Quod argumento est, quanta fiducia ab hominibus possit in religione poni rectè usurpata.

[*§. 6. Τὸ μὲν θεῖον.*] Divinam rem & ipse prorsus ubiq; colit patrio more, & ut alii colant, effice. Novantes verò aliquid circa illam & odio habet, & puni: non solum Deorum cau-

Ja, quos qui contemnit, nec aliud quidquam magni fecerit. Verum etiam quod nova quadam Numina tales introducunt multum auctores sunt novandi rebus: Ex quo conjurationes, seditiones & factiones existunt, quae minimè omnium Principum qui conducunt.

[Quelli Principe.] *Il Principes, ead. Republica, quibus propria salutis conservanda studium est, ante omnia in id incumbere debent, ut caeremonias sua religionis incorruptas sentiant, & in perpetua veneratione. Neq. enim majus indicium erit provincia ad interitum suum vergentis, quam videre contemptam divinam rem.*

[Debbono adunque.] *Decet igitur Principes in Republica aut regno custodire fundamenta religionis, quo facto facile erit servare Rempublicam religiosam, & per hoc bonam unitamq. Adeoq. convenit omnes res, quae illius favore constant, utcumque sui ipsi falsae judicent, servare & promovere in majus. Idq. tanto magis facere debent, quanto magis sapientes sunt rerumq. naturalium scrutatores. Ac quoniam iste modus à prudentibus viris observatus est. Unde opiniones natae de miraculis, in religione etiam falsa tantopere celebrantur. Prudentes enim augere illa solent quocumque rumore nata, fidemq. apud omnes sua auctoritate ipsi conciliant.*

[Come che le giudicassero false.] *Hæc simulationis ars apud Romanos civilis religio dicta, quae publica sacra sequebantur, etiam qui apud animum suum illa damnarent: normam scilicet religionis id facientes, quod publicè receptum esset. Privatim licuit disputare de Diis, & indulgere rationi, quam apud plebem pristino cultu fascinatam, promovere nefas fuit, quod non carere periculo censuerit, etiam vera apud vulgus de rebus divinis differere, si à patriis legibus aliena. Hinc multi in Capitolium ivere adoratum, Reipublicæ causâ, quâ nec Jovem Capitolinum nec Deorum gregem veriti sunt, innata mentis luce facilius agnoscere falsa Numina, quam ut verum cognoscerent: quod illorum fraudes ratio detegeret, hujus autem voluntatem cœlestis revelatio. Unde factum est, ut illi etiam, qui unum tantum Deum profiterentur, in tenebris palparent, nescii quem vellent: frigitq. religio in dubia mente, nec adhuc majorum errores fortiter excutiente. Patris etiam amor plurimum donatum, cujus salutem receptis diu sacris, quæ nec ipsi probarent, metiti sunt. Hinc (a)*

B 3 Augu

Augustini de Seneca iudicium, hinc inde transfugâ, prout vel sibi viveret, vel Reipublicâ. *Colebat, inquit, quod reprehendebat, agebat, quod arguebat: quod culpabat, adorabat.* In Papatu quàm multi sunt, non dicam ex doctoribus divinæ scientiæ, sed & aliis emunctiorum narium, quibus ludibria religionis & illa Romani Præfulis adoptata divinitatis facies aut in risum vertit, aut certe suspensionem, Quippe tot modii facrorum dentium; tot onusta plaustra lignis sanctissimæ crucis, tot alia reliquiarum inania monumenta quem non de supposito partu docebunt. Sed retinentur tamen instrumenta ad vulgus decipiendum idonea, quod superstitione & præclaris fabulis duci & eorum interest, qui sacris præsident, & Principum quinque, varios vultus ex hac pietatis larva sumentium: Atque illum morem solemnem esse in Hispanica aula post ex Thuani fide constabit. Certe igitur erit hoc institutum analogæ quædam species civilis Theologiæ, Romanis olim, imo Græcis etiam usitatæ, cujus partes non in animi religione haberent, sed velut in scenâ effingerent externis actibus, servarenque ut legibus iustæ & publicæ rei utilia, arbitrati cultum magis ad morem quàm rem pertinere. Quo sensu Xenophon s. Memorabilium oraculum recitat, præcipiens Deos ex cuiusque Civitatis lege colendas. Sed profectò desertorum id munus est, veri sinceram professionem ex periculi metu vel quæstus causa dissimulantium: præcipuè si res sit, ad summam religionis pertinens. Nam in externis ritibus, iisque inveteratis, accommodare se interdum imperantes ad ingenium populi solent, quamvis ipsi minùs cultûs rationem probent, aut non abolendi sine damno conscientiarum: aut publicis rebus commodi. Et intra hos fines si substituerit Machiavelli doctrina, non leverè damnamus. Ulterius piaculum erit indulgere, ac sincero fidei puritatem in superstitionem mutari, utcumque custodiendo sceptro idoneam.

[*Denique Gelandis Regum cupiditatibus.*] Eam simulatæ pietatis fraudem fuisse Hispaniarum Regis, in ipsa Aula Romana illo tempore iactatum est, quo dissidia inter Pontificem & Rempublicam Venetam exarsere, resque non procul a bello abesse visa est. Quamvis enim facile apparuit, omnium Principum in illa lite agi causam, quorum certè interfuit, consiliorum virumque communicatione explicantem se Romani Pontificis potestatem maturè compescere, unus penè Hispanus repertus est, qui cupiditatibus Romani Præfulis faveret, cumque

eumque auxilii spe ad contumaciam accenderet. Non certe quod ex animo cuperet tantum licere Pontifici, neque enim ipse unquam apud se tam ambitiose imperantem tulit, sed quod ex errore communi sibi solitus sit premium & fortunas captare: nimirum disciplina à majoribus tradita, qua bujusmodi disceptationes de suprema Pontificis in ceteros Principes, etiam in iis, quæ ad civilem administrationem spectant, potestate passim atque in Hispania ipsa agitari non invitæ audit, *præmeditato consilio dissimulans*, (quod iudicium Thuanus est. Histor. lib. 137.) quod eas ad se minime pertinere existimet: quippe præpotens, & qui Pontificum molitiones in suis ditionibus factis non verbo revincere sit solitus: & cum hoc facto, sciat Pontifices mutire non ausuros, quod insigni exemplo in Siciliensi negotio aliquot post annis patuit. Addito, Hispanos profunda ambitione assuantes bella inde nata & seditiones, in privatum suum emolumentumvertere, quippe qui interim in insidiis armati sedant, occasionem opperientes, si qui minores Principes proscribantur, ut eorum ditiones invadant. Sicut in regni Navarra occupatione parentum nostrorum memoria accidit.

[§. 7. Considerato adunque tutto.] Omnibus itaque probè expensis concludo, introduclam religionem esse inter primas causas civilis felicitatis. Hac enim bonum ordinem efficit, ille bonam fortunam, à qua nascuntur felices expeditionum successus. Ac sicut cultus divini jugis observantia causa est magnitudinis Reipublicæ: ita ejusdem contemptus illius ruinæ causa. Ubi enim timor Dei abest, convenit aut pessum ire regnum, aut sustineri Principis alicujus timore, qui suppleat religionis defectum. Quoniam verò Principes brevè vita sunt, necesse est cito illud imperium deficere, quamprimum scilicet illius virtus.



CAPUT II. IMPERATORI IMPERIUM CIRCA SACRA COMPETERE.

SUMMARIA.

1. *Ratio ordinis explicata.*
2. *Ostenditur Principi jus in sacra competere. Primò : ex natura summi Imperii.*
3. *Secundò ex natura Vicariatus.*
4. *Tertiò auctoritate Sacrarum literarum.*
5. *Locus ad Coloss. 3. in argumentum assumptus.*
6. *Alia ex sacra Codice loca adducta.*
7. *Quartò Exemplum Principum & Regum in Judaica Republica.*
8. *Etiam post captivitatem Babylonicam ad Christi tempora.*
9. *Quintò exemplis Imperatorum Romanorum ad hæc usque tempora.*
10. *Sextò, Exemplis aliorum Regum in Ecclesia Christiana.*
11. *Septimò. Ex ratione Sacerdotii olim Regibus obiti propria & regio iure.*
12. *Octavo ex sensu & doctrina Ecclesie Christiana.*
13. *Nono ex ore & confessione quorundam dissentientis seu sequacium.*
14. *Pontificii hie frustra dissentiunt.*
15. *Illorum prima objectio refutata, de arca & incenso.*
16. *Et secunda, quod pastores non sint vicarii summarum potestatum.*
17. *Et tertia, de periculo confusionis sacri & politici muneris.*
18. *Et quarta, quod Magistratus non sit de essentia Ecclesie.*
19. *Et quinta, quod Imperator sit intra Ecclesiam.*
20. *Et sexta, quod sacra functio circa ipsos Reges versetur.*
21. *Et septima de regimine Pastorum in Principes.*
22. *Et octava, quod prima Ecclesia ab Episcopis non Imperatoribus gubernata.*
23. *Et nona : ex Esaia de Regibus Ecclesiam adoraturis.*
24. *Et decima, quod soli Christo in sacra imperium sit.*

§. 1.

ATque sic procul dubio multum interest Reipublicæ & Imperantium, rectè curari religionem: Sed nondum exinde liquet jus esse Principibus & potestatem ad sacrorum ordinationem. Plurima enim sunt, quæ cum Reipublicæ utilia esse possint, agere non licet: unde meritò hoc argumentum, quod in jure versatur, ab altero, quod est officii & consilii, separandum duximus. Quamvis autem alias juris quæstio consilii & officii ratione prior sit, cum de rectitudine actionis & agendi facultate ante omnia constare debeat, quia id demum, quod rectè & honestè fit, utile censendum est: placuit tamen hic nobis inversus ordo, ne videamur in re levi & infra dignitatem tanti fastigii posita occupari, cujus administratio nihil ad salutem & publicam quietem spectet, rectè se habeat an secus. Neque enim nudiùs tertius demum fuere homines improbi aut imprudentes, qui minus consultum auctoritati Imperantium censent sacris negotiis implicari, derivata in alios omni illorum curatione, quæ isti cum imprimis ad suum emolumentum insigniter abutuntur, tum præsertim ad Reipublicæ perniciem. Erit itaque hæc de necessario Principis circa religionem officio proximè præcedens disquisitio invitamentum & quasi ^{Novæ} quoddam, cujus dulcedine & præstantia imperantes inescati eo benignius de jure suo & potestate docentes audiant: quod hoc modo præstabimus.

§. 2. Majestas, seu imperium summum civile in totam civitatem validum est, ita ut nihil ejus

arbitrio & directioni subtrahendum sit, quod partem publicæ salutis & civilis beatitudinis constituat. Hoc enim requirit formalis imperii ratio, quæ, cum non nisi unum in Republica summum admittat, summitate sua includit omnia negotia, ne si vel unum subtrahatur, quod in civitate sit, & extra sphæram civilis potestatis, plura in civitate summa fierent. Nec hic de divisione majestatis disceptatio est, quoniam ejus jura, quæ in plura subjecta juxta vulgarem opinionem divisa sunt, rursus in unum coalescere possunt; sed intruditur plane alia & quidem genere à civili imperio diversa potestas, quæ, sicut volunt, aliud subjectum præter Clerum habere nequit, & cum majestate Principis incompatibilis est, quâ ratione duæ Resp. in una societate civili constituerentur, una sacra & altera profana seu laica, divisisque ita civium studiis & obsequio incerto nec concordia, unicum rerum firmandarum vinculum, in civitate sarciri posset, nec continua vitari litigia, quæ de jurisdictionis utriusque finibus oriunda essent: quod quàm contra naturam & indolem summæ potestatis, quæ sociam in civitate nullam patitur, & ipsam salutem publicam, in unionem Civium inter sese fundatam, sit, nemini non constat. Nimirum alterutrum, utrumque tamen æquè absurdum, subtracto summis potestatibus circa sacra imperio sequi oportet, aut nulli imperio humano sacrorum & religionis ordinationem subjectam esse, aut alterius, quàm summæ potestatis: inter hæc duo non medium, non tertium datur. Si prius assumpseris, incumbet tibi tam alieni asserti probandi necessitas, cui vix est
ut

ut ullo termino colorem quæras. Deus qui omnia tam naturalia quam moralia certo quodam ordine disposuit, non est autor ἀνατρεσκίας alicujus, quam hic manifestam in sacris exemptis sibi fingunt : nec pro scuto illis erit dixisse Deum communem ordinatorem. Necessaria enim hic est ordinatio καὶ ἰκαστος, & qualem rerum humanarum conditio postulat, quæ in speciali voluntatis declaratione secundum singulas circumstantias occupata est : quam declarationem cum hodie Deus non faciat, Vicariis suis ad ἀνατρεσκίας vitandam commisisse credi debet. Si verò posterius, id est, ea quæ summæ potestati subducis, alterius dispositioni subjicis, jam in una Civitate duo summa imperia facis, quod, ut paulo ante diximus, ipsius summitatis rationi minimè congruit, cujus *ea est conditio*, ut ait Tertullianus, *ut nihil aliud adequet, nedum superet* : Sicut in corpore naturali non nisi una voluntas est, actionum & membrorum omnium imperatrix, ita in civili corpore, arte naturam imitante, unica est imperandi vis & facultas, non in profana tantum sed & sacra efficax, quantum ad publicam salutem & concordiam conducit : nam cuius ad finem est, ei non potest non ad omnia media, fini consequendo idonea, idem juris esse. Sed dubio omni caret, religionem maximam partem beatitudinis civilis facere, in qua comparanda omnis Principum prudentia spectari debet : quare absurdum foret media negare, quibus beatitudinem illam venamur. Multitudo hominum civitas est ordine publico instructa. Homines verò ut corpore & animo constant, ita
illis

illi. Secundum utrumque imperatur : Sed religio maxime est, quæ animos civium, nobilissimam utique personæ subjectæ partem dirigit, ac proinde summæ potestatis opus est. Nec aliud ipse ordo publicus postulat, cuius est ab uno summo principio omnes civiles actiones producere & moderari. Sicut in horologio aliquo *αὐτομάτῃ* à primo movente totius corporis motio dependit, ita à maiestate movetur civitatis operosa machina, quæ spiritu illo destituta aut quiescit, aut omnino intermoritur : quicquid nomen actionis publicæ meretur, ab hoc principio & causa descendit, & eo ipso, quo privatorum arbitrio exemptum est, facere tamen jure licet, cum auctorem laudat, qui summum imperium habet, ut oppido falsus sit Clariss. (a) Hornius, qui à *sacrorum regimine ut actione publica privatum quidem arceri ait, nondum verò patere rationem, quæ Principi illud asserat.* Nam si religionis ordinatio actio civilis est, vel à Principe vel subditis produci oportet : præter hos duos ordines in civitate nemo est agendi potentia præditus : Arcentur autem privati à cura ista hoc solo actionis publicæ nomine, quam maiestas generat ; quare relinquitur imperans, qui vi summi imperii ut alia civilia negotia, ita & illud religionis tractat.

§. 3. Juvat hoc argumentum luculento favore Vicariatus, quem Deus summis potestatibus in hoc orbe singulis pro sua portione & Reipublicæ finibus, eo fine, ut suo loco in his terris * visibiles Dii essent, & potestate mandata, (non à popu-

(a) De Civit. lib. 2. c. 5. §. 3.

populo , sed ipso supremo Numine) in civilibus tantum dependenter possint , * quantum Deus in toto Orbe independenter & infinita potentia. Quemadmodum itaque Deo circa religionem jus summum est , & libera statuendi potestas : ita eandem haecenus in Vicarium suum contulisse voluit , quatenus ad conservationem religionis , ut à Deo æterno decreto jussa est , cultumque sacrorum & piam in adiaphoris libertatem expedire visum. Hoc enim est cujusque Vicarii præcipuum inter alia officium , ut Domino suo honorem , quam maximum potest , ab iis , quibus indulgentia & auspicio Principalis sui præest , exhibendum curet. Renuit autem Deus alia ratione modovè coli , quam ut in sacris literis patefacta divina voluntate instituit : quare omnino ita credendum est , Deum in potestate & officio Vicariorum suorum esse velle , ut subditos sub omnibus legitimis mediis ad veram & unicam religionem cultumque divinum instituant , semel instituta sacra conservent , à superstitionibus & omni alia labe defendant , prohibeant hæreses & nociva schismata , tum externo cultus modo , qua sui parte liber est & indeterminatus , decenti sobrietate & compositis ad internam pietatem moribus , religiosè caveant. Huic rei eò felicius perficiendæ accendit ipse Deus in humanis cordibus lumen aliquod seu faculam , juris nimirum naturalis & honestatis ingenitæ regulam , quo duce ad veram Dei cognitionem constanti desiderio penetrare possint. Hæc connata principia , per se quidem debiliora , quam ut ex iis veram pietatem liceat consequi , sed quæ eadem prima quasi

quali elementa ad majorem sapientiæ lucem sunt, urgere Principem quemvis decet, & sic hominum animis æternam veritatem paulatim instillare, quam in sacris oraculis altè reconditam unico Spiritus S. munere & mediis salutaribus consequimur. Nec minus in conservanda tuendaque religione, quam instituenda laborandum est Regibus, quos ut * sapius divino ore eximie laudatos novimus, & infinitis ditatos bonis, si religionis & sacrorum curam impense amaverint: ita alii ex adverso minis, diris, suppliciis devoti sunt, qui divinum cultum aut collabi siverunt, aut non restituerunt collapsum: Sed iniquè imputasset Deus regibus neglectum rei, quæ extra jus eorum & agendi facultatem posita in sola summi Pontificis potestate fuit: quod enim me agere nefas est, id profecto mihi impropere nequit, si actum non fuerit. Cùm verò ubique religionis minus ex officio curatæ rei fiant, infallibili id nobis indicio est regii circa sacra juris. Quo sensu haud dubiè & sacre literæ Reges Magistratusve vocant (a) Elohim, id est Dii, terrestres scilicet, Vicarii & Legati Veri Dei, quem & ipsi colere debent, & aliis debito modo adorandum injungere; sicut Provinciæ Præses Imperatori aut Regi suo omnem honorem & obsequium à Provincialibus deferendum imperio, minis, præmiis, pœnis conciliare. Dicuntur (b) Pastores ut populo prospiciant de pastu nō corporali tantum seu felicitate civili; sed & spiritali ac æterna: in id enim à Deo præcipuè constituti sunt, ut omnia

(a) Exod. 31, 6. Psal. 82, 1.

(b) Esai 44, 28. Jeremi. 49, 19.

omnia ad suam gloriam & animarum salutem referant firmati promisso, quærentibus eorum regnum cætera omnia quasi appendicis loco evenitura. Audiunt (a) *Patres*, quibus incumbit non educare tantum liberos, ad victum & amictum necessaria illis comparare: sed & eosdem instituere ἐν παιδείᾳ καὶ κυρίῳ Κυρίου, ut ait (b) Apostolus. Sunt (c) *scuta terra*, ut Ecclesiam à persecutionibus, injuriis, impietate muniant: non cives tantum. Sunt (d) *Ecclesia Nutritii*, id est, dispensatores, curatores, tutores, lactrices qui Ecclesiam, velut pupillam aut infantem, desertam, contemptam, apertam aliorum fraudibus ac latrociniis alere debent, lactare, erigere, tueri: unde etiam (e) Spiritus S. Ecclesiam Regum mammillis lactandam, i. e. defendendam, augendam & ornandam prædicit, cum externa magnificentia, ut in ædificandis aut (f) restaurandis templorum ruinis: tum præcipue interna devotione & pietate, qua & ipsi Reges veræ Ecclesiæ accedent, ut in Christiana Constantini M. ætate factum, & subditos suos ad eandem exemplo ac mandatis vocabunt, & quæ licet, compellent.

§. 4. Nec deficiunt nos sacra testimonia, per quæ dubitantibus plenè possit satisfieri. Apostolus Paulus notissimo in Epistola ad Romanos (a) loco, singulari totius politicæ prudentiæ compendio, πᾶσα ψυχὴ, inquit, ἑξουσίαις ὑπερεχούσαις ὑποτασσίδω: *omnis anima potestatibus supereminenti-*

(a) 1. Sam. 12, 15. (b) Ad Ephes. 6, 4. (c) Ps. 47, 10.
(d) Esa. 49, 23. (e) Esa. 60, 10. (f) 2. Reg. 12, 6, 7.
(g) cap. 13.

32 *De Summa Imper. Potestate circa Sacra.*
mentibus subjicitor. Si omnis anima, ergo & sacer-
 rorum ministri, Pastores, Episcopi, Pontifices.
Si omnis, & vestra, ait Bernhardus in Epistola ad
 Archiepiscopum, *quis vox eximet ab universi-*
tate? Etiam si Apostolus, inquit Chrysostomus,
etiam si Evangelista, etiam si propheta: rationem
 & fundamentum obsequii in causa efficiente po-
 testatis quærit, quod omnis nimirum à Deo sit
 ordinata, & contumax ordinationi divinæ resi-
 stat. Hæc in sacris non minus quam profanis lo-
 cum habent, æquali Dei in utraque potestate,
 qui omnia nulla distinctione summis Regum
 Principumque imperiis subesse voluit. Hi enim
 sunt *Dei ministri, vindices ad iram ei, qui ma-*
lum fecerit. Qui malum ait, indefinite, quo no-
 mine etiam omne id sine dubio comprehenditur
 quod circa sacra fit: nam indefinita locutio hic
 universali æquivalet, quam apud Salomonem re-
 perire est (a) *Rex solio justitiæ insidens oculis*
 suis ventitat omne malum. Eodem universali
 rerum omnium sensu summa potestas est mini-
 stra *ἡ τοῦ ἀγαθοῦ, ad bonum,* quod cum in civi-
 li vita & societate, tum imprimis in religione &
 pietate quærimus, optimo ipso Apostolo inter-
 prete, qui hæc bona (b) alibi distinctius explicans
 preces fieri pro Regibus jubet & omnibus, qui in
 sublimitate constituti sunt, *ἵνα ἡγεμον* hic finis est,
καὶ ἡσύχιον βίον διαγῶμαρ ἐν πάντῃ εὐσεβείᾳ καὶ σεμνό-
τητι, in omni non honestate solum externa & ci-
 vili, sed etiam pietate, religionis veræ individuo
 comite. Quod si verò preces, obsecrationes,
 gratiarum actiones pro Regibus concipiendæ
 sunt

(a) Proverb. 10. (b) 1. ad Timoth. 2, 1.

sunt ad id, ut piè vivamus, officii certè & regii iuriserit, instituere & conservare illa pietatis exercitia & scholas, quod sine arbitrio & potestate in sacra nulla ratione effici potest : prohibere item & tollere omne id, quicquid Christianæ pietati officere videtur, abolere cultus impios & idololatricos, coercere blasphemias, hæreses & similia. Hæc aut facere Regibus licet, aut preces pro iis in hunc finem concipiendæ non sunt. Sed posterius hoc dixisse idem est ac Spiritui Sancto obloqui, quare prius admittendum est, potestas Regum scilicet circa sacra. Nec proficies quicquam, si dixeris, pro aliis quoque hominibus, quibus nullum jus est statuendi circa sacra, orationes præcipi eodem fine habendas : Nam finis ille quodammodo hæc duo in se comprehendit, ut & ipsimet singuli piè vivamus, & præcipiamus ut alii vivant: pro utroque quidem orandum est, sed habito personarum discrimine : ut illi nimirum, quorum conditioni obsequii magis gloria quam imperium convenit, & suomet ingenio & jussu superiorum pietati studeant : Alii verò, quibus jubendi facultas est, id est, summæ potestates tam exemplo suo in religione aliis præeant, quam auctoritate & mandatis eandem promoveant, tueantur, lætent, quo integrum sit subditis vacare pietati & divino cultui. A quovis ordine id expectatur, quod præstare potest : introducere religionem, eandem conservare, aliis amplectendam pro mandato injungere, externis ritibus exornare, à corruptione aut peste defendere armis, legibus, conciliis, hæc omnia, & quæ similia, actiones publicæ sunt, extra subdi-

C

torum

34. *De Summa Imper. Potestate circa Sacra.*

torum arbitrium in sola Principis manu positæ, pro quo etiam preces faciendæ, ut singula rite pieque administret. Pro subditis verò, ut Magistratui rectè jubenti obediant, Deum sincero corde & pio affectu colant, timeant, ament, constitutiones publicas, quæ circa sacra latæ sunt, nec divinis literis adversæ, religiose sequantur, & omnem animùm, vitam, mores ad pietatem componant. Denique pro omnibus, ut quisque, quod sui officii & muneris est, faciat. Partitim enim procedit Apostolus Paulus: Primo pro omnibus preces fundi jubet: Deinde speciatim pro Regibus & quicunque jus imperandi habent; tandem finem generalem addit, ut piè vivatur: quoniam verò ad hunc finem consequendum, non omnes æquali modo gradu influunt, sed alio & pleniore Principes, alio privati: ideoque pro omnibus quidem oratur eo fine, ita tamen, ut quivis, quod decet & oportet, id agat. Firmat hanc rationem egregiè honestas eodem loco adjuncta pietati, quæ ad civilem vitam respicit, cum hæc ad spiritualem. Quàm verò non sequitur pro omnibus orandum, ut vitam honestam degamus, ergò Regibus jus non est imperandi in civilibus negotiis ad honestatem illam præcipiendam aut tuendam; ergo leges ferre nequeunt, quæ Civium actionibus vivendi agendique regulam dent; ergò non jus dicere ad præmia bonis rependenda, malis pœnas, &c. Tam malignè profectò cohæret altera illatio, omnes piè vivere debere, ac proinde Regibus potestatem circa sacra non competere. Finis enim totius civitatis sibi planè aliud vult, qui est, ut in

ea quàm felicissimè vivatur. Ea verò demum felix & beata est Respublica, secundum (a) Augustinum, *qua Dei est amans & amata Deo, illum sibi Regem, se illius populum agnoscit*: quocum illud (b) Aristotelis convenit, optimam vivendi rationem eam esse, quæ ad Deum considerandum maximè facit: & eam pessimam, quæ à considerando Deo, colendove avocat. Sed ad Principem solum spectat ordinare ad finem civitatem, & de mediis prospicere, quibus illo frui liceat. Subditorum enim conditio hic vicem instrumenti subit, quo civilis hic artifex ad faciendum curandumque opus uti solet. Adeoque sanè hac etiam ratione pro Regibus precari convenit, ut Deus, à quo omnia bona proveniunt, eorum animos regat & consilia, ne in religionis præpostera aut neglecta cura à meta propositæ civilis beatitudinis exerrent. Agnovere hoc suum officium optimi quique Imperatores, & in eodem à sapientibus confirmati sunt. Theodosius in Epistola ad Cyrillum ait, *Cæsarei est muneri, ut non solum pacifice, sed pie etiam subditi vivant*. Et idem cum Honorio in Epistola ad Marcellinum: *neque enim aliud belli laboribus agimus, aut pacis consiliis ordinamus, nisi ut verum Dei cultum orbus nostri plebs devota custodiat*: quem etiam in sensum Isidorus Pelusiota eundem Sacerdotio & regno finem facit, τὴν τῶν ὑπηκόων σωτηρίαν. Cui geminum illud Ammiani Marcellini est: *Nihil aliud esse imperium, ut sapientes definiunt, nisi curam salutis alienæ.*

(a). De Civit. Dei lib. 5. cap. 14.

(b) In fin. Eudem.

Et Augustinus felices eos Reges dicit, *si suam potestatem ad Dei cultum maxime dilatandum majestati ejus famulam faciant.* Auctor etiam libri de regimine Principum, qui Thomæ adscribitur, *finis*, inquit, *ad quem Rex principaliter intendere debet, in seipso & in subditis est æterna beatitudo, qua in visione Dei consistit: & quia ista visio est perfectissimum bonum, maxime movere debet Regem, & quemcunque Dominum, ut hunc finem subditi consequantur.*

§. 5. Filii, inquit idem Paulus. *obedite (a) parentibus in omnibus*, ergo etiam in pietatis & sacrorum institutione. Quod si filii parentibus obedire tenentur, quanto magis subditi Regibus, qui majus & eminentius imperium habent, quam patrium est, nec patitur subordinationis ratio, ut quod latius est, contineri possit sub arctiori. Dubio autem omni caret, in civitate minora maritorum, patrum & dominorum imperia majestati subesse, quæ illa ambitu suo eximie comprehendit: statuendum itaque erit, quod patri extra Rempublicam licet, id multo magis in ea Principi: quod populum Israeliticum haud quaquam latuit, qui (b) Josuæ in omnibus obedientiam pollicetur, ut olim Mosi paruerat.

§. 6. Referenda etiam in hunc argumentorum censum omnia ea sunt, quæ divite apparatu in sacra scriptura circa regium officium de observantia & custodia legis, de Domino serviendo, exosculando Christo legentibus occurrunt. (c) *Postquam sederit Rex in solia regni sui, describet sibi deuteronomium legis hujus in volumine accipiens*

(a) Coloss. 3, 20. (b) Jos. 1, 17. (c) Deuterom. 17.

*capiens exemplar à Sacerdotibus Leviticis tribus
& habebit secum, legetq; illud omnibus diebus
vitæ suæ, ut discat timere Dominum Deum su-
um, & custodire verba & ceremonias, quæ in
lege præcepta sunt.* Non simplex hic & privata
ad propriam salutem custodia Regibus tantum
injungitur, sed imprimis etiam publica, cum im-
perio & coërcitione conjuncta, ad legem Dei
cum à contemptu vindicandam, tū ab injuriis &
corruptelis: nec de secunda tantum legis tabula,
civilis potissimum vitæ norma verba accipi de-
bent, sed de prima etiam, & tota lege, nam ser-
mo indifferens hoc loco nullam admittit restri-
ctionem, & æquipollet universali, quæ velut hu-
jus interpretes *Jos. 1, 17.* extat, ubi Dominus ad Jo-
suam ita inquit: *Confortare & esto robustus
valde, ut custodias & facias omnem legem
quam præcepis tibi Moses servus meus.* Ubi duo
imprimis notatu digna: primò præcipi custodi-
am omnis legis à Mose latæ. Deinde discerni a-
ctum custodiæ legis ab actu observantiæ ejus &
impletionis, quasi hæc, obedientia nimirum er-
ga legem, Regem deceat quæ fidele Ecclesiæ
membrum & legis divinæ rigori subiectum: illa
verò custodia ut imperantem & Vicarium Dei,
qui ex formula Romanorum antiqua divinitus
data potestate cavere debet, ne religio & sacro-
rum majestas in sua civitate detrimentum capi-
at. (a) *Et nunc Reges intelligite, erudimini, qui
judicatis terram. Servite Domino in timore &
exultate ei in tremore: Osculamini filium, ne
quando irascatur.* Jubentur hic intelligere Re-

(a) Psalm. 2, 10, 11, 12.

ges, erudiri, servire Domino, osculari filium non tam communi omnium hominum obsequio & conditione, ita enim novo præcepto aut peculiari acclamatione non opus fuisset, quam singulari, & proprio eorum officio: id est sceptrum Regi Regum humili devotione submittere, potestate sua ad propagationem & defensionem Ecclesiæ uti, puritati doctrinæ studere, abolere heterodoxos cultus, lupos ab ovili Domini arcere, alere Ministros Ecclesiæ, & his gemina, quæ omnia Principibus imperium in sacra haud obscure vendicant. De osculo, filio à Regibus dando, paucis monendum, illud non esse amoris aut dilectionis: sed magis obsequii & subjectionis, quæ loquendi formula apud Hebræos non inusitata est, à moribus aliarum gentium, ut Indorum, desumpta, quibus in signum fidei & subjectionis Regem exosculari solemne fuit: Quare Septuaginta Interpretes verba Geneseos 41, 40. *Super os tuum osculabitur omnis populus*, ut ad sensum verbalem textus Hebræi sonant, rectè per vocem ὑπακύνεται explicarunt, quos etiam B. Lutherus in Germanica versione secutus est. *Elevate porta capita vestra*, canit (a) alio loco regius Psalter, & *elevate vos porta seculi, & introibit Rex gloriæ*. Per portas seculi summæ huius Orbis potestates, seu ἐξουσίαι ὑπερέχουσαι intelliguntur, quas signatè Septuaginta per ἀρχόντες ὑμῶν reddiderunt. Iterum hic tam gravis ad solos Imperantes exclamatio indicio nobis est, requiri ab ipsis aliquid præcipuum dignumque jure regio: quod nihil aliud præter potestatem in sacra

(a) Psalm. 14, 7.

sacra est. Illustres sunt hanc in rem apud Augustinum duo loci, quos hic tetigisse non placebit. In hoc Reges, (a) ait, sicut eis divinitus precipitur, Deo serviunt, in quantum Reges sunt, si in suo regno bona jubeant, mala prohibeant, non solum quæ pertinent ad humanam societatem, verum etiam quæ pertinent ad divinam religionem. Et (b) alibi. Quomodo ergo Reges Domino serviunt in timore, nisi ea, quæ contra jussa domini fiunt, religiosa severitate prohibendo atque plectendo. Aliter enim servit, quæ homo est, aliter quæ etiam Rex est. Quia homo est, servit vivendo fideliter, quæ verò etiam Rex est, servit, leges justas precipientes & contraria prohibentes convenienti vigore sanciendo. Sicut servivit Ezechias lucos & templa idolorum, & illa, quæ contra præcepta Dei fuerant constructa, destruendo. Sicut servivit Josias talia & ipse faciendo: Sicut servivit Rex Ninivitarum universam civitatem ad placandum Dominum compellendo. Sicut servivit Darius, idolum frangendum in potestatem Danieli dando, & inimicos ejus leonibus ingerendo. Sicut servivit Nabuchodonosor, omnes in regno suo positos à blasphemando Deo lege terribili prohibendo. In hoc ergo serviunt Domino Reges, in quantum sunt Reges, cum ea faciunt ad serviendum illi, quæ non possunt facere nisi Reges. Actus igitur, qui his & aliis locis in sacris literis speciatim requiruntur à Regibus, ex usu imperii, quod Regum peculiare &

C 4

pro-

(a) Cont. Crescent. l. 3. c. 51.

(b) Epist. ad Bonif.

proprium bonum est, fluunt, nec in arbitrio aut jure privatorum sunt. Equidem cuivis licet servire Domino cultu adorationis & pietate domestica : Sed veram religionem præcipere subditis, eos cogere ad audiendum divinum verbum, extirpare fana & idolorum templa, inhibere victimas gentilium ritu mactandas, publicè docendam religionem curare, eligere Pastores, Episcopos, illis omnem honorem & reverentiam exhibendam jubere : Loca publica ad Basilicas aut Scholarum domos destinare, & cætera, hæc omnia cum actus publici sint, & ex majestate immediate prodeant, à Regibus potissimum requiri intelliguntur, cum ineptè à subditis sperentur, agendi facultate omni destitutis, quos potius pati oportet & perferre superiorum impietatem, qui negato veræ religionis usu non tantum superstitionibus aut gentilium deliriis ipsi adhærent, sed eadem in omnibus suis regnis publicè accipi & doceri mandant, constitutis suppliciis in eos, qui rectius sentiunt. Nullum enim in primitiva & parturienti Christianorum Ecclesia exemplum est, fideles, sive Apostoli fuerint sive Episcopi, sive quicunque alii, sibi summum arbitrium in Imperatores aut Principes incredulos sumpsisse, multo minus vi aut pro imperio voluisse religionem mandare. Quin potius prædicatione Evangelii & functione Sacerdotali contenti abstinebant ab omni coactione, licet interdum vires non deessent, nec congregatis publicè hominibus destruebant idolorum aras, aut impediabant victimas, quod minus falsis Diis ab Ethnicis mactarentur : Sed commendato supremo

primo Numini omni rerum eventu sola verbi
 divini prædicatione strenuè fungebantur, ut mi-
 seros homines de errore & superstitione doce-
 rent, parati interim ad infinitas injurias & crucia-
 tus, si quos ipsis pro cœlesti veritate & Ecclesiæ
 dilatazione sustinendos Deus judicasset. Longè
 autem alia religionis facies illo tempore fuit, quo
 primum ipsi etiam Imperatores Christo nomen
 & fidem dederunt. Hi enim auctoritate & sum-
 mo imperio instructi multa tunc faciebant, quæ
 privatis optare magis licuit, ut fierent, quàm
 patrare. Nam utcunque factum per se pium &
 laudandum sit, illicitum sit, si ab alio, quàm per
 quem fas est, præpostero zelo agatur. Quid
 pulchrius est & magis pium quàm patriam ab
 hostibus defendere? Sed cum perduellionis in-
 famia magnum malum habebit, quicumque pri-
 vatus exercitu conscripto adornet defensionem
 eo colore, quod Princeps deses sit & Reipublicæ
 negligens: *nihil justus præcipuè cogitet in his re-*
bus, inquit Augustinus, *nisi ut bellum suscipiat,*
cui bellare fas est: non enim fas est omnibus.
 Quid honestius est, quid divinius, quàm jus su-
 um cuique tribuere? Quis autem laudaverit il-
 lum Advocatum, qui cum videat à judice aut
 corrupto aut imprudente suo Clienti injuriam
 fieri, sibi ipsi spreto tribunali jus vult dicere, &
 executioni dare, utcunque æquissimum dixerit?
 Haud melius profectò subditus facit, qui veræ
 religionis promovendæ studio turbas miscet in
 Republica, & sibi potestatem aliquam jubendi
 vetandique arrogat, quam non habet. At in Prin-
 cipe hæc omnia diversa sunt ob majestatis præ-

sentiam, quæ cives in rebus per se non illicitis ad strictissimum obligat obsequium. Hujus vi & præsidio ut Imperans cum effectu necessarij obsequij bona præcipit & mala prohibet, sic veram religionem instituit, defendit, conservat: Falsam verò proscribit, diruit idola & eorum templa & removet impedimenta, quæ salutarem Evangelij cursum remorari videntur. Atque hinc sunt veri illi regij actus, potestatis circa sacra merè illativi, quos Deus dum à Regibus, quæ tales sunt, exigit, nobis oppido liquet, sub imperio civili comprehendi. Benignissimum enim Numen à nullo hominum ultra suum depositum quicquam aliud sibi reddi postulat.

§. 7. Præterea in veteri Judæorum Republica optimos quosque Reges & Magistratus non citra laudem & divina præmia religionis & sacrorum curam suscepisse constat, increpitis aliis, qui connivebant ad populi idololatriam, toleratis lucis & excelsis, in quibus spirituali adulterio Diis quisque suis sacrificasse dicitur, maximam veri Dei indignatione & æternæ hominum salutis dispendio. Moses primus Judaicæ Civitatis post Deum conditor & Ordinator, vi *regij officij*, quod in populo (a) administravit, religionem apud Israelitas constituit, promulgatis legibus, quæ cultum divinum & sacrorum rationem concernerent, cum omni populo observandis, tum etiam Sacerdotum & Levitarum Ordini: ut integer Leviticus Liber, & satis magna pars Exodi, Numerorum ac Deuteronomii testantur. Equidem haud me latet, Deum, qui

istam

(a) Deuterom. 33, 5.

istam gentem sibi quasi hereditariam elegit, cum qua usque ad familiare colloquium descenderet, leges ut alias, ita etiam quæ sacra moderabantur, planè singulari modo & immediatè suo digito jussuque sancisse, ut Moses nihil præter instrumentum videri possit, quo medio Deus suam voluntatem populo suo declaraverit. Quatenus tamen Rempublicam Judæorum in ordine Civium ad se invicem imperantium parentiumq; spectamus, tulisse utique Mosen etiam leges potestate sibi à Deo concessa haud inficias ire possumus, & docent id expressè sacræ literæ, Mosen mandasse legem, idque *regio officio* (a) asserentes. Officio, inquam, regio, non pontificali aut Sacerdotali, quale hodie sibi in totum Christianum orbem Romanus Papa competere ait. Id saltem alii Reges præ Mose peculiare habent & præcipuum, quod ipsis jus sit Civibus suis leges dare, quæcunque legislatori placent, modo juri naturali, divino & gentium non sint contrariæ. Hic verò promulgare eas tenebatur, quas ex ipsissimo divino ore percepisset. Nec tamen adedò ipsius in arctum redacta erat potestas publica, quin interdum nec Deo jubente nec consulto aliquid suopte ingenio facere potuerit. Nam ad (b) Soceri sui Jethræ consilium Magistratus judicarios in populo constituit, qui ipsum immensis juris dicundi laboribus sublevarent: & quin in aliis negotiis identidem incidentibus idem fecerit, nullus dubito: Post mortem Moïsis, qui Aaronem quoque & ejus filios in Sacer-

(a) Deuterom. 33, 4. s.

(b) Exod. 18, 25. 26.

44. *De Summa Imper. Potestate circa Sacra.*

Sacerdotio initiavit, Successor, (a) Josua nõ sequi-
us in sacris potestate sua usus est, renovato fœ-
dere inter Deum & populum, Levitis ad arcæ
deductionem delegatis, ac ordinatis plurimis
aliis, quæ ad religionis & cultus divini constitu-
tionem pertinere visa sunt. Continuata est ea-
dem potestas ad Judices, ut in Judicum libro
haud exigua vestigia sunt, & mutata postmodum
in regnum Republica in Reges translata. Ita (b)
Saul abstulit magos & harolos de terra; (c)
David arcam Domini ex ædibus Obededomi in
Regiam deduxit, (d) ad conservationem mini-
sterii & majorem cultus divini splendorem, vasa
aurea argentea, & pretiosam supellectilem ex
hostium manubiis partam, vel ab ipsis in subje-
ctionis signum sponte oblatam Domino Deo suo
consecravit: (e) constituit coram arcâ de Levi-
tis, qui ministrarent canendo gloriam & laudes
Dei. (f) Officia Levitarum per certas vices &
ordines distribuit: & denique prohibitus tem-
plum ædificare (g) comparavit filio suo necessa-
ria ad ejus molem decenti majestate & magni-
ficentia erigendam. (h) Salomon exauctoravit
Abiatharem Sacerdotem, quodd turbis & præpo-
steræ fratris sui ambitioni participasset, surro-
gato in ejus locum Sadoco. Nec legitur Abia-
ther eo tempore se fori præscriptione contra
Regem defendisse. (i) Idem Salomon extruxit
immanis opibus & splendidissimo apparatu Hie-
rosolymitanum templum arcam fœderis in illud
dedu-

(a) Jos. 8, 5, 24. (b) 1. Sam. 28, 9. (c) 2. Sam 6, 12. (d)
2. Sam. 8, 11. (e) 1. Paralip. 16, 4. (f) 1. Paralip. 23, 4. (g)
1. Paralip. 22, 2. (h) 1. Reg. 2, 27. (i) 1. Reg. 8.

deduxit, & fulis ad Deum instantissimis precibus innumerisque victimis cæsis solemnî ritu initiavit. (a) Asa Rex, qui, quod bonum & placitum erat in conspectu Domini, fecit, subvertit aras, lucos & excelsa, alienis Diis dicata, confregit statuas, à majoribus coli solitas combusto idolo Miplezet, cui Maecha ejus mater superstiosa foemina singulari ritu serviebat, edicto-que proposito, ut omnes subditi relictis gentium religionibus Dominum Deum patrum suorum quærerent & adorarent. Restituit altare Domini, & subditos ad fœdus cum Deo icendum idque juramento confirmandum adegit. (b) Josaphatus Asæ filius præter succisionem lucorum & editorum, Principes & Sacerdotes circuire totum regnum suum, & populum in lege Dei instituere curavit, missis vîsîtoribus, qui reformationem collapsi & depravati cultus cum falsi everfione susciperent. Imò ipse ad subditos profectus eos ore, manu, exemplo ad majorum religionem revocavit, constitutis ubique Sacerdotibus & Levitis, qui sacris rite defungerentur, cum aliquali in Ecclesiasticis jurisdictione, sed certis cancellis inclusa (c) Ezechias quantum laboraverit in restituenda religione, notius est, quàm ut multis dici debeat: non memorabo incisos lucos, confractas statuas, excelsa sublata: Æneus serpens, quem Dei jussu à Mose confectum, & hucusq; religiosè in miraculi memoriam asservatum populus superstîtiose adorare sepebat, ipsius mandato sublatus, tum aper-

tæ &

(a) 1. Reg. 15, 12. &c. 2. Paralip. 14, 3. &c. (b) 2. Paralip. 17. & 19. (c) 2. Reg. 18, 4. 2. Paralip. 29. & 31.

tæ & instauratæ domus Dei valvæ , repurgatio templi à sordibus , & cultus à mendis , initum fœdus cum Domino, constitutio Levitarum, qui in sacris ædibus cum psalteriis & cymbalis canerent ; Celebratio Paschatos , longo quondam tempore neglecti , & nunc demum in usum revocati eximiam Regis pietatem & in sacra imperium affatim loquuntur : qui si in hæc tempora incidisset , quo hierarchia pontificia intolerabili molestia Christianis Principibus incumbit , sine dubio ingens fuisset malum habiturus , si Pontificis ingratis tantum sibi juris in negotio religionis sumpsisset, quod ad se solum pertinere ab omnibus credi cupit. Quod si enim superiori seculo Gregorius Calendarium suum Christiano Orbi summâ audacia pro imperio obtrusit , quanto magis pro Paschatis , rei sine omni dubio spiritualis , celebratione sua non aliena auctoritate instituenda pugnaturus fuerit ? Sed piaculum adhuc erat Ezechiae ætate , Principis legitimi circa sacra potestatem summam in dubium vocare , adeoque ne quidem musitasse Pontifices , Sacerdotes aut Levitæ leguntur , quasi eorum juribus aut privilegiis vis fieret , qui (a) in alia causa satis animi ad resistendum Regi suo habuerunt , sanctuarium interius ad immolandum ingressuro. Pene oblitus (b) Josiam fuisset , exemplo ferè ante omnes ponendum , qui religionis in deformes nævos & crudelem superstitionem delapsæ toto corde misertus librum legis ab Helcia Sacerdote repertum publicari,

(a) 2. Reg. 15, 5. 2. Paralip 25, 18.

(b) 2. Reg. 23. 2. Paralip 34, & 35.

blicari, & populo integrum prælegi jussit, ut intellecto errore emendationi omnes studerent. Ipse rex, quantum suarum virium fuit, ad antiqua sacra, sincerè peragenda, contulit, Camarimidis Idolis deletis, quibus Reges Judæ in excelsis adolere consueverant, & mandato Sacerdotibus dato, ut omnia vasa peregrini cultus templo ejicerent, ne instrumenta superessent aut memoria detestandæ idololatriæ.

§. 8. Et sic in Vetere Judæorum Republica imperium circa sacra semper à Regibus usque ad Babylonicam captivitatem usurpatum esse, ex his quæ diximus abunde liquet. Quæ deinceps tempora post reductum ex servitute populum inciderunt, ut confusionis plena fuerunt, imprimis ubi per Alexandrum M. Persarum Monarchia eversa est, ut eodem brevi defuncto iterum illius imperium in plura regna dissipatum; ita in illis multum defudare nullo operæ pretio imprudentis foret. Fatendum tamen, nullis Regibus & incerto obsequio in civilibus turbis paulatim crevisse sacri Ordinis potentiam, ut plerunque solet, qui tacentibus Prophetis, exhalanteque pietate, omne in populum imperium ad se traxere, adeò ut summi Sacerdotes ut plurimum etiam Principis essent purpura & armis conspicui; donec iidem ipsi in tyrannos delaberentur, ad vexandam plebem intentos, à quibus ut nihil recti piique sperari potest; ita ante eos Sacerdotum in sacra imperium nec aliis præjudicio esse: nam & iidem seculari potestate usi sunt, quam Regibus ex hac ratione negare ineptissimum fuerit.

§. 9. Chri-

§. 2. Christo Salvatore nato, passio & in cœlum assumpto cum Republica Judæorum etiam illorum religio desit, & vera Dei Ecclesia, novo fœdere instaurata, transit ad Christianos, missæ hominum saluti certâ fiducia innixos, & per eandem nullo gentium discrimine Deo reconciliatos. Hîc per trecentos annos, & quod excurrit, nulla legitimi in Christianam religionem imperii vestigia apparent, Imperatoribus nimirum adhuc abominandis gentium ritibus additis, & misera servitute, crudelissimisque persecutionibus prementibus fideles; ipsis verò Christianis, ut subditis, potestate omni destitutis, ut proinde mirum non sit, illis nolentibus veræ religionis tutelam publicam suscipere, his non potentibus, destituta humano imperio sacra in solius Dei providentia & defensione recubuisse. Postquam verò ligato ad palum infernalem Dracone ipsi etiam Romanorum Principes, initio à Constantino M. factò, divino jugo colla salutari humiliatione submittere, & exsecrari Filium Dei æternum ceperunt, protinus eorum imperium ad religionem ordinandam impensum est. Sic, quem paulò antè nominavimus, Constantinus M. edicto publico templis idolis ethnicorum consecrata occlusit, Christianis de libertate religionis idoneè cavit, omnes subditos suos ad amplectendam Christianorum fidem graviter hortatus est, principio à se factò, ut cæteris exemplo esset, piis Doctoribus stipendia constituit, & propter Arianam hæresin convocavit Nicænum Concilium, cui ipse in persona præfuit, & damnata Arii doctrina Pa-

trum

trum decreta ac canones imperiali auctoritate confirmavit, interdicto proposito, ne quis publicè aut privatim somnia Arriana sequeretur. Extat ejus Epistola apud (a) Eusebium post Synodum Nicænam Ecclesiis scripta, qua egregium studium promovendæ religionis abunde testatur. *Putavi mihi ante omnia in id enitendum esse, inquit, ut in Ecclesia fides una, felicissimi populi sincera caritas & religio erga authorem omnium Deum nunquam discrepans observetur.* Hoc sui juris & muneris esse cum plurimis legibus Clero & populo in religionis causa præscriptis, tum imprimis ingenua & simplici ad Episcopos confessione declaravit, cui nemo contradicere tunc justum duxit. *Vos istis Episcopi in Ecclesia, ita (b) ait, ego extra Ecclesiam seu templum Episcopus à Deo sum constitutus.* Nec minus Constantini Successores in constituendis & emendandis sacris laborasse inveniuntur. Marcianus in prima sessione Concilii Chalcedonensis ita patres alloquitur. *Cum primum per electionem in regnum de secreto Dei profecti sumus, inter tantas publicas utilitates nullum magis nos constrinxit negotium, quàm rectam & veram fidem Christianorum, qua sancta & veneranda consistit, indubitata omnibus declarare.* Declarare vult hic Imperator omnibus Christianam fidem non expectata Pontificis auctoritate aut consensu, quem eo tempore supra concilia & ipsius Imperatoris arbitrium posuisse paradoxon erat. Theodosius morti jam

D

vici-

(a) l. 3. de ipsius vita. p. 891. (b) Arumz. J. P. Tom. 4. Disc. 43. c. 2. n. 3. ex Euseb. l. 4. de Vit. Const. M. c. 24.

vicinus teste Ambrosio potiorē Ecclesiæ quā imperii curam egit. Imprimis verò Justiniani nostri meminisse debemus, cuius plurimæ constitutiones extant, in rebus sacris occupatæ, ut de (a) recto in Deum sensu, juxta sacre scripturæ normam habendo; de scripturarum (b) lectione & (c) versione; de (d) vita & officiis Clericorum: (e) de diebus feriatis, ordinationibus (d) bonis Ecclesiasticis, de (d) Episcopis & aliis cultui divino propriis legibus. Præsertim verò vox ejus memoratu digna adhuc celebratur, (f) *non minor nobis cura est horum, quæ sanctissimis Ecclesiis profunt, quàm ipsius anima.* Sub hæc quo felicius securiusve res Christianorum indies habuerunt; eo minor in religionis Antistitibus pietatis & antiquæ sanctimonie ratio, subeunte paulatim vastissimos animos ambitione, superbia & opum quærendarum cupiditate. Hinc omnia eorum consilia in id ferè directæ, ut superficialia externæ sanctitatis specie credulæ plebis animos quisque in majorem sui adorationem & cultum fascinaret, aliis quocunque modo in contemptum aut suspensionem conjectis; quos improbis suis desideriis obstare compererunt: inde prima inter Constantinopolitanum & Romanum Episcopos de honore & primaria dignitate certamina, quæ cum Imperatores in ipsis adhuc cunis opprimere debuissent, tanquam aliquando in Reipublicæ pestem desitura, fatali

impru-

(a) l. 1. §. 6. & t. t. C. de Summ. Trinit.

(b) Novell. 133. c. 2. (c) Nov. 146. c. 3.

(d) t. t. C. de Episc. & Cler. (e) l. fin. & tot. titi C. de Feriis. (f) Nov. 3.

imprudencia foverunt, donec stultissimus Phocas exitiali errore palam pro Romano sententiam dixit. Sic obtento honoris primatu ambiciosi Præsules audaciores facti ulterius iverunt, sumpta universalis Episcopi in totum Christianum orbem facie, qui omnibus aliis, in quocunque dignitatis gradu constitutis, jure imperare possit: quo primo classico Antichristum ad hierarchiam sacram stabiliendam usurum jam ante Gregorius M. prædixerat. Ab hoc tempore Imperatorum in Sacra & Clerum legitima potestas cepit occultè in dubium vocari, exortis inter Leonem Isaurum & Constantinum, Romani Imperii Principes, nec non Gregorios II. ac III Pontifices super imaginum adoratione diffidiis: nihil tamen ab Imperatoribus in præjudicium sui juris obtentum est, quamvis Pontifices omnia summa fecissent, suscitatis etiam in Italia factionibus, & vectigalibus tributisque Cæsari exsolvi prohibitis, pessimi hac in re Salvatoris nostri vicarii, qui gentili etiam Principi Petrum debita pro se suisque tributa pendere jussit. Quamobrem cum Imperatores Græci, ut par fuit, insolitum Præsulum horum factum & improbas spe diutius ferre non potuissent, bella gravissima in Italia exorta sunt, inde Ravennatensibus Exarchis jussu Imperatorum seditosos Patres ad poenam deposcentibus: Hinc Romano populo cum factione sua eisdem illos pervicaciter defendente: quibus tandem medii se interposuerunt Longobardi, non alio consilio, quam ut utrosque opprimerent. Pontifices tot hostibus hinc inde incumbentibus se impares conspicati ad Fran-

D 2

corum

corum auxilia confugerunt, desperantes de Imperatorum veniâ, quos tantopere irritaverant. Ita tandem Romanum in occidente imperium ad Carolum M. & ejus posteros delatum est, qui nihilo secius tamen potestatem suam ad religionem ordinandam, quin ipsum Pontificem in ordinem cogendum, jugiter exercuit, ut mediatum sacrum imperium aliquantulum delituerit: Testes in id sunt tum Capitula Francorum, ut vocant, quorum non minima pars in constituendis sacris occupata est, tum præsertim plurimi actus summæ Caroli M. & ejus successorum potestatis in ipsam Romanam Ecclesiam illativi. Ita Pontificem sine consensu & probatione Imperatoris creari nefas fuit: Carolus inter Leonem & ejus accusatores Judex sedit, innocentem Pontificem pronuncians: ut aliorum nunc taceam, quæ paulo infra pleniore modio cumulabimus. Et quidem iste rerum status usque ad Heinricum IV. continuavit: quàm malè enim Otto Imperator Crescentium multaverit, vel pueris constat. Quamvis verò Gregorius VII. parricidali sua contumacia non parum imperatoriam majestatem labefactaverit, majus deinde vulnus sub Paschale in abdicata Episcoporum & Cleri electione passam, non omni tamen ad hunc usque diem in sacra potestate imperium Romæ exui potuit, quin retenta Ecclesiæ Romanæ Advocatia reliquias aliquas ex priori jure quasi ex communi naufragio servavit: nec unquam Imperatores omne circa religionem arbitrium ita in unum Pontificem conferre voluerunt, ut sibi nihil omninò reliqui fecerint. Pleni sunt Re-

cessus

cessus Imperii legum publicarum, quæ sacris moderantur, etiam reformandi iure Imperatori tributo: Notabilia sunt verba (a) Recessus anno 1544. conditi, in quo sui officii Carolus esse dicit, diversas in Imperio religiones conciliare, & ad unam veram reducere. Clarius idem illud in (b) Recessu de anno 1548. exprimit, fide statibus interposita, si quæ in sacris ceremoniis erroris aut superstitionis plena irreperint, à se emendatum iri; & novissima (c) Osnabrugensis Pacificatio Imperatori Romano idem jus dat reformandi religionem, quod alii Reges & Principes in suis Rebus publicis habent. Et ne putes ex privilegio quodam vel consensu Papæ hoc esse, Recessus imperii de jure regie potestatis à solo Deo concessæ loquuntur. In Krafft unsers obliegenden Kâiserlichen Amts; unserm tragenden Amt nach/xc. suo itaque jure hîc Imperator agit, quicquid agit, non mandato alieno. Reliqua quæ sensim Pontifices ad se traxerunt, nostra incuria & patientia animati, ut ea non mediocria esse lubens fatear, ita nullo periculo, sed ingenti Reipublicæ bono iisdem privabuntur, si aliquando nobis pristinus patriæ amor & pietas in præcordia redierit. Solo enim errore & præpostera religionis larvâ in nostra Republica imperant, quo animadverso citra ullum piaculum res suas sibi habere & nostras nobis relinquere ex formula antiqua juberi poterunt: quod ut citius fiat, nemi-

D 3

ni nisi

(a) s. Erstlich der streitigen Religion halben.

(b) s. Nach dem auch in berührten Rathschlag.

(c) Art. 5. s. 13. Quod verò ad Comites.

54 *De Summa Imper. Potestate circa Sacra.*

ni nisi illis grave est, qui ex publica calamitate saginari solent.

§. 10. Hac ratione in Romano Imperio Cæsares semper potestatem suam circa sacra exeruerunt. In aliis regnis idem factum est. De Francis passim in id l. 2. *Spirensis Chronica*, præsertim verò cap 41. Lehmannus clarissimè docuit. De Gothis & Vandalis, Arrianam hæresin secutis res ipsa per se loquitur: & hodie locupletiore testimonio Christiana regna salutarì Evangelii luce repurgata, ut Anglia, Suecia, Dania, & melior Germaniæ pars exemplo sunt. Illa etiam, quæ adhuc in fide Romanæ Curia sunt, non parum debent defecata per Lutherum religionis veritati, dum & ipsi oculos in rem suam prudentius aperuerunt, discussis ubique humanarum traditionum tenebris; & Pontifices multo temperatiores in usu suæ potestatis facti sunt, exemplum scilicet veriti, ne nimia contumacia irritatos Principes ad libertatem sollicitarent. Quanti enim ipsis quondam constitit imprudenter negata Heinrico VIII. Angliæ Regi, & defensori Catholico dispensatio, alias quinquies aureorum millibus emi solita? Quanto pluris etiam vibratum in Lutherum fulmen, quem præstitisset opima dementiri præbenda? His ictibus Piscator Romanus cautior factus umbram potius videtur retinere pristinae potentia, quàm solidum robur: Hispaniarum Rex, devotissimus in speciem Ecclesiæ filius res suas hac ipsa religione & obsequio agit, haud æquè fidus, ubi de præjudicio ejus agitur: itaque Philippus II. superiore seculo per Oratorem suum Sixto V. Pontifici denunciari

ari curavit, se eum non agniturum pro Pontifice, nisi desineret in occulto causæ Heinrici IV. Galliarum Regis favere. Longè minùs Gallia omnem potestatem civilem in sacra abstinet, in qua ad hunc usque diem Concilii Tridentini promulgatio contra Ecclesiæ Gallicæ libertates non potuit obtineri, quamvis ea superiori seculo in turbis regni publicis omni vi astuque tentata fuisset. Tenuit nihilominus Rex nominandi Episcopos jus, & appellationes ab abusu in causis spiritualibus ad Regium tribunal jugiter conservatæ sunt, frustra ringente Clero, & summa imis confundente, ut abolerentur: tum in læsæ Majestatis crimine nulla admittitur fori præscriptio, sed æquè in Ecclesiasticas personas ac seculares animadverti fas est, perduellionis convictas, sicut Cardinalis Guisus Blœsis captus ac interfectus sua peste regni jura roboravit: Ut alias nunc Ecclesiæ Gallicanæ libertates taceam, quæ Regibus Francorum in sacra aliqualem potestatem largiuntur, non ex beneficio Pontificis ortam, eandem enim imo ampliorem, Reges Galliarum habuerunt, antequam Romanæ Ecclesiæ ullas partes in sua Republica fecerunt: sed ex communi periculo, velut felices reliquias, servatam, dum cætera fatali Europæ Christianæ ignavia pessum irent. Italiam nunc lubens prætereo, quæ utcunque præ aliis Romanæ Ecclesiæ addictior sit, nunquam tamen omne in sacris arbitrium Pontifici uni permisit, ceu vel unius Venetorum Reipublicæ cum Paulo V. habita discrimina, quæ ad belli usque strepitum eruperunt, sufficienter arguunt.

plurimas gentes durasse prope verum est, per universum orbem tenebantur homines Deum colere, quatenus eum norant, ei que ex totis viribus gratias agere: quoniam verò semper cultus divinus peculiares ritus habuit, quibus Deus placari voluit, adeoque aut omnes ritus illos obire tenebantur, aut nonnullis ex suo cœtu Sacerdotium committere. At in unaquaque societate munera publica distribuendi jus apud illum est, cui imperium competit: Ut patrifamilias in domo: Regi in civitate. Qui verò alii functionem aliquam assignare potest, eandem & sibi ipsi rectè assignat, dum ei par sit, nec lege superiore prohibeatur, quo minus accipiat: sed neque naturali neque gentium publica jura Sacerdotii functionem Regibus interdicunt, ut multis (4). Grotius probat, cui hæc & alia plura debemus: relinquitur ergò, Reges suo jure, quo in totam civitatem usi sunt, administrandi Sacerdotii sibi facultatem sumpsisse: quod exinde etiam magis apparet, dum omnes fatentur, in statu illo primævo jus fuisse multitudini liberæ eligendi sibi Sacerdotem, quod jus deinde, ut omnes aliæ expediendorum negotiorum rationes, in eum translatum est, cui multitudo ipsa se regendi potestatem fecit: nec abnuat electionis indoles, ex jussione & prohibitione, actibus imperii, constans: jubetur enim aliquis fungi Sacerdotio: & alii ab eo abstinere. Sunt verò in civitate jubendi vetandique partes apud solum imperantem: alios premit obsequii necessitas; ideoque in hoc etiam electionis ad Sacerdotium negotio: Hac

D 5

præ-

(4) De Imp. Summ. potest. Circ. Sacr.

præsupposita certitudine nunc ultro concludimus : Si summis potestatibus jure regio Sacerdotii functionem sibi ipsis assignare licet , competere utique iisdem in Sacra potestatem, in quibus totum Sacerdotium occupatum est : Et vel hæc una consequentiæ ratio jus aperit , quod Principes in electione Sacerdotum olim habuerunt, & nonnulli ingenti Reipublicæ damno sibi à Romana Ecclesia eripi passi sunt.

§. 12. Eandem pro Regum circa Sacra imperio sententiam Orthodoxa Christianorum Ecclesia omni ævo pronuntiavit. (a) Socrates Historicus verè dixit, *ex quo Imperatores facti sunt Christiani , res Ecclesia ab ipsis dependisse* : nec alio sensu (b) Optatus Milevitanus : *non esse Rempublicam in Ecclesia, sed Ecclesiam in Republica : i. e. in Romano imperio.* In antiqua inscriptione Constantinus *religionis & fidei auctor* dicitur; ac notum est Basilii judicium, qui Ecclesiam vocavit *navem universalem, cujus sibi gubernacula à Deo concredita* : nec minus diversa orbis parte Carolus M. Moguntinense Concilium *vera religionis rectorem* appellat, sicut Eleutherius Episcopus Romanus Regem Britonum *Dei Vicarium* etiam in religionis negotio, de quo in vetere illo epistolio agit , quod nomine ejus circumfertur: Eximia in hoc argumento Augustini loca sunt, Donatistis opposita, qui olim, ut hodie Pontificii, in summas potestates admodum fuerunt injuriosi. *Serviunt Reges terra Christo, (a) inquit, etiam leges ferendo pro Christo. Terror temporalium potestatum*
quan-

(a) l. 5. præfat. (b) l. 3. (c) Epist. 48. ad Vincent.

quando veritatem oppugnat, justis fortibus gloriosa probatio est. Infirmis periculosa tentatio. Quando autem veritatem predicat errantibus & discordantibus, cordatis utilis admonitio est, & insensatis inutilis afflictio. Non est tamen potestas nisi à Deo, &c. Sive enim potestas veritati favens aliquem corrigat, laudem habet ex illa, qui fuerit emendatus: Sive inimica veritati in aliquem saeviat, laudem habet ex illa, qui victor fuerit coronatus. Et (a) alibi. Mirantur Donatista, quia commoventur potestates Christiana adversus detestandos dissipatores Ecclesiae; si non ergo moverentur, quomodo redderent rationem de Imperio suo Deo? intendat caritas vestra quid dicam, quia pertinet hoc ad Reges seculi Christianos, ut temporibus suis pacatam velint matrem suam Ecclesiam habere, unde spiritualiter nati sunt. Iterum (b) alio loco Donatistis respondet, ad curam Regis pertinuisse, ut Ninivita Deum placarent, cujus viam Deus annuntiaverat. Hoc addito: Quamdiu vos non tenetis Ecclesiam, quam prænunciaverunt pisatores, Apostoli plantaverunt, tamdiu Reges qui eam tenent, rectissime ad suam curam judicant pertinere, ne vos adversus eam rebelletis impune. Leo etiam (c) ad Theodosium. Pro integritate fidei Christianissimum Principem convenit esse sollicitum. Ac (d) rursus: Quantum rebus humanis consulere divina providentia dignetur, sollicitudo clementia vestra spiritu Dei incitata demon-

(a) Tract 2, in Joh. (b) l. 2. contr. Epistol. Gaudentii c. 16.

(c) Epist. 9. (d) Epist. 12.

commodo ? Quibus major bonorum quærendorum ratio, quam animarum : quibus quotidie ex nescio quo cœli thesauro novas licet promere divitias, ut ipsi ditentur, non ut alii salventur : Fac hujus rei periculum si lubet, quam prompti sint Pastores illi ad tollenda in Ecclesia offendicula, errores ac abusus : injice mentionem corruptæ disciplinæ per legitimum liberumque Concilium in Capite & membris sanandæ : Hæc tonitrua sunt, hæc anathemata in Curia Romanæ auribus, quæ pejùs justum Concilium odit, quam lucem noctuæ. Ignis privato parabitur, pro suo in Ecclesiam hoc studio : & Principibus horrenda fulmina : nec aliter sanè Ecclesiastici Statûs ratio patitur, quæ omnis perpetua catena ad emungendas simplicis plebeculæ divitias cohæret, tum ad domesticam majestatem servandam, tum mittendos emissarios, qui occasionem opprimendorum eorum occupent, qui dum prudentius sibi sapiunt, hæretici sunt. In hanc piam militiam singulis annis imensa profunditur auri argenti que vis, iisdem artibus mox colligenda. Et verò tandem in quo nisi Principe præsidium erit, si Pontifex & ejus Palatini palam in hæreticos degenerent ? si à fide deficiant ? Dii meliora, inquiunt, & ipsum malum ominatori. Sed omnia ab illis sperare possumus, qui intrarunt ut vulpes, regnarunt ut Leones, mortui sunt ut canes. Multi Pontifices sine fide & Deo vixerunt : hoc ultimum tantum hæreticæ pravitatis deerat, ut publicè docerent, quod crederent : & sine dubio idem fecissent, nisi de dignitate fuissent periclitaturi sua.

Omnis

Omnis itaque Ecclesiæ defensio Principis est. Nectam excludimus Episcopos, quam subordinamus: Faciat quisque, quod sui est officii & muneris: Hi divini verbi prædicatione, spiritualibus armis, sobrie & prudenter adhibitis, ingenio denique & rationum arietibus oppugnent hostes suos: Illi verò etiam seculari brachio & potestate, in facinorosos aut turbatores Ecclesiasticæ unitatis severè animadvertant, Ecclesiam à mendis & humanis fictionibus, salutem hominum æternæ periculosis repurgent: Clericorum avaritiam, ambitionem ac spes immoderatas intra debitos cancellos detineant, ac denique omnia ea industriè faciant, quæ ad ordinandam piè religionem, tollendosque abusus necessaria sunt: Hoc Imperatoris est, hoc regis potestatis, quam (*) Electores quamq; Monguntinus & Trevirensis in Electione Caroli V. agnoverunt, *Statum Reipublicæ desiderare talem Imperatorem, agentes, qui præter alia CONSTITUAT & EMENDET religionis statum*: Huc Lutherus Athanasii exemplo confugit velut ad aram præsidiumq; legum, orans Imperatorem Carolum, ut doctrinæ Christianæ tutelam suscipiat, seq; contra vim & injuriam omnem defendat, quo usq; de causa constiterit. Hæc cum sit doctrina pia, vera, certa Ecclesiarum omnium, quæ à jugo Pontificio defecerunt, de calumniis & injuria adversariorum nostrorum meritò conquerimur, identidem ad nostram invidiam hæc Principibus ingerentium, quasi Reformatorum religione non tantum fides in Deum, sed & omne

erga

(*) Apud Sleidan. lib. 1.

erga legitimos Magistratus obsequium penitus convellatur. O triste & infelix mendacium, quod ipsæ nostræ Confessiones toto orbe publicatæ convellunt; quibuscum certè nemo insidias adversariorum factumque Sacri ordinis ad contumeliam Principum exsurgentem contulerit. Profecto enim *longè aliter catuli olent, aliter sues*: ut proverbium habet. Una est omnium Ecclesiarum nostrarum vox ex (a) Isidoro Hispalensi. *Cognoscant Principes seculi, Deo debere se rationem reddere propter Ecclesiam, quam à Christo tuendam suscipiunt: Nam si ve-*

ngeatur pax & disciplina Ecclesie per fideles Principes, si ve solvatur, ille ab eis rationem exigat; qui eorum potestati suam Ecclesiam credidit. Nec displicet Angliæ lex, excommunicandos illos censens, qui affirmarent Regem Angliæ non eandem habere in causis Ecclesiasticis auctoritatem, qua usi sunt pii Hebræorum Reges.

§. 13. Non incommodum, opinor erit, dissentientes ipsorum armis conficere. Jus canonicum in hac lite non ex omni parte Pontificium seu adulatorium est. *Boni Principis est ac religiosi, (b) ait, Ecclesias contritas atque conscissas restaurare, novas edificare, & Dei Sacerdotes honorare ac tueri. (c) Item: Principes seculi nonnunquam intra Ecclesiam potestate adepti culmina tenent, ut per eandem potestatem disciplinam Ecclesiasticam muniant. Caterum intra Ecclesiam potestates necessaria non essent, nisi ut quod non pravalent Sacerdotes efficere*
per

(a) Sen. 3. cap. 51. (b) c. Boni dist. 96. (c) c. Principes 23. q. 5.

per doctrinam sermonem, potestas hoc imperet per disciplinam terrorem. Sape per regnum terrenum cæleste regnum proficit, ut qui intra Ecclesiam positi contra fidem & disciplinam agunt, rigore Principum conterantur, ipsamq; disciplinam, quam utilitas Ecclesie exercere non praevaleret, cervicibus superbiorum potestas principalis imponat, & ut venerationem mereatur, virtutem potestatis impertiatur. Cognoscant principales seculo se Deo debere esse reddere rationem propter Ecclesiam, quam à Christo tuendam suscipiunt, &c. & rursus. (a) Administratores secularium dignitatum ad Ecclesiarum tuitionem constituti esse debent. Qualis vero tuitio & administratio Ecclesiarum intelligatur, jam §. præcedenti explicavimus. Canonico iuri succenturiabimus aliquos pontificiæ religionis Theologos, qui actiones Sacerdotales imperio summarum potestatum subijciunt: (b) Johannis Parisiensis hæc verba sunt. *Licetum est Principi ab usum gladii spiritualis repellere eo modo, quo potest, etiam per gladium materiale, præcipue ubi usus gladii spiritualis vergit in malum Reipublica, cujus cura Regi incumbit, aliter enim gladium sine causa portat.* (c) Francisci Victorii ista: *Respublica civilis est perfecta sibi sufficiens, ergo potest se defendere ab injuria cujuscunque propria auctoritate. mox: Possunt Principes servare proprias Respublicas, non solum per modum defensionis, sed etiam auctoritative.* Denique (d) Rogerii Widdringtoni illa. *Sive-*
niat

(a) c. Administratores 23. q. 5. (b) De Potestat. Reg. & Pap. c. 31. (c) Relect. de Potest. Eccles. sect. 7. (d) In Apolog.

CAP. II. Imperat. Imp. circa Sacra compet. 65

niat spirituales potestatem male uti spiritualibus in perniciem Reipublica temporalis, per accidens subditur potestati politica, cui cura temporalium incumbit, & consequenter potestatem habet super omnes actiones externas, qua pacem temporalem injuriose perturbant. Item: injusta spiritualium administratio, velut excommunicatio Principis notorie injusta, aut interdictum regni manifeste iniquum, ab Episcopo, qui tali Principi civiliter subicitur, quatenus pacem publicam perturbat, & seditiones ac tumultus in Republica excitat, qua ratione naturam criminis politici sortitur, ad tribunal Principis pervenire videtur. In disputatione posterius edita Parisiensem & Victoriam secutus hæc habet. Respublica temporalis est perfecta & sibi sufficiens, ergo propria auctoritate ab injuria cujuscunque se defendere, & ab usum gladii spiritualis, præcipue ubi vergit in malum Reipublica, cujus cura Regi incumbit, per gladium materiale repellere potest. Ad argumenta Suarezii sic respondit: Penes Reges temporalis est potestas prohibendi atque puniendi crimina spiritualia, ut injuria temporales sunt, & civilis Reipublica tranquillitatem injuriose perturbant. Imo propius in eodem libello rem ita tangit: Mitto jam examinare, utrum ad civilem Regum Christianorum potestatem spectet crimina spiritualia, non tantum ut injuria temporales sunt, & civili tranquillitati obsunt: sed ut crimina etiam sunt spiritualia, & spirituali Ecclesie Christi, cujus a Deo protectores constituti sunt, bono incommodant,
E prohi-

prohibere , & pœnis temporalibus castigare.
Mittit nimirum hæc eo consilio, quod vera non audeat eloqui, falsa nolit.

§. 14. Hæc omnia, quàm vera sunt per se, rationibus summis innixa, in sacris literis fundata, exemplis probatissimis asserta, à veneranda antiquitate credita; tam malignè & veteratorie à Pontificiis oppugnantur, quorum hierarchici status ratio non fert parem in imperio, ne dum superiorem. Hi summam & absolutam circa sacra potestatem arbitrandi & decidendi uni Pontifici, Christi in his terris Vicario, deferunt, exclusis omnino Principibus, quos ministros & executores Pontificiæ voluntatis faciunt, adeoque ad alienam libidinem alligant, non patiuntur proprio jure uti: quod ad salutem Reipublicæ à Deo habent. Collimant ad hanc metam omnium pene Theologorum eorum scripta, ineptissimis rationibus, & quandoque textibus ex divino Codice aut misere arreptis aut injuriose explicatis referta, quibus Primatum illum Papæ hætenus, qualicuit, fulciere: nec sibi ipsi Pontifices defunt, blanditiis, expostulationibus, minis, censuris in eos detonantes, qui manus in commendationem religionis & sacre disciplinæ injicere volunt: Non opus est ut externa, & res Galliæ superiore seculo per factiones & in turbis actas hic tædiose repetamus: in ipsa nostra patria tantæ tyrannidis luctuosa extant vestigia, quæ optimam Caroli V. intentionem in negotio corruptæ religionis tractando haud parum remorata est: Testes in id locupletes sunt Pauli III. Pontificis literæ, quas inaudito fastu & audacia
ad

CAP. II. Imperat. Imp. circa Sacra compet. 67

ad maximum hunc Imperatorem dedit, in Germania id agentem, ut per colloquia, conventus imperiales & legitimum Concilium exortam paulo ante in religione scissuram, cui ipsa Romana Curia impudentissimis suis indulgentiis ingenti nostro bono occasionem dedit, tolleret, & ad concordiam & Ecclesiæ unitatem reduceret suos cives: Summa in id omnium bonorum erat consensus, sibi invicem magnificè gratulantium ex servitute se aliquando esse in libertatem vocandos: Sola Romana Curia & ejus sequaces, quorum delitiæ sunt plebem superstitionibus dementiri, * ut ipsi interim delicatius vivant, injuriose restiterunt, omnia prius tentare certi, quàm ut aliorum salutem suas misérias facerent. Itaque Pontifex, cui tanquam capiti primas dant, superbissimas literas ad Carolum exaravit, quas integras apud (a) Wollfium videre est: in his cum *supremam* sibi per *divina & humana jura* approbante *tot seculorum consensu* cum cogendi concilii, tum statuendi de his & ordinandi, quæ ad Ecclesiæ unitatem utilitatemq; spectant, auctoritatem sumpisset, increpito obliquè Carolo quod de concilio generali, tanquam de remedio omnium oportunissimo afflictis Ecclesiæ rebus & ipsius Germania mentionem fecerit, vel de nationali vel de futuro, ad proximum omnium autumnam imperiali conventu, in quo de religione, ceterisq; rebus, quæ ad illam pertinent, tractare promittit, mox majore insolentia Imperatoris salutare consilium pessima prævaricatione comparat facto Usa, arca ruinam mini-

E 2

tanti

(a) Tom. 2. lect. memor. p. 339.

tanti manum admoventis; seditioni Core, Dathan & Abiram adversus Moysen & Aaronem; temeritati Ussie incensum in altari adolentis: addita absurdissima hac applicatione; an non putas, inquit, hoc incensum esse coram Deo leges de religione sancire: est quidem incensum, idq. omnium Deo gratissimum: sed non est tuum munus illud, Imperator; est Sacerdotum Domini; est nostrum imprimis, quibus Deus potestatem ligandi & solvendi dedit. Nec te excusat, quod sanctum sit factum, vel quod non perpetuum sed ad tempus, hoc est, usque ad futurum Concilium duraturas leges laturum te esse dicas: Ut enim id per se pium sit, tamen in eo, cui Deus hoc ministerium non dedit, maxime est impium: Sumis enim tibi jam personam, qua propria est Dei, cui solum de Sacerdotibus iudicium relinquitur, quam ne ad tempus quidem cuiquam sumere licet: & paulò post. Si pluribus dissuasimus, ne in disceptatione super his, quæ ad religionem pertinent, componenda, jus tibi vel auctoritatem sumeres, non ob id scripsimus, quod disceptationes componi non maxime optaremus: Sed ut exemplis tum ex divina scriptura, tum ex Ecclesiasticis historicis citatis te admoneremus, ne, quod ad tuum ministerium non pertinet, ipse tibi non arrogares, & pro tua & imperatoria dignitate juberet. Item: Quod præfers studium & desiderium, ut componantur controversiæ in religione, & ut aliqua disciplina morum in universa Ecclesia renovetur, te in hoc quidem magnopere laudamus, & abs te petimus, ut in hoc operam tuam præbeas,

cei cui Deus curam hujus ministerii commisit: Ut enim te tanquam caput in rebus hujusmodi tractandis minime ferendum censemus: ita tanquam brachii accommodatissimi tuam imprimis opem desideramus. Indignum, me Hercules, summo Imperatore hoc munus, qui dum brachii vicem subit, à capite Pontifice movendi, in religionis sane negotio mobile alienis nervis lignum & cadaver sine spiritu fit. Quis ferat hanc æquo animo Præsulum istorum ambitionem & superbiam? qui dum majestatem suam & potentiam non nisi Imperatorum liberalitati acceptam ferre possunt, (Petrus enim Apostolus, quem suum Patronum faciunt, non aurum, non argentum habuit) eosdem nunc infra se tam indignè despiciunt, & velo religionis ita fascinant, ut sentientes etiam facile decipiantur: Pene omiseram literarum istarum finem, quo, quantum Paulus III. Imperatori circa religionem tribuat, apertius declaravit. *Obtemperabis, inquit, Dei, (i. e. Pontificis: nam in sacris literis hæc doctrina hospes est: imò ferè hæresis) monitis, si ita animum inducas, nullum ut in iis qua ad religionem pertinent, tibi jus & auctoritatem vendices. Si divinam institutionem & Ecclesie (Romanæ) consuetudinem sequens ab ipsis conventibus imperialibus, à quibus absum, qui auctoritatem de ejusmodi rebus cognoscendi habent, omnes de Sacerdotibus ac religione disputationes prorsus excludas, & ad eorum proprium tribunal rejicias; si de bonis Ecclesiasticis nihil statuas.* Hactenus Pontificiæ literæ, quibus ingens examen Theologorum adjungere

possemus, si opus foret, & ipsi sibi potius gloriæ non ducerent, in hoc negotio quàm calumniosissimè de Imperatoris potestate loqui. Egit hoc Bellarminus toto de Pontifice Romano libro; & ego tum lectoris patientia, tum meo instituto abuterer, si hic citra causam in probationibus conficiendis, ubi rei ingenua confessione superbiunt, diutiùs hærere vellem: Saltem (a) Petrum à Soto audiamus, docentem: *Si Princeps conatur definire dubia de religione*, tum meritò audit: *Vade post me Sathan: Scandalum mihi es* Et (b) Bellarminum: *Tenentur Christiani Principes, aientem, non permittere suis subditis libertatem credendi, sed dare operam, ut ea fides servetur, quam Episcopi Catholici, & præcipue Summus Pontifex docet esse tenendam.* Denique (c) Cens. Colon. *illud est certum* (scilicet ut illud, Pontifici in omnia cœlestia & terrena absolutum imperium divinitus datum) *alienum esse à Principe Rempublicam administrante definire dubia circa fidem, sed hoc relegandum ad solos Sacerdotes: Deinde hoc tantum esse officium Magistratus, quoad religionis negotium, ut in eos, quos Pontifices pœna percellendos putant, animadvertat: imò etiamsi Magistratus animadvertat, quosdam errores & abusus in Ecclesiasticis irrepsisse, non tamen licet illi reformationem instituere, sed Sacerdotes benigne admoneantur, quod si admonitionibus nihil proficitur, summus est aliquis in Ecclesia Prasul, ei deferendum est id negotii.* Quid verò,

(a) In Assert. Cathol. (b) De laicis lib. 3. c. 18. (c) Ann. 1560. edit. art. 12.

verò, Boni censores, auxilii, si hic Præsul, ut exempla sunt infinita, ipse peior & crudelior fuerit suis Sacerdotibus? Ad quem deinde ibitur? An subjicienda sunt colla miserorum Christianorum impotenti jugo, quod nec legitimum est, nec à Deo cervicibus nostris impositum? Respiciant se aliquando Reges & Principes, quàm expediat eis injurias istas pati, sæpius in Reipublicæ & propriam illorum pestem exeuntes.

§. 15. Sed ne invidiâ potius aut lachrymis pugnasse videamur, quam rationibus, trahendi sunt in lucem adversarii, & arma eorum exploranda, in quibus tantæ victoriæ spem habent. Infelicitè trahunt in argumentum Usæ & Usiæ exempla, quorum ille, dum ruituram arcam sustinet, (a) morte luit: hic adolendo Thymiama (b) lepra est percussus. Actus enim hi ministeriales solis Sacerdotibus & Levitis proprii longissimè distant ab imperii actibus, circa religionis negotium occupatis: nihil imperii, nihil potestatis sapit, incensum adolere, (c) quod non nisi Sacerdotibus licuit; aut fœderis arcam portare humeris, ut (d) Levitis datum. Itaque cum Pontifex cum suo Clero Venerabile circumfert, cum Missam celebrat: rectè manum de tabula Principes: Verum sacròrum curam suscipere, religionem ordinare, collapsum cultum restituere, Sacerdotes in officio continere, bonos pios & eruditos viros ad Ministerium promovere: Avaros, superbos, hypocritas, seditiosos, remove ab officio, hoc non est adolere thymiama, nec

E 4 arcam

(a) 2. Sam. 6, 6. 1. Paralip. 13, 10. (b) 2. Reg. 15, 5. 2. Paralip. 26, 18. (c) Num. 16, 4. (d) Num. 4, 15.

arcam tangere. Sed scrupulum fortasse movet Paulus III. in Epistola ad Carolum V. §. præcedente recitata, ubi esse incensum coram Deo, ait, leges de religione sancire? Certè incensum dici potest, non tamen tale, à quo Reges arcebantur, nec quod unis Sacerdotibus incendere licuit: & tu maxime Pontifex annon incensum coram Deo putas preces pias pœnitente & contrito pectore effundere? pauperibus ad sustentationem opes erogare? Quid suavius enim Deo olet, hoc ipso incenso? Et ut te magis urgeam, ubi de re tua agitur, num incensum est, Sacrum ordinem, imprimis verò Romanam Ecclesiam immensis ditare divitiis, scœcâ superstitione colere, Pontificem ut Vicarium Dei adorare, omnem Clerum in summo honore habere, monasteria splendidissima extruere, eadem ornare imaginibus, picturis, vasis aureis, argenteisque? Ah suavissimum, inquis, odorem, ex hoc incenso ad divinas nares penetraturum! Ah nidorem, pinguiissimis arietum abdominibus, imò thure & omnibus aromatibus nobiliorem! Quid ais verò, sacrilegium est, hæc omnia facere: *Est quidem incensum, idq; omnium Deo gratissimum, sed non est nostrum munus illud, est Sacerdotum Domini.* Non, non, absit, reclamationes: de legibus dixeram: Enimvero, bone Pater, si non omnia incensa Laicis prohibita sunt, de legibus te securum esse jubemus, quæ ad Ecclesiasticum Statum ordinandum feruntur: prodeunt enim ex imperio, quod Principes habent, & proinde incensum sunt, ad quod Laici etiam admittuntur: Eadem ratione licet Regibus manum admove-
arcæ

arcæ, licet illam humeris portare, id est, veram religionem instituere, conservare, defendere: quamvis nemo præter Levitas materiale poterat arcam ferre. Si exemplis agere placet, cur non potius adversarii nostri Davidem in scenam producant, officia Levitarum per certos ordines distribuentem? Cur non Salomonem, exauctorem Abiatherem, multò levius res turbantem, quàm interdum Pontifices Gregorii, Innocentii, Alexandri, Paschales, alii fecerunt? Cur non Afam, Josaphatum, Ezechiam, Josiam, subvertentes aras, lucos, & excelsa: leges piissimas de vero Dei cultu ferentes; altaria Domini restituentes: Constituentes Levitas & Sacerdotes, Paschatos celebrationem mandantes: Librum legis forte repertum auctoritate sua publicantes, & denique nihil omnino reliqui facientes, quo vera religio à superstitionis nævis vindicata ad antiquos ritus à Deo præceptos ac ingenuam sanctimoniam reduceretur? Hæc omnia altissimo silentio Pontificii cautè prætereunt, parum ipsis sua luce profutura: delinientes interea os simpliciorum uno aut alio exemplo, quod vel obscuritate vel ambiguo sensu facillimè imponit.

§. 16. Nec paulò acutius est alterum telum eorum, qui magno apparatu probant, Ecclesiarum Pastores non esse *vicarios summarum potestatum*: quid enim exinde? ergo non subiecti civili imperio? Quamobrem vero? cùm nec medicus nec sutor, nec aurifex Vicarii Principis sint, quos eadem ratione ejus jurisdictioni eximerem. Differunt immane quantum *imperium, & functio cui imperatur*. Nam illius est:

E s non

non imperata facere, sed imperando facere ut fiant: Hujus verò: *facere id, quod est imperatū*: quemadmodum non est Architecti, ut nos rectissime Aristoteles docet, manum operi admove-
re, quod ad operarios spectat: sed saltem secundū rectam rationem unicuique præscribere, quæ ab operariis faciendæ sunt. Ita potest Princeps alicui in Civitate opus faciendum imperare, etiam tale, quod natura sua & muneris emanatione non sub-
jacet imperio, sed disciplinam & notitiam, imò agendi facultatem plane aliunde habet: sicut dum imperat Cantori, ut canat, non est Cantor Vicarius Principis, nec habet notitiam canendi ex imperio: cogitur interim à Principe etiam quandoque invitatus cantare: quemadmodum & ipsi inhiberi potest, ne canat, licet canendi facultatem omni tempore habeat. Quod ut plenius intelligatur, sciendum est, functiones omnes quæ sub imperio sunt positæ, duorum esse generum: Alia enim subjacent & naturæ & Ordine, ut effecta à suis causis perpetuo emanantia: Sic, ut in naturalibus soli subjacent radii; in artificiiis Architecto munus ἐργασίας: in civilibus, quæ imperium aut jurisdictionem continent, ut officium Præsidis. Prætura, Consulatus, & quicunque alius Magistratus: ac de his functionibus verum est, esse Vicarios Superioris, qui illis defungi solent. Alia subjacent tantum ordine; sicut cœlestibus terrestria: Architecto itidem munus fabri lignarii, ferrarii, cæmentarii: & tandem in civitate functio medica, Philosophia, Musica, agricultura, mercatura, & omnes omnino manuaræ artes: Hæc omnia scientiam & a-
gendi

CAP. II. Imperat. Imp. circa Sacra compet. 79

gendi facultatem non ab imperio habent ; imperari illis tamen potest , tum ut aliquid faciant , tum ut ordine certo faciant ; quemadmodum Respubl. singulis tribubus leges & instituta dat , verbi gratia , Medicorum numerum in Civitate determinat ; Cantoribus singulis tum canendi partes suas addicit , tum quid canendum sit , jubet ; Mercatoribus pretia in res venales constituit , alias vendi emique omnino prohibet ; agricolis dividit agrum , & derelicta occupari permittit ; artificum denique cuique ordini ita pro imperio prospicit , ut quisque nullo negotio intelligere queat , quid ipsi agendum sit , & quid agi prohibitum . Ad harum rerum solo ordine subjectarum exemplum subsunt etiam imperio civili sacrae functiones , quibus *in Ecclesiis* externae , itemque circumstantiarum , loci ac temporis indefinitatione per certam & specificam determinationem imperatur . Andabatarum itaque more in arena exerrant , qui pastorale munus non summas potestates , sed Christum instituisse dicunt , ab eodemque functionis suae regulas , quantum quidem ad ipsam muneris substantiam attinet , accepisse ; non enim hic quaeritur de origine muneris , causa , & necessariis ejusdem ac perpetuis functionum regulis ; sed de subjiciendi tantummodo . Ut hoc universum , quod mundum vocamus , res omnes certo ordine dispositas sibi invicem subordinatas continet , quae tamen origine & causa aliae ab aliis non semper dependent : ut terra & aqua subsunt aëri , à quo potentias suas & naturales qualitates non accipiunt : ita in Civitate etiam , cujus forma nihil aliud est quam

ordo

ordo publicus , ordinis ratio à ratione originis longissimè semper distat. Patria & maritalis potestas sine dubio à solo Deo per modum causandi est , quæ summis tamen potestatibus in Republica plenè subjicitur, quamvis antiquior ipso civili imperio: idem judicium de medica arte formare licet, quæ regulas muneris exequendi à natura & experientia habet , & nihilominus cum suis cultoribus subest in Civitate imperantium ordini : atque hoc in universum est verissimum, non esse de ratione ordinis originis seriem. Quod verò porro obijciunt, Pastores non teneri parere summis potestatibus, quæ aut jubent à Deo vetita, aut jussa prohibent, quid in eo singulare est? Nam cuivis privato tantundem est juris non in sacris modo , sed omnibus aliis rebus. Judex, qui jurisdictionem suam à Principe habet, rectè spernit ejus imperium, innocentem condemnare & nocentem absolvere jussus: nam ne quidem hoc juberi potest imperii vi , quod ad impia aut injusta non extenditur. A Deo potestatem imperans habet, à quo nihil procedit, nisi quod bonum est: quod si illo ad injurias & vim abutitur, egreditur terminos mandati sui, & deficiente imperio subditus ab obsequio liber est: Deficit verò imperium continuo , cum imperatur aliquid faciendum, quod Deus fieri prohibuit; aut quod fieri voluit, inhibetur ne fiat: ut pugnantibus Imperatoris & Præsidis mandatis provinciales hoc relicto illud attendunt, ita Deo magis quam hominibus parendum est, ubi contraria sunt imperia. Sollicitè tamen cavendum, ne confundantur, quòd fieri plerunque solet, agendorum
ratio-

rationes cum necessitate patiendi iniqua aut mala. Quæ Deus aut jussit, aut vetuit, aliter agere non pastori licet, non judici, non privato, ne quidem ex Principis jussu : sed damna & supplicia ob non præstitum obsequium, subditis à Tyranno illata & licet ferre, & oportet, ne imperium à Deo concessum etiam in malo Principe lædatur : nec discrimen inter sacra & profana facimus, quia utrobique laudabile est patientiæ exercitium : non inter hæreticum Principem & paganum, quod hodiè Pontificii faciunt : quoniam & utrumq; idem imperium, quod omnem resistendi facultatem excludit, securum reddit : & utriusque subditos eadem patiendi necessitas ex conditione personæ subiectæ orta obligat ad iniquitates subeundas, quibus non morale malum patientibus infligitur, sed pœnale, quod cives etiam per vim injustam, imò actionem palam tyrannicam illatum recipere tenentur, vindicta injuriarum Deo commendata, qui sibi soli in Vicarios suos judicium reservavit.

§. 17. Quæ de periculo confusionis Ecclesiastici & politici muneris afferunt, intempestiva sunt & absurda : Sicut enim non confunditur in civitate juris dicundi potestas, quæ Magistratui competit, cum illa Ducis exercitus, quæ in bello gerendo occupata est, eò, quod utræque summo imperio comprehendantur : ita etiam distincta manet Ecclesiastica functio à civili, licet amobus imperari per Principem possit : nam neque exinde confusio aliqua metuenda, quod Deus tam in sacris quam profanis absolute regnat : aut quod Pontifex, ut καὶ ἀνδραγαθὸν disputem, vi spiritua-

ritualis potestatis in omnia cœlestia & terrestria sibi jus & plenum arbitrium sumit. Ex quibus simul lux affunditur alii dubio, quod movent, ideo Magistratui politico non licere administrare jura Episcopalia: quoniam vice versa nec Episcopis jura politica administrare licet. Hic repōnimus, si Magistratum proprie sumunt & ex Reipublicæ Romanæ sensu, quo ille notatur, qui ordinariam potestatem habet, non summam, sed dependentem, non adeo est, quod impugnemus argumentum, quoniam ad civilem ordinem conservandum omnino necesse est, ut diligenter custodiantur limites cujusque muneris, ne his semel turbatis tota civitas in suis actionibus confusis & incertis vicibus impediatur: ita quondam in Romano Imperio non licuit Consuli ex libris Sibyllinis respondere, nec Pontifici aut Sacrorum Regi jus dicere: At vero quando Magistratum pro eo accipiunt, apud quem summum est civitatis imperium, huic plus licere, quàm Episcopis, qui ab eodem concessa potestate utuntur, quis sanus negaverit? Deinde jurium Episcopaliū diversa genera sunt: Alia enim à Deo immediatè ex Sacræ Scripturæ norma Episcopis competunt, ut verbi divini prædicatio, administratio Sacramentorum, tum usus legitimus clavis ligantis & solventis, in quæ imperium civile sibi nihil juris arrogat, nisi quatenus abusui obstat, & quæ per se facienda sunt, suis præceptis ac tutela promovet. Alia propius potestati accedunt, & ad conservationem potius divini cultus, quàm ejus actuale exercitium solis Sacerdotibus proprium, pertinent, ut est convocatio Syno-

Synodorum ; Ecclesiarum visitatio, hæreticorum coercitio, & cætera, quæ & Sacer Codex, & civiles rationes, & probatissima exempla summis potestatibus vindicant, ut hic solos Pontificios, domesticos testes, & rem sui Præsulis apertè agentes morari necesse non sit. Sufficiat nobis nunc notasse, longe aliud esse administrare munus & curare, ut eo ritè illi defungantur, quos decet. Nam concessum est Imperantibus cogere subditos suos ad officium maritale in sua domo cum fide & amore conjugali obeundum, quibus tamen eorum vices in ipso opere subire fas non est : & quondam Romæ in miraculorum perplexa expiatione Senatus libros Sibyllinos consuli mandavit, quamvis ex illis respondere nemo præter Sacerdotes potuerit.

§. 18. Sunt alii, qui nescio quo armorum genere Magistratum politicum non esse de essentia Ecclesiæ affirmant : nam quid hæc assertio momenti ad victoriam conferat ignoro : non esse de essentia Ecclesiæ cum tenebrarum plenissima sit locutio, lucem odisse videntur, qui tam obscure loqui solent. Plerique ita explicant, Ecclesiam esse posse, etiamsi potestas nulla summa sit, aut Ecclesiæ minus amica. Sed non video, quid inde colligi velint. Quod si enim omne id, de cuius essentia potestas non est, id est, quod sine potestate esse potest, subijci potestati nequit, jam nec agricola, nec mercator, nec medicus, nec quilibet privatorum imperium agnoscet, quod de ejus essentia non est : id quàm absurdum vel cogitatu sit, nemo non perspicit. Si genuinum verborum sensum retinemus, invertenda potius est

est adversariorum mens, ut de cujuscunque essentia sit summa potestas, illud in ordine civili imperare debeat, non parere: ita sane ad imperantis essentiam, qua imperans est, summa potestas requiritur: sine hac enim Princeps ne quidem per somnium concipi potest: qui tamen non subjicitur, sed alios sibi subjectos habet.

§. 19. Haud longè abit ab hac sententia illud Pontificiorum polythrylleton, *Imperatorem esse intra Ecclesiam, non supra eam*: id quod verissimum est, de universali & Catholica Ecclesia conceptum. Sed hoc modo nullos adversarios habent: neque enim nos tam stupidi sumus, qui cujusvis Principis potestatem in Catholicam totius orbis Ecclesiam per omnes Christianas Respublicas diffusam extendere velimus, cum haud quaquam nos lateat, omne imperium civile suæ civitatis finibus terminari. De aspectabili unius Reipublicæ Ecclesia cautè accipi enunciatum debet, ne imperii superioritas exinde detrimentum capiat. Princeps est quidem etiam intra Ecclesiam sui regni particularem, quâ fidele ejus membrum est, quæ deinde Catholicæ partem aliquam integrantem constituit: Est verò etiam alio sensu supra Ecclesiam, quam summa potestate regit ac tuetur: Quid enim aliud est Ecclesia visibilis quàm cœtus fidelium, super quos Regem constitui (a) sacræ literæ testes sunt, quæ Saulum, Davidem, Salomonem, *super omnem Israhalem, super populum Dei, super hereditatem Domini* Reges creatos ajunt? In novo fœdere passim Apostoli Chri-

(a) 1. Sam. 8. & 19. &c.

CAP. II. Imperat. Imp. circa Sacra compet. 81

Christianam Ecclesiam de obsequio & subjectione superioribus debita docent, ut Paulus Romanam & Cretensem : Petrus Ponti, Galatiae & aliorum locorum : quare ut nihil Imperatoris majestati officit in equestri aurei Velleris ordine & commilitio esse : ita etiam nec esse intra Ecclesiam : nam non eo modo, quo imperat, aut ordinis aut Ecclesiae membrum est : sed diverso : illius societatis æqualis jure ; hujus vero fidei unione : & ut apertius dicam , Imperator , qua est miles aut Christianus , intra ordinem equestrem aut Ecclesiam particularem etiam sui imperii est : quæ verò Princeps sive imperans supra utramque : quamvis non extra : plus enim hoc dicit, quam illud : qua eadem conceptus diversitate Rex omnis, qui verè Rex est, & intra civitatem suam esse dici potest , dum civitas nimirum pro toto imperantium & parentium complexu sumitur : & supra eam : quatenus ista voce solus subditorum ordo venit, ut abstrahit ab imperio.

§. 20. Nonnulli aliud argumentum contra imperii jus opponunt, idque eorum judicio validissimum , quod nimirum sacra functio circa ipsos etiam Reges versetur, non tantum in generali, Evangelii prædicatione : sed & singulari, clavium ministerii applicatione, quasi absurdum fuerit Regibus subesse Pastores, qui illis aut salutare clave cælum referare possunt : aut pœnali occludere. Sed in hac quoque acie exempla detegunt insidias. Nam quotaquæque functio in civitate est , quæ non circa Regem occupatur ? Agricola, mercatores, artifices, coqui, sartores imo omnes subditi sunt, quorum opera Rex indiget

diget : Hunc Medicus eadem arte , qua vilissimum ex plebe sanat , & urit interdum , secaturque , si ita res poscat. Consiliarii etiam, Jure Consulti & Philosophi Principem suis consiliis, legibus, præceptis instruunt, docent, regunt, ut hic Pastores nihil peculiare habeant, ne id quidem, quod de Clavium potestate dicitur. Nam illa uti debent non ad arbitrium & libidinem, feriendo bonos, & malos solvendo : multo minus ipsimet veram potestatem solvendi & ligandi ita possident, ut Deo necesse sit sequi illorum judicium, & in cælo demum illud pro deplorato ac spurio habere, quod in terris homunciones, sæpius cæcis cupiditatibus in transversum abrepti, censura perstringunt : aut recipere in gratiam, quibus iidem pretio interdum corrupti cælum promittunt. Absit hæc nefanda de Deo cogitare : Sed in usu clavium Pastores meri ministri sunt, declarantes impœnitentem hominem à divina gratia jam excidisse, * non cum pro imperio excludentes, ut absque eorum venia non integrum Deo sit deperditum filium, seque jam respicientem in domum recipere : itemque ex adverso resipiscentes, & specimen suæ conversionis per idonea signa exhibentes pronunciant in Dei gratiam quali postliminio receptos : non mandant Deo, ut nolens volens eos recipiat. *Quamquam ligatio in cælis*, ait quidam Theologus, *in presenti loco, tanquam ad ligationem in terris accessura posterius ponatur, non tamen subordinationem cælestis ligaminis, ad terrestre, sed identitatem eventus, significat, ac demonstrationem à posteriori : quorum peccata*
resen-

retenta sunt in terris, in cælo retinebuntur: i. e. ex retentione terrestri retentio cælestis patefiet, aliqui Deus foret Judex pedaneus, qui hominum suffragiis subscribere teneretur. Væ nobis, si nostra salus ex judicio humano penderet, quod affectibus deterrimis obnoxium bonis damno esse posset, & malis solatio. Quantis contentionum æstibus circa finem superioris seculi Henrici IV. Galliarum Regis causâ in Romana curia agitata est! Ex una parte omnis Gallia absolutionem à Pontifice pro Rege suo jam in gremium Ecclesiæ Romanæ recepto petiit: Ex altera Hispani totis viribus connixi benedictionem illam ingestis subinde suspicionibus, intentato metu, & maximorum præmiorum spe facta impediabant. Pontifex qui arbiter inter utrosque sedere debuit, palam Hispanorum & Unionis fautor deprehensus est, præfractè negata Regi absolutione, quamvis illam per Nivernium prostrato in humum corpore & oblata promptissime obedientia, penè infra dignitatem suam demisse petiisset. Quod si itaque ob corruptum auro, metu, promissis Papam nec Deo licuit pœnitenti ignoscere, quis de salute tandem sua certus esse poterit, quæ ex arbitrio perditissimi nonnunquam & privatis affectibus obnoxii Præsulis pendet, non ex divina gratia per fidem apprehensa? Apex hæc esset potestas sævissimæ tyrannidis, in totius humani generis perniciem exundaturæ, imò ipsum Christi meritum sufflaminaturæ, quod sine Pastorum, & imprimis Pontificis venali gratia non pœnitenti, non fideli quicquam profuerit. Quamobrem clavium pote-

84. *De Summa Imper. Potestate circa Sacra.*

Ita non regia est, sed ministerialis iudicii divini consequens & declarativa, ut quod in terris speciali & determinata ad singulos applicatione ligat, id jam in cœlo ligatum sit, non denuo ligandum: & quod solvit, ibidem sit solutum, non solvendum. Sicut Præco, qui ex præcepto Principis seditiosis subditis, cum resipuerint, veniam delictorum pollicetur, non ipse auctor gratiæ fit, sed jam factam denunciat: Ita Pastores quoque cœlestis gratiæ & iræ angeli per externum præconium, illam pœnitentibus insinuant: hanc contumacibus: qua in re profecto nihil est, quodd eos possit ab imperio civili eximere. Ut medicus, qui ægroto Principi ab externis morbi signis vel salutem prædicit, vel pestem: ut Consiliarius, qui ex Reipublicæ habitu & actionibus iudicium format, infra Regem sunt: ita Pastores etiam ex vita & moribus hominum de statu illorum vel saluari vel rejecto pronunciantes.

§. 21. Cohærent cum his, & lucem inde aliquo modo accipiunt, quæ de regimine Pastorum ex sacris literis ad elidendum civile imperium congeruntur. Ita nimirum Presbyteri sunt (a) *ποιῶντες*, (b) *ποιῶντες ἀμείνους*; dicuntur (c) *ποιμαίνοντες* (d) *ἐν ἐκκλησίᾳ*, quibus populus iubetur *πειθεσθαι* & *ὑπακούειν*: unde colligunt, si Pastoris officium est, fidelibus præesse, eosdem ducere, regere, pascere, inter quos tamen non minùs ipsi Reges quam privati sunt, sequi, summis potestatibus non esse imperium in Pastores, quoniam

(a) 1. Tim. 5, 17. (b) 1. Thessal. 5, 12. (c) Actar. 20, 28.
(d) ad Hebr. 13, 17, & 7.

niam quis uno eodemque tempore nequit regere & regi, ob repugnantiam imperii & obsequii, quæ nunquam idem subjectum afficiunt. Quoniam manifesta hæc in ambigua regiminis voce captura latet, evolvenda sunt diversa regiminum genera, ne nominum similitudo in re diversissima nobis præjudicio sit. Omne regimen tale est, quo posito vel relinquitur in eo, quem regit, juris & actionis libertas: vel tollitur. Priori modo illi regere dicuntur, qui in rebus non adeo necessariis consilium dant, quod vel sequi possumus, vel citra culpam relinquere: ut quando consiliarius Principi suadet, ut limitem in pace muniat, fortalitium extruat. Cum Advocatus clienti, ut ex duabus actionibus, quæ in una causa concurrunt, meliorem eligat: cum Medicus ægroto, ut botanicis potius medicamentis utatur ex Galeni præcepto, quam mineralibus. Posterius regimen, quo dato tollitur libertas agendi, iterum est duplex, vel declarativum, vel constitutivum. Illud non propriè obligat, sed obligationi occasionem dat, dum notitiam agendorum ei, qui regitur, ita imprimat, ut, nisi sibi ipsi deesse velit, & contra conscientiam propriam agere, parere teneatur, non imperio superioris obstrictus, sed boni viri officio, quod citra peccatum negligi nequit: in hoc itaque regimine ex re ipsa, id est, objecto nascitur obligatio, non à principio extrinseco. Ita regit Medicus ægrotum ostendendo, quid ipsi letale sit & pestiferum: itemque suggerendo, quid ad conservandam sanitatem aut recuperandam necessarium. Sic Jureconsultus regit Principem

jus dictando, quod dici oportet. Ita etiam morum Doctores civilem vitam instruunt, honesta præcipiendo, & vetando turpia. Nam utcumque per ignorantiam factum culpâ carere possit, quam primum tamen aliquis meliora doctus est, notiâ de rei bonitate & malitiâ ex se obligationem parit vel ad agendum, quod bonum est, vel ad cavendum malum. Continuo cum ægrotus à Medico rationem comperit restituendæ sanitatis, ex naturæ lege, quin re ipsa obligatur idonea adhibere remedia, quibus illam parare valeat: & quicumque virtutem per alium præceptorem agnoscit, eam sequi debet, quemadmodum etiam Rex Consiliario suo auscultare, qui quid utile Reipublicæ, quid item noxium, declarat, vel quæ sententia sit in judicio ad justitiam æqui normam ferenda. Regimen Constitutum iterum est vel ex consensu, vel vi imperii. Illius obligatio ex jure naturæ est, quod pacta conventa servare jubet: atque hoc regimen *non solum in inferiorem esse potest*, ut toto in partes: errat enim Grotius, qui partem minorem in actu quodam speciali non determinativè consentientem magis ex naturæ lege, quæ vult partem omnem, quæ pars est, ordinari ad bonum totius, quam consensu obligari ait. Sufficit enim hic ad producendam obligationem generalis omnium in societatem primò coeuntium consensus, tacitus etiam, & ex ipsa expediendorum negotiorum ratione desumptus, si expressus non sit, quo singuli se partis majoris judicio staturos promississe creduntur, cui deinceps per dissensum unius alteriusve non licet amplius derogare, quoniam

nam majoris partis jus, quod ad obligandum minorem partem ex omnium voluntate saltem præsumpta habet (alias enim societatis res exitum vix habere possent, si quod pluribus placuit, ea paucis rescindere fas sit) trahit continuo minorem partem etiam dissentientem ad se, & prior obligatio absorbet omnem dissensum, qui contra fidem datam intempestivè interponitur. Ut nunc taceam non adeo certum esse, naturaliter partem regi à toto, quam Politicorum ferè receptam sententiam egregiis rationibus Dn. (a) Hornius impugnavit. *Sed & parem*, in quem pari coactio datur, quicquid Zieglerus sentiat, cui (b) alibi satisfecimus: ita creditor regit debitorem, quem ex pacto obligatum habet, ut aut solvat quod debet, aut usuras communes ad crediti proportionem præstet: ita Respublica Rempublicam, quæ ipsi vel conventionem aliquam vel ex delicto tenetur: nam & in delictis noxiorum tacitus consensus præsumitur ad se obligandum vel ad poenam vel reparationem. *Imò superiorem*: cujus statui non repugnat ex consensu obligari & regi, citra tamen coactionem. Tandem regimen constitutivum vi imperii illud est, quod obligationem ex intrinseca & essentiali suæ supereminentiæ ratione citra ullum regendorum aut consensum præstitum, aut assensum necessarium producit, cum coactione semper conjunctum. Hoc regimen proprio suo & domestico nomine imperium seu potestas audit, quod iterum in civile dividitur & id quod minus est

F 4

civili.

(a) De Civitat. lib. 2. c. 1. §. 18.

(b) Observ. ad H. Grot. l. 1. c. 3. §. 17. p. 243.

civili. Civile regimen vel summum est, & vocatur majestas: vel sub summo, quale est imperium Præsidis, Consulis, Prætoris, &c. Minus civili est regimen Patrisfamilias in uxorem, filios, servos: unde potestas maritalis, patria, herilis. Quibus ita præmissis, ad Pastores veniamus exploraturi, quale ipsis regimen competat: & primo quidem constitutivum ex vi imperii, illis non (a) Christus solum eripit, Apostolis suis aliam vendi rationem præscribens, quam Reges & Principes gentium, quibus dominantur, insistant. Sed & (b) Petrus, vetans Presbyteros κατακυριεύειν τῶν κληρῶν: ubi imprimis notandum, quod voce eadem κατακυριεύειν Christus in locis ad marginem notatis usus sit, cum de summo Regum imperio loquitur: quemadmodum κατιξυσάζει tribuit τοῖς μεγάλοις, qui nimirum infra regiam dignitatem sunt, quales fuerunt Ethnarchæ Judæorum, apud (c) Josephum ἐνιργεταὶ dicti, ad quos fortasse Christus apud Lucam respexit, cum isto vocabulo utitur: quare si Pastoribus & regum imperium, & illud adimitur, quod minus est regio: sequitur omne imperium adimi: id quod etiam magis ex negato Presbyteris usu coactionis, quæ essentialis & immediatus imperii effectus est, apparet: (d) Christus jubet Petrum ut gladium in vaginam recondat, quem in grassatores nocturnos strinxerat, negans (e) regnum suum, in quo Apostoli dominaturi sunt, esse de hoc mundo, ad cujus defensionem non militum.

ἡ δὲ κυριότης τοῦ βασιλέως ἐστὶν ἐν τῷ σώματι καὶ οὐκ ἐν τῇ ψυχῇ.

(a) Matth. 20, 25. Marc. 10, 42. Luc. 22, 25.

(b) 1. Epist. 5, 3. (c) Antiq. Jud. 13, 2. (d) Joh. 18, 36.

(e) Joh. 18, 36. (f) Joh. 18, 36.

ope, seu seculari brachio, (d) sed Angelorum legionibus usus fuerit, si viagere vellet, tum (e) noluit esse Judex super adulterio cujusdam uxoris, ne vel umbram alicujus potestatis civilis sectari videretur. Apostolus Paulus à quacunque vi & coactione Pastores abducit, cum Episcopum (f) non vult esse πλάτων: & suo ipsius exemplo præivit aliis, quanta modestia in illis rebus utendum sit, quæ aliquid imperii sapiunt: quando enim (g) Corinthios admonet, ut Hierosolymitas aliqua extraordinaria ope juvent, præoccupat statim, se non imperare hæc, (ὁ κατ' ἐπιταγὴν λέγει,) sed potius suadere, precari, intercedere pro fratribus: relicto Corinthiis libero arbitrio citra necessitatem assentiendi: addit enim μὴ ἐξ ἀνάγκης. Et priori ad eosdem Epistola de virginibus consultus, quia nullum mandatum aut imperium à Domino habeat, nihil imperare audet, saltem quid sibi ea in re videatur, exponit. Notum est illud Chrysostomi: *Non est nobis data talis potestas, ut auctoritate sententiae cohibeamus homines à delictu: & ejusdem alio loco. Homo si à fide fuerit abductus, multa imminet Sacerdoti patientia industria adhortationis, quia non potest errantem vi reducere, sed persuadere conabitur, ut ad fidem rectam revertatur: itemque illud Bernhardi: stetisse Apostolos judicandos lego: sed ipse judicantes non lego.* Regimen ex consensu singulis pastoribus ut toto in partes nonnisi absurdissime tribuitur: in quantum verò alii se fide data ipsis obligarunt,

F. 5.

runt,

(a) Matth. 26, 53. (b) Luc. 12, 14. (c) 1. ad Timoth. 3, 3.
(d) 2. ad Corinth. 9, 7. & 8.

runt, tunc jus ad petendum habent, non qua pastores sunt, sed qua contrahentes. Relinquitur itaque solum regimen suasorium & declarativum, quo ducere & pascere populum, eidemque præesse solent: & siquando imperasse leguntur, ita id intelligendum est, sicut remittere dicuntur peccata & retinere, id est declarare remissa aut retenta: Deus enim qui hominibus ut in omnibus aliis, ita etiam præcipue in cultu divino imperat, per ministros suos nos de voluntate sua docet, sicut Princeps Prætori per tabularium rescribit, qui longissime omnium ab imperio abest. Eadem etiam figura interpretari illud apud Jeremiam debemus, quem Deus à se constitutum dicit ad plantanda regna & excindenda: hoc est, ad pronuncianda regnorum excidia & plantationes, quæ ipse Deus factururus sit: ut jam supra innuimus. Interea cum Sacerdotes de salute æterna & inandatis cœlestibus homines admonent, nascitur obligatio ad obsequium præstandum non quidem ex jussu annunciatoris, sed ex re ipsa. quam cognitam aut fugere nos oportet, ut malam, aut sequi, ut bonam. Quàm vero regimen illud medici aut Consiliarii, quo Principē moderantur, nihil summo imperio obstat: tam nihil etiam hoc Pastorū, quod cum isto plane idem est genere, potestaté civilem in sacra moratur. Et hoc etiam sensu epistola Apostolorū Seniorum & fratrum ad Ecclesias Syriæ & Ciliciæ data accipienda est, qua non pro imperio præcipitur, quid ad fidem Christianam recens conversis faciendum sit, aut omittendum, sed declaratur saltem Christianorum officium ex lege divi-

na, cui omnes deinde obsequium præstare debent ob legem ipsam jubentem, non ob legis interpretem aut præconem: qua ratione nunc nemini mirum esse debet regi regem & regere, cum tam diversa regimina sint, quæ inter se sibi invicem non obstant. Regit enim Rex Pastores imperio: Pastores verò Regem divinæ ac naturalis legis declaratione: ibi obsequium oritur ex ipsa superioritate; hic ex re intellecta citra externam vim aut coactionem: nec id in moralibus contingit tantum, sed & naturalibus. Nam diverso ductus modo non impossibile est hominem duci, & ducere: Quemadmodum nauta navigio secundo flumine defertur, qui ipse etiam alium adversus amnen in nave manu sua ducere potest. De Ecclesia hîc peculiariter monendum, habere eum tum regimen ex consensu constitutum, qua cœtus est, qui jus habet singulas partes regendi: tum quandoque etiam summum civile imperium, si nimirum fideles aliis impermixti Rempublicam liberam constituent, ut hodie Batavi & Veneta Respublica: verum utrumque regimen non competit Ecclesiæ ut Ecclesiæ, cujus arma spiritualia sunt, ut verbum Dei, fides, amor: non carnalia, quæque in terra iniqua est, imperio destituta, non municeps: Sed vel ut cœtui vel ut populo libero: Quemadmodum & Pastores imperium aliquod inferius, v. gr. patrium, herile aut maritale habere possunt, quæ tamen cum sub summa potestate in civitate sint, jurisdictione seculari Ecclesiasticos eximere nequeunt, sicut nec illud regimen, quod jure Magistratus per modum concessionis à superiore

re factæ possideatur: imprimis cum hæc omnia ipsis competant, non qua Pastores sunt, sed qua Patres, mariti, Domini, Vicarii.

§. 22. Bellarminus alio adhuc se commento opponit. *Christus* (a) inquit, *Ecclesiam regendam Petro & Episcopis commisit; non Tiberio, & ejus præfectis, & per annos 300. sine ullis Regibus Christianis, exceptis paucissimis, qui vel brevissimo tempore imperarunt, ut Philippus Caesar, vel solum in aliqua Provincia, ut Lucius Rex Britannorum, Ecclesia à solis Episcopis & Presbyteris optime gubernata est.* Reponimus, quæ Christus in Ecclesia Petro & Episcopis commisit, ut nimirum oves suas pascerent, id est Evangelium per omnes mundi angulos prædicarent, baptizantes homines, & credentibus absolutionem à peccatis ac æternam vitam promittentes, ea, tanquam Sacerdotalis officii propria, in quæ nihil juris summis potestatibus nisi quoad defensionem concedimus, non impediunt, quo minus in aliis ad sacrorum curam pertinentibus imperio civili liberius sit arbitrium; nec obstat, per trecentos annos & quod excurrit Ecclesiam sibi soli in regimine suffecisse, exclusis penitus Imperatoribus: se ipsos enim potius Imperatores excluderunt, Ecclesiam persequendo, quàm ut illos Ecclesia rejecerit, quæ, quo primum in ejus gremium concesserunt, humilima subjectione in religionis quoque & spiritualibus negotiis rectè monentibus paruit. Malo hic Augustini potius quam meis verbis Bellarmino satisfacere, contra Do-

nati-

natistas, idem in hac lite jugum cum Pontificiis olim trahentes, masculine pro Principum juribus pugnantis. Non invenitur, (a) inquit, exemplum in Evangelicis & Apostolicis literis aliquid petatum a Regibus terra pro Ecclesia & contra inimicos Ecclesia. Quis negat non inveniri? sed nondum implebatur illa prophetia: & nunc Reges intelligite, erudimini, qui iudicatis terram. Servite Domino in timore. Adhuc enim implebatur, quod in eodem Psalmo legitur: quare fremuerunt gentes & populi meditati sunt inania. Adstiterunt Reges terra, & Principes convenerunt in unum adversus Dominum & adversus Christum ejus. Verum tamen si facta praterita in propheticiis libris figura fuerunt in Rege illo, qui appellabatur Nabuchodonosar, utrumq; tempus figuratum est, & quod sub Apostolis habuit, & quod nunc habet Ecclesia. Temporibus itaque Apostolorum & Martyrum illud implebatur, quod figuratum est, quando Rex memoratus pios & justos coegit adorare simulacra, & recusantes in flammis mittebat: nunc autem illud impletur, quod paulo post in eodem Rege figuratum est, cum conversus ad honorandum Deum verum decrevit in regno suo, ut quicumq; blasphemaret in regno suo Deum Sadrach, Mesach, & Abednego, pœnis debitus subjaceret. Prius ergo tempus illius Regis significabat priora tempora Regum infidelium, quo passi sunt Christiani pro impiis: posterius vero tempus illius Regis significavit tempora posteriorum Regum jam fidelium, quo pa-

(a) Epistol. 48. ad Vincenr.

tiuntur impii pro Christianis. Idemque (a) alio loco. Quod dicunt, qui contra suas impietates leges justas constitui nolunt, non petiisse à Regibus terra Apostolos talia, non considerant aliud fuisse tunc tempus, & omnia suis temporibus agi. Quis enim tunc in Christum crediderat Imperator, qui pro pietate contra impietatem leges ferendo ferviret? quando adhuc illud propheticum complebatur; quare fremuerunt gentes. &c. nondum autem agebatur, quod paulò post in eodem Psalmo dicitur, & nunc Reges intelligite, servite Domino. & paulò post. Postquam cepit impleri, quòd scriptum est, & adorabunt cum omnes Reges terra, omnes gentes servient illi, quis mente scilicet Regibus dicat, nolite curare in regno vestro, à quo tueatur vel oppugnetur Ecclesia Domini vestri: non ad vos pertinet in regno vestro, quis velit esse sive religiosus, sive sacrilegus, quibus dici non potest, non ad vos pertineat in regno vestro, quis velit pudicus esse, quis impudicus. Cum enim datum sit homini liberum arbitrium, cur adulteria legibus puniantur, & sacrilegia permittantur, an fidem non servare levius est animam Deo quam faminam viro: aut si ea, quæ non contemptu sed ignorantia religionis committuntur, mitius vindicanda nunquid ideo negligenda sunt?

§. 23. Speciosius est, quod apud (b) Prophetam Reges demisso vultu & pronis in humum genibus Ecclesiam adoraturi prædicuntur, & pulverem ipsius pedum lincturi, quæ verba sub-

jectio-

(a) Epistol. 90. ad Bonif. Comit.

(b) Esa. 49, 23.

jectionem magis à Regibus Ecclesiæ debitam videntur inferre, quàm ut illa imperio summarum potestatum teneatur obtemperare : atque hic profectò familiaris est pontificiorum atres, quo Principum jura in res sacras oppugnare solent ; Verum enim verò si divinum promissionis Oraculum cum aliis Sacræ Scripturæ locis diligentius componimus, quod (a) bonum interpretem facere oportet, haud difficulter intelligemus, honorem illum, quem Propheta fatidico ore Ecclesiæ tribuit, soli Christo, Ecclesiæ capiti esse proprium & peculiarem, dici verò de Ecclesia ob Christum in illa spiritualiter præsentem. Et hunc scilicet esse genuinum hujus Vaticinii sensum, ut alias rationes omittam, cum divinæ adorationis cultus evincit, qui soli Deo competere potest, non Ecclesiæ, quam, ut cœtus fidelium est, eo modo colere, quem Propheta requirit, sacrilegium esset : tum imprimis (b) Psalmista, eundem honorem haud multum disparibus verbis futuro Messia oblatum iri, spiritu præfatus, ex quo loco superioris textus incorrupta & vera interpretatio sumenda est. Quæ præterea hinc inde in sacro Codice & apud Patres inveniuntur loquendi rationes, quibus Reges Ecclesiæ servire dicuntur, id non ad servitutem, imperio adversam, pertrahi debet, sed utilitates Ecclesiæ, quas dum Reges curant & promovent, Ecclesiæ servant, *nimirum officio consulendi, & promovendi misericordia*, ut Augustinus ait. eo modo, quo pecuarius gregi servit, & tutor pupillo, quorum neuter inferior illo est, cujus com-
modita-

(a) Nehem. 8, 9. (b) Psal. 72, 10.

moditatibus vigilat. Servire itaque Reges Ecclesiæ rectè dici possunt, Servi esse non æquè, nisi per tropum aliquem, ut Ecclesia Christum notet: neque enim unquam Saul Rex Israëliti- cæ Ecclesiæ Servus vocatur: sed potius inversa vice Judæi Saulis Servi: nec iidem seculares sal- tem, (a) proceres ejus & purpurati: Sed & Sa- cer Ordo, & inter illos (b) Sacerdos Abimele- chus. Saulis jussu, summa iniquitate trucidatus: ad quorum exemplum Synodi etiam, Ecclesiæ Christianæ quondam sub Romano imperio com- pendium Imperatores Dominos suos salutarunt: quare servire Ecclesiæ est inservire, seu regere Ecclesiam, ut partem totius Reipublicæ nobi- liorem: quo sensu antiqui regnum servitutem dixerunt. Pertinet huc illud apud (c) Xeno- phontem: * καὶ γὰρ ὁ βασιλεὺς αἰμεῖται, ἵνα ἑαυτὸν καλῶς ἐπιμιλῇται, ἀλλ' ἵνα καὶ οἱ ἐλάμνῃσι διὰ τῶτον τὸ φράττωσι.


§. 24. Restant denique illi, qui ita soli Christo in sacra imperium tribuunt, ut in nullam ejus partem admittant Principes, quasi vicariam alterius opem ille non desideret, qui regno ad- ministrando sibi ipsi sufficit. Sed hujus argu- menti imbecillitas facile eliditur instantia, à regi- mine Dei in hoc universum desumpta, qui sibi haud dubie sufficit ad orbem regendum, & ta- men Vicarios suos terrestres in quovis regno cō- stituit, ut sua vice sint & populo jus dicant: nam vel eo ipso, quod Deo sic placuisse videmus ci- vilem ordinem, consentiendum est. Interea cum

(a) 1. Sam. 22, 14. 1. Reg. 1, 32. (b) 1. Sam. 22, 15.

(c) In memorab. Socrat. l. 3.

cum regię Christi actiones, quas in suo regno exercet, non sint unius generis, quædam enim ita se habent, ut non vicariam, non sociam operam patiantur: aliæ, quæ subsidio non tam egent, quàm gaudent & delectantur, secundum has ipsas actiones distincte circa imperium civile judicandum est. Illæ sunt vel terminales vel mediæ: Terminales voco, quæ ad principium & finem regii muneris pertinent. ad principium, ut interpretatio authentica moralis legis, constitutio Evangelici ministerii & Sacramentorum, cum abrogatione legis Hebræorum ritualis præsentē antitypo. Finem concernit supremum iudicium, in quo Iudice Christo tribunali sedente bonis præmia distribuentur, & improbis pœnæ. Intermediæ, consortis impatientes sunt, quæ versantur *μετὰ τὸν ἑαυτοῦ ἄνθρωπον*, sive sint in homine, ut cum Christus vi Spiritus sui alios illuminat, alios indurat: sive de homine, quando peccata remittit aut retinet. Hæ omnes actiones terminales & mediæ meri hominis potentiam excedunt, ac proinde in jure Vicarii non sunt. Supersunt itaque actiones Christi *μετὰ τὸν ἑαυτοῦ ἄνθρωπον*, quæ in tuenda & liberanda ab hostibus Ecclesia occupantur, in eadem ordinanda & ornanda; hæc cum providentiæ divinæ sint, quæ ut universalis per se *ἀνθρώποις* & rebus disponendis idonea summis potestatibus nihilominus ad demonstrandam multiformis sapientiæ regulam utitur: ita & hæc Christi particularis pro Ecclesia excubans easdem Vicarias sibi adsumit, veræ fidei patronas & Ecclesiæ nutrices, quibus ipse Christus nomen suum Uncti

non invidet, sed communicat. Hi sunt Reges & Proceres, quos Nazianzenus ait Christo *ευαγγε-
λίζει, ευδοκεῖν*. non æquali potestate, sed jure Vi-
cario, neque tamen mere ministeriali: Diffe-
runt enim Vicarius & minister toto genere. Vi-
carii est producere actiones congeneres illius a-
ctionibus, cujus vices gerit, licet inferiores & mi-
nus perfectas. At verus minister non producit
actiones congeneres, sed tales, quæ principalis
causæ actionibus inserviant: unde fit, ut in illis
etiam actionibus Christi, quæ vicarium respu-
unt, ministri admittantur, sicut in remissione
vel retentione peccatorum: non verè retinent
vel remittunt Pastores peccata, sed tantum à
Deo remissa aut retenta declarant, quemad-
modum nuncius donationem nunciare jussus
non donat: sed alienæ liberalitati inservit, quæ
verò ratione vicariatus in sacris rebus Reges ju-
bent vetantque, ejusdem actionis nomen
cum divinâ sortiuntur, proportio-
ne tantum diversâ & gra-
du inferiore.



ANNO.

ANNOTATA

Ad

CAPUT II.

§. 3.

Visibiles Dei effens.] Unde piè creditum, habere Principes aliquem divinitatis characterem impressum. Apud Persas Artabano teste apud Plutarchum in vita Themistoclis, ἢ μὲν δ' αὖτ' πολλὰν ὄντω ἰσμοὶ καὶ καλὰν κάμιν. ὑπὸς ἴσι, τὸ τιμᾶν τὸν βασιλῆα καὶ προσωπεῖόν ἱκέσθαι τῷ πάντα εὐχόμενος θεῷ. Sanè cum multa leges pulcherræ essent, pulcherrima omnium illa erat, honorare Regem, & adorare eum tanquam imaginem Dei omnia conservantis. Ecphantas Pythagoricus in libro de regno & officio Regis rem optimam natura hominem esse dixit, sed maximè divinam Regem. Similem quidem corpore reliquis, quippe ex eadem materia creatum, longè tamen meliore conditione ab optimo artifice productum, ὥς ἐντεχνίονται αὐτὸν ἀρχιτέκων χειρὶ καὶ ἰατρῶν, qui fabricabit ipsum ad sui instar : Continuo subiecit esse Regem imaginem τῷ ἀοτήρι βασιλῆως, cælestis regis.

[Quantum Deus in toto orbe.] Id etiam paganis visum, quibus Principes à Deo non aliter discriminati, quam origine potestatis & amplitudine imperii. Diotogenes Pythagoricus alius : ἔχει δὲ καὶ ὡς θεὸς ποτὶ πόλεις, βασιλεὺς ποτὶ πόλιν. καὶ ὡς πόλιν ποτὶ πόλιν, βασιλεὺς ποτὶ θῖον. Ut vero se Deus habet ad mundum : ita Rex ad Civitatem. Et sicut Civitas ad mundum, ita Rex ad Deum. Epaulò post : Θεὸς γὰρ φέροι ἐν τῇ καὶ πρῶτ' βασιλεὺς καὶ διδάσκει. ὁ δὲ θύει καὶ κμήτει. ὁ μὲν ἐν τῷ παντί καὶ πάντῃ : ὁ δὲ ἐν γῆ. Item natura primus Rex & Dominus : hic vero, (id est, Rex hominū creationis & imitationis. Ille ubiq; & in universo orbe. Hic saltem in terra. Quo nomine & ipsi Reges Dei sunt communicatione imperiū atque dignitatis, (interioris certè in ordine ad Deum. Sed summi inter homines.) Idem Diotogenes : ὁ δὲ βασιλεὺς ἀρχὴν ἔχει ἀντιθέτου, καὶ αὐτὸς ἐν ἑαυτῷ. Θεὸς ἐν ἀνθρώποις παρεχρημάττει. Rex summam potestatem habens cum ipse sit lex quedam viua, Dei faciem apud homines gerit.

[Ut sæpius divino ore eximie laudatos novimus &c.] Augustinus : Omnes Reges, qui populo Dei non prohibuerunt, nec everterunt, quæ contra Dei præcepta fuerant infusa, culpam

zur. Qui prohibuerunt & evertunt, super aliorum merita laudantur.

[§ 4. *ἡ ἡρεμία.*] *Ut quietam placidamq. vitam bibant in omni pietate & honestate.*

[*Τὰ τῶν ὑπηκόων σωτηρία.*] *Subditorum salutem.*

[*ἡ βασιλεία.*] *Hoc regnum praterquam quod omnem potestatem in se comprehendat, maximis sacrificiis in rebus divinis sanctum est & venerabile.*

[§ 14. *Ut ipsi interim delicatius bibant.*] Sermo est, bonis autoribus constans, Cæsarem Borgia Alexandri Sexti Pontificis filium, cum aliquando centum millia aureorum una vice alex. perdidisset, per contemptum dixisse, peccata Germanorum esse, quorum iacturam fecerit: questum illum intelligens, indulgentiarum lenocinio comparatum: ita majorum simplex pietas palatinis hominibus in Romana Curia joco fuit & derisui. Cui compar alia Sacerdotis cujusdam vox, sacrum ordinem, si centum saltem annos Lutherus venire tardasset, effecturum fuisse, ut Laici mutato in cibum scæno stramineque, capones & ferculorum omnes delicias in Ecclesiam ferrent pro salute animarum à sacrificulis consumendas.

[§ 20. *Non eum pro imperio excludentes.*] Johannes Marfilius Pontificius Dpctor, quod Venethrum causæ faveret, citatus ad inquisitionis Romanæ iratum tribunal, & cum non compareret, ejectus ex Ecclesia publico diplomate, se defendit eodem argumenti genere, cæco fulmini conscientie tranquillitatem pacemq. cum Deo pro clypeo objiciens, nec se à communione catholica alieno & impotenti iudicio relictum arbitratus, cum seipse nunquam suis vitiis inde prior separaverit. Imò publicè professus, *pro sectariis habere, qui dixerunt, posse aliquem à Christo aut communione Ecclesia catholica separari, nisi se prius ipse separaverit: aut aliquem sine sua culpa excommunicatum, & tantum ob id, quod non audietur, cum audiri nec possunt nec debent, verè & validè excommunicatos esse.* Thuan. *Histor.* l. 237.

[§ 23. *ὅτι γὰρ ὁ βασιλεὺς.*] *Rex enim eligitur non tam ut ipse sibi bene faciat, quam ut per eum illi, qui eligunt, res publicas & suas rectè curent.*

CAPUT III.

DE FINIBUS SUMMI IMPERII
CIRCA SACRA.

SUMMARIA.

1. Imperium circa sacra quatenus liberum.
2. Prima actionum divisio in internas & externas: & quod utrisq. imperitetur.
3. Actionum secunda divisio in definitas & liberas.
4. In utraq. imperium valet: liberius tamen in indefinitas. In definitis saltem pro ipsis & circa ipsas.
5. Sed non contra illas.
6. Itaque non parendum Principi illicita mandanti: sed nec resistendum: probatur id primò rationibus.
7. Secundò sacrarum literarum testimonio.
8. Tertio exemplo Vera Dei Ecclesia.
9. Nullo inter privatos & Magistratus discrimine.

§. I.

Vidimus imperium, quod Regum est in sacrorum & religionis negotio: non infinitum tamen illud, & in absoluto Principum jure: sed certis limitibus inclusum, quos transilire citra peccatum non potest. Definiuntur verò fines illi ex hominum actionibus, quæ proprie materia imperii sunt: quare ut hæc melius percipiantur, quædam actionum divisiones præmittendæ sunt ad majorem certitudinem habendam, quantum imperio in illas liceat.

§. 2. Prima divisio actionum est, quod aliæ sint internæ, aliæ externæ Illæ, quæ in solo animo & interiori mutæ cogitationis recessu pendunt: Hæ quæ in sensus humanos incurrunt, & ex actibus vel signis seu necessariis seu probabili-
bus intelliguntur. Utræque sunt imperii mate-
ria

ria quoad obsequii obligationem, quam subditus debet, sed diverso exercitii modo. Internæ enim actiones suapte natura incognitæ, imperio adverso vindicari nequeunt, quoniam in notitiam non cadunt, nisi quæ cum externis conjunctæ sunt, & in illa quali influunt: Externæ verò, quæ solem testem metuunt, animadversioni etiam subjacent, & suæ malitiæ, de qua constat, pœnas luunt. De istis verum est, quod communiter dici solet: cogitationis pœnam neminem pati: in foro scilicet. externo, nam *καρὸς τοῦ νόμου* Deus impunè nunquam siverit: De his, quod aliter: Delictis quemque forum sortiri. Unde errare (a) Grotium opinor, qui internas actiones per repercussum demum imperii materiam facit, *ut quia aliqua actio per imperantis interdictionem facta est illicita, & cogitando talem actionem, ut faciendam eligere, illicitum est: non quia cogitationi proprie lex humana sit posita, sed quia nemo honestè potest velle facere, id quod factu turpe est.* Nam non per repercussum tantum & ex mero subditi officio internæ actiones imperio subsunt, sed etiam directò, magis ob imperii vim, quàm objecti conditionem, licet coactione externa careant. Ita Magistratus, qui furtum, qui adulterium, qui cædes prohibet, obligat subditos ad internam quoque obedientiam, ut citra legis transgressionem de furto, adulterio, cædibus ne quidem apud se cum aliqua delectatione aut proposito exequendi certitudine cogitare possint, (humanæ enim imbecillitati aliquid indulgendum est, & leges sic ferendæ, ut

(a) De Imper. Summ. potest. Circ. Sacr. c. 3. n. 1.

dæ, ut communis hominum conditio patitur) utcumque nondum ad rem rapiendam manum porrexerit, scalas fenestris applicaverit, confregerit fores aut arcas, alienum pudorem sollicitaverit, cum gladio cædis faciendæ causa in foro deprehensus sit. Et si Princeps vitia prohibet, quæ potissimum animi sunt, ut invidiam, ambitionem, rancorem, iram, peccat contra Principis imperium ille etiam qui citra externum actum mentis etiam nudæ pravitati indulget, & peccat non solum eo, quo rem turpem seu actum vitiosum facit, sed & quò vetitum, id est, contra imperium, cui subjici oportet non tantum propter iram, id est suppliciorum metu, qui ab externis actionibus oritur, (eorum enim quæ intra hominis animum sunt, vindicem in terris nemo timet) sed & conscientiam, ut loquitur (A) Apostolus, cui repugnat Principi rectè & justè imperanti ex toto corde non obedire; nam internæ rebellionis nomen meretur subditi contumacia, quæ solo poenarum timore à delictis arceatur, in omnem continuo licentiam & turpitudinem ruitura illo remoto. Evincit hanc materiæ latitudinem non origo tantum imperii civilis, quod se ad divinum refert, in interiora etiam proculdubio efficax: verum etiam expressum summi Numinis præceptum, Adami potestati in primæva conjugalis societatis institutione Evæ voluntatem non minus subjiciens, quam externas actiones: est verò voluntas meri animi, qui cum parere jubetur imperio, ne quidem nolle aliquid contra id debet: imo latitudo quoque rei, cui imperatur, quæ homo est, animo & corpore

constans, certè enim absurdum fuerit & à scopo legislatoris maxime alienum neglecta nobiliore parte vim imperii in solam materiam exerere, quæ ne quidem ejus recipiendi per se capax est. Et profectò in rebus sacris potissimum menti imperatur etiam per Principem : non coactivè quidem, ut necessitatem aliquam inevitabilem credendi, quod nolit, imperet : sed per modum obligationis & coactione quadam morali, ut qui præfractè obsequium negat, criminis contempti imperii reus sit. Pone enim mandare Principem ut populus Deum toto corde adoret, colat, amet, timeat, ut frequenti corona sacras conciones audiat, ut parentes liberos suos ad sacrum lavacrum mature ferant, ut idonei homines Eucharistia dominica citra contemptum religiose & sæpius utantur, an hîc externas tantum actiones imperium obligare censes, nulla in animum ipsum efficacia : an satisfacisse censes jussibus superioris & conscientiæ suæ, quantum imperii actum attinet, si Deum externis manuum plicis venerentur, si ritibus, ore, & toto corporis ad pietatem composito habitu fucum Ecclesiæ faciant ? in interioribus pectoris ruinis ædificior, religionis omnis contemptores, impij, perfidiosi, sacrilegi. Si concionibus intersint, Sacra Synaxi utantur : ne censuras Ecclesiæ incurrant & Principis indignationem, ne de officio suo periclitentur : audientes interea maxima modestia præcones Dei, eo demq; aut subsannantes tacitis cogitationibus, aut negligentes salutaria eorum monita, tanquam fabulas & ritus, quos Imperantes inter status rationes habent ad simpliciorum animos

animos demerendos. Si liberos baptismati afferant non regenerationis necessariae, sed quaestus causa, ex sponsoribus colligendi? Quis sanus istud dixerit, non peccare contra imperium, qui externum tantum obsequium praestat, negato, quod potissimum est, cultu intrinseco ingenuae pietatis? adeoque ferri non potest, quod Grotius ait, cogitationi legem non esse positam: caret quidem lex executione sua visibili, sed non caret obligatione, imò vi aliqua conscientiae impressa, quae facinorosis flagelli loco & carnificis sunt; ac nisi resipuerint, punietur denique haec internarum actionum perversitas in extremo iudicio, ubi omnium cogitationes perinde ac facta sublata dissimulationum nube in publica luce constituentur. Nec alia intentio Legislatorisprehenditur, cui propositum esse debet subditos suos non bonos tantum cives, sed & bonos viros legibus efficere, differunt enim hi duo eadem actionum externarum & internarum rectitudine: ille obsequium praestat imperio poenarum metu: hic virtutis amore & propter imperium ipsum: quod revereri obligatus est. Multum verò interest Reipublicae habere cives obsequiosos ex virtute & ex metu: illorum enim actiones semper sibi similes sunt, quoniam virtus nunquam à se deficit: ac proinde Respublica semper concors, fortis, felix: Horum mutatio indies expectanda est, certe timenda, quos certum est haud quaquam in officio amplius duraturos, quam ipse duraverit metus, qui malus est diuturnitatis magister: unde in civitate perpetua diffidentiae semina, malignè cohaerens pu-

blici ordinis compago: dissidia, factiones, denique Reipublicæ mors. Quamobrem ita habendum, posse omnino imperium obligare actiones internas; hætenus enim in notitiam cadunt, cum congruas legi latæ & superioris intentioni exigimus: sed non corrigere & vindicare devias aut juri adversas, quoniam illæ prius non innotescunt, quam si in actiones externas factæ aliquo influant: nam & latent quandoque crimina clam perpetrata imperante in citra obligationis ipsius ex imperio prodeuntis jacturam. Cavendum itaque est, ne confundamus temere obligandi modum & modum puniendi, qui longissime inter se distant.

§. 3. Secunda actionum divisio est, quod ante actum humani imperii aliæ jam definitæ sint: aliæ liberæ. Definitas ajo, aut moraliter bonas honestasque, adeoque necessario debitas & faciendas: aut malas ac turpes: proinde illicitas, & fugiendas. Liberæ sunt, quæ antequam de illis humanum imperium aliquid constituit, in utramvis partem nullo discrimine versantur, cum & fieri citra turpitudinem possint & cum laude omitti: has indifferentes alii vocant sive adia-phoras, & maximam objecti partem conficiunt, circa quod leges occupantur, de quibus nunc multa dicere nihil profuerit: sine dubio enim sunt imperii civilis materia, cujus jussibus & determinatione aut licitæ civibus redduntur aut vetitæ: quare ad definitas redeamus, quæ duplici modo definitionem suam habent: nam vel suapte natura, ex se & per se propter objecti conditionem tales sunt: vel ex imperio, humano superiore,

periore , quale solum divinum est. Illæ ad jus naturæ pertinent, quod ex principiis connatis rerum quarundam seu bonitatem seu malitiam necessaria evidentia docet, addito præcepto, ut has fugiendo illis studeamus. In hanc classẽ omnes illæ actiones transcribi debent, quæ bonitate sua vel malitia anteverunt omnem Dei voluntatem liberam, & bonæ vel malæ sunt non ex imperio divino, sed ante illud ex objecti vel boni vel mali conditione, quamvis imperium non excludendum sit in ordine ad homines. Ut exempli causa sunt Deum colere, amare, parentes honorare, homicidio, libidinibus vagis, mendacio, calumniis, cupiditatibus pravis, humanæ societati adversis abstinere: & breviter omnia fore Decalogi præcepta, unde latitudo præceptorum juris naturalis commode haberi potest, ceu jam Dn. Bœclerus observavit. Actiones divino imperio definitæ ad jus divinum positivum recte referuntur, imprimis universale illud, quod generi humano tum in primis mundi creati incubulis in Adamo datum, tum post diluvium in Noa aut revocatum est, aut ampliatur, cum malitia orbis primi, violentia & injustitia ebrui quasi suffocatum fuisset: ut in civilibus rebus mandata tum perpetua, de homicida capite plectendo, tum ad tempus certum duratura * ut de esu sanguinis & τὸ πνικτε interdicto. In sacris non tantum quæ ad fidei substantiam pertinent, & tam in vetere ante Christum natum, quam hodierna Christianorum Ecclesia à fidelium cœtu credita sunt, ut de Deo vero, in essentia uno & trino in personis; de Personarum ordine & officiis:

ficiis: de attributis Deitatis, &c. sed & quæ ad fidem ordinata, cùm excitandam, ut Lavacrum regenerationis: tum confirmandam, ut corporis & sanguinis Christi communio: & olim victimæ, tanquam typus magnæ illius hostiæ pro totius mundi injustitia mactandæ: in cultu etiam religionis & disciplina quædam constituta sunt, ut est Sabbathi lex, seu præceptum de septimo die in pietate & precibus sanctificando, omisso omni & hominum & pecudum labore, & mandatum *ἡμετέρας ἀγαπᾷτε*, quod Christus Ecclesiæ dedit, ad processum cum eo servandum, qui cum fratre suo reconciliari nolit. Præter hæc universalia jura divina sunt etiam quædam particularia, in eo quidem cum illis comparanda, ut ex humano imperio nullam mutationem recipiant: cæterum diversa in obligationis generalitate: non enim alios obligabant, quam quibus data erant. Erant vero data vel populo, vel singulis. Populorum omnium unus est Israeliticus, cui Deus jura positiva in sacris & profanis rebus plurima præscripsit: Singulis etiam Abrahamo, Isaco, Jacobo, Mose aliisque Dei servis mandata quædam leguntur, quæ omnia in ordine ad homines immutabilia fuerunt, adeo ut ne quidem Judæorum Regibus vel minimum in lege apicem corrigere licuerit. Duo obiter hoc loco monenda duximus: unum est, errare illos, qui putant, quondam extra Judaïsmum non fuisse Ecclesiam Dei, & omnes, qui ad illam aggregati sunt, universos etiam judaici populi sacros ritus suscipere, adeoque necessario circumcidi debuisse: longe enim
aliter

aliter se rem habuisse jam luculenter (A) Grotius docuit. Alterum, posse omnino ea, quæ à Christo præcepta sunt, aliquo modo leges vocari: quod ideo addo, ne quis ex nostratibus nos ex Socinianorum schola ideo prodiisse propediem traducat, quod paulo ante ordinem illum in irreconciliabili servandum legem *νόμον* vocavimus, quæ calumnia bono Grotio ex eadem occasione sæpe injuriam fecit. Sane enim quamvis Christus non venerit in hunc mundum, ut novum aliquod jugum hominum cervicibus imponeret, aut legem justificatoriam ferret, cujus impletionem æterna salus constaret: Sed potius ut ipse legem veterem pro nobis impleret perfecto obsequio, per fidem deinde nobismet ipsis applicando: Quin tamen illa, quæ à Christo aut noviter instituta, aut circa disciplinam Ecclesiasticam ordinata sunt, propriè leges vocari liceat, non quidem meritorias, sed tales, quæ ex præscripto superioris inferiorem obligant, nullus plane dubito. Eminent enim inter triplex Christi officium regium illud, quod per rerum naturam sine legislatoria potestate concipi nequit: Et si in civilibus rebus, quod Principi placet, legis habet vigorem, quanto magis illud etiam, quod Regi Regum maximo, & Domino Dominorum placuit? quo sensu profecto ego nunquam verebor sacræ cœnæ & baptismatis institutionem legem vocare. *Baptizate*, inquit *Salvator, omnes gentes: sumite & edite, bibite ex hoc omnes. Hoc facite, quotiescunque feceritis, in mei memoriam; & in aliis rebus etiam: ite in*
univer-

(A) De J. B. & P. l. I. c. I. § 16.

universum mundum & predicate Evangelium, excludite eum à cœtu, & sit vobis ut Ethnicus, &c. ubique verbis præceptivis, obligationem necessarij obsequij ex superioris jussu inducentibus, in quo ipsissima legis forma consistit.

§. 4. His ita præmissis imperium summum in actiones tam definitas quam indefinitas agere dicimus, sed inæquali libertate præcepti; nam indefinitas actiones, quæ sic vel aliter se habeant, ab initio nihil refert, ut ait (a) Aristoteles, in utramque contradictionis partem & vetantem, & jubentem sine discrimine flectit, prout sibi & Reipublicæ commodum est: Hæ sunt, quæ ad instar tabulæ rasæ se habent, in quam stylo licet scribere, quæcunque volueris; aut informis ceræ, ex qua artifex vel angelum format, vel cacodæmonem. Definitæ verò actiones, adeoque quoad suam bonitatem vel malitiam immutabiles *pro & circa se* admittunt imperium: non etiam *contra*: *Pro se*, ut quod jam vel naturæ lege, vel divino jure positivo aut bonum est, & factum necessarium, aut malum, & fugiendum, denuò Princeps suis edictis fieri jubeat vetetque, unde nova nascitur in subditis ad superiores obligatio, etiam in consensientia, quamvis subordinata & minoris gradus, ad peccatum tamen augendum idonea. Ita si Rex in sua civitate legem ferat, ut omnes subditi Deum verum & unum religiose colant: ne eundem blasphemijs & dejectionibus irritent, obsequium debetur imperanti non tantum quod actio per se bona sit aut à Deo præcepta, vel mala & vetita. Sed & præterea quod

(a) Ethic. I. §. c. 10.

quod Princeps eandem vel jusserit, vel prohibuerit, cui in omnibus licitis parendum est: adstringunt hac ratione plura vincula fortius & contumax civis, qui aut negligit legem aut data opera transilit, tam in ipsum imperium civile, quam naturam & Deum injuriosus est; * resistit enim divinæ ordinationi: qui verò resistunt, *ἰαντὶς ἀπὸ μαλακίας*, ait (a) Apostolus. Circa se admittunt imperium definitæ actiones, quæ ejus subsidiariam quasi opem in *ἐκτέλεσι* externa & agendi modo implorant: nam & quæ fieri oportet, & quæ oportet non fieri, extrinsece mutationis sunt capacia, quam ab imperio humano accipere possunt. Hoc actionibus debitis tempus, locum, modum & personas assignat, quatenus eadem ipsa per naturam rei vel legem divinam expressa non sunt: Hoc tollit actioni impedimenta, addit præmia bonis: coercet malos pœnis, aut culpæ veniam dat, vel nudum permittit factum ex necessitate morali citra approbationem. Infinita possent in hanc rem exempla adduci, paucis nos contenti erimus. Lex divina est, & in primordiis statim mundi Adamo ut volunt, data, septimum quemque diem Deo esse dicandum omisso omni labore: perpetua hæc obligatio fuit, & omni tempore à vera Ecclesia agnita, in diei tamen determinatione nonnihil variatum est. Judæi enim ultimum septimanæ sumpserunt: nos ex libertate Christiana & in honorificam dominicæ resurrectionis memoriam primum: actio intrinseca nullibi immutata: tempus certum additum. In illa ipsa deinde dominicæ diei celebratione

(a) Rom. 13.

lebratione, & quæ tunc fieri communiter solent
 quantæ imperantium partes, ut omnia *εὐχρημόνως*
 fiant & *κατὰ τὴν ἐξουσίαν* ? in ejus potestate & arbitrio ho-
 ra est, qua ad laudes, preces & concionem con-
 venit: tum singulorum ordo, argumentum,
 tempus durationis: In (a) novellis Justiniani
 constitutionibus plurimæ in hanc rem leges in-
 veniuntur, quæ omnia nunc Pontifices sui juris
 esse volunt: veluti, Baptismi & Sacræ commu-
 nionis canones elata voce pronunciandos, ut à
 populo exaudiantur. Sacra mysteria in priva-
 tis domibus non peragenda: nec litanias à Laicis
 nisi præsentibus Clericis canendas. Circa per-
 sonas etiam sacris functionibus destinatas multa
 inveniuntur disposita: ut ne Episcopus ab Ec-
 clesia absit, nisi summæ potestatis consensu, &
 ne sic quidem amplius anno: ne Episcopus or-
 dinetur, nisi annos triginta quinque habeat:
 alia. Præterea à summa potestate libertas reli-
 gionis dependet, quam sub illius præsidio non
 tantum citra metum profiteri, sed & absque in-
 commodo continuare licet, amotis impedinen-
 tis cùm quæ pietati externa vi officiant, sicut
 Cyrus & Darius templum instaurari permise-
 runt cohibitis per severissima edicta adversariis,
 cum pecuniarum ad sustinendas impensas, peco-
 rumque victimis faciendis idoneorum ex publi-
 co erogatione. Item Constantini & Licinii pro-
 posito mandato Christiani *ἐλευθέρως καὶ ἀπλάσως*
 ea facere licuit, quæ religio Christiana deside-
 rat: tum quæ scandalo dato & vitio rei, quem-
 admo-

(a) Nov. 137. c. 6. Nov. 58. & 131. c. 8. Novell. 123. c. 23.
 & c. 13. & 9.

admodum piissimi quique Judæorum Reges succidunt lucos, amoveant excelsa: confringunt statuas, idola, etiam res antiquitate & miraculorum recordatione conspicuas: ut serpentem æneum, à Mose quondam erectum, quòd ei à populo superstitioso adoleretur: Paganica templa Christiani Imperatores claudi jusserunt, ne recens conversi per mores inveteratos recidivam paterentur. De poenis in sacrilegos, in blasphemos constitutis, de præmiis item, honoribus, privilegiis ac indultis sacro ordini ab Imperatoribus profuse concessis quid in tanta luce multa dicere attinet?

§. 5. Sed non admittunt imperium actiones definitæ *contra se*, nec actus imperii imperabiles sunt, qui repugnando naturali vel divino juri actionem ipsam intrinsecus immutant: ratio est, quoniam quod superior potestas duratura semel lege definivit, id inferiori non licet rescindere: dependet enim inferior causa à superiore, à qua vim suam habet & essentiam: sed contra ordinem moralem est, ut majus imperium à minore, quòd ab illo dependet, elidatur. Ut Vicarius in Provincia nihil contra Domini jussu decernere potest, ut patrisfamilias in uxorem, liberos & servos potestas in civitate à Civili absorbetur: ita divinum imperium longè eminentius omnia humana complectitur, quibus contra illud ne mutire quidem licet, à quo solo, omne quod sunt, habent. Egregie hic Augustinus. *Si aliquid jusserit Curator, nonne faciendum est? non tamen, si Proconsul jubeat: non utiq; contemnis potestatem, sed eligis majori*
H *servire.*

servire. Rursus si ipse aliquid jusserit Proconsul, aliud jubeat Imperator, nunquid dubitatur illo contempto illi esse serviendum? Ergo si aliud Imperator, aliud jubeat Deus, quid judicatur? major potestas Deus, da veniam o Imperator! Cum verò definitorum ante humanum imperium, duo genera sint, alia justa, & alia vetita: duo etiam sunt genera actuum imperii extra jus imperantis politi, jussa à Deo vetare, & vetita jubere: nam neque quod divino imperio factu necessarium est, imperio humano illicitum reddi quit, neque quod illo vetitum, hoc honestum. Ita in sacris ut maneamus, nec Evangelium, nec ministerium nec sacramenta eo modo subsunt imperio, ut intrinsece mutari possint: quamvis in externis circumstantiis varie illis imperitetur. Quare non licet Imperanti salutare verbi divini prædicationem, & administrationem sacramentorum efficaciter prohibere, ut nimirum propter imperium illud fas non sit Patribus officio suo defungi, & ovis solatium accipere: sicut in aliis rebus, quæ in jure Principum existunt, gravissimè isti peccant, qui adversus jussa superiorum aliquid faciunt. Nam quin vi mera & nequiter adhibita potentia interdum Evangelii cursus retardetur, dubio caret. Deinde formulæ à Deo verbi & Sacramentorum ministerio præscripta mutationi humanæ non sunt obnoxia: ac denique in universum, quicquid ad fidem pertinet, & in sacris oraculis divinæ gratiæ consequendæ idoneum instrumentum commendatur, necessario tenendum est,

est, nullo Principibus in fidei articulos aut divinos cultus arbitrio relicto, quia non potest fidei articulus esse, nisi cœlo exierit, à quo solo, quid ad salutem credi fieri debet, patefactum est: nec in bonam partem Deus illum se colendi modum accipit, qui humano ingenio excogitatus à vera luce ad *ἡθλοσπονδίας* gravissima summi Numinis censura ubique perstrictas abducit. Eadem ex contrariis & vetitorum ratio est, quæ in sacris non minùs licita à summis potestatibus fiunt, si præcipiantur, quàm incestuosum illud matrimonium, quod quondam apud Persas per leges publicas inter parentes & liberos contrahere licuit.

§. 6. Hucusque limites summi imperii in sacris patent: Hi aggeres sunt positi amplissimæ potestati, quos Princeps cum laxat, extra suam jurisdictionem jus dicenti impune non paretur, deficit enim obsequii necessitas, cum peccatum est in mandato. Tenendum tamen seriò est, ab obsequii negatione non dari transitum ad resistendi licentiam, si eo nomine subditis vis inferatur, quod noluerint libidinibus & injustitiæ Principis velificari: quamvis enim actus imperii, qui fertur ad illicita, careat effectu suo, id est, obligatione, manet tamen ordo civilis inter imperantes & parentes, quo stante Princeps majestate sua defenditur, quam vitia nec inquinant nec fugant. Itaque si imperans jusserit, quod Deus vetuit, cave ut moveare. Si minis facta respondent, si exequitur tyrannus, quod iracunda aut ferina mens suggerit, cave, ut resistas. Patientiæ hic clypeo opus est, non gladio, non ve-

nenno, quod nonnulli liberaliter suadent. Sed reclamant Parricidis illis civiles rationes, oracula sacra & exempla piorum. Civitate semel instituta ad tuendam tranquillitatem, perit singulis civibus naturale illud resistendi jus, quod ad arcendam injuriam habent, & absorbetur à publico fine, quem non licet consequi, salva resistendi eis, qui præsunt Reipublicæ, licentia. Distinctæ sunt imperantium & parentium functiones, quibus confusis incondita & dissociata multitudo fit, ut Cyclosum illa, ubi * *αὐτὰρ ὅτ' ἐν πόλει ἑσθλὰς*: sive ut est apud Homerum

* *Θεμιστεύει γ' ἱκασθε*

Παίδων ἢ δ' ἀλόχων.

non societas ad juris participationem ordinata, qui præcipuus est scopus in Rempublicam coeuntium: quemlibet decet curare, quod sui est muneris & officii, non alienum invadere. Qui imperioso majestatis ehaatere pollent, summum rerum arbitrium à Diis accepere: aliis obsequii gloria relicta est. His Princeps ut instrumentis utitur, ad procurandam civilem salutem, propediem impediendam, quando causæ moventi restiterint: nec gravatè conditionem suam ferre debent, quam sibi ipsis fecerunt. Hæc enim est consensus eorum, qui Civitatem constituerunt, ordine publico animatam; ut apud quos rerum summa est, non tantum suprema jubendi vetandique potestate polleant, sed & sacrosancti sint & ab omni injuria defensi, ut eo majore & auctoritate & fiducia Rempublicam administrent. Duobus his munimentis semel perruptis solvitur societatis operosa compages, & in-

& incerto obsequii imperiiq̄ue jure , cui plusquam Trojanorum Palladio tranquillitas omnium nititur , inter factiones & ἀνταρχίαν miserè jacetur publica navis: illustris est hanc in rem apud Dionem Cassium locus, quem hūc transcribere lubet. * εἰ μὲν τοι καὶ ἐγώ, inquit, εἴτ' ἄλλως καλὸν ἐπιανομίζω ἀρχοῦναι τίνα τῶν ἀρχομένων ἡττιᾶσθαι, εἴτ' ἀν' σωτήριόν τι γέιναι ποτὲ, εἰ τὸ ἄχθῃν ὑπερβίῃ κρατιῶν αὐτὴ ἐπιχειρήσει. Σκέψασθαι ὅ ποῖον μὲν κόσμον οἰκίας γένοιτο, ἀν' οἱ ὅν τῇ ἡλικίᾳ ὄντις τ' περὶ βυτίων κατὰ φρονήσωσι; ποῖον ὅ τ' διδασκαλίων, ἀν' οἱ φοιτῶντες τ' παιδιῶν ἀμιλήσωσι; τίς ὑγίεια νοσῶσι, ἀν' μὴ πάντα τοῖς ἰατροῖς οἱ κάμνοντες πειθάρχωσι; τίς ὅ ἀσφάλεια ναυτιλλομένοις, ἀν' οἱ ναῦται τ' κυβερνητῶν ἀνηκεῖν. Φύσει τι γὰρ ἀναγκῆα τίνα καὶ σωτήρια τῷ μὲν ἀρχεῖν ὡς τοῖς ἀνθρώποις, τῷ ὅ ἀρχιῶν τίττεται. Nec rectè aliquis objecerit, boni alicujus & justitiæ fruendæ causa homines olim aliis se subjeisse , non ut ad injurias & insaniam eorum paterent, quos tueri oves suas oportet, non deglubere: cessante itaque fine illo cessare etiam obligationis necessitatem, tanquam ex conditionis defectu , sine qua nunquam in societatem itum fuisset: nam si vis inest huic argumento, illa tantum erit, ut si in omnium certissimam perniciem Rex feratur, omnes etiam sibi consulere possint: non verò etiam si unum alterumve ex universa multitudine petat. Procul dubio enim satius est obligare aliquem Civium ad tantam patientiam, quam singulis concedere , ut de damno & injuriis libimet ipsis caveant, perniciosissimo exemplo , quod mox aliis velum fuerit improbis cupiditatibus tegendis: nec est tanti unius salus,

ut propter eam Respublica periclitari debeat, quæ in securitate imperantium maxima sui parte consistit : istâ enim pessundatâ, nemo privatorum sospes ex communi naufragio enatat ; sed citra magnum boni publici incommodum aliquando civis jacturam facimus. Et sanè quin primi ordinis civilis auctores ea mente fuerint, non dubitandum, multò minùs verò, quin se ipsos ad tam strictam parendi necessitatem abdicato resistendi jure potuerint obligare : non tantum major pars minorem, ex societatis ratione, quæ non fert, ut hæc illi se opponat, ne quidem ad sui conservationem, sed & singuli seipsos : nihil enim peccat, qui in patriæ commodum juri suo renunciat, quod naturâ habet, & patitur potius injurias, quam ut ordinis publici salutarem faciem resistendo convulsiſſe videatur, qua integra & incolumi etiam privatorum res, utcunque per vires turbata, melius se habent, quam si unusquisque contempta Reipublicæ sanctimonia sibi privato vigilet. Rectè sapientissimus (a) Plato. * τὸ μὲν γὰρ κοινὸν ξυνοιδεῖ, τὸ δ' ἴδιον διασώζει τὰς πόλεις. καὶ συμφέρει τῷ κοινῷ καὶ τῷ ἰδίῳ ἀμφοῖν, ἢ τὸ κοινὸν τίθεται καλῶς μᾶλλον ἢ τὸ ἴδιον : Nec pejor Xenophon. * ὅστις ἐν πολέμῳ ὢν στασιάζει πρὸς τὸν ἄρχοντα, πρὸς τὴν, ἑαυτοῦ σωτηρίαν στασιάζει : ratio apud (b) Livium est, quia *Respublica incolumis etiam privatas res salvas facile præstat : publica prodendo tuâ nequicquam serves*, id quod paulo proluxius Thucydides ita explicavit. * Εγὼ γὰρ ἤγχαμαι πόλιν πλείω ξύμπασαν ὀρθομένην ὠφελεῖν τὰς ἰδιώτας, ἢ καὶ ἕκαστον τῶν πολιτῶν εὖ παραγῆσαν, ἀθρόαν ὁ σφαλ-

ὁ σφαιλομένην. Καλῶς μὲν γὰρ φερόμεναι ἀντὶ τοῦ καθ' ἑαυτὸν, διαφθειρομένης τῆς πατριδος ἡδὲν ἡσυχον ζυγα-
πόλλυται: κακοτυχῶν δ' ἐν εὐτυχίᾳ πολλὰ μάλλον δια-
σώζεται: ὅποτε καὶ πόλεις μὲν τὰς ἰδίας συμφορὰς οἶατο
φέρειν: εἰς δὲ ἕκαστον τὰς ἐκείνης ἀδύνατον: πῶς ἂν
καὶ πάντες ἀμύνων αὐτῇ, καὶ μὴ, ὁ γὰρ ὑμεῖς δεῖτε ταῖς
καὶ οἶκον ἐκπιπλεγμένοι, τῷ κοινῷ τῆς σατηρίας ἀφίεσθαι.

Quod si itaque aliquando Civitatum Rectores
nimia formidine, iracundia, amore, aut aliis affe-
ctibus præpediti à regio publicæ salutis & juris
tramite abducantur, inter infrequentia id ha-
bendum, interventu meliorum deinde compen-
sanda: Abusus hic est legitimæ potestatis, potius
ferendus, ut alia fortuita, quàm propter eum
amplissimus usus in discrimen vocandus. Vo-
caretur verò in maximum discrimen, si cuilibet
ex privatis jus esset malè imperantibus nocere:
nam propediem alii præjudicio invitati etiam
bonos Principes opprimerent, qui ad eorum ra-
tiones & vota minus imperant: injuriam enim
sibi fieri tunc etiam interpretabuntur, quando
libidines & scelera vindicant. Quamobrem
longè præstat tolerare (a) *luxum & avaritiam*
dominantium, quomodo *sterilitatem aut ni-*
mios imbres, & cetera natura mala, quàm pes-
simo exemplo parricidiis præire. Sanè lex, quæ
securitati imperantium propter publicam utili-
tatem cavet, non deficit in speciali malæ admi-
nistratæ Reipublicæ casu, de quo ne quidem su-
spicari voluit: sed mavult hunc dissimulare po-
tius, ac surda, quod ajunt, aure prætervehere,
quàm vel apicem de rigore suo remittere, * in

H 4

quo

(a) Tacit. 4. Histor. 74. 4.

quo omnium populorum tranquillitas consistit. Quod de civili lege quondam (a) Cato dixit, *nul- lam legem satis commodam esse, id modo quari, si majori parti & in summa prodest*, in hac quo- que verissimum est. Prodest enim profectò ma- jori gentium parti non lædi imperantes, quorum plurimi sunt rei publicæ studiosi ; quibus verò id non prodest, illi sub lege tamen sunt, & com- munitibus regulis constringuntur, quia etsi ratio legis in isto speciali facto cesset, manet tamen ra- tio in sua generalitate, cui specialia subjici oportet : id enim melius est, quàm absque norma vi- vere, aut eam cujusque arbitrio permittere : Ap- positè (b) Tacitus ad hanc rem ; *Habet aliquid ex iniquo omne magnum exemplum, quod con- tra singulos utilitate publica rependitur*. Et (c) Seneca. *Satiùs erat à paucis etiam justam excusationem non accipi, quàm ab omnibus a- liquid tentari* : idque ad servandam domi mi- litariæque disciplinam multis in negotiis usu venit. (d) Miles, qui castigare se volenti Centurioni re- stiterit, à veteribus notatur : Si vitem tenuit, militiam mutat : Si ex industria fregit, vel ma- num centurioni intulit, capite punitur, nullo discrimine, jure injuriæ à centurione cæsus sit. Quid verò militaris illa decimatio, qua re ex igna- via aut seditione militum male gesta decimi cu- jusque jugulum sorte petitur, an reprobanda ex- inde est, quod fortissimo etiam possit periculum creare ? Senatus Consultum Silianum quis ne- scit, servos omnes occiso Domino & incerto per- cussore

(a) Liv. lib. 34. c. 2. (b) Annal. 14. c. 44. 7.

(c) de Benef. l. 7. c. 16. (d) Maser, in l. Mil. §. ff. de re mil.

cussore ad supplicium trahens, quamvis in innoxios sæpè animadvertatur ? Hac severitate si Respublica ad Dominorum securitatem uti potuit, quanto magis, cum de Principis salute, in qua omnium etiam salus vertitur, munienda solliciti sumus ? Nec id quidem immeritò, summo imperio per se multorum odiis exposito, & miserabili Principum conditione, *quibus de conjuratione comperta non creditur nisi occisis*: ut nulla legum cura videri nimia debeat, quando unus omnium centrum vel amoris vel odii. Tribuni olim apud Romanos ἀσυλῶντες : i. e. inviolabiles erant: quantò justius verò Reges, qui plus quàm Tribuni ? Adde nunc etiam Deum, à quo Reges, boni & mali ; Quis scis itaque, an ad vindicanda populi delicta hoc instrumentum adhibeat, quod anceps retundere. Verè Vatum (α) Princeps.

----- * Δεινὸν ὃ γένετ' βασιλῆϊόν ὅστι

κτείνειν : -----

Et sol Philosophiæ. * εἰ ἀρχὴν ἔχων ἐπ' ἄξιν, ὃ δὲ ἀντιπληγῆναι : ipso nomine tuti sunt : nam * ἀρχοντές εἰσι, ὡς δ' ὑπικτίον, τιμὴ ; ait Sophocles : Item Plutarchus in Agide. * ὃ δὲ δεινὸν ὃ δὲ νομισμένον βασιλῆως σώματι τὰς χεῖρας ἀρσφύρειν : non tantum si justè imperant, verum etiam quando injuriosè. Æschilus censuit. * Τραχὺς μόναρχος καὶ ἐχ' ὑπεύθυνον κρατεῖ. Item Euripedes : * τὰς κρατύντωι ἀμαθίαν χειρὶ φέρει. Deniq; Sophocles etiam :

Ἄλλ' ὃν πόλις σήσει, τῷδε καὶ κλύειν
καὶ σμικρὰ, καὶ δίκαια, καὶ ἄναντία.

H 5

Quod

Quod à Seneca ita versum :

Indigna digna habenda sunt, Rex qua facit :

Æquum atq; iniquum Regis imperium feras.

Quin privatis ipsis, si me audient, auctor fuerim, ut injurias potius tolerant, quàm præfractè reluctentur. Quid lucri enim, quid spei eis captatur? Parata est pestis, siue parcant vitæ Regis, siue occidant: ibi irritator contumacia tua redditus mox te perdet: nam tenuissimi sunt Principum animi, & omnis freni impatientes; Hic facinoris ultor est, quisquis successit, (a) *tradito Principibus more, munimentum ad præsens, in posterum ultione*: quippe ad suam etiam securitatem pertinere existimabit, percussorem ulcisci: & vel exempli causa

(b) *Regi tuenda maxime Regum est salus.*

Ac profectò habet aliquid secreti fati, velut Seniani equus, imperantium vita, quàm nec innoxie quidem lædere citra vindictæ metum licet. * Prudenter sapientes observarunt, regicidium vix unquam impunè auctoribus mansisse, etiam si per imprudentiam aut casu peccaverint. Triste hujus rei est in Gallia exemplum Mongomerii Comes, Heinrichi II. Regis in bastiludio interfector; Hic quamvis & provocatus à Rege & omnino ad certamen coactus tamen cæde regiâ piacularis creditus est, & ob eandem causam Lutetiæ jussu Reginæ securi percussus: *nam quod illi perduellionis afflictum est.* ait (c) Thuanus, *aut superioribus edictis aut data nuper fide remissum fuerat: sed hoc impotenti Regentis desiderio condonatum, qua hominem regia morte pia-*

te piacularem quavis ratione pœna dedi postulat, ut hoc insigni exemplo omnes discant, solo casu non tantum consilio nocentes effici, quicumque, vel imprudenter perniciem Principibus attulerint. Nec privatis saltem patientia prodest, sed & universitati, quæ cum salum illud publicum quocunque colore turbat, sæpius ipsa fluctibus mergitur. Altissimas radices Regum potentia habet, & raro ea moles convelli sine convellentium exitio potest. Ut (a) Tacitus loquitur. Unde factiones, dissidia, clades, denique bellum civile, quod mare ipsum calamitatum, & in quo misera etiam victoria est. Quid nî igitur (b) Favonio credamus? * χεῖρον εἶναι μοναρχίας ἀνάνομον πόλεμον ἐμφύλιον. Adeoque sanè laudabilius, utilius, melius, ferre onus, quam cervicibus excutere in caput tuum recasurum. Opportuna est hic (c) Taciti admonitio, meminisse temporum, quibus nati sumus. & bonos Principes votis expetere, qualescunque tolerare.

§. 7. Et ita quidem nos Philosophiæ præcepta atque civiles rationes docent: Sed ex sacris literis huic rei major evidentia & certitudo conciliatur. Nam si Deus nos durare ad superiorum injurias voluit, quid miseri recalcitramus? Voluisse autem (d) Paulus testis est, cujus luculentum præceptum, * πάντα ψυχὴν ἐξουσίαις ὑπεριχύναις ὑποτάσσεται: rationem addit. ὃ γὰρ ὅτι ἐξουσία ἐκ τοῦ θεοῦ: αἱ δὲ ὅσαι ἐξουσίαι ἐκ τοῦ θεοῦ τεταγμέναι εἰσιν ὥστε ὁ ἀντιτάσσεται τῇ ἐξουσίᾳ τῇ τοῦ θεοῦ διατάξει ἀντεστηκεν: οἱ δὲ ἀντεστηκότες ἑαυτοῖς κέῖμα λήφονται: qui

(a) Histor. l. 4. (b) Apud Plutarchi. in Brut.

(c) Histor. l. 4. c. 8. n. 3. (d) Rom. 13.

quo loco primo notandum, loqui Apostolum de Potestatibus in abstracto, i. e. civili imperio, citra personæ, cui inest, respectum: omnis enim potestas à Deo est: at vitiosus Princeps, at Tyrannus in sensu composito non est à Deo, à quo malum non descendit: ergo dictum de potestate sola intelligendum, quæ etiam in subiecto corrupto immaculata manet & sine labe. Vitium enim & sævitiam perditissimus homo de suo adjicit. imperium non inficit. Deinde imperium illud, cui omnis anima subdita esse jubetur, non tantum boni & iusti Principes, sed etiam mali ac crudeles possidere possunt: ut enim virtutes morales imperium nullum dant, ita nec vitia auferunt: quis peior Saule Rege? quis Deo inobedientior, & in homines, imprimis verò proceres regni ac ipsum divino digito destinatum successorem magis injurius? Agnovit tamen David in Tyranno etiam unctum illud Domini: illud inviolabile Characteris cœlestis asylum. Unde porro sequitur, super eminentes potestates esse ordinationem Dei tunc etiam, cum in subiecto vitioso sunt, ac proinde resistentes malis & injuriis Dominis non minus ordinationi divinæ resistere, quàm si optimis aut æquissimis: neque enim minus his illi imperium habent: non ad personas nec ad imperantium vitam respicit Paulus, quæ profectò sapius omnibus iniquitatibus polluta non à Deo: sed ad potestatem, quam semper Deus dat, licet quandoque ingrato aut minus digno: unde apposite Chrysostomus ad hunc locum notat, non Principem quemlibet à Deo, sed quamlibet potestatem esse. Falsus itaque

itaque est & veterator (a) Miltonius, qui Pauli dictum, ad eos, qui Tyrannis obsistunt non pertinere putat. Certe Tyrannus in sensu composito non est ordinatio Dei, sed potestas illa, quam cœlitus accepit: Verum Tyranno resistendo potestati etiam, & ordinationi Dei resistitur, quæ in eo consistit, ut parentes obediamus superioribus, non tantum cum pie & iuste regnant, sed & si avarè & crudeliter: ut (b) alibi pluribus contra Miltonium explicavi. Quarto is, qui resistit, Apostolo, signatè admodum dicitur; ἁντιτάσσομενος, quasi ex æquo cum imperante compositus, sicut duæ acies hostiles propediem conflicturæ sibi invicem opponuntur. Hunc resistendi modum damnat, qui injuriis non ferendis sed propellendis aptus est. Si Princeps aliquem animo cædendi occidendive invadat, ἁντιτάσσομενος est, qui vitâ & corpus gladio aut quocunq; telo* cum in vasoris periculo defendit, non qui fugit: Si contra jus spoliare rebus subditos cupit, ἀντιτάσσειται ille, qui raptorem violenter repellit, verberat, interficit: non qui occultat res, donec præterierit furor. Denique comminatio resistentibus dictatur, quod sibi ipsis judicium accipient: æternum imprimis, nisi resipuerint: non excluso tamen temporali, nam rarissime factiosis aut regicidis seditiones insidiæque bene cedunt, sed divina Nemesis, in cujus speciali tutela Reges sunt, plerumque furias jam ipso successu securas opprimit: *ne vel unquam improbis timor vel spes absit calamitosa virtuti*: ut hæc Barclai verba in-

(a) In defens. pro popul. Angl. c. 4.

(b) Observ. in H. Grot. l. 1. c. 4. §. 4.

lebratione, & quæ tunc fieri communiter solent quantæ imperantium partes, ut omnia *εὐχρημάτως* fiant & *κατὰ τὸ βούλην* ? in ejus potestate & arbitrio horæ est, quæ ad laudes, preces & concionem convenitur : tum singulorum ordo, argumentum, tempus durationis : In (*) novellis Justiniani constitutionibus plurimæ in hanc rem leges inveniuntur, quæ omnia nunc Pontifices sui juris esse volunt : veluti, Baptismi & Sacræ communionis canones elata voce pronunciandos, ut à populo exaudiantur. Sacra mysteria in privatis domibus non peragenda : nec litanias à Laicis nisi præsentibus Clericis canendas. Circa personas etiam sacris functionibus destinatas multa inveniuntur disposita : ut ne Episcopus ab Ecclesia absit, nisi summæ potestatis consensu, & ne sic quidem amplius anno : ne Episcopus ordinetur, nisi annos triginta quinque habeat : alia. Præterea à summa potestate libertas religionis dependet, quam sub illius præsidio non tantum citra metum profiteri, sed & absque incommodo continuare licet, amotis impedimentis cum quæ pietati externa vi officiant, sicut Cyrus & Darius templum instaurari permiserunt cohibitis per severissima edicta adversariis, cum pecuniarum ad sustinendas impensas, pecorumque victimis faciendis idoneorum ex publico erogatione. Item Constantini & Licinii proposito mandato Christiani *εὐσεβῶς καὶ ἀπλάως* ea facere licuit, quæ religio Christiana desiderat : tum quæ scandalo dato & vitio rei, quem-

admo-

(*) Nov. 137. c. 6. Nov. 138. & 131. c. 8. Novell. 123. c. 23. & c. 13. & 9.

admodum piissimi quique Judæorum Reges succidunt lucos, amoveant excelsa: confringunt statuas, idola, etiam res antiquitate & miraculorum recordatione conspicuas: ut serpentem æneum, à Mose quondam erectum, quod ei à populo superstitioso adoleretur: Paganica templa Christiani Imperatores claudi jusserunt, ne recens conversi per mores inveteratos recidivam paterentur. De pœnis in sacrilegos, in blasphemos constitutis, de præmiis item, honoribus, privilegiis ac indultis sacro ordini ab Imperatoribus profuse concessis quid in tanta luce multa dicere attinet?

§. 5. Sed non admittunt imperium actiones definitæ *contra se*, nec actus imperii imperabiles sunt, qui repugnando naturali vel divino juri actionem ipsam intrinsecus immutant: ratio est, quoniam quod superior potestas duratura semel lege definivit, id inferiori non licet rescindere: dependet enim inferior causa à superiore, à qua vim suam habet & essentiam: sed contra ordinem moralem est, ut majus imperium à minore, quod ab illo dependet, elidatur. Ut Vicarius in Provincia nihil contra Domini jussu decernere potest, ut patris familias in uxorem, liberos & servos potestas in civitate à Civili absorbetur: ita divinum imperium longè eminentius omnia humana complectitur, quibus contra illud ne mutire quidem licet, à quo solo, omne quod sunt, habent. Egregie hic Augustinus. *Si aliquid jusserit Curator, nonne faciendum est? non tamen, si Proconsul jubeat: non utique contemnis potestatem, sed eligis majori*
H *servire.*

servire. Rursus si ipse aliquid jusserit Proconsul, aliud jubeat Imperator, nunquid dubitatur illo contempto illi esse serviendum? Ergo si aliud Imperator, aliud jubeat Deus, quid judicatur? major potestas Deus, da veniam o Imperator! Cum verò definitorum ante humanum imperium duo genera sint, alia justa, & alia vetita: duo etiam sunt genera actuum imperii extra jus imperantis politi, jussa à Deo vetare, & vetita jubere: nam neque quod divino imperio factu necessarium est, imperio humano illicitum reddi quit, neque quod illo vetitum, hoc honestum. Ita in sacris ut maneamus, nec Evangelium, nec ministerium nec sacramenta eo modo subsunt imperio, ut intrinsece mutari possint: quamvis in externis circumstantiis varie illis imperitetur. Quare non licet Imperanti salutare verbi divini prædicationem, & administrationem sacramentorum efficaciter prohibere, ut nimirum propter imperium illud fas non sit Patribus officio suo defungi, & oviculis solatium accipere: sicut in aliis rebus, quæ in jure Principum existunt, gravissimè isti peccant, qui adversus jussa superiorum aliquid faciunt. Nam quin vi mera & nequiter adhibita potentia interdum Evangelii cursus retardetur, dubio caret. Deinde formulæ à Deo verbi & Sacramentorum ministerio præscripta mutationi humanæ non sunt obnoxia: ac denique in universum, quicquid ad fidem pertinet, & in sacris oraculis divinæ gratiæ consequendæ idoneum instrumentum commendatur, necessario tenendum est,

est, nullo Principibus in fidei articulos aut divinos cultus arbitrio relicto, quia non potest fidei articulus esse, nisi cœlo exierit, à quo solo, quid ad salutem credi fieri ve debet, patefactum est: nec in bonam partem Deus illum se colendi modum accipit, qui humano ingenio excogitatus à vera luce ad *ἑλὸς θρησκείας* gravissima summi Numinis censura ubique perstrictas abducit. Eadem ex contrariis & vetitorum ratio est, quæ in sacris non minùs licita à summis potestatibus fiunt, si præcipiantur, quàm incestuosum illud matrimonium, quod quondam apud Persas per leges publicas inter parentes & liberos contrahere licuit.

§. 6. Hucusque limites summi imperii in sacris patent: Hi aggeres sunt positi amplissimæ potestati, quos Princeps cum laxat, extra suam jurisdictionem jus dicenti impune non paretur, deficit enim obsequii necessitas, cum peccatum est in mandato. Tenendum tamen seriò est, ab obsequii negatione non dari transitum ad resistendi licentiam, si eo nomine subditis vis inferatur, quod noluerint libidinibus & injustitiæ Principis velificari: quamvis enim actus imperii, qui fertur ad illicita, careat effectu suo, id est, obligatione, manet tamen ordo civilis inter imperantes & parentes, quo stante Princeps majestate sua defenditur, quam vitia nec inquinant nec fugant. Itaque si imperans jusserit, quod Deus vetuit, cave ut moveare. Si minis facta respondent, si exequitur tyrannus, quod iracunda aut serina mens suggerit, cave, ut resistas. Patientiæ hic clypeo opus est, non gladio, non ve-

neno, quod nonnulli liberaliter suadent. Sed reclamant Parricidis illis civiles rationes, oracula sacra & exempla piorum. Civitate semel instituta ad tuendam tranquillitatem, perit singulis civibus naturale illud resistendi jus, quod ad arcendam injuriam habent, & absorbetur à publico fine, quem non licet consequi, salva resistendi eis, qui præsunt Reipublicæ, licentia. Distinctæ sunt imperantium & parentium functiones, quibus confusis incondita & dissociata multitudo fit, ut Cyclopium illa, ubi * ἀκέραι ὡς ἐν ὁπίῃς ὡς ἐνός: sive ut est apud Homerum

* Θρησκήματα ἢ ἱκασθῶ

Παίδων ἢ δ' ἀλόχων.

non societas ad juris participationem ordinata, qui præcipuus est scopus in Rempublicam coeuntium: quemlibet decet curare, quod sui est muneris & officii, non alienum invadere. Qui imperioso majestatis ehaectere pollent, summum rerum arbitrium à Diis acceperunt: aliis obsequii gloria relicta est. His Princeps ut instrumentis utitur, ad procurandam civilem salutem, propediem impediendam, quando causæ moventi restiterint: nec gravatè conditionem suam ferre debent, quam sibi ipsis fecerunt. Hæc enim est consensus eorum, qui Civitatem constituerunt, ordine publico animatam; ut apud quos rerum summa est, non tantum suprema jubendi vetandique potestate polleant, sed & sacrosancti sint & ab omni injuria defensi, ut eo majore & auctoritate & fiducia Rempublicam administrent. Duobus his munimentis semel perruptis solvitur societatis operosa compages, & in-

& incerto obsequii imperiiq̃ue jure , cui plusquam Trojanorum Palladio tranquillitas omnium nititur , inter factiones & ἀνταρχίαν miserè jactatur publica navis: illustris est hanc in rem apud Dionem Cassium locus, quem hūc transcribere lubet. * ἢ μὲν τοι καὶ ἐγὼ, inquit, ὅτ' ἄλλως καλὸν εἰνεῖται οἰκίζου ἀρχοῦν τίνα τῶν ἀρχομένων ἡγεῖσθαι, ὅτ' ἂν σωτήριόν τι γένηται ποτὲ, εἰ τὸ ταχὺ ἐν ὑπερηϊῇ κρατείῃ αὐτῇ ἐπιχειρήσει. Σκέψασθι ὃ ποῖον μὴ κόσμον οἰκίας γένοιτο, ἂν οἱ ἐν τῇ ἡλικίᾳ ὄντες τῷ πρεσβυτέρων κατὰ φρονήσωσι; ποῖον ὃ τῷ διδασκαλείῳ, ἂν οἱ φοιτῶντες τῷ παιδευτῶν ἀμιλήσωσι; τίς ὕψιστα νοσῶσι, ἂν μὴ πάντες τοῖς ἰατροῖς οἱ κάμνοντες πειθάρχωσι; τίς ὃ ἀσφάλεια ναυτιλλομένοις, ἂν οἱ ταῦτα τῷ κυβερνητῶν ἀνικησῶσι. Φύσει τι γὰρ ἀναγκῆα τινὰ καὶ σωτήρια τῷ μὴ ἀρχεῖν ὡς τοῖς ἀνθρώποις, τῷ ὃ ἀρχιδυ τίτταται. Nec rectè aliquis objecerit, boni alicujus & justitiæ fruendæ causa homines olim aliis se subjeisse , non ut ad injurias & insaniam eorum paterent, quos tueri oves suas oportet, non deglubere: cessante itaque sine illo cessare etiam obligationis necessitatem, tanquam ex conditionis defectu , sine qua nunquam in societatem itum fuisset: nam si vis inest huic argumento, illa tantum erit, ut si in omnium certissimam perniciem Rex feratur, omnes etiam sibi consulere possint: non verò etiam si unum alterumve ex universa multitudine petat. Procul dubio enim satius est obligare aliquem Civium ad tantam patientiam, quam singulis concedere , ut de damno & injuriis sibi met ipsis caveant, perniciosissimo exemplo , quod mox aliis velum fuerit improbis cupiditatibus tegendis: nec est tanti unius salus,

ut propter eam Respublica periclitari debeat, quæ in securitate imperantium maxima sui parte consistit : istâ enim pessundatâ, nemo privatorum sospes ex communi naufragio enatat; sed citra magnum boni publici incommodum aliquando civis jacturam facimus. Et sanè quin primi ordinis civilis auctores ea mente fuerint, non dubitandum, multò minùs verò, quin se ipsos ad tam strictam parendi necessitatem abdicato resistendi jure potuerint obligare : non tantum major pars minorem, ex societatis ratione, quæ non fert, ut hæc illi se opponat, ne quidem ad sui conservationem, sed & singuli seipsos : nihil enim peccat, qui in patriæ commodum juri suo renunciat, quod naturâ habet, & patitur potius injurias, quam ut ordinis publici salutarem faciem resistendo convulsiſſe videatur, qua integra & incolumi etiam privatorum res, utcunque per viées turbatæ, melius se habent, quam si unusquisque contempta Reipublicæ sanctimonia sibi privato vigilet. Rectè sapientissimus (a) Plato. * τὸ μὴ γὰρ κοινὸν εὐδοεῖν, τὸ δὲ ἴδιον δὲ καὶ τὰς πόλεις. καὶ συμφέρει τῷ κοινῷ καὶ τῷ ἰδίῳ ἀμφοῖν, ἢ τὸ κοινὸν τίθεται καλῶς μᾶλλον ἢ τὸ ἴδιον : Nec pejor Xenophon. * ὅς-τις ἐν πολέμῳ ὢν στρατεύει πρὸς τὸν ἀρχόντα, πρὸς τὴν, ἑαυτῷ σωτηρίαν στρατεύει : ratio apud (b) Livium est, quia *Respublica incolumis etiam privatas res salvas facile præstat : publica prodendo tuâ nequicquam serves*, id quod paulo proluxius Thucydides ita explicavit. * Εγὼ γὰρ ἵσταμαι πόλιν πλείω ξύμπασαν ὀρθομένην ὠφελεῖν τῆς ἰδιωτῆς, ἢ καὶ ἕκαστον τῶν πολιτῶν εὖ πράγῃσαν, ἀφροῦν

ὁ σφαλ-

ἡ σφαιλομένην. Καλῶς μὲν γὰρ φερόμεν ὁ ἀνὴρ τὸ κατ' ἑαυτὸν, διαφθειρομένης τῆς πατριδος ὡς ἐν ἡσσαν ζυγὰ πόλλυται: κακοτυχῶν ἡ ἐν εὐτυχίᾳ πολλὰ μᾶλλον διασώζεται: ὅποτε ἂν πόλις μὲν τὰς ἰδίας συμφορὰς εἶσθε φέρειν: οἱ δὲ ἑκάς τὰς ἐκείνης ἀδύναται: πῶς ἂν ᾤη πάντας ἀμύνων αὐτῇ, καὶ μὴ, ὁ τῶν ὑμεῖς δεῖτε ταῖς καὶ οἶκον ἐκπεπλεγμένοι, τῷ κοινῷ τῆς σωτηρίας ἀφίεται.

Quod si itaque aliquando Civitatum Rectores nimia formidine, iracundia, amore, aut aliis affectibus præpediti à regio publicæ salutis & juris tramite abducantur, inter infrequentia id habendum, interventu meliorum deinde compensanda: Abusus hic est legitimæ potestatis, potius ferendus, ut alia fortuita, quàm propter eum amplissimus usus in discrimen vocandus. Vocaretur verò in maximum discrimen, si cuilibet ex privatis jus esset malè imperantibus nocere: nam propediem alii præjudicio invitati etiam bonos Principes opprimerent, qui ad eorum rationes & vota minus imperant: injuriam enim sibi fieri tunc etiam interpretabuntur, quando libidines & scelera vindicant. Quamobrem longè præstat tolerare (a) *luxum & avaritiam dominantium, quomodo sterilitatem aut nimios imbres, & cetera natura mala*, quàm pessimo exemplo parricidiis præire. Sanè lex, quæ securitati imperantium propter publicam utilitatem cavet, non deficit in speciali malæ administratæ Reipublicæ casu, de quo ne quidèm suspicari voluit: sed mavult hunc dissimulare potius, ac surda, quod ajunt, aure prætervehere, quàm vel apicem de rigore suo remittere, * in

H 4

quo

(a) Tacit. 4. Histor. 74. 4.

quo omnium, populorum tranquillitas consistit. Quod de civili lege quondam (a) Cato dixit, *nullam legem satis commodam esse, id modo quari, si majori parti & in summa prodest*, in hac quoque verissimum est. Prodest enim profectò majori gentium parti non lædi imperantes, quorum plurimi sunt rei publicæ studiosi ; quibus verò id non prodest, illi sub lege tamen sunt, & communibus regulis constringuntur, quia etsi ratio legis in isto speciali facto cesset, manet tamen ratio in sua generalitate, cui specialia subjici oportet : id enim melius est, quàm absque norma vivere, aut eam cujusque arbitrio permittere : Appositè (b) Tacitus ad hanc rem ; *Habet aliquid ex iniquo omne magnum exemplum, quod contra singulos utilitate publica rependitur*. Et (c) Seneca. *Satius erat à paucis etiam justam excusationem non accipi, quam ab omnibus aliquid tentari* : idque ad servandam domi militiæque disciplinam multis in negotiis usu venit. (d) Miles, qui castigare se volenti Centurioni resistit, à veteribus notatur : Si vitem tenuit, militiam mutat : Si ex industria fregit, vel manum centurioni intulit, capite punitur, nullo discrimine, jure injuriæ à centurione cæsus sit. Quid verò militaris illa decimatio, qua re ex ignavia aut seditione militum male gesta decimi cujusque jugulum sorte petitur, an reprobanda exinde est, quod fortissimo etiam possit periculum creare ? Senatus Consultum Silianum quis nescit, servos omnes occiso Domino & incerto percussore

(a) Liv. lib. 34. c. 2. (b) Annal. 14. c. 44. 7.

(c) de Benef. l. 7. c. 16. (d) Macer, in l. Mil. §. ff. de re mil.

cussore ad supplicium trahens, quamvis in innoxios sæpè animadvertatur ? Hac severitate si Respublica ad Dominorum securitatem uti potuit, quanto magis, cum de Principis salute, in qua omnium etiam salus vertitur, munienda solliciti sumus ? Nec id quidem immeritò, summo imperio per se multorum odiis exposito, & miserabili Principum conditione, *quibus de conjuratione comperta non creditur nisi occisis*: ut nulla legum cura videri nimia debeat, quando unus omnium centrum vel amoris vel odii. Tribuni olim apud Romanos ἀσυλοι: i. e. inviolabiles erant: quantò justius verò Reges, qui plus quàm Tribuni ? Adde nunc etiam Deum, à quo Reges, boni & mali ; Quis scis itaque, an ad vindicanda populi delicta hoc instrumentum adhibeat, quod anceps retundere. Verè Vatum (a) Princeps.

----- * Δεινὸν ὃ γένετ' βασιλήϊον ὄντι

Κτείνειν: -----

Et sol Philosophiæ. * εἰ ἀρχὴν ἔχων ἐπ' ἄλλων, ὃ δὲ ἀντιπληγῆναι: ipso nomine tuti sunt: nam * ἀρχοντές εἰσιν, ὡς δ' ὑπικτίον, τιμὴ ; ait Sophocles: Item Plutarchus in Agide. * ὃ θεμιστὸν ὃ δὲ νομισμένον βασιλέως σώματι τὰς χεῖρας προσφέρειν: non tantum si justè imperant, verum etiam quando injuriosè. Æschilus censuit. * Τραχὺς μόναρχος καὶ ἔχ' ὑπεύθυνον κρατεῖν. Item Euripedes: * τὰς κρατῶντων ἀμαθίαν χεῖρας φέρον. Deniq; Sophocles etiam:

Ἄλλ' ὃν πόλις σέσσει, τῷδε καὶ κλύειν
καὶ σμικρὰ, καὶ δίκαια, καὶ ἑναντία.

H 5

Quod

(a) Homer. Odyss. π.

Quod à Seneca ita versum :

Indigna digna habenda sunt, Rex quæ facit :

Æquum atq; iniquum Regis imperium ferat.

Quin privatis ipsis, si me audient, auctor fuerim, ut injurias potius tolerant, quàm præfractè relutentur. Quid lucri enim, quid spei eis captatur? Parata est pestis, si ve parcant vitæ Regis, si ve occidant: ibi irritatior contumacia tua redditus mox te perdet: nam tenuissimi sunt Principum animi, & omnis freni impatientes; Hic facinoris ultor est, quisquis successit, (a) tradito Principibus more, munimentum ad præsens, in posterum ultione: quippe ad suam etiam securitatem pertinere existimabit, percussorem ulcisci: & vel exempli causa

(b) *Regi tuenda maxime Regum est salus.*

Ac profectò habet aliquid secreti fati, velut Sejani equus, imperantium vita, quàm nec innoxie quidem lædere citra vindictæ metum licet.

* Prudenter sapientes observarunt, regicidium vix unquam impunè auctoribus mansisse, etiam si per imprudentiam aut casu peccaverint. Triste hujus rei est in Gallia exemplum Mongomerii Comes, Heinrici II. Regis in bastiludio interfecto; Hic quamvis & provocatus à Rege & omnino ad certamen coactus tamen cæde regiâ piacularis creditus est, & ob eandem causam Lutetiae jussu Reginae securi percussus: nam quod illi perduellionis affictum est, ait (c) Thuanus, aut superioribus edictis aut data nuper fide remissum fuerat: sed hoc impotenti Regentis desiderio condonatum, qua hominem regia morte pia-

(a) Tac. Hist. c. 44. 4. (b) Senec. Oedip. (c) Hist. l. 58.

te piacularem quavis ratione pœna dedi postu-
labat, ut hoc insigni exemplo omnes discant, solo
casu non tantum consilio nocentes effici, qui-
cunque vel imprudenter perniciem Principibus
attulerint. Nec privatis saltem patientia pro-
dest, sed & universitati, quæ cum salum illud pu-
blicum quocunque colore turbat, sæpius ipsa
fluctibus mergitur. Altissimas radices Regum
potentia habet, & raro ea moles convelli sine con-
vellentium exitio potest. Ut (a) Tacitus loqui-
tur. Unde factiones, dissidia, clades, denique
bellum civile, quod mare ipsum calamitatum, &
in quo misera etiam victoria est. Quid nî igitur
(b) Favonio credamus? * χεῖρον εἶναι μοναρχίας
ἢ ἀννόμῃ πόνεμον ἐμφύλιον. Adeoque sanè lau-
dabilius, utilius, melius, ferre onus, quam cer-
vicibus excutere in caput tuum recasurum. Op-
portuna est hic (c) Taciti admonitio, meminisse
temporum, quibus nati sumus. & bonos Princi-
pes votis expetere, qualescunque tolerare.

§. 7. Et ita quidem nos Philosophiæ præcepta
atque civiles rationes docent: Sed ex sacris lite-
ris huic rei major e evidentia & certitudo concilia-
tur. Nam si Deus nos durare ad superiorum in-
jurias voluit, quid miseri recalcitramus? Voluis-
se autem (d) Paulus testis est, cujus luculentum
præceptum, * πᾶσα ψυχὴ ἐξουσίαις ὑπερεχούσαις ὑ-
ποτασσέσθω: rationem addit. ὃ γὰρ ὅτι ἐξουσία ἐστὶν
ἀπὸ τοῦ θεοῦ: αἱ ᾧ ὑσαὶ ἐξουσίαι ἀπὸ τοῦ θεοῦ τιθεσθαι εἰσὶν
ὥστε ὁ ἀντιτάσσεται τῇ ἐξουσίᾳ τῇ τοῦ θεοῦ διατάττει ἑα-
ντὴν ἑαυτοῦ: οἱ δὲ ὀντισσύνοντες ἑαυτοῖς κρίμα λήφονται:
qui

(a) Histor. l. 4. (b) Apud Plutarch. in Brut.

(c) Histor. l. 4. c. 8. n. 3. (d) Rom. 13.

itaque est & veterator (a) Miltonius, qui Pauli dictum, ad eos, qui Tyrannis obsistunt non pertinere putat. Certe Tyrannus in sensu composito non est ordinatio Dei, sed potestas illa, quam cœlitus accepit: Verum Tyranno resistendo potestati etiam, & ordinationi Dei resistitur, quæ in eo consilii, ut parentes obediamus superioribus, non tantum cum pie & iuste regnant, sed & si avarè & crudeliter: ut (b) alibi pluribus contra Miltonium explicavi. Quarto is, qui resistit, Apostolo, signatè admodum dicitur, ἁντιτάχος, quasi ex æquo cum imperante compositus, sicut duæ acies hostiles propediem conflicturæ sibi invicem opponuntur. Hunc resistendi modum damnat, qui injuriis non ferendis sed propellendis aptus est. Si Princeps aliquem animo cædendi occidendive invadat, ἁντιτάχος est, qui vitâ & corpus gladio aut quocunq; telo* cum in vasoris periculo defendit, non qui fugit: Si contra jus spoliare rebus subditos cupit, ἀντιτάχος ille, qui raptorem violenter repellit, verberat, interficit: non qui occultat res, donec præterierit furor. Denique comminatio resistentibus dictatur, quod sibi ipsis iudicium accipient: æternum imprimis, nisi resipuerint: non excluso tamen temporali, nam rarissime factiosis aut regicidis seditiones insidiæque bene cedunt, sed divina Nemesis, in cuius speciali tutela Reges sunt, plerumque furias jam ipso successu securas opprimit: *ne vel unquam improbis timor vel spes absit calamitosa virtuti*: ut hæc Barclai verba in-

(a) In defens. pro popul. Angl. c. 4.

(b) Observ. in H. Grot. l. 1. c. 4. §. 4.

ba inflexo paulatim sensu huc applicemus. Et hunc esse Paulini loci genuinum sensum ipsissima veritas (a) Christus explicat, qui gladium à Petro in nocturnos grassatores vibratum in vaginam recondi jubet, addito, * πάντες γὰρ οἱ λαβόντες μάχαιραν, ἐν μαχαίρᾳ ἀπόλλυνται, quibus verbis disertè improbat defensionem, quæ vi fiat, contra vim etiam injustissimam, sed publica auctoritate illatam: quæ enim major crudelitas, quæ insolentior tyrannis esse poterat, quam illa Judæorum, qua extortis à Pilato per calumnias stipatoribus in mundi Salvatorem, ad crucem capiendum usi sunt? quod justius defensionis nomen, quæ pia magis & legitima indignatio, quàm Petri, qui pro Domino & Magistro meritissimo pugnavit? Reprimit tamen præliandi impetum Christus, & ad patientiam Petrum hortatur, eo quod nullam legitimam capiendi arma vocationem habeat: subjuncta generali comminatione, omnes perituros gladio, qui citra officium publicum privata manu etiam defensionis causa enses arripuerint, i. e. quocunque modo vel injustis superiorum cupiditatibus violenter restiterint. Quod idem à (b) Petro paulo disertius traditur, qui, dum servos cum omni timore Dominis subditos esse jubet, non tantum bonis & æquis, sed & duris, σκολιοῖς, una opera officium boni civis exprimit: nam rationes, quas adjicit, ut nunc imperium taceam, subditos non minus quam servos stringunt: commendat enim patientiæ virtutem duplici potissimum loco: tum quod decorum sit, innocentes imperantium injurias

(a) Matth. 26, 52. (b) 1. Epist. 2, 12.

jurias pati : * Τὺτο γὰρ χάεις , εἰ δὲ σιωπῶμεν θεῷ
 ὑποφέρει τὰς λύπας , πάσχει ἀδίκως. Ποῖον γὰρ κλέει,
 εἰ ἀμαρτάνοντες καὶ κολαφιζόμενοι ὑπομινύτε ; ἀλλ' εἰ
 ἀγαθοποιῶντες καὶ πάσχοντες ὑπομινύτε , τὺτο γὰρ χάεις
 κατὰ θεῷ : tum quod necessarium , exemplo à
 Christo relicto , quod sequi oportet. * Εἰς τὺτο
 γὰρ ἐκλήθητι , ὅτι καὶ Χρῆστος ἔταθεν ὑπὲρ ἡμῶν , ἡμῖν
 ὑπολιμιβάνων ὑποχαμμὸν , ἵνα ἐπακολουθήσῃ τοῖς ἰχνυ-
 σιν αὐτοῦ , ὅς ἀμαρτίαν ἡμῶν ἐποίησεν , ὥστε εὐρήθῃ δόξα ἐν
 τῷ σώματι αὐτοῦ. Ὅς λοιδορούμενος ἐκ ἀντιλοιδορίας
 πάσχων ἐκ ἐπείλει. In Clementis quoque consti-
 tutionibus quod uno loco de servorum obse-
 quio cum injuriarum patientia conjuncto dici-
 tur , * ὁ δὲ ὕλη ἐννοία φερέτω πρὸς τὸν διαπότην μὴ
 φόβου θεοῦ , καὶ ἀσεβείας , καὶ πορνείας ὑπάρχῃ ; id alio ad
 regem etiam extenditur : * Βασιλεία ἐν δεινότητι
 ἐπανίσταται : quod enim in minoribus societati-
 bus constitutis non licet : quomodo eis liceat,
 qui majoris & omnium perfectissimæ participes
 majori etiam & eminentiori imperio subsunt,
 quod cætera omnia augustissimo complexu in se
 comprehendit ? unde rectè sapienter ab officio
 filii, patris iram ferentis ad illud subditi transie-
 runt. De Lysimacho (a) Justinus ait, *magno a-*
nimo Regis velut parentis contumeliam tu-
lit : & notum est apud (b) Livium illud :
Ut parentum sevitiā , sic patria PATI-
ENDO AC FERENDO leniendam esse.
 lus regium , quod apud Samuelem legitur,
 quamvis de verò jure , id est facultate honestè &
 justè aliquid agendi sit , tamen quod in fine addi-
 tur , populum gravi imperio pressum opem Dei
 implo-

imploraturum, quod nimirum humana remedia nulla extarent, quin & ad injurias trahi possit, impedimentum non video. Equidem haud nego, potissimo sui sensu ad ipsum regiminis genus, quod regium & sua natura adstrictius severiusque est, & populo licentioso minus aptum, respicere, non exclusis tamen injuriis, ad quas à jure in regia purpura facilis transitus. Sed quicquid tandem hujus sit, id textus apertè indicat, subditos, si quid displiceat in Monarchia, sive hoc sit ipsa Reipublicæ forma, unius arbitrio relicta; sive dominantium luxus & injuriæ, omni humana ope destitutos solius Dei auxilium & vindictam implorare, minimè omnium verò sibimet ipsis consulere posse: ne verbis quidem, cum scriptum in (a) lege sit, *Dis*, i. e. imperantibus, *non maledices*, & *Principi in populo tuo non maledices*: peculiare aliquid præcipi quivis eò animadvertit, quod ne in privatum quidem falsa maledicta jacere liceat, ut speciali Principis mentione non opus fuisset: quare veris etiam maledictis abstinendum in Regem est: nam (b) κακουργῶν τὸν ἀρχαῖον εἰς τὴν πόλιν ὑβρίζει: quanto minùs facti atrocitate: apertè (c) David in sua etiam causa dixit: neminem esse posse infontem, qui manus Regi inferret: & (d) novimus eundem religione perculsum non mediocriter pœnituisse, quod vel fimbriam vestis regiæ tentasset; tantam personæ Saulis infensissimi hostis sui sanctitudinem esse intelligebat: Expectanda igitur divina manus est, & interea patienter jugum

(a) Deuter. 22. 28. (b) Problem. Arist. Sect. 40.

(c) 1. Sam. 26. 9. (d) 1. Sam. 24. 6.

gum subeundum, quod conditio nostra nobis imposuit. Persas eo nomine Claudianus laudat, apud quos

----- *quamvis crudelibus aequè*

Paretur Dominis.

quo cum convenit, quod Tacitus habet: *Ferenda regum ingenia, & : bonos imperatores voto expetendos, qualescunq; tolerandos.*

§. 8. Sic vixit sic docuit omni ævo vera Dei Ecclesia. In Vetere testamento Abrahamus & Isacus, inquilini Philistrorum ac Ægypti Regibus uxores pene suas cesserunt, quod vitæ metuerent. Jacobi filii in Ægyptum commeatus parandi causa profecti & mox ab Oecono-
mo Josephi sacrilegii accusati, quamvis nullius sibi criminis conscii essent, omissa omni defensione capi se siverunt, ut innocentiam suam coram ipso Prorege agerent. Populus verò Israeliticus in eadem Ægypto gravissima servitute contra pacta conventa pressus, & in opus publicum laterum conficiendorum damnatus totis quadringentis annis nullam seditionem excitasse legitur, Regibus omni crudelitatis genere in illos deservientibus, jussis quoque pueris recens natis omnibus necari, ut fecundam gentem labore, inedia, deniq; masculæ proles defectu conficerent: Et tamen animos defuisse putas sexies centum millibus hominum intolerabili liturgia ad extremam ferè desperationem adactorum? nimis creduli sunt & rerum humanarum ignari, qui ita sentiunt. Quoties una aliqua Civitas, eaque nec opibus nec viribus valida adversus potentissimum imperium surrexit, nulla omnino

boni eventus spe ? gravissimi enim sunt mortuus irritatæ necessitatis & non raro homines tædio vitæ abruptendæ ipsa *desperatione in audaciam accinguntur* : itaque conscientia profecto fuit , non metus à periculis , quæ impetum parandæ libertatis tenuit ; Hæc longe fortiora animo vincula injicit,quàm quæ ferrea corpus vinciunt , & vindice Deo terret, cùm ab hominibus secure agitur. Scilicet à teneris sic instituti Israhelitæ erant, ferendas imperantium injurias potius, quam repellendas , & spiritualibus armis, precibus , votis piis , patientia contra pugnandum , non gladio. Sincera hac pietate imbuti indignissima quotidie sustinere maluerunt , quàm motu suscitato in Deum peccare , in Regem , in boni subditi officium. Rapiebantur in horas à tenerrimis parentum complexibus plorabundi infantes ad necem , & ipse populus à domesticis curis ad publicum opus, plagas, verbera, servitutem : & quod mirè in contumacissimo populo , hæc omnia tolerant , ferunt, remediis adversus illa usi lachrymis , obsequio, supplicationibus ad Regem & ad Deum precibus ; nec prius regno excefferunt , quàm illud ipsis cum bona Regis venia licuit, miraculis , & suppliciis cælitus immissis terri. Jam David designatus dudum regni Judaici Rex quomodo se contra Saulis persecutionem tutatus est ? Latebras quarit, modo deviis locis occultatus, modo apud externas gentes refugio captato , ommissa penitus pugnandi occasione , nec urbibus tentatis, quod ei perfacile fuisset : quin hostem suum in insidias & potestatem pertractum, ut impune illum potuis-

potuisset occidere, contra Procerum suorum consilium incolumem dimittit, ignavia per unctum Domini excusata. Elias Propheta Achabi tyrannidem fuga devitat, non igne desuper vocato, quo duos illos centuriones singulos cum quinquaginta militibus peremit: Eandem vivendi rationem Christiana Ecclesia iniit post sublatam Judæorum & religionem & Rempublicam. Christus ipse fugam concedit, quibus mortis periculum propter religionem impendet, præter fugam nihil: ita fugerunt ex urbe in urbem alteram, Apostoli, fugere Christiani primi, in Ecclesia parturiente exactissimis gentili-um Imperatorum persecutionibus correpti: contra Julianum defectorem lachrymis & suspiriis Ecclesia præliata est, quodd aliud contra persecutorem non erat remedium, ut Nazianzenus testatur: nec tamen eo tempore vires Christianis deerant, multis legionum Ducibus cum ipsis Provinciis atque legionibus sinceram fidem amplectentibus: Hoc instituto maxime crevit religio nostra, uberrima subinde Christianorum segete ex sanguine martyrum repullulante, ut, si vi uti contra Tyrannos voluissent, abunde virium habuisse credantur. *Si enim hostes, inquit Tertullianus ad Imperatores, ejus rei haud ignaros, & apertos non tantum vindices occultos agere vellemus, deesset nobis vis numerorum & copiarum. Plures nimirum Mauri & Marcomanni, ipsiq; Parthi, vel quantacunq; unius tamen loci & suorum finium gentes, quam totius orbis? Externi sumus & vestra omnia implevimus, urbes, insulas, castella, municipia, concilia-*

132 *De Summa Imper. Potestate circa Sacra.*
bula, castra ipsa, tribus, decurias, Palacium, Se-
natum, forum, sola vobis relinquimus templa:
cui bello non idonei non prompti fuissetus, et-
iam copiis impares, qui tam lubenter trucidamur,
si non apud istam disciplinam magis occidi-
liceret quam occidere. Cyrillus etiam testis e-
jusdem patientiæ: Inde est, quod nemo nostrum,
quando apprehenditur, reluctatur, nec se adver-
sus injustam violentiam vestram, quamvis ni-
mius & copiosus noster sit populus, ulciscitur: Pa-
tientes facit de secutura ultione securitas: in-
nocentes nocentibus cedunt. Et Augustinus.
Neg, tunc civitas Christi, quamvis adhuc pere-
grinaretur in terris, & haberet tam magno-
rum agmina populorum, adversus impios per-
secutores pro temporali salute pugnavit, sed po-
sius ut obtineret aeternam, non repugnavit, li-
gabatur, includebantur, cadebantur, torque-
bantur, urebantur, laniabantur, trucidaban-
tur & multiplicabantur: non erat eis pro sa-
lute pugnare, nisi salutem pro salute contemne-
re. De legione Thebæa, militibus sexies mille,
sexcentis sexaginta sex Christianis omnibus con-
stante res notior est quam ut dici debeat, jussi
enim gentium Diis adolere, cum recusarent, de-
cimati primò, mox omnes cæsi sunt: qui resiste-
ret, quod armatis & tantis pro manibus erat, ne-
mo inventus, cadebantur passim, ita habet ve-
tus martyrologium, gladiis non repugnantes,
sed & depositis armis cervices persecutoribus vel
intectum corpus offerentes, non vel ipsa suorum
multitudine, non armorum morione elati sunt,
ut ferro conarentur asserere justitiæ causam, sed
hoc

Ambrusius. Ambrosius. Ambrosius. Ambrosius.
probatum

hoc solum reminiscetes, se illum confiteri, qui nec reclamando ad occisionem ductus est; Et tanquam agnus non aperuit os suum: ipsi quoque, tamquam grex Dominicarum ovium laniari se tamquam ab irruentibus lupis passi sunt. Cum vero Maximiano & Diocletiano Imperatoribus crudele edictum Nicomedie propositum fuisset, quo sacri Codices ad ignem, Basilicæ ad ruinam, ipsi Christiani ad cruciatus & necem vocabantur, unusque ex illis indignatione edictum discerpisset, quo nomine publico supplicio in eum animadversum est, cæteri jure cælum pronunciarunt, velut in Principes licet maxime sanguinarios innoxia pene ira injurium, nec memoria indignum illud est, quod Veteres Christiani ne quidem exilii certis hominibus non toti causæ assignati locum sibi egredi fas esse existimarunt, Johannis Apostoli exemplo, qui Pathmo insula se continuit, ut imperatum erat, qua de re hoc Cypriani judicium legitur. *Ælius in eam patriam, unde extorris factus est, regreditur, ut deprehensus, non jam quasi Christianus, sed quasi nocens pereat.* Ne verò Pontificii, quod ipsis hic solemne est, inter gentiles Principes & hæreticos discrimen faciant, Valentem adjungamus, Arrianum Imperatorem, impiè & crudeliter in eos sævientem, qui ex verbi divini ductu & Patrum catholicâ doctrinâ filium Patri *ἐμύστω* profitebantur. Maxima certè eo tempore verè credentium multitudo fuit, quin major ipsis hæreticis, quæ nunquam adversus Cæsaris impietatem se armis defendit: imò Eusebius Pius Samosatæ Urbis Episcopus ejus imperio pulsus co-

hibuit populum, retinere se volentem, & compescuit jam imminentem seditionem inquires: *nec ego me vallabo circumfusione populorum.* Ambrosio ingētes injuriæ à Valentiniano, Valentiniani filio, nec sibi privato tantum, sed & omni fidelium coetui fiebant, quas perferre maluit quàm ulcisci, unde nunquam adduci potuit, ut Maximi copiis aut populi concitatissimi, operamque suam prolixè deferentis, studiis in Imperatorem Ecclesiæ hostem uteretur: *Coactus*, inquit, *repugnare non novi, dolere potero, potero flere, potero gemere: adversus arma, milites, Gothos quoque, lachryma mea arma sunt: talia enim sunt munimenta Sacerdotum, aliter nec debeo nec possum resistere.* & mox, *exigebatur à me, ut compescerem populum, referebam in meo jure esse ut non excitarem, in Dei manu, ut mitigaret.* Quamobrem etiam sedulo caverunt Christiani, ut à factionibus abstinerent, etiam incerto Dominantium jure, ne vel imprudentia peccarent. Unde *Cassii*, inquit Tertullianus, & *Nigri* & *Albini*? unde qui inter duas lauros obsident Casarem? unde qui faucibus ejus exprimendis palæstricam exercent, unde, qui armati palatium irrumpunt, omnibus tot Sigeriis ac Partheniis audaciores? De Romanis ni fallor: id est, de non Christianis. Idemque alio loco. *Circa majestatem Imperatoris infamamur: tamen nunquam Albiani, vel Nigriani, vel Cassiani inveniri potuerunt Christiani, nunquam igitur contra Imperatorem steterunt: pro eo semper, qua per Deum licuit.* *Milites Christiani*, ait Augustinus, *servierunt Imperatori*
infi.

*infideli : quando volebat , ut Idola colerent , ut
 thurificarent , praponebant ei Deum : distin-
 guabant Dominum aeternum à Domino tempo-
 rali , & tamen subditi erant propter Dominum
 aeternum etiam temporali.* In extremo & cer-
 tissimo vitæ discrimine adversus flagitiosæ Prin-
 cipis voluntatis executores immanes carnifices
 defensio licita est , non æque ipsum Principem.
 Nam David etiam armatos circa se habuit , cui
 alio fini , nisi pugnaturus in Saulis stipatores ,
 si ad extrema cogeretur : ipsum verò Saulum ,
 forte fortuna in suas manus delapsum ne qui-
 dem attingere voluit : solam ejus hastam cum
 scypho , argumenta sui obsequii & reverentiæ
 in Regem , secum tulit. Armenii Maximum
 bellum ob fidem inferentem anno circiter 310.
 ingenti prælio profligarunt , non sine laude , quam
 eo facto consecuti sunt , ad quorum exemplum
 Novatiani quoque , referente (a) Socrate Histo-
 rico , Mantinienes milites in se missos penè ad
 internecionem delevere. Tractavi prolixius
 hoc argumentum in (b) observationibus ad Gro-
 tium , quò compendii causa lectorem remit-
 to. Quod ad Martyrum exempla , imprimis ve-
 rò Thebæam legionem attinet , qui mori ma-
 luerunt quam resistere , licet nec animus nec vi-
 res deficerent , conditione temporum excusan-
 tur , quibus religio Christianorum adhuc ado-
 lescens & tenera innocentium sanguine & mira-
 culoso patientiæ robore plantanda fuit : *asseren-
 datum temporis* , inquit (c) Hornius , *à confesso-*

(a) Lib. 2. c. 38. (b) L. 1. c. 4. §. 7. p. 222. &c.

(c) De Civit. l. 2. c. 12. §. 12.

ribus rei Christiani certitudo & veritas erat, & approbanda veniebat adeò in conspectu orbis universi, ut nondum confirmati satis haberent exemplar, quod respicerent. Id melius autem fieri haud poterat, quàm si magnanimi prodirent Heroës, qui ingenti animo mortem obirent propter fidem, quam publicè docebant vel sequebantur: non enim sine insigni utilitate communis rei & incremento nascentis Ecclesie audiebantur cades constantissimorum hominum, qui non tantum perseverantiam majorem popularibus doctrina salvifica aspirabant, sed tacitos saepe relinquebant stimulos in animis persecutorum, adeò ut hi inquirerent altius, inque ipsas descenderent causas hujus, quàm vocare solebant, pervicacia, mox deprehensa cælesti veritate & profiterentur eam & propugnarent, & qua affecerant ejus cultores morte, pro eadem obire diem nihil quicquam recusarent. Martyrum igitur exempla singularem aequitatis laudem habent, quod cum potuerint fugere vel repugnare, ad confirmandos socios & contestandam doctrina veritatem se interficiendos tradiderint: interpretanda vero neutiquam sunt, quasi perpeffi talia sint propter negatam jure resistendi facultatem.

§. 9. Sunt quidam, qui, quod hucusque de non resistendo superioribus diximus, solos privatos concernere putant, non Magistratus inferiores, quibus adeo jus resistendi injuriis ejus, qui summum imperium habet, esse ajunt, ut si officio suo, tam populo quam sibi, desint, graviter peccent. Dici non potest, quantas ista hæ-

resis

resis in Gallia turbas dederit, qua tamen nihil impudentius, nihil improbius, nihil falsius dicitur: Nam Apostolus Paulus, qui omnem animam potestatibus supereminentibus subesse voluit, non excludit Magistratus, sed ad idem obsequium ligat, quod privati debent. Hos enim ad potestates supereminentes non pertinere aperte Petrus docet, qui aliter Regi *ὡς ὑπερέχοντι*, aliter *ἡγεμόσιν*, id est Præsidibus, Ducibus Magistratibus, *ὡς δὲ αὐτῶν πεμπομένοις* parendum esse præcipit: quare Magistratus in censu illarum animarum sunt, quæ subjectionem debent, neque in sacris scripturis ullo loco quoad obsequii debitum & negatam resistendi licentiam inter hasce & privatos discrimē factum animadvertas. Quin contra potius David & Samuel uterque persona publica Saulem Regem manifestè jam insanientem solita veneratione ac cultu prosecuti sunt: sicut & in Christiana Ecclesia plurimi Provincia- rum Præsides ac Duces legionum fuerunt, qui suæ potestatis prætextu vix unquam Tyrannis restituerunt. Rectè Marcus Aurelius sapientissimus imperator dixit, *Magistratum de privatis, Principem de Magistratibus, Deum autem de Principibus decernere ac judicare*: nec aliud ratio civilis ordinis patitur; in jure enim summi imperii est ipsa Magistratuum creatio, qui in ordine ad imperantes tam privati sunt; quam in ordine ad privatos publici. Totum esse, tota essentia & latitudo Magistratuum à majestate dependet, in cujus injuriam non retorquendum est, quod à se causam habet: ubi enim voluerit Princeps, vel nutus momento in vilissimam pri-

vati conditionem adempta auctoritate decideret, qui modo purpura & imperio fulsit. Sicut in domo servus potestate sua, quam à Domino in conservos accepit, in ipsum Dominum, quamvis graviter & perversè dominantem, uti nequit: sicut nec uxor in maritum imperio, quod ex ejus liberalitate in liberos & totam familiam habet: ita nec Magistratui utcunque maximo, modo infra Regem sit, in auctorem & causam suæ potestatis inquirere & animadvertere licet. Vide plura de hoc argumento, quæ contra Miltonium Anglum in (a) observationibus nostris ad Grotium annotavimus.

ANNOTATA

Ad

CAPUT III.

§. 3.

UT de esu sanguinis & rû *avlatu* interdicto.] Utique enim in vetere Ecclesia ante Christum natum universale præceptum fuit, Judæis cum omnibus fidelibus commune, sanguine & suffocato non vesci. In novo fœdere expiravit quidem obligatio, tuso jam & immolato cruore illo, cujus reverentia humanum genus à pecudum sanguine abstinere debuit. Sed inconsultum visum Apostolis repentina mutatione à Judæis sciendi, averfatos procul dubio illa sacra, quæ non solum à majorum institutis prorsus abducerent, verum etiam potestatem rei facerent, olim sine gentium discrimine omnibus piis æquali interdicto vetitz: inde cavendum offendiculum rata Ecclesia, quæ illo tempore nondum spem omnem abjecerat de Judæorum conversione, retento ad tempus onusculo quodam, quo cum Judæis consociaretur, invidiam leniit remissæ necessitatis circumcidendi præputia, quam et si populus, patriis ritibus usque ad pertinaciam imbutus, ægrè ferret negligi, plenior tamen excusatio fuit & ratio mutationis, quod illam nec ipsi

Judæo-

(a) Lib. I. c. 4. §. 7.

Judæorum sapientes necessariam ducerent nisi illis, qui in fœdus cum Abrahamo percussum cuperent adoptari. Cæteris sufficere visa septem illa mandata, Noë posteris post terram à diluvio purgatam data, inter quæ illud de suffocato & sanguine relatum est. Id prolixius à Grotio explicatur, cujus ea de re hæc verba sunt in cap. 4. de Imperio Summ. Potest. circ. Sac. §. 8. Sic & in illa Apostolorum, Seniorum & fratrum Epistola ad Ecclesias Syria & Cilicia verba hæc in titulo dæi βύε & simili modo sunt exponenda: non enim nobis onus imponitur Christianis, alioqui enim si queresur scortari ante hoc decretum licuisse, cum ejus quoque rei abstinentia iisdem oneribus accensetur, sed declaratur quod sit Christianorum officium ex lege divina, quæ actiones liberae ad aliorum salutem promovendam sunt dirigi, & offendicula anxie vitari. Jam vero Judæi, quamquam profelytos propiore quodam aff. & amplexabantur soliti tamen, ut ex ipsorum libris apparet, ferre etiam alios ex gentibus, dummodo ea instituta servarent, quæ Deus dederat Noë filiis, in quibus & hoc erat comprehensum, ne quis suffocato aut sanguine vesceretur. Contra verò si quis ea præcepta in commune data humano generi contemneret, cum omnes hostem ducebant publicum, cum quo nihil sibi ne humani quidem juris commune existimabant. Nam Cananeos quoque & vicinos ipsis populos internecione devotos arbitrabantur non aliam ob causam, quam quod istius generis præcepta violassent. Quare & Apostolorum ab eo cum legem ritualement abrogatam à Christo nondum possent intelligere Judæi, aliter existimare non potuerunt, quam gentes illis ceremoniis, quæ toti humano generi præscripta erant, non minus quam se Israëlitis legibus obligari: ideoque ab iis institutis recedentes hostiliter erant aversaturi. Quod cum magnum esset futurum impedimentum propagandæ Evangelio, tenebantur sanè gentiles ea in re Judæi obsequii: ideoque postquam desperare cepit de periculi Judaorum ad Christum adducendis, hoc onus sine ulla abrogatione sponte sua per occidentem Ecclesias evanuit, quia scilicet his obligandi non nisi ex illa, quam diximus divina, lege pendebat, quod speciatim in causa idolothytorum ad Corinthios explicat Paulus.

[§. 4. Resistit enim divinæ ordinationi.] Rectè Augustinus: Nam & apud homines pœnas luit, & apud Deum frontem non habebit, qui hoc facere novit, quod ei per cor Regis iussa veritas iussit. Item: Hoc jubent Imperatores quod jubet & Christus, quia cum bonum jubent, per illos non jubet nisi Christus.

[§. 6. axim

[§ 6. ἀνὴρ ἕν.] Audis in nullo nemo neminem.
[Ἰμπερίῳ]

Imperat vero unusquisque
Liberis & uxoribus.

[ὁ μὴ τοῖς καὶ ἐγὼ.] Neque ego per se bonum aut pulchrum
esse arbitror, si Princeps à subditis in ordinem redigatur: nec
salutare quid fieri posse unquam, si quod ordinatum est servire,
dominari illi, (id est Principi) conetur. Considerate vero qua-
li in domo sit ordo futurus, cum, qui in juventute sunt, se-
niores contemnunt? Aut qualis scholarum, si qui frequentant,
Præceptores flocci faciunt? Quæ item sanitas ægrotis, qui non
in omnibus sequuntur Medicos? Et quæ navigantibus securitas,
quando Magistri nauta non obediunt? Natura enim hæc duo
in hominum genere ut necessaria & salutaria ordinata sunt,
hinc imperare, illinc parere.

[τὸ μὴ γὰρ κοινόν.] Publicum enim stipat civitates, priva-
tum convellit. At tam publice quam privata rei plurimum
interest, ut magis publicum bene se habeat quam privatum.

[Ὅτις ἐν πόλει μὴ ἄν.] Quicumque in bello miles adversus Impe-
ratorem seditiosus sit, adversus suam ipsius salutem tumultua-
tur.

[ἐγὼ γὰρ ἰνυῖμαι.] Ego enim ita cenfeo, Civitatem illam,
quæ in communi se rectè habet, magis prodesse privatis etiam,
quam quæ ad singulos cives demerendos fertur: ipsa verò publi-
cè sibi nocet. Vir enim domi sibi soli felix possum eunte patria
una nihilominus perit. Sed qui incolumi publico privatim pa-
titur, multo magis servatur. Cum igitur Civitas privata quid-
am calamitates ferre possit: singuli vero publicas Civitatis non
possint, cur non omnes oporteat huic auxiliari & non, quod vos
nunc facitis, domesticis malis obruti, publica rei salutem ne-
gligere?

[In quo omnium populorum.] Poliarchus apud Barclajum
in Argenide. Nec me aliud Meleandri partibus junxit, inquit,
quam quod illius calamitas omnibus gentibus abominandum
exemplum est, quæ quietem nunquam agant, si vitii Principis
irasci liceat & insidiari bonitati.

[δενδρὸν δὲ γένος.] Difficile est genus regum,
Occidere.

[οἱ ἀντὶ τοῦτο.] Si, qui imperium habet, percussit, non
ille repercutendus est.

CAP. III. De Finibus Imperii circa Sacra. 141

[ἀρχόντες ἱσθι.] Principes sunt, obediendum igitur, quid
ni?

[ἢ δίκτυον.] Neque iustum est, neq. legibus congruum Regie
corpore manus afferre.

[ἡγεμὸν μόνον.] Affer etiam Rex & nulli obnoxius im-
perat tamen.

[ὡς τῶν ἀγαθῶν.] Imperantium inscitia ferenda est.

[Prudenter sapientes observarunt.] Confer exempla apud
Fortitnerum in not. Polit. ad Tacit. l. 1. c. 8. ad verb. cum occi-
sus Caesar aliis pessimum aliis pulcherrimum facinus videretur.

[καὶ τοὶ εἰς αὐτὸν.] Pejus esse principatu injusto bellum civile.

[5. 7. Πᾶσα ψυχὴ.] Omnis anima potestatibus superioribus
subiecta esto : quia non est potestas nisi à Deo, qua vero sunt
potestates, à Deo ordinatae sunt : quare qui resistit potestati,
ordinationi divina resistit. At qui resistitur, sibi ipsis judi-
cium accipiens.

[Cum invasoris periculo.] Grotius in cap. 5. §. 4. de Im-
per. Summ. Potest. circ. Sacr. inquit : Neq. iubentia neque ve-
rantia precepta obligant ad agendum omittendumve aliquid
contra legem Dei sive naturalem sive positivam : sed duntaxat
ad patiendum : idq. tum demum, ubi pœna vitari nisi vi oppo-
sita non potest.

[πάντες γὰρ οἱ λάβοιτες.] Omnes enim, qui gladium sumunt,
peribunt gladio.

[τῷτο γὰρ χάρις.] Hoc enim est gratia, si quis Dei causa per-
fuit injurias, injustè patiens. Qua enim gloria, quod ob pec-
cata affecti plagis toleratis, sed cum rectè facientes perfecti ver-
bera, hoc est gratia apud Deum.

[ὡς τῷτο γὰρ ἰαλῆσθαι.] In hoc enim vocati estis, quod &
Christus passus sit pro vobis ; relinquens vobis exemplar, ut se-
quamini vestigia ejus, qui non fecit peccatum, nec repertus est
dolus in ore ejus : qui cum maledictis incessetur, non regeffit
maledicta, nec cum pateretur, minatus est.

[ὁ δὲ καλός.] Servus amet dominum cum timore Dei, etiam si
impius sit & malus.

[ἀνασταθὲν ἢ ἀντιτάξαι.] Contra regnum nescit esse insurgere.

CAPUT IV. DE JUDICIO CIRCA SACRA.

SUMMARIA.

1. *Cur de judicio circa sacra agendum.*
2. *Definitio judicii circa Sacra.*
3. *Ejundem divisio.*
4. *Probatum summum illud Principi competere.*
5. *Refutata aliorum objectio, quod Princeps labi possit.*
6. *Itemq, alia de summo Christi judicio.*
7. *Modus exercendi judicium explicatus.*
8. *Distinguendum tamen inter rellitudinem actionis & ejus validitatem.*

§. I.

VISO & asserto imperio, quod imperantibus circa sacra competit, nunc insigniora ejus jura seu partes potestativas percurrere animus est. Quoniam verò omnem imperandi actum, præcedit judicium, est enim imperare voluntatis, judicare verò intellectus, qui rem ipsam prius examinat, ac deinde voluntati agendam committit, ideoque hæc etiam nonnulla de judicio circa sacra summo & humano in quavis Republica dicenda sunt.

§. 2. Judicium potissima sua & genuina significatione actum superioris denotat, quo inter partes litigantes definit, quod justum est, à quo postea & locus ille, ubi jus redditur, judicium appellatum, ut judicium Aulicum, Rotweilense, Provinciale: Magis vulgariter pro quacunque definitione sumitur, etiam interna, in omnibus, quæ contemplantur aut agimus; Ita judicium

um

um circa sacra in communi est veræ religionis & cultus divini designatio, quam qui que hominum ex intellectu recto & libero depronit, qui objectum seu religionem ut veram cognoscit ac judicat: in singularibus definitio illius, quod in quavis religionis negotio dubio aut controverso occurrit: ut exempli causa infantes etiam baptizari posse: sacram Synaxin sub utraque dandam & sumendam: bonis operibus non mereri cœlum. Pontificem non esse universalem Pastorem & Ecclesiæ Catholicæ visibile caput. Hæc omnia intellectus sacris literis, Conciliis liberis & incorruptis, Patrumque traditionibus congruentia judicat, adeoque voluntati credenda & confitenda tradit.

§. 3. Hac ratione judicium circa agenda universaliter sumptum duplex est: unum, quod propriis actionibus præit: alterum quod per proprias actiones refertur ad alienas, quod rursus dupliciter fit: refertur enim ad actiones alienas per actiones proprias vel per modum intellectus, quod judicium directivum rectè vocari potest: vel per modum voluntatis, unde judicium imperativum, de quo ultimo nunc nobis laborandum, nam directivum etiam aliis, qui summo imperio subsunt, in ipsos quoque imperantes citra imperativi discrimen aut damnum competit.

§. 4. Quamobrem cùm summum imperium in sacris non minus quam profanis apud eum sit, cui Dii civitatis clavum, seu, ut Tacitus loquitur, summum rerum arbitrium dederunt, rationis est, ut eidem quoque summum judicium tribuatur,

tur, quod imperium actu & tempore præcedit : id enim, quod rectum piumque judicavit, imperat. Competit verò eidem judicium nō absolutum, quod solius Dei est, qui & absolute regnat: sed restrictum, & summū in ordine ad subditos, eodē plane modo, quo summum imperium in rebus civilibus, cui superius divinum nihil quicquam detrahit. Verū hoc esse, quod diximus, vel ex eo patet, quòd nemo in tota civitate reperiatur, cujus superiore judicio leges & sententiæ Principis retractari aut rescindi possint: nam neq; ordo civilis neq; sana ratio patitur, ut cum Sacrorum ordinatio & negotium religionis tam in suo universali complexu quam singulis circumstantiis, certam quandam determinationem, eamque in civitate quavis supremam in ordine ad homines inter se, requirant, sicut aliæ civiles res, ista determinatio & judicium subditis magis, quorum conditio in obsequio consistit, quam imperantibus competat, quibus tota civitatis cura incumbit. Apage hinc Pontificem, se universalem omnium Ecclesiarum ac summum Curatorem fastidiosè venditantem: facti est & ambitionis, non juris, quicquid usurpat: ex seculi imprudentia aut infelicitate dominatus, non divino instituto: neque enim in sacris oraculis vel umbram tantæ potestatis invenire licet: insanus profectò fuerit, qui illud quod de Ovium Pastu à Christo Petro commendato affertur, huc inaudita violentia rapuerit, cum non Petrum magis quam quemvis alium Pastorem concernat. Sed sit ille, (quod tamen absit) supremus iudex inter omnes Christianos, nihil decedet summitati iudicii Principis

pis in quaque civitate , quemadmodum necesse
 dem divinum judicium obest : Nam qui Episco-
 pos statim Pontifici substituunt , excluso penitus
 imperante, nã illi omnem ordinem invertunt, &
 in una Republica duo summa faciunt , unum in
 civilibus , & alterum in sacris , quod nihil aliud
 est, quàm palàm insanire : Enim verò si ad anti-
 quiora tempora paulatim respicimus, ubi Ro-
 mana hierarchia nondum tam monstrose partu-
 riit, omnes Imperatores & Reges suum judicium
 in sacris supra illud quoque Pontificis, nedum al-
 liorum Episcoporum, esse judicarunt. Testes in
 id locupletissimi sunt Synodi & Concilia Oe-
 cumenica , in quibus & præfederunt Principes
 seculares , & sua auctoritate atque judicio de ve-
 ra religione deciderunt , damnatis hæresibus.

* Ita imperatoria Constantini M. sententia in
 Concilio Nicæno Arriana somnia damnata sunt
 ita idem Imperator cognoscere voluit, an quæ ab
 Episcopis Tyri acta erant , recte se haberent vel
 secus : ita Martianus *suum negotium* esse duxit
rectam & veram fidem omnibus declarare : Ita
 Theodosius & Valentinianus : *inter ceteras sol-
 licitudines, quas amor publicus pervigili nobis
 cogitatione indixit , præcipuam imperatorie
 majestatis curam esse prospicimus religionis in-
 dagationem : cujus si cultum retinere potueri-
 mus, iter prosperitatis humanis aperitur ince-
 ptis.* Ita Theodosius ad Hormisdam : *inquisitio
 vera religionis præcipua est sollicitudo imperia-
 lis majestatis.* Ita Justinianus ad Epiphanium.
*Nos maximam habemus sollicitudinem circa
 veri Dei dogmata, & circa Sacerdotum hone-*

statem. Ita Carolus M. in Felicianâ controversiâ arbitrum se vocat; decernendo, *quid esset de hac inquisitione firmiter tuendum.* In liberis Rebuspublicis, ubi vel apud optimates, vel populum rerum summa est, iudicium de religione illis adhæret, quibus & imperandi jûs, inter quos si minus conveniat, iudicio majoris partis stabitur, nisi aliter conventum: nec enim indistincte & extra nostram Rempublicam ubique gentium verum est, quod hodie in omnium ore volutatur axioma, majora in religionis causa non valere, cum naturalis illa ratio, quæ partem ad salutem totius ordinat, & tacitus in societatem coeuntium consensus inter negotia sacra & profana nullum discrimen faciat: sermo enim hic est de publico iudicio, quo de religione definitur non inter privatos parietes habenda, sed publica auctoritate & legum præsidio docenda, quod cur in minoris potius partis jure, quàm majoris poni debeat, nullam causam video: nec refert, quod pars ista minor possit aliquando rectius de Deo sentire: nam & deterius sentire potest, sicut in fœderatis Belgii Provinciis & Anglia Photiniani, Sociniani, Anabaptistæ & alia hujus farinæ apum infernalium examina, quæ eodem modo majorem Orthodoxorum partem vincant necesse fuerit. Ex hæc ita se habent, nisi pactis conventis quævis Civitas sibi & subditis aliter prospexerit, sicut interdum evenire videmus, ut iudicium illud circa religionem, ut majestatis etiam jura ab Imperantibus civibus aliis, qui dignitate & imperio pollent, communicetur, ut quilibet in suis ditionibus id exercendi ci-

tra summi Principis interventionem jus habeat. In Patria nostra & Romano - Germanico imperio à multis retro seculis ad Carolum usque quintum judicium de religione publicum Imperatoris fuit, donec ob cauponarias quorundam emittentium artes & opum cum miseræ plebis dispendio æterno ac temporali congerendarum plus quam Erisichthoniam famem melior Germaniæ pars ex diuturno veterno tandem evigilavit, & à dirissima servitute se in Christianam libertatem asseruit. Dici non potest, quam ægre Romana curia generosam hanc Germanorum prudentiam tulerit, cœlum & tartara motura, ut ipsi pristino nidore adoleatur, unde civilibus bellis Germania misere conflictata est, quæ primis principiis captivitate Saxonis & Hessi infau- sta nobis tandem Mauritio Duce ac liberatore, Carolique ignominiosa fuga in melius & pacem religiosam, de qua plura mox, verterunt, per quam jugum Pontificium denuo à nostris cervicibus generose excussum & religio resecta traditionum humanarum mole ad pristinam sanctitatem, qua tunc licuit, reducta est. Ab illo tempore statibus imperii judicium aliquod in religionis purgandæ negotio summo quidem Imperatoris inferius, sed tale tamen, quod nec ab eodem * pro lubitu possit impediri tollive, concessum, quo in suis provinciis adhuc utuntur, in quantum scilicet per pacem illam religiosam licet, haud ita pridem Osnabrugensi pacificatione multis locis aut explicatam aut in melius, quod judicium hoc attinet, redactam: nam & id, quod Ordines habent, aliqua ex parte restrictum, ut subditos suos ante Januarii primum diem anni

1624. in possessione religionis cujusque ex receptis deprehensos reformare invitos illis non amplius jus sit, ut plenius deinde dicemus.

6. 5. Quæ ab aliis contra judicium Summarum potestatum circa sacra adferuntur, nihili omnino æstimamus. Nam qui idèd omne judicium Principi negant, quod labi possit & errare, non vident eundem hac ratione ab omnibus civilibus negotiis arceri. Quoties in jure dicundo, in consiliis capiendis, in bello & pace, in fœderibus, in legibus ferendis gravissime impingitur, quæ omnia tamen in jure Principum sunt. Quid vero à Pontifice interdum avaritia & ambitione ebrio non idem lapsus errorisve periculum? Vehementer fallor, aut ipsæmet hujus Curia traditiones & commenta divitiis parandis quàm pietati propiora luculentum id testimonium perhibent. Quare non pugnant invicem labi posse, & judicare, nisi omnia judicia de humanis etiam rebus tollere velis: obtusius est rationis acumen, quam ut semper in veritatem penetret, quæ in puteo delitescit; lora & perticæ, quibus illam inde extrahimus, judicium est, quod à re quærenda cum ideo deterremus, quasi labile sit & incertum, veritas ipsa nunquam invenietur. Jam si privatus quisque tum suæ salutis curandæ, tum familiæ ordinandæ causâ circa veram religionem judicium sibi sumit, quanto minus illud Principi negandum est ad felicitatem civitatis procurandam? Quoniam verò in Republica pro personarum conditione & gradu ordo ab imo ad summam datur, judicia quoque diversa & sibi invicem subordinata esse necesse est, do-

est, donec tandem ad summum omnium perveniat, quod præter illud Principis nullum aliud esse potest: in infinitum enim haud datur progressus, sed ubi ad summum in civitate adscendimus, subsistere oportet. Hoc summum Principis judiciū cum non minus quàm cujusvis privati errori & affectibus obnoxium, nec porro inter homines ullum sit, cui certo fidere licet, sequitur errores quorundam *non humano, sed divino judicio reservari*, sicut jam dudum Ivo Episcopus Carnutenensis dixit. Sed & etiam si Princeps minus rectum piumve de religione judicium formaverit, non caret id omni effectu suo. Certe quidem homines obsequium non debent, cum idolis adolere, Christo maledicere, fidem abnegare, necessaria pietatis caritatisve officia deferere jubentur: major enim Dei potestas est, quæ hæc vetat ut illicita: injuriam tamen eo nomine illatam vi nequeunt repellere, sed pati tenentur ultione judicio divino commendata, ut paulo ante docui. Deinde hic quoque est judicii pravi & erronei effectus, ut falsa religio præsidium publicum habeat, sine metu & impedimento profitenda, cum vera pressa sit, & obnoxia persecutionibus. Cohærent cum his & eadem responsione dimitti possunt, qui Principem à judicio eo obtentu excludunt, quod minus peritus sit rerum, quæ à Theologis disceptari solent: nam confundunt aptitudinem judicandi cum jure judicii publici seu Imperativi, quæ duo tamen inter se diversissima sunt: & quis non videt hæc in omni genere imperiorum distincta esse? Quot servi sunt, prudentes & calli-

illumi, longe Dominis suis ad familiæ regimen aptiores, qui tamen ex eo statum suum non mutant? Quot item Domini, stolidissima ad imperium indole præditi, ut Senecæ joco regnare etiam inter fatuos possent, qui imperio non exuntur, ad quod tamen velut asini ad lyram! In ipsa Civitate multi interdum subditi & prudentia & moribus plurimum imperantibus præstant, qui satis sibi felices videntur, cum saltem ad consilium de Republica vocati fuerint: Judices quoque haud raro & juris, quod dicere debent, & aliarum omnium rerum imperiti, quorum nihilominus sententia jus facit: sic adeo in judicio imperativo nihil aptitudo ad ipsum jus confert: in directivo, ubi consilium magis datur, quam pro imperio aliquid edicitur, res paulo aliter se habet: nec enim quis facile ab eo se persuaderi in re patietur, cujus auctorem ipsum imperitum novit: nec sapientis viri auctoritatem temere negliget, quæ sola interdum per se dubio hærentique animo pondus aliquod addere potest ad definiendam actionis qualitatem.

§. 6. Nihilo magis summum Christi judicium huic de quo loquimur obstat, quemadmodum nec summum ejus imperium civili potestati: ordo inter hæc est, sed extra civitatem, nos verò de summo, quod in civitate est, agimus. Quin semper humanum judicium ad Christi illud divinum accedere debet, ut actio recta sequatur, aliàs enim ob defectum intellectus cum re ipsa ex conscientia dubia procedens vitiosa est, cum agenti perinde fuerit, rectè an secus egisse, quæ ipsa incuria non caret sua reprehensione; vel
enim

enim in id saltem iudicium adhibendum, ut credat, iudicium, quod sequitur, Christi esse. Sicut verò ad privatas actiones cuiusvis privato tale iudicium competit, ita ad actiones publicas summis potestatibus : est verò inter actiones publicas non postrema, quæ de religione recipienda iudicat & definit : Recte hic Brentius. *Ut privatus privatam, ita Princeps publicam habet de doctrina religionis potestatem iudicandi & decidendi.* Seu : iudicio opus est, præsertim Principum, ut sciant, quam doctrinam & privatim ad suam salutem æternam & publicè in populo Dei tueri debeant. Sacra scriptura tantum abest, ut iudicio nostro obstat, ut potius eidem ancilletur & serviat velut lydius quidam lapis, ad quem iudicii rectitudo probari debeat : cum iudex vocatur, per tropum id fit, nam citra figuram norma iudicandi est, nunquam autem est idem sui regula. De iudicio Pastorum & Doctorum, qui sensus in scriptura exercitatos habent, non sumus difficiles : Alterius enim id generis est, & actionibus alienis præit directivè ac per modum intellectus ; nostrum verò per modum voluntatis, quod imperando fit. Compatibilia itaque hæc iudicia sunt, non sibi invicem adversa, quorum hoc summum inter homines potestate est, illud auctoritate.

§. 7. Et hæc quidem de iudicio ipso dixisse sufficiat. De modo exercendi nunc pauca quædam. Duo imprimis sunt Principibus necessaria ad iudicium in rebus sacris recte instituentium, intelligentia & pietas : illa ad actionem confirmandam, hæc ad ornandam. Quod apud

Tacitum Imperatori Tiberio votum, ut *Dii ipsi intelligentem divini humaniq; juris mentem darent*, id Christiano Principi tanto magis precandum, quò vera religio superstitiosos gentilium ritus antestat : Hoc decorum Imperanti, quem turpe est negligere divina, æterna illa, & omnis sapientiæ veros recessus : cum humana curet fluxa & caduca : nec idem difficile : nam *Theologia*, ut Nazianzenus ait, *res est simplex & nuda, sine magno artificio divinis constans testimoniis, quam tamen pravè quidam convertunt in artem difficillimam.* Ut proinde frustra sint, qui imperantem tanta negotiorum mole occupatum sacrarum rerum cognitioni non posse vacare obijciunt. Sane quæ ad fidem & salutem speratu, creditu, factu sunt necessaria, vel quæ necessaria quidem absolute non sunt, magnum tamen in Ecclesia momentum habent, ea nec multa adeo sunt, nec obscura, sed obvia cuique, & clarè emicantia, cum certissimis oraculorum divinatorum testimoniis, tum Ecclesiæ purioris continuato consensu : nec est quod de sensu ambiguo aut subtilitate quisquam conquerratur, quia *prope nos verbum est*, ut ait Apostolus, *in ore nostro, in corde nostro.* Cætera, quæ inutiles magis tricas & ambitiosam sapientiæ ac argutiarum ostentationem, per ociosas quæstionculas affectatam olent, quàm pietatem aut Christianam disciplinam, sine discrimine à Principe ignorantur, cum utique melius fuerit, nunquam movisse Camarinam illam, qua Christianæ rei tot clades & vulnera ex scissa religionis unitate illatæ sunt. Age verò si ex plebe quivis tardissimo

fimo intellectu inter laboriosas quotidiani victus amictusve curas ea, quæ ad corpus fidei pertinent, percipere aptus est, cur de Regibus desperemus, quorum tamen corda propiore quodam Spiritu Deus instruit? Adsunt judicaturæ divina & humana auxilia, quibus uti poterit. Veterum quidam vere dixit, *plus se precando, quam legendo didicisse*, nec surdus est ad illa Ecclesiæ desideria Deus, qui ipsos Reges *intelligere, erudiri, exemplum legis describere, idq; penes se adservare & in eo legere omnibus diebus vite suæ* jubet. Hic Moſen, Joſuam, Simſonem, Saulem, Davidem idoneos regimini, plenos ſapientia fecit: Hic Salomoni adoleſcenti, qui neſciebat, *quomodo gradus ſuos dirigeret, cor ſapiens & intelligens dedit*, quale nec ante eum quisquam hominum habuit, nec deinde habiturus eſt; ad quam proculdubio ſingularem præſentiæ divinæ in Regibus efficaciam reſpexit idem Salomo, dum in parabolis ſuis *Vaticinationem inſidere labiis regis, ait, & in judicio non prævaricari os ejus*. Hoc præſidio divino fretus quid eſt de quo quis non feliciter judicare poſſit? Theodoſius proſecto Imperator eodem duce inter plurimas ſectas judex, cum opem divinam in arcano imploraſſet, ſententiam tulit, ut debuit, & Juſtinianus Imperator *talem edidit fidei confeſſionem, ut à nullo Patrum Epiſcoporumve editam aut pleniorẽ aut luculentiorẽ conſtet*. Factamen aliquid inopinum emergere, in quo hæreat, tempore utetur & conſiliis: illo, quoniam ut ait ille apud Liviũ, *omnia non properanti clara certaq; ſunt, feſtinatio improvida eſt, & cæca: &*

nihil magni discriminis consiliis tam inimicum quam celeritas. His, cum certum sit, Principem sua scientia non posse cuncta complecti, multosque Regis oculos & multas aures esse debere: & hæc quasi mutuata prudentia Imperantibus laudi cedit, non ignominia aut contemptui: inter sapientes enim & ille ab antiquis refertur, qui domestico ingenio destitutus aliorum præcepta sequitur. *Sape audiui*, inquit Magister Equitum apud Livium, *eum primum esse virum, qui ipse consulat, quod in rem sit, secundum eum, qui bene monenti obediat.* Et Cicero: *apientissimum esse dicunt eum, cui, quod opus sit, ipsi veniat in mentem, proxime accedere illum, qui alterius bene inventis obtemperet.* Quod uterque ex Hesiodo sumpsisse videtur.

Οὗτος μὲν πανάεις, ὅς αὐτὸς πάντᾳ νοήσει,

Ἐὐδαὶς δὲ αὐτὸς καὶ αἰσῶν, ὅς ἐν εἰπόντι πίθεται.

Alterum fulcrum pietas est, quæ ad omnes res utilis promissionem habet hujus & futura vita. Quid juvat Imperantem scientia divinarum atque humanarum rerum, quid rectum in sacris iudicium, si hæc regina ab actionibus absit, & simulata sanctitate ex status magis ratione, quam toto animo & corde religio conservetur? Futurum humanis actionibus facere poterit, non item Deo, qui arbiter & inspector non operum tantum nostrorum, sed consiliorum, mentium. Egregie (a) Seneca. *Nihil Deo clausum est, interest animis vestris & cogitationibus mediis intervenit.* Duo itaque vitia hic maxime iudicaturus fugienda sunt, summa de Deo securitas, seu

seu *ἄθροισμα*, quæ cuidam *μυστήριον νόμον* vocatur: deinde superstitio, quia modus judicii in hac abyſſo tenendus, quoniam verissimum est, quod apud Tacitum: *sanctius ac reverentius esse de actis Deorum credere quam scire.*

§. 8. Enim verò hic diligenter notari debet, duo hæc, quæ diximus, hoc est, intelligentiam & pietatem ad rectitudinem actionis requiri, non etiam validitatem, actus: Plus enim illud desiderat, quam hoc, & potest actus esse ratus, quamvis actio non sit recta, quemadmodum ex prodiga donatione apparet. Ratio est quod ad plenam actionis ex omni sui parte perfectionem non tantum opus sit morali agendi potestate: sed etiam intellectu bene informato & judicio determinato, tum honesto animi proposito, tandem modo & circumstantiis debitis: actus verò validitati sufficiat solum agendi jus, id est, moralis illa facultas, quam justitia specialis, quæ Grotio expletrix, Aristoteli *ἐπαγορευτική* seu *συναλλακτική* appellatur, considerat. Quare ut actus valeat, satis est, si in jure agentis sit, non extra jus: Est verò extra jus vel absolute, ut in illis, quæ cum suapte natura tum universali Dei interdicto illicita sunt: vel relatè, quando agere quidem licet, sed non per eum, qui agit, ut cum quis debitum à debitore exigit, quod ei non debetur, cum subditus inconsulto Rege cives armat & ad bellum educit, cum alieno servo præcipitur. Ut verò actio recta sit, scientiam & honestatem præcipuè adesse oportet, quibus deficientibus vitatur quidem actio, quæ ex imperante procedit, sed non redditur actus imperii

Imperii vitiosus, cui idem obsequium subditus debet, ac si ex optima & honestissima intentione processisset.

ANNOTATA

Ad

CAPUT IV.


S. 4.

Ita Imperatoria Constantini M. sententia] Vid. infra historiam Theodosii & ad illam Brentii iudicium. c. 8. §. 24. [Quod nec ab eodem pro lubitu possit impediti.] Ita Protestantes in intercessione sua pro Palatino ad Carolum V. apud Goldastum Reichs-Sagungen p. 275. Ihre Majestät könnten leichtlich ermessen / daß der Augspurgischen Confession verwandten Ständen nicht gebühren wolle / andern so in der Religion mit ihnen nicht gleich stimmen jetzt oder künftiglich das Urtheil beim zu setzen / wenn Sie dafür halten oder achten / daß dem wahren Verstand der Augspurgischen Confession seine Meinung gemäß sey. Dann unter diesem Schein möchte ohn dieser Ständ Verursachung vielen Leuten / und insonderheit den Schwachgläubigen / welche Christus mit seinem Blut erworben / Gewalt und Unrecht geschehen / wie dergleichen Exempel bis anhero nicht wenig vor Augen gewesen. Hæc quidem illi. Quia tamen præter recepta in Imperio sacra omnes aliz sectæ proscribuntur, in quas Imperatori jus est animadvertendi, non videtur sanè ille penitus à iudicio excludi posse, cum disceptatur de nova disciplina vel recipienda in publicum præsidium, vel expellenda civitate. Fortè igitur Protestantes non solius arbitrii Imperatorii aut catholicorum Statuum rem esse censuerunt decidere, quis consentanea Augustanæ Confessionis doceat credatque: Sed ad omnium ordinum iudicium pertinere causam, amica compositione, ut in sacris apud nos fieri solet, finiendam. Quod si enim nostrates Proceres sibi solis, omne arbitrandi jus de confessionis suæ sociis voluissent arrogare, excluso Imperatore & Catholicis, non alia ratione, quam ne sub aliena specie homines simplices circumvenirentur: opponi illis ab altera parte par metus poterat, ne vetitæ religiones sub larva Augustanæ Confessionis favore Protestan-

tium paulatim irreperent, si necesse sit hic cœcum esse Imperatorem, sic prorsus suo jure, quod in hæreticos coercendos habet, exuendum, quando demum à Protestantibus illum rescire oporteat, quis pro sectatore vetitorum sacrorum condemnandus sit. Qua circulatione res nunquam habitura fuit exitum. Quare hæc partiendum negotium erat, ut utraque parte ad judicandum admissa neque hinc querelæ superessent vim sociis fieri: neque illinc violatæ jurisdictionis indignabundus dolor. Confirmat sententiam nostram publicus usus. Nam cum Ferdinandus Imperator edicto suo à religiosa pace illos exclusisset, qui Calvinî dogmata impensius sequuntur, irritum judicium proceribus nostris propediem visum est, quod solus Imperator inconsultis Statibus pronunciasset: adeoque ad invidiam concitandam multis dissteriis oneratum. Ex adverso nec apud Catholicos decreti vim obtinuit nostrorum sententia, illos ut fratres ad consortium publicæ securitatis admittentium. Diu igitur lis in incerto hæsit, subinde his illis obloquentibus, donec Osnabrugensi pace consensu omnium ordinum validum pro Reformatis judicium sterit, quibus proinde ex illo tempore de beneficio religiøsæ pacis nemo ausus est amplius movere controversiam. Igitur modus definiendi dubias in religione res Cæsareæ Majestatis scitis Statuumque concordibus suffragiis constat: aliquo horum deficiente infecta re discedi solet.

[§. 7. ἔτι μὲν παραμένει.]

*Hic quidem optimus, qui ipse noverit omnia
Bonus tamen & ille, qui bene momenti obtemperat.*



CAPUT V.

DE LEGISLATORIA POTESTATE
CIRCA SACRA, UBI DE PACE
RELIGIOSA.

SUMMARIA.

1. Potestas legislativa etiam in sacris rebus inter jura majestatis est.
2. Quâ definitur, quæ Sacra publicè habenda; quæ toleranda; quæ fugienda.
3. Admixta questio, an ex usu sit Reipublica Varietas religionum, & negata.
4. Interdum tamen aliquid temporibus dandum: id quædam regna fecerunt.
5. Sed imprimis Germania nostra religiosa pace sancita: cujus origo narratur.
6. Itemq; materia ejus & argumentum.
7. Firmitas pacis asseritur primo contra metum injectum.
8. Secundo contra Pontificis auctoritatem.
9. Tertio contra defectum potestatis paciscendi.
10. Quarto contra Tridentini Concilii decreta.
11. De interpretatione pacis.
12. Protestationes adversus religiosam pacem non valent.
13. Amicabilis inter partes compositio de religione non penitus impossibilis.
14. Peculiæ quædam controversiæ enumerata.
15. De jurisdictione Consilii Julici in causis religiosis, remissive.
16. De civili concordia æqualitate obtinenda.
17. De jure reformandi, quod Statibus competit.
18. De Reformatis in specie sub religiosa pace comprehensis.
19. De reservato Ecclesiastico.
20. Ejus origo narratur.
21. Et progressus atq; confirmationes.
22. Semper reclamantibus tamen August. Confess. Statibus.
23. Deniq; post Ferdinandi Edictum res in instrumento pacis transacta.
24. Digressio ad merita causæ: & Protestantium quædam rationes

CAP. V. De Legislat. Imp. Pot. circa Sacra. 159

rationes contra reservatum recensita ab antiquitate petitionis desumpta.

25. Alia Protestantium rationes à potestatis defectu.
26. Quæ à Catholicis contrariis argumentis refutantur.
27. Examinantur utriusq. partis rationes, & ostenditur, Protestantes certo modo consensisse in Ecclesiasticum reservatum.
28. Quod etiam absq. illorum consensu valeret.
29. Protestatio auctoris: & ad Osnabrug. Tractatum transitio.
30. Ibi prima Evangelicorum conditiones pacis circa hunc articulum narrantur.
31. Et prima Catholicorum.
32. Ab iisdem paulo mox mitigata.
33. Protestantium secunda conditiones.
34. Et legati Saxonici adjectio.
35. Ultima Catholicorum rationes pacis ab Oratore imperatorio proposita.
36. Ut & Evangelicorum.
37. Quid tandem ea de re in instrumento pacis sancitum.
38. De tempore restitutionu.
39. De bonis Ecclesiasticis mediatis, & rationes Evangelicorum pro jure reformandi.
40. Catholicorum rationes contra reformationis jus.
41. Evangelicorum prima conditiones pacis.
42. Et prima Catholicorum.
43. Legati Casarei intercessio.
44. Et responsio Evangelicorum.
45. Sanctio pragmatica ex instrumento pacis de hac sanctione.
46. De jurisdictionis Ecclesiastica suspensione.
47. De redditibus.
48. De jure subditorum in mutanda religione.
49. De jure subditorum in mutata tuenda: & emigrationis libertate.
50. De Ferdinanda Declaratione.
51. Ejus formula.
52. Quid in tractatu Osnabrugensi & instrumento pacis ea de re actum sancitumq.
53. Prima instrumenti illius sanctio.
54. Et secunda.
55. Et tertia.

56. Et quarta.
57. De immediata Nobilitate.
58. De Civitatibus imperialibus.
59. Monitum de non vellicanda religiosa pace.
60. Alia vis legum in damnandis & amoliendis sacris, quæ falsa aut non toleranda judicant.
61. Quæ non improbanda, quia malum coercere Princeps debet, i. e. ut Dei Vicarius.
62. Dum divina præcepta sequitur & defendit.
63. Id amplius argumento a Pseudoprophetis ostensum.
64. Et ab exemplis priorum Principum.
65. Deinde quæ Summus Civitatis curator.
66. Tertio quæ vir bonus.
67. Argumenta contraria adducta & refutata.
68. Interdum tamen tolerata diversa religiones.
69. Permissiois illius gradus explicati.
70. Legislatoria potestas etiam ad singula momenta rerum extenditur: quod exemplis ostensum.
71. Caroli M. & Germanorum Caesarum quedam jura enarrata.
72. Aliquando mutata etiam, quæ sacris literis & Apostolorum canonibus definita: sed tantum vel intulæ.
73. Modus utendi ostensus.
74. Quæstio decisa, an Ecclesia per se habeat potestatem ferendi leges.
75. Exempla aliquot adducta Imperatorum à canonum decretis abeuntium.

§. I.

Nunc ad speciales quosdam imperii circa sacra actus veniendum est, qui tam late ferè patent, quàm tota majestatis natura, sed nos potiora tantum decerpemus. Eminent inter hos legislatoria in rebus sacris potestas, quæ in omni Republica ad eum spectat, qui summum jubendi vetandique jus habet. Hic de rebus & definitis & indefinitis leges fert, nec in profanis tantum, sed & religionis & sacrorum negotio, quibus, si justæ sunt & piæ, stare subditi tenentur, quam.

quamvis à Pontifice & Clero sua auctoritate non sint probatæ: Sin minùs, negato quoad istum imperii actum, qui ad illicita fertur, obsequio contenti in aliis rebus fidem non exuant: Oppido insigni fraude Paulus III. Pontifex Carolo V. illulit, quando leges de religione sancire non esse imperatorium munus affirmavit, sed sacerdotum Domini, sed imprimis Pontificis, quibus Deus potestatem ligandi & solvendi dedit, nam solvendi illud & ligandi jus in nuda divini judicii declaratione subsistit, nec præjudicat legislatorie imperantium facultati, ut jam ante animadverti. Certè ab omni orbis cõditi serie *tam apud gentiles quam veram Dei Ecclesiã de hac Principis potestate addubitare sacrilegium fuit, ut in mutatione tanti momenti merito privilegium divinum desideremus, quod curiæ Romanæ coelitus missum esse oportuit: aliàs veniam meremur & excusationem, si nobis ea in re non licet esse faciles, qui tandiu rem in suo pristino statu consistere dicimus, donec mutata appareat. Quod enim hanc in rem de petra inconcussa, de Ovium cura, aut aliunde capillitio trahunt, ut vulgare proverbium habet, cum à veneranda antiquitate purioris adhuc & sanctioris Ecclesiæ Christianæ isto sensu nunquam sit creditum, commento propius videtur, quàm veritati: Fortasse verò hoc Vicariatûs generalis diploma cum donatione Constantini M. eodem loco reconditum fugit lucem & conspectum hominum, ne si ex superstitiosis tenebris extrahatur, multum de veneratione sua amittat.

§. 2. Leges, de rebus latæ, quæ in sacris de-

L

finitæ

finita sunt, vel totam religionem concernunt,
 vel singulas ejus partes. Illæ eò imprimis per-
 tinent, ut definiant; quæ nam religio in Civitate
 publicè doceri & exerceri debeat, quod in arbi-
 trio & jure Imperantis esse omnes Politici con-
 cordibus suffragiis statuunt, quæ in re, si in ulla
 aliâ, vis summi imperii magnificè elucescit, de
 quo nos nec sensus dubitare sinunt, nec experi-
 entia: Quærentibus enim cur alia religio in Hi-
 spania Italiavè vigeat, alia in Suecia aut Dania,
 ad Imperantes, ut mutationis ejus causam pro-
 ximam, recurritur, hujus vel illius religioni ad-
 dictos. In Anglia Maria regnante Romana sa-
 cra sequebantur homines; Elisabethâ vero, Evan-
 gelica religio restituta, utrobique voluntate im-
 perantium, qui hanc vel illam publicè docen-
 dam jusserunt. Objiciunt hic nonnulli mutan-
 dæ religionis periculum, si uni Principis arbitrio
 committatur, verùm satis maligne, ut opinor,
 aut imprudenter. Quod si enim legitimæ pote-
 statis usum propter incertum abusus metum in-
 distinctè tollere volumus, jam nullum jus erit,
 quod Principi relinquetur: non juris dicendi,
 cum injuriam facere possit; non gerendi belli,
 cum injustum gerere, aut justum etiam minus
 provide seu opportunè, non tributorum indi-
 cendorum, cum bonis subditos spoliare: non
 alius cujuscunque, quo abuti licet: ut enim nihil
 tam molle est aut voluptuarium, quo vir bonus
 non sanctè utatur, sic nihil sua bonitate abusum
 omnem excludit. Respublica ut beata sit & fe-
 lîx, religione opus habet, eaque certa ac publico
 præsidio profitenda, quæ speciali definitione
 debet

debet publicari. Hanc definitionem quamvis Princeps alii commiserit, de homine ibitur ad homines non minore mutationis periculo. Quamobrem unicum solatium in providentia divina est, quæ Regum animos ita flectit & ducit, ut Ecclesiæ optimum & saluberrimum: Etiam Tyranni, etiam persecutores fidelium cultui sapius magis profuere, quam Christiani Principes, Ecclesiâ inter dirissima supplicia, imò ab ipso ferro opes animumq; ducente. *Sive potestas, veritati favens*, inquit Augustinus, *aliquem corrigat, laudem habet ex illa, qui fuerit emendatus: sive inimica veritati in aliquem saviat, laudem habet ex illa, qui fuerit coronatus.* Itemque: *Imperatores cum in errore sunt, pro errore suo contra veritatem leges dant, per quas justî & probantur & coronantur, non faciendo, quod illi jubent, quia Deus prohibet.* * Ex adverso cum à metu externo vacat religio, in se ipsam haud raro vertitur, Pastoribus ambitione & ingenii per inutiles disputationes ostentandi illecebris ad schismata & hæreses mox deficientibus, per quas Ecclesia Christiana plus detrimenti cepit, quam decem gravissimæ, quas numerant, sub paganismo persecutiones non dederunt. In primordiis Christianæ fidei sedulo sibi Viri pii & sancti caverunt, ne quocunque religionis propagandæ aut instituendæ colore jure publico ac vi uterentur, quamvis summi post Imperatorem Magistratus, Præsides Provinciarum, Prætores, Senatoresve jam dudum Christo nomen dedissent, opportuna profectò novandis rebus manubria, si eo tempore seditiosos

tiosos Pontifices invenissent. Et mirum tan-
 est, nostros majores non ignaviæ incusemus aut
 rei Christianæ proditæ, qui tam opportunam oc-
 casionem fidei propagandæ è manibus suis im-
 prudenter elabi passi sunt. Sicuti verò sub im-
 perio Ethnicorum Principum religio nostra ubi-
 que depressa & adflicta, ita continuo eadem post
 Constantini M. Christiani Imperatoris tempora
 tuta & quod ajunt, in portu, ut secundum Deum
 tam repentinæ felicitatis præter ipsum Principem
 nulla aliâ causa afferri possit, id quod Judæis eti-
 am accidisse legimus, quorum religio ad Regum
 ingenia subinde in pejus meliusvè mutavit,
 quo nomine & à Deo vel laudati sunt vel incre-
 pti. Nec minus ad coercendam vetitarum re-
 ligionum luxuriam, quam receptam tuendam,
 summis Potestatibus jus est, qua in re si rectam
 viam insistunt, id Dei imprimis beneficium, &
 fortunæ: non enim excidunt propterea jure suo,
 cum pro errore stant, & impiis edictis veritatem
 oppugnant, quod sæpius primis à Christo nato
 trecentis annis factum legimus. Constantino
 regnante feliciora demum Ecclesiæ Christianæ
 tempora inciderunt, quæ accessione Imperato-
 rum nobilitata tam piè supersticiosos gentium
 ritus publica auctoritate & judicio sensim dele-
 vit, quam flagitiose olim ab ipsis in cursu saluta-
 ris fidei impedita fuit: Tum primum imperiali
 lege Idolorum templa in orbe Romano clausa
 sunt, tum vetitum gentium Diis adolere, tum
 omnes subditi ad Christianam religionem cum
 securè docendam, tum amplectendam, man-
 datis, hortamentis, benignitate & clementia
 qua

qua pertracti, qua invitati, nec in publicis saltem locis offendicula illa & irritamenta malorum amota, sed in privatis quoque domibus, superiore nimirum Principis imperio, cum antea nemini privatorum publicum religionis exercitium seu vi arripere, seu detestandam idolomaniam evertere licuisset: Quicquid illis hac in re juris fuit, id omne intra parietes proprios substitit; in publicum prodire nefas erat cum aliqua coactione, quam Veteres Christiani religionis ardore in privatis, adeoque jubendi cogendique facultate destitutis nunquam excusarunt. Concilium Elibertinum, *si quis idola fregerit, & ibidem occisus fuerit*, in numerum Martyrum recipi vetat, *quod neq. in Evangelio scriptum sit, neq. ab Apostolis traditum reperitur*. Christiani illius supra memini, quem alii ob discerptum Maximiani & Diocletiani Imperatorum Edictum crudele, contra Christianos Nicomediæ propositum, jure cæsum pronunciarunt; & optimo judicio Nicephorus Abdam Episcopum reprehendit, quod Persarum *negotior* extinxerit, quæ res ibidem magno damno rei Christianæ cessit. Scilicet Apostolorum & qui eos secuti sunt, arma ad fidem tradendam spiritualia fuerunt, ut Dei verbum, & morum ac disciplinæ sanctitas, cum extrema injuriarum & contemptus patientia: non carnalia, minæ, vis, gladius, quæ per privatos arripere quidem in justissima causa Christus permisit: itaque monstrasse errores, monuisse devios satis habuerunt, non remotis offendiculis, quæ publica auctoritate defensa privata tolli non debuerunt. Expectanda erant

ipforum Imperantium iudicia, donec agnito lapsu eandem opem ad destruendas superstitiones conferrent, quam ante ad fovendas : quo sensu interpretari convenit (a) Deuteronomii illam legem, quâ Judæi gentilium *aras diruere, statuas frangere, lucos succidere & sculptilia comburere jubentur*, ut nimirum illi, qui imperium habent, mandatis præeant, subditi prompta executione imperantibus præsto sint, quod his verbis optime (b) Augustinus exposuit : *Cum acceperitis potestatem, hac facite ; ubi non est data nobis potestas, non facimus, ubi data est, non pratermittimus. Multi pagani habent abominationes istas in fundis suis, nunquid accedimus ac confringimus : Prius enim ut idola in eorum cordibus confringamus, quando & Christiani facti sunt, ipsi aut invitant nos ad tam bonum opus, aut praveniunt nos.* Unde satis nunc apparet, legibus & externa coercitione non nisi summis potestatibus licuisse paganismum evertere : nec paganismum solum, sed & hæreses, quæ unionem fidei dirimerent, & pravis superstitionibus aut errore pernicioso Catholicæ Ecclesiæ & simpliciorum conscientiis insidiari viderentur. Hoc modo Imperatores Christiani vetuerunt hæreticorum coitiones & conciliabula, ademerunt eis basilicarum usum, & ex testamento quicquam capiendi, vel ad honores & publica munera perveniendi spem, imò nulla non alia imperatoria indignatione persecuti sunt, sicut ex Codice nostro Justiniano clarum est, præterquam quod sanguine & ultimis suppliciis.

(a) Cap. 7, 5. (b) Serm. 6. de Verb. Dom. Sec. Matth.

plicis parcius usi sint, quo nomine Idacius & Ithacius à Gallis Episcopis damnati, quòd in Priscillianistas quosdam gladio animadverti suassissent. Aliquando tamen cum diversæ à Christiana religiones, tum hæreses & schismata pro temporum & Reipublicæ conditione toleratæ sunt, ut Judæorum pervicax & cæca pietas, gentilium item damnandi ritus, quos primis suæ conversionis annis Constantinus statim abrogare noluit, sub aliis Imperatoribus, iisque non minus piis sectarium virus impunitum plane fuit: Quin quod magis mirere, exstant adhuc leges in omnium oculis, quæ Judæorum religionem haud incurie ordinant, ut Constantini, Valentiniani, Valentis, Arcadii & Honorii, Theodosii, Justiniani tributis iisdem juribus Judæorum Archisynagogis, quæ Christianorum Episcopis, & vetitis in ipsorum sectam recipi, qui Primatibus eorum displicent, vel resurrectionem ac judicium supremum negant: quam Cæsarum in hoc negotio sollicitudinē non eo accusare possumus, quòd nimium ad aliorum impietates & superstitiosos ritus conniverint, cum etiam in lege divina facti quasdam permissiones non tam à Deo probatas, quàm artis limitibus, ne latius evagentur, circumscriptas inveniamus.

§. 3. Perduxit nos hic locus ad quæstionem in politica prudentia haud postremam, an ex usu sit & securitate imperantis, varias in Civitate, easque à se diversas religiones liberè subditis permittere? Scimus, quæ Ægyptiorum Regum mens & consilia, qui variam & miscellam religionem induxerunt stabiliendo scepro: difficilior

enim in ipsum Regem conspiraturos arbitrati sunt, quibus inter se malè conveniret, nec quicquam adversus subditos utilius, quàm si inter se non conspirent: Et probavit Julianus Apostata, qui Ammiano teste, ut dispositorum roboraret effectum, dissidentes Christianorum Antistites cum plebe discissa in palatium intromissos monebat, ut civilibus discordiis confopitis sua quisq. religioni serviret intrepidus, quod agebat idèò obstinate, ut dissensiones augente licentia non timeret unanimantem postea plebem. nec ratione videtur institutum carere; quod (a) Cato in familia sua spectavit & effectui dedit, *οὐκ ἔστιν ἔχοντες τὴν δούλῃ καὶ διαφορὰν πρὸς ἀλλήλους, ὑπονοῶν τὴν ὁμόνοιαν καὶ δεδαικώς* cur non Princeps in Republica? ubi (b) *Societas lapidum* fornicationi simillima est, quæ casura nisi invicem obstarent hoc ipso continetur. Quod ego ut in levibus dissidiis non reprobem, ita in religione vix admitto, quæ divisa nesciunt subditi odiorum modum, sed perpetuis agitantur turbis, in quibus quod præsidium Principi esse potest? Incidit concordie vinculum, qui unitatem religionis, ex quo partes & factiones in imperio, (c) *quæ fuerunt eruntq. pluribus populis magis exitio, quàm bella externa, quàm fames morbi, quæq. alia in Deum iras velut ultima malorum vertunt.* Ut duo quercus robora, cuneo medio suspensa eo luxato violenter coeunt cum summo moventis periculo; ita scissis religione animis urgetur studiis partium hinc inde Prin.

(a) Plutarch. Caton. (b) Senec. Epist. 97.

(c) Liv. l. 4. c. 9.

Princeps, & quasi inter saxum stat & sacrum, si medium teneat, omnibus suspectus, nulli acceptus; cum in partes transit, alteram hostem habiturus. Sit verò ad securitatem Dominantis dissidentes in religione subditos habere, ad Reipublicæ profectò commodum non est, quæ turbis intestinis marcescit ac diffluit. In comitiis, in Senatu, in judiciis, in exercitu, de civilibus rebus vix unquam bene consentiunt, qui diversa sacra sequuntur: exagitant se invicem, contemnunt, proscindunt, unde diffidentia, irritatio animorum, denique odium, nebulæ illæ & nubes, quæ bonis consiliis & publicæ rei officiunt, ad privatam cujusque factionis intensionem utilitatemque impensâ operâ. Hanc sui securitatem cum tanto communis boni dispendio conjunctam optare Tyranni princeps nota est, non legitimi & boni Regis, qui honestiore longe modo sibi prospicere potest. At quid rationibus opus, quid argumentis, cum exempla præposteram hanc prudentiam damnent, sensus revincant? Quæ nostro & superiore seculo non damna & quas non clades Christianæ rei scissa religionis unitas in Europa dedit? Quando mota hæc sacra quasi anchora, & non universa Reipublicæ navis turbata, jactata & fluctibus pene merfa? Germania, Gallia, Anglia, Belgium, Hungaria, Suecia, Polonia, Dania, si suo periculo, motibus, ruinis, excidiis, incendiis, parricidiis, fidem non faciunt, quos testes conquiremus? Patria nostra nunc duobus civilibus bellis ob eam rem defuncta. Galliæ major & periculosior incubuit ejusdem tempestatis moles & sævitia, quæ florentissimum

tissimum quondam & nunc regnum in desolationem cineresque, & parum abfuit, dirissimam Hispanorum servitutem redegit : nec diversæ populorum in sacris rebus opiniones Gallorum Regibus tanta veneratione & obsequio in ordinata & quieta Republica olim adoratis, à sicariis & cucullatis latronibus securitatem, sed exitium potius conciliarunt, Heinrico III. & IV. insidiosis Monachorum ictibus per summum scelus interfectis, quasi impios & profanos lædere fas sit, qui Deum ipsum primi læsisse viderentur. Angliæ Regina Elisabetha, fœmina virilis animi & sapientiæ, petita sapius iisdem artibus, majore felicitate & Numinis favore pestem vitavit. Quid verò nunc Belgium dicam, totis octoginta annis internecino bello absumptam, & tandem sua virtute rupto jugo in libertatem assertam ? Fallor aut hæc ipsa in religione dissensio Hispanicæ dominationi tanti stetit, quanti nulla clades ab externo hoste accepta, infracta æterno bello, quod utriusque Indiæ divitias consumpsit, & melioris Belgii amissione formidabili adeò potentia, quæ vicinis Principibus quondam gravis fama magis hodie & antiqua gloria constare fertur, quàm virium fiducia. Sane Galliæ regnum, quasi vicem repensurum captatæ ex civilium motuum miseria occasionis impunè nunc Hispaniæ insultat, Flandriam Burgundiamque subinde carpando, vix ad defensionem paratis Hispanis. imò vero sibi gratulantibus, si periculo dilato magis quam depulso pacem jactura quorundam ab hoste redimere possit, qui mox viribus instructior ad plura reversurus sit. Quare non video, quomodo
religio-

religionis in plures sectas scissura imperanti aut securitatem afferat, aut emolumentum, nisi forte in eo regno, ubi subditorum fidei Rex diffusus externo satellitio salutem suam debet, tunc enim ejus maxime interest, cives debiles habere & meticulosos, id quod certiore ratione nunquam fiet, quam cum ipsimet inter se similitudines foveant & dissidia. Verum hæc regni corruptissima forma perpetuo partium hiatu maligne cohærens brevis ævi esse potest, sed vel interno vitio collabitur, vel externorum hostium facilis præda fit, necessario ad sui defensionem robore, hoc est concordia, & conspiratione animorum destituta.

§. 4. Cæterum ita quidem omni Reipublicæ optandum est, & totis viribus eò connitendum, ut *unus sit Dominus, una fides, unum Baptisma ad servandam unitatem spiritus in vinculo pacis*: Verum enim verò, incidunt nonnunquam tam calamitosa tempora, ut excitato semel de religione incendio nec facile tanta ruina sarciri, nec tam grave vulnus cicatricem ducere possit, dum religio *sua cuiq; optima videtur, ut qua non ratione, sed affectu dijudicetur à singulis*. Hoc rerum statu subtrahenda paulatim ventosa vela, si rectè non licet decurrere, & obliquo latere tempestati cedendum, ne publica navis incumbenibus procellis quassata penitus dissiliat: quid præsens ægrotantis Reipublicæ conditio ferat, non quid simpliciter ad publicam tranquillitatem utile, spectandum est, ni malis venenum pro amuleto procurare, pestem pro valetudine. Est enim ea hominis natura & indoles: ut duci magis ad sanitatem velit, quam oborto

aborto collo rapi, præsertim si vires non desunt, quibus errorem defendat. Itaque si temporum calamitate in illas necessitates præcipitavimus, ut in religione diversum sentientibus ad civilem concordiam stabiliendam aut indulgendum quodammodo sit, aut ad utriusque partis inter-
 necionem usque sæviendum, quis non illius Principis sapientiam laudaverit, qui auctoritate sua interposita libertatem aliquam conscientijs laxat, quas deinde sensim ad officium reducturus est, ubi prima contumacia deferbuit, quam si nimio rigore & easdem obstinationes reddat, & Rempublicam indies turbatorem? Quod cum in hæreticis palam insanientibus locum etiam habere possit, nec enim jubetur probaturve error, sed fertur; quanto magis in illis, qui per salutarem religionis infandis superstitionibus ob-
 rutæ reformationem ex carcere & cæca servitu-
 te exierunt? eundem cum aliis civibus Deum, eadem sacra habentes, nisi qua parte se in Chri-
 stianam libertatem vindicarunt, quam & con-
 scientijs necessariam, si intra recti & honesti can-
 cellos contineatur, nec publico bono noxiam, sed oppido utilissimam, tam in videre auctoribus suis non decet, quam ipsi libenter antiquum ad-
 huc jugum, per quod sibi tantopere placent, il-
 lis relinquunt, si externa saltem & civili concor-
 dia tranquillè inter se vivatur. Quo consilio &
 Gallia adversus Hugonotos suos & Anglia in Ca-
 tholicos usa, quæ regna eodem religionis turbi-
 ne diu rotata non prius quietem invenerunt in
 civilibus rebus, quam pacem aliquam in sacris.

§. 5. Præcipue verò in nostra Republica pax
 religio-

religiosa , ob eandem causam inter Catholicos Romanos & Evangelicos sub Carolo V. paratio Ferdinando , tum Romanorum Rege , & Imperatoris Vicario in Comitibus , incomparabili quietate , qua iustitia & animi magnitudine Principe , facta , & nupero Pacis Westphaliensis instrumento confirmata & explicata , per quam concordia inter caput & membra , tum membra inter se ipsa reducta , & Imperio Romano exoptata diu quies conciliata est : Ejus constituentia quando ipsimet Romani Pontifices inexplebili avaritia & divitiarum per turpissimas nundinationes querendarum libidine occasionem dederint , non est , quod eam nobis tantoperè exprobrent , ad quam necessitate ultima compulsi sumus. Hæc pax quoniam in argumento legislatoria circa sacra potestatis , quæ Imperatori competit , præcipuo loco habenda est , à nobis pro instituto nostro nunc tradi & explicari debet. Origo ejus hæc est. Cum seculo decimo sexto à Leone Pontifice in universum pene Christianum orbem ex nescio quo cœli thesauro per publicos emissarios & caupones indulgentiarum , quas vocant , tota flumina & plaustra venum exposita essent , constitutis ubique declamatoribus , qui divinæ mercis præstantiam & efficacem bonitatem ineptissimis mendaciis simpliciorum hominum animis conciliarent , ut dum Glauci & Diomedis permutatione imprudentibus fumum vendunt , ipsi aurum recipiant & miserræ plebis sanguinem , bonus Germaniæ Genius Tezelium hominem impudentem & stolidè ferocem , ejusdem beneficii rancidum præconem in Saxoniam & Wit-

& Wittebergam tulit, ubi crepundiis suis venum propositis, quotidianis declamationibus ad raucedinem usque sibi collum rumpere non desit, donec Martinum Lutherum, Augustini Ordinis illic sodalem, sibi adversarium excitavit: qui hominum credulitatis misertus, certatim indulgentias illas, tanquam firmissimum præsidium adversus omnia peccata præterita & futura ementium, eos ex ambone hortari cepit, *prudenter agerent, neq. merces illas tanti compararent, quod enim his rebus impenderent, multo posse melius collocari.* Hoc classico innocenti subito crabrones excitati sunt, qui disputationibus, libellis, minis, censuris in Lutherum, intempestivum adeo plebis patronum, horrendum in modum detonuerunt, secatis mox ista belli spiritualis præludia Præsulis Romani fulminibus, fortiori, ut ipsi videbatur, brachio missis, quam ut Monachus impetum tantæ irarum molis sustinere posset: Sed vel solo hoc exemplo constitit, invictas esse necessitatis vires, & sæpè desperationem salutis principium fuisse. Lutherus, qui initio sibi cum solo aliquo circumforaneo rem esse putavit, de nulla re minus quàm ipsa reformatione cogitans, ubi se inauditum Romæ damnatum, & jam ad rogam quæri videt, non habita innocentia, non deprecationis, non appellationis ad futurum Concilium ratione: periculum audacia discutiendum ratus mirabili Dei ductu opus aggreditur, quod jam pridem tam necessarium viripii & docti habuerūt, quàm supra privati hominis vires ob præpotentem Romanæ aulae ambitionem positum: ita sæpè Deus præpostera hominum

num prudentia ad suam gloriam uti solet, ut qua in re sibi præsidium quærunt, eadem ipsis exitio vertat. Profectò enim si Pontifex ad unas & alteras Lutheri literas, quibus illi obliquè perstricta inimicorum malitia omnem obsequium defert, imò silentium spondet, & errorem deprecatur, benignius respondisset, monitis Proxenetis suis, ut cautius illuderent, & Luthero spe alicujus honoris factâ, dissidium illud in prima herba potuisset facile opprimi, quod cum in virum evasit, Romanæ sedis tanto luctu & jactura stetit. Saxo Elector indignatus præcipitato judicio hominem opprimi, nullius criminis convictum, palam ejus patrocinium etiam apud Pontificem suscepit, ea in re ab Universitatibus Wittebergenfi ac Lipsiensi succenturiatus, id quod superbum Præsulem tam malè habuit, ut ab illo tempore cum Imperatore Carolo & in Germania nihil non fecerit, quò oriens Evangelii clarior lux inductis tenebris occultaretur. Interea Lutherus indies confidentior in ipsum etiam Pontificem, & Romanæ Ecclesiæ abominabiles, ut ipsi visum, superstitiones ac vitia calamum stringit, illum in Apocalypsi notatum Anti-Christum, hanc Babylonem clamando felici adeò successu, ut momento plurimi Germaniæ Principes & Civitates Imperii agnita veritate ejus doctrinam amplexi sint, nec Imperatoris indignationem veriti, qui ad Pontificis gratiam aucupandam Lutherum proscripserat, eandem in publicis Imperii conventibus contra alteram partem masculè defenderint. Itaque cum ob religionis divisionem dissidia & simultates inter Ordines quotidie

in majus excreverent, & merito quisque prudentum timeret, ne in mutuam patriæ perniciem aliquando desitura essent, Carolus Imperator de Concilio libero, velut unico componendarum litium remedio, habendo seriò cogitare cepit, cujus mentio subinde à Statibus in omnibus penè Imperii recessibus ab Anno 1524. usque ad 1532. habitis refricata est. Quoniam verò malum non ferebat dilationem, sed maturam manum desiderabat, Pontifex autem non facile Concilio assensurus credebatur, per quòd auctoritas ejus directis fraudibus in ordinem cogere-tur, placuit ad omnimodam compositionem usque temporariâ ope laboranti patriæ succurrere. In hanc rem conditum primo Noribergense Decretum, multis in locis edicto Wormatiensi derogatorium, quo, ut & in Spirensibus comitiis Anno 1626. habitis causa Lutheri tantum non probata est, fremente multum ad hæc Cæsare, & contemni imperia sua querente. Secuta inde alia Spiræ comitia Anno 1529. in quibus juri Lutheranis quæsito quasi repensâ vice multum detrahebatur prævalida Imperatoris gratia, ad quam se plurimi Ordinum componebant. Nam repetito Wormatiensi edicto Statibus libertas conscientiæ & jus ampliùs reformandi ademptum, re in eo statu, ut tunc fuit jussa, ut deinceps maneat. Sed Saxo, Brandenburgicus & Hesus, quibus se alii Principes ac Civitates Imperii adjunxerunt, nimium se gravari edicto rati, contra illud publico scripto protestati sunt, appellatione etiam ab actione Spirensi ad Cæsarem liberumque Concilium interpositâ: unde Protestanti-

stantium nomen exortum : Legati quoque ad Carolum missi , qui ad occupatas pridem Principis aures ægrè auditi tradita appellatione in carcerem coniecti sunt. Pupugit hæc res mirum in modum Protestantium animos , qui recenti adhuc fœderis Catholicorum quorundam adversus se initi fama pejora ab alieno à sua causa Imperatore veriti de defensione propria cogitare ceperunt , indictis ex hac causa Smalcaldiaë, Noribergæ , ac denique Francofurti conventibus , in quibus fœdus Smalcaldicum vel ictum vel confirmatum est , multis Civitatibus in id subinde ad tuendam conscientiarum & jurium suorum libertatem nomen dantibus : Hæc usque ad annum trigesimum secundum acta , irritato interim Saxone Regis Romanorum creatione, in qua suæ intercessionis nullam rationem habitam indignissimè tulit. Exacerbatis ita hinc inde animis cum res ad apertum bellum spectare videretur, pace publica jam repetitis actionibus turbatâ , Moguntinus & Palatinus Principes denudò partes suas apud Cæsarè ex Belgio Ratisbonam ad Comitia euntem interponunt, & eo permittente actionem Saxonem & Hessum eodem studio ad pacem hortantur. Conventu Sweinfurti habito ac post multas disceptationes Noribergam translato, licet summa rei conciliari non posset, tamen periculo Turcico imminente, cui Germaniæ vires opponi necesse fuit, in has leges concordiaë causa conventum, quas deinde Cæsar edicto publico ratas habuit : Ut pax publica per totam Germaniam sit, & ne cuiquam religionis causa molestia fiat usque ad Concilii tempus,

M

vel

vel hoc tardante, donec per Imperii publica Comitia alia fuerit ratio inita componendi dissidii, gravi constituta poena in eos, qui contra fecerint. Cæsar in se recipit Concilii intra sex menses denunciandi, & anno post inchoandi celebrationem, quo non impetrato ab universis Ordinibus controversias de religione diremptum iri promittit: interea suspenduntur omnes actiones forenses in causis religionis contra Protestantes intentatæ, & ne posthac ullæ moveantur, edicitur. Quod contra fit, pro nullo futurum. Protestantes verò promittunt Imperatori & Romanorum Regi obsequium in rebus civilibus, & adversus Turcicum bellum auxilia. Hæc prima pax, seu potius induciæ pacis, ut (a) alibi vocantur, fuere, in religionis causa per universum imperium promulgatæ, & quasi æternæ illius Anno 1555. constitutæ præparatoriæ, sæpius deinde repetitæ & confirmatæ, non in (b) Ratisbonensibus tantum illis comitiis, sed & biennio post in transactione Cadaviensi, & ab Oratoribus Commissariisque Cæsareis, Anno 1539. (c) per Francofurtenses inducias: ac porro in (d) Comitiis Ratisbonæ Anno 1541. habitis, rursus (e) Anno sequenti prorogatæ, (f) biennio post repetitæ, & iterum (g) sequenti Anno, adeoque in omnibus

(a) Recess. Imper. de Ann. 1541. §. Und damit. & 1555. §. In solcher.

(b) Hordl. de Caus. Bell. Germ. Tom. I. pag. 70. 71.

(c) Idem pag. 149.

(d) §. Und damit.

(e) Recess. de Ann. 1542. §. Und damit die Zeit.

(f) Recess. de Ann. 1544. §. Nachdem wir uns.

(g) Recess. 1545. §. Die weil wir aber.

bus publicis consultationibus , quæ facta pace celebratæ sunt , ut proinde usque ad Annum 1646. quo Germanicum bellum à Carolo ceptum, res in Germania satis quietæ fuerint. Mox verò periculosius dissensiones recruderunt , & tandem civile bellum, quod à Pontifice exoratus Cæsar adversus Protestantes omnimodò in ordinem cogendos suscepit, id tandem ipsimet auctori ignominiosa fuga in malum vertit, nullo Evangelicorum publico damno ; nam captivitatem Saxonis & Hessi , translatam vero Electoralem dignitatem in Mauritium inter privata incommoda ponimus : certè enim ab eo tempore cœlestis veritas non suppressa, sed aucta est. Ubi utramque partem satietas belli tenuit, iterum faciendæ concordiæ rationes repetitæ ; primo in Augustanis Comitibus Anno (a) 1548. (b) 1551. celebratis , injecta Concilii redintegrandi mentione. Deinde per (c) Passaviensem transactionem, novis induciis conditis, quibus tamen dilatum magis malum, quàm sublatum, cum Protestantes subinde vociferarentur , nec amplius in incerto quasi salo fluctuari , & ex alieno arbitrio pendere vellent, ipsa jam experientia & sensibus docti , nullum Concilium liberum per Pontificem, qui Cæsarem obnoxium habebat , sperari posse, æterna pace, non induciis, de fide sua & securitate sibi caveri postularunt, & æquum petere Ferdinando Romanorum Regi visi sunt. Profecto enim sicut nunquam Evangelici liberum Concilium , in quo Præsides Imperatore de cor-

M 2

rupta

(a) s. Und nachdem. (b) s. Und als wir.

(c) Extat apud Gold. Rescr. & Scat. Imp. p. 175.

rupta Ecclesiæ disciplina cuique sententiam citra metum dicere licet, fugerunt, ita nulla spes erat eo tempore, ut necessariis illorum desideriis satis fieret, oculis ad Tridentinum paulo reflexis, de quo etiam inter Catholicos tunc jocus fuit, Spiritum Sanctum singulis septimanis ex Capitolio per veredarios equos Decreta ad Patres perferre. Itaque tandem in pacem religiosam sempiternam & usque ad religionis amicam compositionem duraturam consensum est, quæ in Comitibus Augustæ Vindelicorum Anno 1555. indictis sancita, & cum præsentī seculo rursus per edictum Ferdinandum turbaretur, pace Westphaliensi confirmata & explicata antiquam inter caput & membra concordiam, quā tamen per diversitatem religionis licet, reduxit.

§. 6. Articuli & conditiones religiosæ pacis in recessu imperii Anno 1555. publicato longa serie extant, quibus cum transactionem, postmodum verò auctoritate publica sæpius confirmatam, conferre operæ pretium est. In compendio tamen hæc ejus capita sunt.

1. Nemo, cujuscunque dignitatis sit vel conditionis alterum, de quacunque causa, neque per se neque alieno nomine bello petito: vel eos, qui hæc faciunt, consilio, ope, receptu, juvato; sed alius aliū vera ac infucata caritate prosequitor, alimoniā & redditibus omnibus salvis, qui ad jus provocant: Adeoque Cæsaream ac Regiam majestatem omnes Status, & vicissim Status Majestates suas in pace religiosa conservanto.

2. Cæsaream & Regiam Majestatem, itemque Status imperii antiquæ religionis nemini ex Ordini-

dinibus ob Augustanam confessionem , aut sub Religionis aliove colore vim illaturos , nec eorum conscientias gravaturos , sed quietam, illius religionis, fidei, ceremoniarum, constitutionum Ecclesiasticarum , quæ aut in præsens latæ sunt, aut post futuræ, item, bonorum, subditorum, jurium & superioritatis possessionem cuivis relicturos; unione religionis nonnisi per amicabilem compositionem & Christiana media procuranda.

3. Ex adverso Status Augustanæ confessioni addictos Cæsaream & Regiam Majestatem, nec non Status Antiquæ religionis , Ecclesiasticos & seculares cum Capitulis & reliquo Clero tam in fide recepta, & quæ ab illa dependent, quam bonis secularibus & juribus ac dignitatibus quibuscunque nihil omnino turbaturos : diffidiis & litibus secundum jura ac Constitutiones Imperii decidendis.

4. Alii tamen , sub duabus religionibus non comprehensi ab hac pace religiosa excluduntor.

5. Ecclesiastici Status, ab antiqua religione deficientes omnibus suis bonis , quæ Ecclesiæ sunt, nec non dignitatibus, beneficiis, redditibus, salvo tamen honore, excidunt, relicto Capitulis, aut ad quos ea res spectat , libero arbitrio, eligendi personam antiquæ religioni addictam, quæ in tranquilla omnium jurium ac beneficiorum Ecclesiasticorum possessione cum Capitulis & Ecclesiis aliis relinquitor ; sed nullo futuræ & amicæ compositionis præjudicio.

6. Bonorum Ecclesiasticorum ab Ordinibus Augustanæ confessionis tempore Passaviensis

transactionis, ut & hujus religiosæ pacis possessorum nulla in jure repetitio sit: Camera omni de super juris dicundi potestate interdicta.

7. Jurisdictio Ecclesiastica ad majorem inter utriusque religionis socios concordiam sarcendam, adversus Augustanæ confessionis sectatores ad usque religionis unionem suspenditor, salvis tamen redditibus, decimis, feudis, juribus & privilegiis, nec non jurisdictione in casibus, qui Augustanam confessionem, Constitutiones ac Ceremonias Ecclesiasticas, ordinationem ministerii, quæque alia religionis sunt, non concernunt.

8. Ut verò Statibus antiquæ religionis omnes ipsis competentes, redditus & proventus integri manere debent: ita quoque cuilibet Statui, sub quo sunt & situantur, jurisdictio ac superioritas territorialis in his bonis, quam ante hanc pacificationem habuit, illæsa maneto: piis tamen causis ex bonis illis sine religionis discrimine curatis.

9. Lis verò super hanc rem orta per arbitros ab utraque parte nominandos intra sex menses deciditor, re interim usque ad sententiam integra manente, sic tamen, ut medio litis tempore illi, quibus ex bonis fructus proveniunt, ministeria Ecclesiæ aliasque pias causas sustentare debeant.

10. Status neque Statum, neque ejus subditos ad religionem cogito, vel hos contra superiores defendito aut irritato: salvo cujuscunque in patronis & defensoribus eligendis, jure.

11. Subditis à superiorum religione diversis
jus

Jus emigrandi & vendendi bona sine ullo impedimento esto, præstita ratione servitutis personalis & tributis satisfactione, ut & salvo Dominis in mancipia jure.

12. Pax firma, perpetua, inviolabilis & sine conditione usque ad religionis unionem per media Christiana & amabilia utrinque procurandam, erigitur: quod si verò illa compositio per concilia, colloquia & acta comitialia non sit secutura: pax semel sancita maneto.

13. Nobilitas immediata pace religiosa & ejus beneficiis comprehenditor.

14. In civitatibus imperialibus, ubi utriusque religionis cives sunt, alius alium quietè suæ pietati vacare finito, concordia in civilibus firmâ.

15. Quæcunque in aliis Imperii Constitutionibus paci huic religiosæ adversa sunt, eidem nihil deroganto: nec ulla declaratio vel aliud quid contra illam dator, obtinetor, aut acceptator: si quid contra fiet, id irritum esto.

§. 7. Pace confecta, per quam conscientiarum libertati satis cautum videbatur, mox disputationes ortæ sunt, cum utraque pars habere aliquid judicari vellet, de quo jure conqueri posset. Principium à Pontificiis factum, quibus admodum doluit, magnam bonorum Ecclesiasticorum partem in Evangelicos translatam: nec verò hi etiam ex omni parte contenti, occluso ipsis per reservatum Ecclesiasticum ad immediatas imperii foundationes ac dignitates Episcopales aditu. Primo de firmitate pacis disputatum, quam maleferiati quidam homines, Pontifici Romano

etiam cum patriæ excidio gratificari cupientes, totis viribus convellere nitebantur, Jesuitis præcipuè ad hanc sacram militiam opem suam impendentibus. Quamobrem sedulo conquistata hinc inde argumenta, per quæ calumniis suis fidem conciliarent, & Catholicorum Principum conscientias urgerent, injecto scrupulo, quasi in continuo reatu hærent, quibus pax illa probaretur. Metus ante omnia productus, quem Imperatori Carolo & Ferdinando Regi armis Evangelicorum injectum ipsum contractum irritare, impudenti rabie clamitarunt, qua profecto re non parum pudor & fama fortissimorum Principum maligne sugillata est. Quis enim facile sibi persuaderi patietur, Carolum inter bella & armorum strepitus educatum, tot adoreis maustum Victorem, tot periculis defunctum, in præliis & media morte intrepidum, terrorem Africæ & Hungarici regni felix præsidium, tuto in Italia receptu de Protestantibus securum, & majoribus copiis, si voluisset, in Germaniam rediturum, metu adigi potuisse ad pacem faciendam? Quis Ferdinandum, non tantum fratre Cæsare, maximorum regnorum Principe, sed & duorum regnorum & latissimarum præterea provinciarum propriis viribus, ut & subsidiaria omnium Catholicorum ope subnixum? An Protestantes totum imperium in potestate: Imperatorem verò suum & Regem invinculis habuerunt, ut intentato mortis metu ab invitis ad desideria eorum responderetur? In liberis imperii comitiis omnium Statuum, quos civilis belli mutæ laniæ seriò pœnituit, consensu per Ferdinandum

dum Cæsaris vicarium cum plena potestate constitutum Senatus consultum illud de religionis libertate factum, & postea ab ipsomet Imperatore æque libera voluntate confirmatum est, qui plus habuit Germaniæ suæ, quam Patriam semper duxit, externa concordia consuluisse, quam ad Hispanorum hircinorum sanguinolenta conlia auscultasse, laqueos, ignem, pontum, ferrum ad perdomandos Evangelicos suggerentium. In privatis civium promissis non levissimus quivis metus, sed qui in constantem virum cadere potest, neque is quidem remittente jam facti atrocitate injectus rescissionem meretur: Quanto magis in publicis negotiis terricula-menta inania à verò metu excludere oportet, ubi cū Principibus res est, qui natura ad constantiam & magnanimitatem facti non tam facile metuere possunt? Quod si enim omnes illas leges, quæ necessitate aliqua & civili ratione ad ordinum jura augenda in imperio latæ sunt, exceptione metus sufflaminare licet, jam actum est de eorum libertate & privilegiis, aut nullis omnino, aut non adeo multis existentibus, quæ non civilis concordia causa, adeoque belli habendi metu concessa fuerint. Capitulatio Cæsarea, quæ Imperatoris potestatem tanto studio & rigore in arctum cogit, eadem arte facillimè eluderetur: nam certe electus metuere debuit, ut imperio excideret, nisi in capita & articulos propositos juraret. Conventionum quoque, quas imperans cum seditiosis civibus nonnunquam facere cogitur, nec religio ulla nec fides per hoc metus diverticulum esset, adeoque nec dif-

fidentia & dissidiorum tollendorum ratio, quæ plerunque in generali amnestia sancienda consistit. Quoties verò ipse Pontifex gravissimis minis, paratis censuris, imò exterorum Principum sollicitatorum armorum metu Imperatores terruit, ut inofficiosis donationibus Petri patrimonium, & imprudenti facilitate cum perpetua Cæsareæ majestatis injuria Ecclesiæ Romanæ ambitionem foverent. Hæc profecto aut metus remedio pari jure revocare fas est, aut Pontifici nobis contemptim illudere cupiunt. Accedit, quod etiamsi metus principio in contractum incidisset, is utique repetitis adeo edictis purgatus fuisset, cum nullus pene à facta pace religiosa Recessus in imperio sit publicatus, qui non aut pacem religiosam expressis verbis probaverit, aut honorificam ejus fecerit mentionem, novissima verò Osnabrugensi pacificatione omne ejus rei dubium penitus summotum, confirmata de novo pace, non attentis ullis protestationibus, exceptionibus aut contradictionibus: nec Pontifici amplius se metu territos consensisse salva verecundia dicere possunt, qui, ut protocolla tractatus expressè habent, non una vice satis arroganter jactarunt, sufficientes adhuc ipsis vires esse, quibus religionem defenderent, si Protestantes in puncto reservati Ecclesiastici nihil concedere vellent. Enimvero quicquid tandem de metu sit, illud certissimum est, jure gentium non dari metus, etiam justæ exceptionem, quod publicæ tranquillitatis causa ita placuit, ne bella ex bellis serere necesse sit, subinde illis, qui succubuerunt, meliore oblata occasione, à data fide se

metus

metus prætextu excusantibus : unde ortum illud Jctorū (a) axioma videtur, *non decere Principem metus exceptionem*, cujus auctoritati & famæ non parum nocet ad alterius arbitrium circumagi.

§. 8. Alii omisso metu ad Pontificem confugiunt, sine cujus jussu & assensu nihil in causa religionis ad favorem & sublevationem Protestantium Imperator constituere potuerit. Placet hæc sapientia immane quantum Romanæ Curia & tantum non inter articulos fidei reponitur. Sed argumenta, quibus auctoritatem illam & supremum in Ecclesia dominatum fulcire volunt, tam imbellia sunt & fatua, ut mirum sit invaluisse opinionem, nisi vi primum & malis artibus, non ratione aut pietate defensam constet. Quid enim in tanti momenti re aliud præter perfidè intellectos aliquos sacrae scripturae locos, (quos tamen antiqua & purior Christiana Ecclesia nunquam eo sensu vel per somnium cepit) & privata domesticorum testimonia adferunt? Quando ante Gregorii VII. tempora Vicariatus, adeoque summi imperii per Pontificem Romanum in Ecclesia affectati tam immania crudaque vestigia extant? * De honore & proedria aliquoties certatum non ignoramus: * sed vix ullus repertus est, qui œcumenici Episcopi nomen sibi & potestatem sumeret, * imò vero Gregorius M. modestia & morum innocentia suis successoribus longe dispar pontifex eam ambitionem haud dubiam futuri Anti-Christi notam dixit. Diffensiones, quæ inter Heinricum IV. Im-

(a) Alb. Gent. de Jur. bell. l. 3. c. 14.

IV. Imperatorem & Gregorium exortæ , * huic monstro occasionem dederunt , quod seculi simplicis & rudis infelicitas multum promovit , cum tamen ultra decem secula Christiana Respublica maximo suo bono * illa doctrina caruisset. Verum non aliter rationes Hildebrandi ferebant , quàm ut dominatum in Clerum sumeret ejecto Cæsare , quo sine hierarchiam pridem meditatam & fundamento carituram & brevi disparituram providebat : quod consilium deinde successores ejus adeò utile & opportunum suis cupiditatibus invenerunt , ut id omni modo sibi retinendum esse arbitrati sint , præsertim tam facili ad credendum plebe , quàm ipsi ingeniosi ad audendum aliquid fuerint. Ab illo tempore * immensis librorum centonibus Vicariatus iste & summa in Ecclesiam Universam Pontificis auctoritas ab otiosis ac ingenio suo abutentibus sacrificulis afferri cepta , conquisitis undique subsidiis , quæ pessimam causam sustinerent : Ex sacris quidem literis quædam eam in rem obtorto collo rapta magis , quam deprompta , quibus tamen nec ipsi multum fidere videntur : nam plurimi ex Jesuitis , iiq̃ue magni nominis scriptores citra scrupulum affirmant , *Vicariatum Pontificis non posse ex Verbo Dei scripto probari* : recurrunt itaque ad Ecclesiæ Catholicæ traditiones , veluti tutissimum somniis suis & imposturis portum , sub cujus umbra improbas spes & falsi crimina facile recondunt. Quicquid enim ex occasione temporis ad Romanæ Curix commodum & auctoritatem valdè pertinere deprehenditur , ne contemptum ex novitate trahat , oppidò antiquis tradi-

traditionibus transcribitur,* quarum condendarum jus & potestatem sibi Pontifices sumunt. Sed hac ipsa licentia crudeliter nobis illud nemo est, qui non animadvertat. Ut enim concedamus, quod vix tamen credibile est, non omnia in sacris literis creditu necessaria comprehendere, sed quædam etiam orali per Ecclesiam & continuo traduce committi fidelibus, necesse profecto erit, hæc ab Apostolis, qui vel ex ore Christi talia exceperunt, vel immediato Spiritus Dei ductu & scribebant & docebant, haberi: de illis enim solis, ut ex cælo acceptis & divino digito monstratis certi esse possumus. Quæcunque verò cessante istâ singulari inspiratione & *divinæ* postmodum, addita, tanquam incerta & dubia, & ab ingenio humano profecta, nullo periculo rejicere licet: alias nec traditionum nec sacræ ambitionis modus aut finis esset, si subinde nova dogmata, haud raro antiquæ disciplinæ contraria recuderentur. Quare cum veræ Dei Ecclesiæ mille annis & quod excurrit, de Pontificis Romani Vicariatu nec ex bibliis sacris, nec certâ traditione Patrum quicquam innotuerit, oportet profecto eum ab hominum instituto esse, adeoque supposititium & adulterinum: nam Vicarium Dei in Ecclesia universalem constituere, non est humani juris, sed divinæ potestatis, quam sicut nullum dubium est id facere potuisse, ita fecisse maximum; Concilia, quæ de primatu loquuntur, non extra suspicionem sunt, aliquid in gratiam Pontificis, à quo ferè, ut nunc mores sunt, dependent, decrevisse: nam vel solum Tridentinum argumento nobis est, quam parum

since-

sincerè in illis procedatur: ut nunc taceam, ne Synodis quidem credendum esse, nisi earum decreta sacris oraculis conveniant: Nemo verò hic cautiore ignaviâ juris Canonici Doctoribus versatur, qui de plenitudine potestatis Pontificiæ tanquam *de ingenti & imperscrutabili abyssò, loquuntur, ex qua nemo magis possit emergere, quàm ex profunda & immensa aquarum voragine: nam rem esse infinitam, qua nec finem nec principium, nec ripam nec fundum, nec summum, nec imum, nec medium nec extremum habeat.* Hoc modò, cum veræ deficient probationes ad fulciendum sacrum imperium, simpliciorum animos religioso rei supra captum humanum positæ mysterio perstringunt, ne si ulterius inquirere pergant, fabulam narrare deprehendantur: unde consultius esse ducunt abstrusa nec penetrabili magnitudine secreti curiosos fascinare, & profanorum oculos à cœlo aversos in terram alligare, quò minùs maculas in sole videre possint: quippe expeditissima est illa ratio ad flectendas hominum mentes, si negotio, quod vix creditum iri apparet, religionis sanctitas admisceatur; omnibus magnis imperiis fundandis Deorum imperia prætenduntur, & quo familiarior quis cœlo creditur, eo majore auctoritate supersticiosos ad obsequium cogit: multa enim sunt, quæ plebi religione persuaderi debent, cum rationibus nequeant. Numa Pompilius Romanorum Rex ut divino metu & sacris ritibus Civitatem imbueret, congressum cum Dea simulavit, cujus jussu & consilio religionem ordinaret. Mahumetes fœdissima pietatis auctor eadem

via suis deliriis fidem conciliavit : uterque disputare de religione subditos vetuit, quæ credenda, non exploranda est. Nolim cum his Primatum Papæ conferre, illud tamen certum est, non ab simili consilio cum à Canonistis defendi, magna insuper veri Dei injuria & animarum dispendio. Pontificis enim potestatem, imperscrutabilem abyssum, profundam & immensam aquarum voraginem, rem infinitam, principio & fine, summo & imo carentem dicere, quid hoc aliud est, quam omnipotentiam, & Episcopum Deum? Quid aliud, quàm à cultu summi Numinis ad vivi idoli adorationē summa impietate & stultitia plebem deducere, quæ spisso judicio dum præsentia ferè sequitur, majore veneratione hominem Deo colit, potestate in cœlestia & terrestria prævalidum. Sed ut redeam, unde digressus sum, concusso Primatu Pontificis, qui nudis tantum verbis & externa potentia, non oraculis, non rationibus sustentatur, corruiat una auctoritas illa, quam in universam Ecclesiam sibi tribuit, & potestas de religione leges ferendi ad Principes redit, quam his ille Præsul olim injuriosè extortum ire voluit: Jure verò imperantibus in sacris rebus salvo non desideramus amplius alienum mandatum ad actus validitatem, cui satis est in jure agentis esse. Quod si enim Principi licet publica lege definire, quæ religio in Republica docenda sit & sequenda, quid nō etiam cum iis, qui dissentiunt, pacem facere libertate conscientis data? Absit ut Imperatorem etiam in rebus spiritualibus per modum regiminis imperativi Pontifici subiciamus. Consilium ejus, si salutare est & bonum, non spernendum

nendum ut Episcopi existimamus: sed temperet sibi vicissim in alienam messem sacrilegam falce mittere: Imperii Romani cura ad Imperatorem pertinet, cujus Imperio, ut supereminenti, Ecclesiasticus ordo non minùs quàm secularis subest. Quid Pontifici in rebus nostris negotii aut juris, ut istarum regimen ab ejus nutu pendere necesse sit? Aut quis non indignetur, ambitiosum Præsulem, majorum nostrorum indulgentia & profusa liberalitate saginatum opes contra Patronos suos vertere, vix precaria illis in Republica potestate concessa? Quid enim colore spiritualis Imperii non ad se trahit, aut quid inausum relinquit ad potentiam suam indies promovendam? Quæ gravior verò injuria Principibus Christianis fieri potest, quàm si sacerdotem, plerunque externum, & haud rarò hostem in meliorem Reipublicæ partem admittere cogantur, qui eos deinde penitus exclusurus est? Nam ubicunque semel iste auctoritate & veneratione invaluit, religionis & Ecclesiasticæ disciplinæ, nec non sacri Ordinis & bonorum dicatorum omnem sibi curam vindicat, interdicto imperantibus, quod à Deo & ordine civili habent, in ista jure; qua ratione in duas factiones scinditur Civitas, Clero ad Pontificem propenso, qui eos jurisdictione civili exemit: & plebe Principes suos sequente. Quæ verò non ex tanta scissura confusiones & turbæ, cùm serpente in horas sacra avaritia perpetuum de finibus regundis litigium, & ita in una societate duæ quodammodo Respublicæ, quæ separatas à se invicem, imò diversas rationes habent? Quando igitur tandem cum nostro malo

sapere

sapere incipiemus? Liceat mihi hic citra fucum dicere, quod sentio, non magis Deus in Ecclesiam suam Romano Pontifici supremam jurisdictionem cœlesti mandato concessit: quàm Turcis, quod tanto studio inter iustificas bellorum causas referunt, in universum orbem dominatum.

§. 9. Tertia sententia eorum est, qui pacem religiosam moralis quid in se vitiū habere, adeoque ob defectum legitimæ facultatis paciscendi de re turpi & illicita ab initio statim nullam irritamque pronunciant: de hæresi enim fovenda augendaque agere, quam pessimi homines reformatam Evangelicorum religionē indigitant. Sed non esse in jure Imperantis recipere hæresim & probare cum Catholicæ Ecclesiæ detrimento. Sed profecto hic inauditi condemnatur ac innocentes. Quæ enim est illa Protestantium hæresis, quæ culpa? an quod Deum ex præscripto verbi sui colimus? quod Magistratui obsequium deferimus, quod pietati, justitiæ, caritati, & integritati vitæ studemus? quod superstitiones & offendicula, quibus rudis plebs in cultum externum & vetitum delabatur, removemus? quod religionem Christianam à fabulosis Pontificiorum traditionibus & deterrimi fermenti immunditie repurgamus? Quod Curia Romanæ injustissima imperia, quæ Christianam libertatem intolerabili jugo supprimunt, generoso supercilio contemnimus? quod Roma exilimus, ubi bonis viris nec piis esse licet nec honestis? Quod degeneres ab antiqua sanctitate mores & corruptissimam Ecclesiæ disciplinam corripimus?

N

deni-

denique quod non amplius patimur nos laqueis illis circumveniri, quibus olim apud attonitum præpostera pietate populum tantum non totius Germaniæ vires & divitias expiscati sunt? His criminibus oneramus, hæc invidiosa hæreseos nomina sunt, quæ iracundi iudices in vindictam amissæ propriis vitiis auctoritatis suæ per calumnias nostræ innocentiae impingunt. Quid enim sanctius hac ipsa doctrina est? quid ad sacrarum literarum & divinæ voluntatis præscriptum proprius? quid tandem civili vitæ & Principum majestati accommodatius? itaque per pacem virtuti & pietati præsidium quærimus adversus hostes, quos nostra prudentia & felicitas ægre habet, non malitiæ & sceleribus patrocinaur. Quantum verò cum veris hæreticis Principem deceat in foedus & amicitiae leges coire, deinde dicemus, ne præjudicio causam nostram videamur afflixisse.

§. 10. Nec paulo magis verum illud erat, quod jactabatur, per Concilii Tridentini decreta damnatâ nostrâ fide pacem religiosam sublatam esse. Nunquam illud à Principibus Evangelicis pro legitimo agnitum est, quod editis scriptis & multis locis suspectum fecerunt, & interposita appellatione, quoad seipsos, invalidum: nec causa est, cur Pontifex propterea illis multum succenseat, cum Galliæ & Hispaniarum Reges, dilectissimi Ecclesiæ Romanæ filii idem in suis regnis plenè publicari adhuc usque diem passi non sint. Liberum Concilium Protestantes desiderabant, in quo omnibus nullo metu aut periculo jus esset de religione & collapsa discipli-

na

na ingenue differere, præside Imperatore, qui pro sua prudentia decisivo judicio de veritate cœlesti statueret. Tridentinum servum fuit, per unum Pontificem, qui tamen in eo pars esse debuit, multis nominibus accusanda, ad ludibrium Christiani orbis circumactum, Patribus, quos obnoxios Præfuli plerosque legerant, ne mustitare quidem ausis, & decretis ejus Romæ in Capitolio confectis, quæ necessario sequi Concilium debuit. Cum aliquando liberius Episcopi Hispani de modo & ratione tractandi censerent, continuo Pontifex, veritus ne aliquid monstri Synodus parturiret, illam Bononiam transtulit, ut Episcopos magis in potestate haberet: nam quod ea mutatio infecto aëri adscripta, corruptis Medicis suspicionem in majus augmentibus, ea re honestam excusationem quæsitam constat, & invidiæ, quæ timebatur, lenimen, tradunt enim vix duos homines toto illo tempore, quo Concilium Bononiæ sedit, Tridenti contagione periisse. Certè Imperator Carolus non dissimulavit indignationem ex tam repentina migratione conceptam, quando nec auctoritati suæ nec precibus datum, ut Patres manerent, & desuper cum Pontifice acerrimè contendit. Utut verò de Concilio sit, id meridiana luce clarius, non ad illud religiosam pacem alligatam esse: nulla ratione Protestantes in illam hac conditione consensissent, quod velut jam ex alta specula providerent, Synodum Pontifici obnoxiam, ipsis minus æquam fore: ideoque ne vis conscientiis fieret, (a) amicabile composi-

N 2 tionis

(a) *Recess. Imp. 1555. s. Und nachdem eine Vergleichung.*

tionis mentio facta, ad quam pax duratura esset, quo prudentissimo consilio necessitatem credendi, quod nolint, deprecati sunt. Præterea absurdum fuisset confirmare pacem singulis pene recessibus, multis annis post finitum Concilium habitis, quæ cum illo desinere debuit; nec aliam imperio mentem olim fuisse recens (a) Osnabrugensis Pacificatio argumento est, per quam religiosa pax fere ante seculum constituta manere jubetur, usque dum de religione utraque pars amice convenerit, ex quo facilis nunc ad questionem contentiose sæpius agitatam, *an pax religiosa perpetua sit?* responsio est, in sensu diviso. & quousque religio in Germania divisa, esse omnino æternam: temporalem verò in sensu composito: nam cum unionem religionis instaurata sublato subjecto confestim interituram: nec propterea male quis pacem æternam vocari existimet, quod aliquando possit cessare, quando etiam Prætor actiones suas perpetuas dicit, quæ triginta annos vim suam retinent.

§. 11. * De interpretatione pacis olim quoque disceptatum. Nulla lex est tam studiose conscripta, quæ non quandoque interpretatione egeat, emergentibus subinde rebus, de quibus eo tempore, cum lex facta, cogitatum non est; aut verbis ambiguis sensum dubium suggerentibus. Hoc juris Rudolphus & Ferdinandus II. Imperatores suum esse voluerunt, exclusis penitus statibus, qui proinde de illa re non una vice conquesti sunt. Ferdinandus prolixo edito, quod pro lege publica Camera servandum præce-

(a) Act. 5. 6. Transactio.

præcepit, dum pacem declarat, & omnes controversias pro Catholicis decidit, bello intestino causam præbuit, & per hoc deinde majorem Protestantibus securitatem: Pace enim facta (a) placuit, ut de dubiis religiosæ pacis in imperii conventibus inter utriusque religionis Procures amice transigeretur: ita pragmatica sanctione Imperatori adempta occasio intempestivis decretis turbandi Protestantium pietatem & quietem publicam. Ita Deus tandem immensa sua sapientia in melius vertit, quod nobis pestem allaturum adversarii male consulti judicaverunt. Nam viris bonis hostes etiam sui quando minime omnium id putant, prodesse solent, adeo verum illud Græcorum adagium.

ἢ δὲ κακὴ βουλὴ τῷ βουλευσάντι καίςτη.

§. 12. Supervacaneum est hic monere, (b) Protestationes Pontificis & aliorum Westphalicæ paci oppositas irritas esse & inanes, quas imperium ipsum prudentissima severitate & merito contemptu rejecit. Captat Romana Curia ex turbis & miseriis nostræ Reipublicæ lucrum suum, ut non nisi ægerrime pacis negotium ferre potuerit, imprimis tot bonis Ecclesiasticis seculo redditis, ex quibus olim immensas divitias collegerat. Verum nos jure nostro utimur, & quæ bona Imperatores pro conditione temporum quondam Ecclesiis dederunt, eadem hodie pro salute Reipublicæ in profanos usus expendere fas est. Piis causis dicata non desierunt sub potestate civili esse, cui ipsa Ecclesia obsequitur. Urit hoc Pontificis animum & subtristi dolore

N 3

invi-

(a) I. P. art. 5. §. 17. (b) Instr. pac. art. 5. §. Transactioq;

invidum exedit cor. Quid nos? spernimus irarum moles viribus vacuas, & beneficio pacis constanter fruimur.

§. 13. Insuper Pontificii mentionem amicabilem in religionis negotio compositionis, quæ in recessu placuit, ut dicis causa adjectam, rident, nec spem esse ullam ajunt, ut, qui legitimo concilio, ad quod semper appellarunt, totiusque Catholicæ Ecclesiæ judicio damnati hæresim pertinaciter propugnant, eandem blanditiis aut obsequio convicti velint ejurare. Verum non nostra est in hoc malo culpa: Quam legitimum concilium fuerit, quo turpissima prævaricatione damnati sumus: Quæ hæresis nostra sit, à Pontifice Romano tanto furore proscripta; paulò ante strictim & modestè expressimus: ab aliis, qui id professio studio agunt, major veritatis lux revincendis calumniis affusa. Quis vitiò nobis vertet, si solem cum tenebris, libertatem cum servitute, munditiem cum sordibus, pietatem cum superstitione permutare recusamus? Quid prodest nobis religio à vitiis purgata, si violento adversæ partis turbine abrepti recidivam patimur? si quod constantiâ nostrâ & sapienti fortitudine obtinuimus, mox ignavâ facilitate amittamus? Optamus profecto totis visceribus, imò omnibus diebus apud Deum precibus nostris intercedimus, ut tandem aliquando rationem monstrare velit per Christiana & honesta media religionis uniendæ: sed vim deprecamur & conscientiarum carnificinâ, quam iniquissimi nostri judices nobis intendunt. Huic cavendæ Pontificem hostem fortiter repellimus: Occupati Impe-

Imperatoris insubida mandata humiliter defugimus, & necessitatem declinamus fidei ex alieno arbitrio recipiendæ. Provocamus interim ad amicam compositionem, haudquaquam per illam excluso concilio, dummodo liberum sit & antiquæ disciplinæ. Imperatorem in eo Præsidem volumus, non Pontificem: locum nec suspectum nec insidiosum: jus dicendi sententias non metu aut spe impeditum: decreta denique ad Sacræ Scripturæ salutarem normam auctoritate Cæsaris, ut Præsidis supremi publicanda, quibus non minùs ipse Pontifex, quàm alii stare teneantur. Tale concilium cum negatur, alias vias, per colloquia, per disputationes aut quemcunque modum ineundas censemus, non expectata etiam Romanæ curiæ scientia aut approbatione, quæ, ut hætenus experienciâ constitit, plus affectata potestate & avaritia negotio tantopere desiderato offecit, quàm amicis utrinque studiis & mutua animorum benevolentia profectum est. (†) * Non desperamus verò penitus de divina gratia, aut malum pro deplorato habemus: ante omnia præparandi ad fraternam concordiam civium animi, omissis utrinque convitiis & invidiosis hæreticorum nominibus: quâ in re multû poterit Imperatoris & Statuum imperii auctoritas, jussis ubique rixosis concionatoribus injuriis & verborum acerbitate abstinere: hætenus enim, nullo ad animarum salutem profectu, nescio ad quem pro Deo singularem zelum referunt conviciandi libertatem, qua nihil tum Christiano turpius, tum perniciosius

N. 4

sius

(†) Vid. Prot. Pac. p. 184.

fus Reipublicæ dici potest. Ita compositis ani-
 mis seponendus est in nostra Republica Pontifi-
 cis Primatus, quo stante nulla per omnem æter-
 nitatem in religione concordia speranda est. Et
 id utique citra Catholicæ fidei detrimentum fieri
 posse nequaquam dubitandum. Ita Henricus
 VIII. Angliæ Rex abolita per omnem Angliam
 Papæ auctoritate se Caput Ecclesiæ Anglicanæ
 constituit, integra de cætero fide, quæ ante fuit:
 Sic Carolus V. Imperator in Hispania Pontificis
 nomen proscripsit, retenta nihilominus antiqua
 religione. Gallia, patriæ libertatis retinentissi-
 mum regnum quoties idem fecit, si iniquior
 Pontifex tempestatem & turbas conciere visus
 est? Et dici profecto nequit, quanto id Reipubli-
 cæ commodo & utilitate fiat. Sacer enim Or-
 do, qui in omnibus provinciis majorum impru-
 dentia ultra justam sui mensuram crevit, admissio
 pontificio nomine & primatu vix se membrum
 Reipublicæ sentit, omni obsequio & jurisdictio-
 ne in unum Pontificem delatâ, & exclusis jure
 suo ac imperio Principibus, quod à Deo in cives
 suos nullo discrimine acceperunt. Eliso Pri-
 matu, & restituta in Clerum Imperatoribus po-
 testate jam plurimum ad ineundam unionem
 profectum, & innumeræ uno velut ictu quæ-
 stiones decisæ, quibus mordicus defendendis,
 quamvis majestatem magis externam & emolu-
 mentum Pontificum, quàm ipsam fidem respi-
 ciant, Curia Romana immensum laborat. Sed
 & Protestantibus major erga Imperatorem & Or-
 dines antiquæ religioni addictos fiducia redibit,
 quando eos flaminibus alienis non ampliùs agi-
 tari

tari noverint. Porro nationale Germaniæ Concilium, (* œcumenicum enim per ambitionem Romanæ Ecclesiæ non licet sperare) auctoritate Imperatoris convocandum, in quo utraque pars de controversis fidei articulis, qui haud ita multi sunt, mitem primo ac moderatam suscipiat disceptationem, mox etiam remissis utrinque & permissis citra scissuræ notam adiaphoris, aut explicatis, quæ duriora videntur, compositionem. Unione inter Catholicos & Protestantes sancita, facilius Protestantes inter se, Lutherani nimirum, & qui κατ' ἑξοχὴν reformati dicuntur, convenient, utpote quorum confessio, si contentionibus & factis ad ostentationem disputationibus abstineatur, vix in uno aut altero articulo, in quo recte concepto Reformati haud quaquam se difficiles præbituri sunt, discrepat, nec parum unitati proderit, si à definitionibus periculosis, quantum fieri potest, abstineatur, & cum de sensu loci alicujus Sacræ Scripturæ ambigitur, ad antiquissima Ecclesiæ tempora recurratur. Verum de ratione concordiae in Ecclesia procurandæ alibi prolixiores futuri erimus: id saltem nunc addere fas sit, hunc modum, pium, æquum, bonum, maligne à quibusdam (A) Pontificiis, contractibus & pactionibus, rusticis inter se invicem inliri solitis, comparari, qui indoli & naturæ religionis, quæ non imperari vult, sed benigne persuaderi, imò primæ Ecclesiæ moribus ac institutis, longe melius quadrat, quam illud Romani Præsulis *coge intrare*, quod sævissimæ tyranni

N 5

nidi

(A) Vid. Auth. Auton. Part. 3. c. 13.

nidi propius accedente inquisitionis sanguinolentæ officio immani carnificina nulla in Ecclesiam utilitate, maximo in Rempublicam damno, conscientias excruciat.

§. 14. Præter illa, quæ Pacem Religionis universim attinent, peculiare olim circa articulos quosdam controversiæ exortæ, quæ diu inter partes tum in Comitibus, tum privatim ore & calamo, interdum quoque armis agitæ cum non possent consopiri, intercessit tandem Ferdinandus II. Imperator, & notissimo suo edicto anno 1629. publicato, quod classicum belli civilis fuit, plurimas pro Catholicis decidit: Sed conquerentibus de iniquitate Protestantibus, & executionem paratam opposita vi impediuntibus, pace Westphalica paulò aliter conventum est, omni auctoritate edicto illo abrogata. Singula breviter videbimus.

§. 15. (A) De jurisdictione Imperatoris in causis pacem religiosam concernentibus quondam inter Catholicos & Protestantes acerbè disceptatum, his imperatorium tribunal, ut sibi multis nominibus suspectum aut iniquum summo studio defugientibus: * quæ de re plura alibi dicturi sumus. Lis enim per pacem Osnabrugensem sublata est.

§. 16. Cum præcipua pacis religiæ intentio & finis fuerit concordia civilis, inter utriusque religionis consortes tenenda adeoque amicitia & caritas Christiana (†) imprimis commendantur, quæ tamen felicius non licet consequi, quam

(A) Instr. pac. art. 5. §. 20. (†) Adrel. Pax. art. I. verb. *et rechter Freundschaft und Christlicher Lieb meinen.*

quàm introductâ paritate in civilibus negotiis, ante omnia verò justitiæ administratione, & honorum dignitatumve capeffendarum serie. Quæ paritas quoniam malignius observari Protestantibus videbatur, ad judicium aulicum & Spirensis Cameræ tribunal nonnisi fere Catholicis admissis, promptioribus utique cùm in processibus decernendis tum ferendis sententiis, si litigantes favore religionis sublevarentur, quare, & illa præterea, quod subditis emigrantibus nec beneficium publicis legibus indultum maneat integrum, nec civitatis, bonæ famæ aut artium testimonia à Magistratu iniquo concedantur, gravissimæ Protestantium querelæ prostant, ideoque (a) novissimâ pace majoris concordie causa placuit, ut *exacta in reliquis omnibus*, (quæ scilicet expressa sanctione nullam inæqualitatem habent) *inter utriusq; religionis Status omnes & singulos sit & mutua æqualitas, quatenus forma Reipublicæ, imperii Constitutionibus & presenti Conventioni conformis est: ita ut quod uni parti justum est, alteri quoque sit justum, violentia omni, & via facti ut alias, ita hic inter utramq; partem perpetuo prohibita*: De puncto justitiæ quoque ut & subditis emigraturis (b) infra quædam in instrumentis traduntur.

§. 17. Jus reformandi Statibus competens olim valde controversum (†) fuit, aliis ejus fundamentum in sola jurisdictione & superioritate terri-

(a) Instrum. Pac. Art. §. 5. 1.

(b) Art. §. 5. 12. verb. Sive autem. et. Conventum autem est.

(†) Art. 2. verb. oder nochmals aufrichten möchten.

territoriali ponentibus : aliis insuper in qualitate feudali aut subfeudali, jure gladii, patronatus, filialitatis, retentionis ; per quæ Protestantibus plurimæ molestiæ creatæ , de quibus in (a) tractatu pacis Osnabrugæ graviter conquesti sunt. Et quamvis (b) Catholici petierint , ut res in eo statu relinqueretur, in quem per pacta, investituras, transactiones jam collocata est : Tenuerunt tamen Evangelici , ut indistincte à sola superioritate & jure territorii jus reformandi dependeat, quod in instrumento pacis expresse cautum.

§. 18. De reformatis (†) quondam vehementer dubitatum : Certe Pontificii scriptores nullum non lapidem hoc seculo movebant , ut eos à pacis religiosæ præsidio & Societate Augustanæ Confessioni addictorum dirimerent , rati, quod pene accidit , utrosque facilius opprimi posse, si separatos invenissent, non alio nostrum solatio, quam quod Ulysses peremptis sociis habuit, ultimus devorandus. Adjuverunt etiam nostrates Theologi haud parum vaferrima illorum consilia tristissima intemperie in civilibus turbis ubique vociferantes, Calvinianos, quos contemptim vocant , nec pace religiosa comprehendere, nec in imperio ferendos : imò vero Principes ad eorum oppressionem summa imprudentia identidem concitantes. Placuit hoc animorum ulcus supra modum Pontificiis , qui interna hæc inter Protestantes dissidia aliquando in ipsorum pestem

(a) Vid. Protocoll. Tract. & act. pacif. p. m. 181. & 244.

(b) Ibid. p. 227. (c) Art. 5. §. 14.

(†) Art. 4. doch sollen alle andere.

pestem esse exitura callide providebant, itaque simulata ac insidiosa amicitia studiose Lutheranorum partes fovere, hos bonos cives dicere, quibus cum ipsis concordia sit & pax civilis: Calvinianos verò sectarios, non juris vinculo, non conventionum foederumvè sanctimonia secum conjunctos: adeoque hostes imperii, conjunctis viribus exterminandos. Suspecta jam tum erat prudentissimo cuique hæc inopina facilitas eorum, quos paulò ante acerrimos habuimus persecutores, & leoninam cum ipsis societatem contrahi haud occultis indiciis suboluerat: nec communi rei defuerunt ipsimet reformati, monitis subinde officiose fratribus, ne contempto periculo in mutuam perniciem præfracte rue-
rent. Sed prævaluit adversus necessariam concordiam impotens odium, quod sub speciosa religionis larva rixosi quidam Theologi Principibus suis malè consultis ingerebant: unde sparsi passim libelli, Calvinianos pace religiosa non teneri: melius esse necessitate imposita ad Papatum deficere, quàm Calvinii dogmata: Calvinianos in plus quam nonaginta novem articulis Arrianos sequi & Mahumetana deliria: quæ dum hi contrariis scriptis aculeate & interdum condigne refellunt, in maximo contentionum æstu irritati animi sunt, nihil ad rei Christianæ summam profectum est. Et sanè desiderare tunc aliquis in hoc seculo majorum nostrorum æquitatem potuisset & moderationem, qui apud Carolum pro reformatis enixo studio interces-
serunt, ne beneficio religiosæ pacis excluderentur; verba eorum legi merentur, quæ sunt apud

(A) Gol-

(a) Goldastum hæc. Und wiewol die Ständt der Augspurgischen Confession verwandt sich Gewissens und Gehorsams halber/ auch der Warheit zu Beystand gegen der Kayserl. Majestät dermassen erklärt / so wäre doch ihr Gemüt / Will und Meinung gar nicht / den Churfürsten Psalggraven oder andere / so in etlichen Articulen mit ihnen streitig in Teutschen oder in fremden Nationen in einige Gefahr / viel weniger aus den Religion Frieden zu stellen / oder auch des Gegentheils Verfolgung/welche inn- oder ausserhalb Teutscher Nation fürläufft/ zu billigen/stärcken/oder den Armen/ Beschrübten/Bekümmerten des Worts Christi ihr Creutz und Verfolgung schwerer und grösser zu machē. *Huc Evangelicorum declarationi alienum à mente sensum* (b) *Limnæus ex Cranio affingit, quasi reformatos nec velint à pace remove, utpote quos eorum doctrina satis removeat, nec admittere, cum invita altera parte id ipsis non liceat. Hac enim tergiversatione, & pene dixerim ludibrio nihilo magis consultum eis fuisset, quos sublevare voluerunt, omnia alia religione præter Catholicam Romanam & Augustanæ Confessionem conformem publicis legibus interdicta, ut quis hoc sensu intercessionem pro amicis vulpeculæ illius catarrho merito conferret, quæ ad leonem dominum admissa, cum de odore domus rogaretur, odoris languore se à periculosa responsione excusavit. Itaque Evangelicorum Statuum preces pro Palatino Helveticorum doctrinam secuto ita capiendæ sunt, ut ei*

(a) *Reichs. Saßung. pag. 295.*(b) *J. P. Tom. 1. l. 1. c. 13. n. 32.*

ei prodesse possint, nimirum quod reformati ob unum alterumve articulum discrepantem non debeant religiosa pace excludi, imprimis Palatino in fundamentali justificationis nostræ nec non aliis plurimis capitibus ab Augustana Confessione non discedente: Solo propemodum sacræ cœnæ articulo, in quo dissentiat: sed spectata, ut meliora edoctus mutet: quæ discrepantia non tanti sit æstimanda, ut religiøsæ paci noceat, quando & in antiqua religione non in omnibus articulis ab universis idem sentitur: ad hunc enim scopum nec aliorum collimant verba illa: Es wolten auch ihre Majestät sich gleicher Gestalt erinnern / daß auch bey dem Päpstlichen Theil im Haupt- Articul der Rechtfertigung vor Gott betreffend und vielen andern nicht an allen Orten gleichmäßiger Weis gehalten und gelehret werde. Hæc procul dubio eo tempore Protestantium fuit sententia, quæ hoc seculo iterum, ut dixi, per intestina dissidia & animorum ægritudinem convelli cepta est, blandiente data opera Evangelicis Ferdinando, qui ad leniendam edicti sui invidiam hoc in gratiam eorum adiecere voluisse visus est, ut Calvinianos extra pacem sua declaratione poneret, quod tamen re intrinsecus perspecta illis ipsis, quibus gratificari cupiit, in pejus vertisset, nisi Deus pro nobis vigilasset, ubi in cauto veterno obdormivimus. Deniq; satiatis cōviciis & odio animis pace Westphalica *unanimes Cesaræ majestatis omniumq; Ordinum Imperii consensu placuit, ut quicquid juris aut beneficii, cum omnes alia constitutiones imperii, tum pax religiøsa & publica hac trans-*
actio,

actio, in eaq; decisio gravaminum ceteris Catholicis & Augustana Confessioni addictis Statibus & subditis tribuunt, id etiam iis, qui inter illos reformati vocantur competere debeat: salvis tamen Statuum, qui Protestantes nuncupantur, inter se & cum subditis suis conventis, pactis, privilegiis, reversalibus & dispositionibus aliis, quibus de religione, ejusque exercitio & inde dependentibus, cujusq; loci Statibus & subditis provisum est, salva itidem cujusq; conscientie libertate: ita composita lite reformatorum conscientiiis publica lege cautum est.

§. 19. Articulus iste de reservato Ecclesiastico agit, quod nostro & superiore ævo aureum Eridos pomum quis haud absurde dixerit: nomen inde sortitum est, quod cum per pacem religionem Protestantes omnibus imperii Statibus facultatem & arbitrium religionem mutandi daricuperent, Ecclesiastici ordines intercesserint, & se eximi ab illa libertate petierint, quasi sibi, ut Statibus reservantes necessarium antiquæ religionis usum. Quamvis verò litigium nupera pace confectum sit, ut non videatur operæ pretium multis de eo disceptare: quoniam tamen reservatum res est notissimæ famæ, & tot tumultuum in imperio causa, ideoque breviter, qualescet, fatum ejus & fortunam multiplicem ab origine ad compositionem usque omnimodam tractasse haud inutile studium fore duximus. (Vid. *Art. 5. Und nachdem bey Vergleichung.*)

§. 20. Anno Seculi à Christo nato, decimi sexti quinquagesimo quinto in Comitiiis Augustanis de perpetua religionis pace inter Ferdi-

n-

nandum Regem & Ordines imperii actum est, in
 cujus conceptione cum in aliis articulis aliquan-
 tulum, tum præcipuè circa Ecclesiasticorum sta-
 tum autonomiam gravissimæ difficultates sub-
 ortæ. Protestantes enim initio nulla Ordinum
 differentia censebant, *quod si unus pluresve Ele-
 ctiores, Principes & Status abhinc usque ad reli-
 gionis unionem religioni antiqua, ut vocant,
 vel Augustana Confessione accesserint, tum eos,
 qui antiquam religionem amplectuntur, omni-
 um eorum capaces esse debere, quæ de Statibus
 antiquæ religionis in presenti constitutione po-
 sita: & ex adverso etiam Augustanam confes-
 sionem secuturos illorum omnium, quæ in favo-
 rem istorum, qui jam Augustanam confessionem
 mutata religione habuerunt, statuta sunt.* Ve-
 rum id minus antiquæ religionis Statibus, im-
 primis verò Ecclesiasticis placuit, qui verborum
 latitudinem & præjudicium, in foundationum o-
 mnium certissimam pestem desinens causati ab
 assensu se continuò excusarunt, hac ulteriore
 declaratione, si articulum unica voce ad Status
Seculares saltem restringerent, se in cæteris ab
 ejus conceptione haud alienos esse, re hinc inde
 versata cum Ordines invicem cedere nollent,
 Protestantes, qui conscientia se attineri dice-
 bant, quo minus Clerum à salutari Evangelii
 cursu arcerent, ut tamen eum Catholicorum a-
 nimis scrupulum eriperent, quasi Ecclesiasticis
 bonis per occultos cuniculos inhiarent, clausu-
 lam superiori articulo annexerunt, per quam ca-
 vebatur, ne imperii foundationes immediatæ se-
 culo ullo tempore redderentur, sed post mor-

tem cujusvis Episcopi aut Prælati Capitulo, aut ad quos ea res pertinet, jus integrum esset electionis, administrationis bonorum, & alius cujusque; Salva tamen Secularibus superioritate & juribus: spe in super facta, ut (*) author Autonomiæ tradit, fore, ut à proposito penitus abstinerent, si recessui futuro, aut saltem ordinationi Camerae articulus infereretur, qui Ecclesiasticam jurisdictionem adversus Protestantes usque ad finalem religionis compositionem penitus suspenderet. Ex altera parte Catholici, quibus adjecta clausula de bonis Ecclesiasticis nunquam profanandis nihilo melius satisfactum videbatur, diverso longè sensu articulum ita conceperunt, ut *Archiepiscopi, Episcopi, Prælati, Capitula, Ordines & omnis Clerus, si eveniente casu antiqua religione deserta ad Augustanam confessionem transfirent, confestim ipso jure & facto dignitate & publicis muneribus excidisse intelligantur, data Capitulis aliisq, quibus id de jure aut more in Ecclesia recepto competit, libertate eligendi personam aliam, antiquæ religioni addictam, quæ cū Capitulis & Ecclesiis in quiete jurium, electionis, presentationis, confirmationis, consuetudinum, ac denique bonorum omnium, mobilium & immobilium possessione relinquenda sit.* In hoc comitiorum æstu res tandem, de qua invicem convenire non poterant, ad Ferdinandum Regem delata est, qui rescripto 3. Calend. Septembr. Ordinibus misso nihil cause se post seriam deliberationem videre dixit, quamobrem Protestantes reserva-

to Catholicorum tam agre concederent, quod nullo tamen verbo Protestantium rebus noceat, in id tantum adhibita cura, ne Ecclesiastica bona ab antiquo & vero usu per suos administratores, cum religione ad aliena pietatis studia contra Fundatorum ultimam voluntatem & vota converterentur. Constitutiones imperii, recessus, pacem publicam, & Passaviensem transactionem expresse jubere, ut Augustana Confessionis Status concives suos antiqua religionis nulla vi injuriæq; laceessant, sed tranquillo religionis Constitutionum Ecclesiasticarum, Cere-
moniarum, reddituum, censuum, pensionum, jurisdictionis, tum subditorum bonorumq; usu & libertate imperturbatos frui patiantur, ut proinde reservatum illud, quod eundem nec alium sibi finem propositum habet, nonnisi malignè possit à Protestantibus rejici, quibus dum Catholici Status modum non dant in foundationibus, monasteriis, Præbendis, transactione Passaviensi comprehensis, eandem moderationem & equitatem ab ipsis jure meritoq; expectare: monere itaq; Regiam majestatem Status Augustana confessioni addictos, ne porro se in honestis Catholicorum desideriis difficiles præbeant, sed conscientiarum libertate & securitate propria contenti negotium ipsimet nullo modo præjudiciosum, sed quod solos Catholicos concernit, qui Protestantium nimiam pro eorum salute sollicitudinem agre ferunt, contentiosis protelationibus impedire desinant. Ad hæc à Protestantibus responsum est, nolle se antiqua religionis Statibus in eorum territoriis aut civili regimi-

ne quacumq; ratione precipere, multo magis con-
 vellere foundationum & Ecclesiasticorum bono-
 rum seriem, quibus magna parte Romanum im-
 perium fundatum est, ad quod cum aliis conser-
 vandum totis viribus connixuri sint: hoc agere,
 ut omisso Ecclesiastico reservato suboritura in-
 dies difficultates & dissidentia semina firma pa-
 ce terminarentur: jam ante Ecclesiasticorum
 Electorum legatos cum Protestantibus in id con-
 sensisse, mutata mox sententia ad inferiorum
 quorundam Statuum suggestiones: se vero in
 reservatum ob sequentes gravissimas rationes
 non posse consentire; primo non levem Augusta-
 nae confessioni injuriam fieri, si omnes, qui ad
 eam se conferunt, ipso facto foundationibus exci-
 dere, & ut haereticos dignitatibus privari pa-
 terentur. Deinde Sacra Scriptura & conscien-
 tiarum libertati repugnare, si Status consen-
 tiant, ne persona Ecclesiastica eam religionem
 acceptet, quam ipse pro vera & Christiana a-
 gnoscat. Deniq; tertio hujus articuli dispositio-
 nem ipsius religionis esse quandam prejudicio-
 sam decisionem, quae Augustanam confessionem
 in doctrinam sectariam & damnatam praecoci
 judicio conjiciat, cui nemo ex Ecclesiasticis, quos
 salutis suae tamen magis quam alios decet esse
 memores, possit sine jactura fame & dignita-
 tum adherere: quod causa principali ingenti
 prejudicio, ut paci maximo incommodo sit futu-
 rum. Haecenus Protestantium rationes, qui-
 bus cum Catholici reposuissent, non ad suggilla-
 tionem & injuriam Augustanae confessionis, sed
 Foundationum conservationem Ecclesiasticum
 reser-

reservatum pertinere, nec conscientis libertatem praeiudici, sed bona Ecclesiis dicata, quae proculdubio illos non essent impeditura, qui Augustanam confessionem ex animo sectari velint, & sic utraque pars proposito constanter adhæreret, tandem Ferdinandus ex officio & pro potestate articulum de reservato paulo mitius & ita conceptum, ut nunc in pacis religiosæ Articulis. conspicimus, Ordinibus exhibuit, monitis Protestantibus, eodem tenore paci religiosæ insertum iri, qui spatio deliberandi sumpto, ut super eo Dominos suos consulerent, & accepto mandato, apud Ferdinandum porrecto supplicis libello denuo intercesserunt, quo repetitis rationibus, & interposita protestatione, non id eo animo peti, quod Ecclesiastica imperii bona in seculares rationes conversuri essent, ingenua libertate explicuerunt, se conscientia salva in reservatum Ecclesiasticum nullo modo posse consentire, adeoque quam demisse supplicare suam regiam Majestatem, ne libertati Christiana contra comitialia Ratisbona, Noriberger & Spira facta Decreta vis fieret, sed aequalitate utrinque servata nemo omnium ad religionem alterutram cogeretur: de cetero pati posse, ut religiosa pax, sicut in aliis articulis concepta, publico consensu executioni mandetur. Quod si verò tamen præter spem Regia majestas his non attentis à priore sententia nullo modo discedere, sed articulum illum, ut à sua Majestate ex plenitudine vicaria Casarea Majestatis, & quasi commissio, regio officio informatus est, publicare decreverit: tunc Protestantes regia Majestati

*præter supplices preces oblatas & necessarias
dissensus causas non posse in eo negotio ulterio-
rem modum & limites dare, multo minus cupe-
re antiqua religioni addictos Status in suis bo-
nis Ecclesiasticis, beneficiis, officio, dignitatibus
verbis aut factis ledere, pro quibus aliquando
summo Judici non sint rationes administratae
rei Christiana reddituri: ceterum adhuc intre-
pide profiteri, ne honorem Dei videantur impe-
dire, & æternum sibi ipsis in conscientia flagel-
lum relinquunt, consensum suum & approba-
tionem non posse prestare: quo tamen non ob-
stante pacem tam profanam quàm religiosam
cum aliis Statibus religiose observaturos, nec
non Casarea & Regia Majestatibus omne debi-
tum obsequium, Statibus vero sinceram amici-
tiam concordiamve oblaturus esse.* His auditis
Ferdinandus breviter priora præfatus, ex pote-
statis plenitudine in re quasi conclusa & ad arbi-
trium ejus remissa articulum de reservato impe-
rii recessui ac religionis paci inseruit, quæ pax,
ut recessus habet, ab universis Ordinibus in o-
mnibus suis articulis approbata, jurata, subscri-
pta, sigillata & publicata est, datis mox ad Spiren-
sem Cameram mandatis, ut secundum eam in-
ter partes jus dicerent, & ita in illis Comitibus ne-
gotium de pace remittentibus aliquantulum
Protestantibus feliciter finem accepit.

§. 21. Sequenti anno in Comitibus Ratisbo-
nensibus repetitæ preces sunt à Statibus Augu-
stanæ confessionis, idque majore paulum æstu
& exquisitiore rationum apparatu: minæ etiam
admixtæ, ut, nisi ea in re ipsis satisfiat, nec alii in
Sena-

Senatibus actioni participaturi sint : negotium tamen deuò, ut alienum, pro quo aliquando coram tribunali divino respondere nolint, arbitrio Ferdinandi permissum, renovata saltem protestatione de non adhibito consensu suo. Cùm Ferdinandus prolixo scripto respondisset, quo articulum istum de reservato Ecclesiastico post longas & varias disceptationes scientibus volentibusque Evangelicis paci religiosæ adjunctum affatim probare nititur ; Protestantes continuò replicarunt, & scientiam fassi sunt, negato consensu, hunc enim se ullo tempore præstitisse, vel ipsam pacem religiosam diffiteri, cui Ordinum imperii in hoc articulo dissensus & potestativa Ferdinandi decisio quasi ex officio clarissimis verbis ad petitionem Protestantium inserta sit : proinde petere, ut mitigetur paulùm articulus, nec ad Evangelicam lucem se conversuris hoc obice via salutaris præcludatur. Perstante in priore sententia Ferdinando, à Protestantibus circa finem comitiorum sollemnis Protestatio cum declaratione 4. Id. Martii anno quinquagesimo septimo interposita est, qua coram Deo palam faciunt, se in reservatum Ecclesiasticum nunquam consensisse, nec nunc consentire, adeoque permittere illud conscientis Catholicorum; cæterum id conceptè declarare, quod eveniente casu, ut aliquis Ecclesiasticus Status, Augustanam confessionem professus ex eo dignitatibus, bonis, muneribus publicis spoliandus sit, non tantum ipsimet ob injuriam illam, veritati divinæ factam, purgata conscientia innocentes esse velint, sed & nec factò nec verbis ad ejus op-

pressionem ulla ratione concursuri sint, sicuti nec executionem pacis religiosæ & profanæ prædicto casu probare vel sequi possint: interea orare suam Majestatem, ne hanc dissensus sui per solemnem formulam expressam mentem aliter capere velit, quam quatenus ad conscientiarum exonerationem à Protestantibus facta est, qui in aliis causis & Regiæ Majestati paratissimum obsequium, & patriæ omnem fidem & securitatem pro viribus præstaturi sint. Quo rerum statu tunc discessum est, inserta tamen recessui, 17. Calend. April. publicato clausula, ut usque ad plenam religionis unionem pax religiosa ex omni sui parte firma sit & perpetua, cui tractatus & actiones, quæ sub manibus sunt, nihil omnino derogare aut præjudicio esse debeant vel possint: sicut ex ipso recessu pluribus patet.

§. 22. Biennio post in Comitibus Augustanis eadem actio refricata & elisa est, cum Augustanæ Confessionis Status certatim ad salvandam conscientiam super dissensu suo protestarentur: Ferdinandus verò superioribus rescriptis * periculo in se recepto adhereret: nec ullo tempore sub Maximiliano, Rudolpho, Matthia cessatum, imprimis verò prope finem superioris seculi negotium maximè caluit, quando Gebhardus Truchsesius Colonienſis Archiepiſcopus & Elector ejurata Pontificia religione Augustanæ Confessionis nomen dedit: tunc literis, armis, stylo, ense, Minerva & Marte super reservato Ecclesiastico certatum, sed pejore nostrum conditione. Ernestus enim Bajoarus proscripto Truchsesio sedem occupavit, quamvis omnia sum-

summa Protestantes facerent, ne priori Domino sua defectio fraudi esset. Brandenburgico Marchioni felicius quidem cum Lotharingæ Duce de Episcopatu Argentoratensi fortuna fuit, dum pactis & pecunia res transacta. Victoria tamen penes Catholicos & hic stetit, qui ipsum Episcopatum retinuerunt. Hinc auctæ Protestantium querelæ, quarum commentarium in Comitibus Ratisbonensibus Anno hujus seculi decimo tertio celebratis exhibuerunt; ad quas cum non ex animo à Cæsarea Majestate, Matthia responderetur, pene infecta re discessum est. Correspondentes enim, ut se illo tempore vocarunt, de Comitibus protestati domum abiire. Ita actio nullis non Comitibus agitata, sed nullo fructu, utriusque partis pertinacia, cum Protestantes æquum petere viderentur; Catholici vero sibi metuerent, nunquam finem accipere potuit. (Vid. *Auton. p. 60. lat. 2.*)

§. 23. Supervenit deinde post aliquot annos Ferdinandeum edictum, quod dum duro nodo durum & violentum cuneum quærendum judicavit, utrumque ferè confregit. Articulo enim ad votum & expectationem Pontificiorum explicato Protestantibus bilem movit, de præteritis magis anxiiis, quam futuris. Itaque cum urgeretur executio, ad restituenda tot Ecclesiastica bona suspecto maximè & alieno tempore decreta, ad exterarum Sueciæ Regis opes defensionis causa respexerunt, quibus semel in Imperium pertractis, diuturno, & parum absuit internecino bello vastati sumus, nisi Deus post vicennales clades exacerbatos animos repente ad pacem inclinas-

clinasset. Hujus reducendæ causa conventus Osnabrugi in Westphalia celebratus est, quo inter alia capita & Ecclesiasticum reservatum vehementissima contentione & partium studio hinc inde volutatum, ut tandem certa & libera omnium Ordinum voluntate decideretur. Primo utraque pars rationes suas & argumenta produxit, ad postulationis æquitatem tuendam. Deinde utrinque aliquid remissum & meliores propositæ conditiones. Denique servata æqualitate certis legibus conventum : ut propediem videbimus.

§. 24. Priusquam verò id continuo stylo persequar, aliquantisper mihi animi gratia subsistendum esse duxi, & merita causæ examinanda, ut, salvo aliorum judicio, appareat, quæ pars olim potiore jure nixa sit. Quamvis enim hodiè inutills sit hæc disputatio, transacta jam re, cui præjudicium nec facere potest, nec vult: tamen cum Politici de jure belli, quod Alexander Magnus in Asiam habuit, se variis conflictibus exerceant: & Theologi de forma serpentis, qui Adamum decepit, multifariam sentiant: Jureconfulti verò Libertinorum ex lege Junia Norbanæ, aut dedititiorum, quorum nomina vetustas retinuit, causam agant: Quis vitio mihi vertet, si ego innoxia sedulitate hic curiosus fuerim? Atque eò minùs nunc aliquid partium studiis dedisse videbor, quo magis certum est, utcunque se res habuit, jam se aliter habere. Igitur ut commodiore luce veritas effulgeat, argumenta utriusque partis juxta se invicem ponimus, examine postremo ordine servato. Protestantium rationes

nes in duplici pene classe sunt. Aliæ enim causas aperiunt, cur in reservatum Ecclesiasticum nullo tempore consenserint. Aliæ verò ; cur illud ipsum reservatum, contra eorum approbationem & voluntatem paci religiosæ insertum, nullum sit atque irritum. De prioribus, quas circiter decem ex actis publicis (a) Auctor Autonomiæ annotavit, non est quod multum laboremus. Nihil enim illis aliud probatur, quam æquam fuisse & justam ea in re Protestantium petitionem, quo dato non continuo inferre licet, ergo lex, quæ petitionem rejicit, nulla est aut invalida. Æquitatis plenissimæ sunt miseri populi preces, quibus contra fiscalium edictorum immoderatam severitatem rei familiaris levamen quærunt, manentibus nihilominus edictis, si Rex illa noluerit abrogare. Et quid si nunc, qui à Pontificia disciplina discesserunt, apud Hispaniarum Regem instent, ut defæcatam ab humanis traditionibus Evangelii doctrinam sibi suisque subditis in Provinciis suis liberam permittat; quid si publicè fateantur, se non posse salva conscientia in regias constitutiones consentire, quæ salutiferum Augustanæ Confessionis usum prohibent; quis non æquum eos petere videt? quis non excusatos à consensu, qui obsequio suo peccatum fovet? Quis item verò ex eo publicas leges tollet, quæ corruptæ religioni contra lucem patrociniū præstant? Est enim, ut ante diximus, in jure regio, cujuscunque religionis publica auctoritate & præsidio docendæ arbitrium; & quamvis si Princeps falsam amplectendam ju-

beat,

beat, lex ad obsequium non obliget, quod Deum offendit : manet tamen ea legis vis & efficacia, ut subditi nec veram contra hostes Ecclesiæ Imperio civili armatos contumaciter defendere, nec per violenta media propagare, aut loca publica ad commodius pietatis suæ exercitium invadere possint. Quæ cum in aperta injuria ita se habeant, quanto magis, ubi non de tam animarum salute quam externis bonis agitur. Nemi in toto Imperio per Ecclesiasticum reservatum ad cœlestem veritatem via obstruitur, quæ
 * ut aculeatè satis Ferdinandus argumentatus est, non à necessaria Foundationum sequela dependet : sed cavetur tantum, ne dignitates & bona Ecclesiastica ad Protestantes perveniant. Mitior profectò adhuc longè hæc lex est, quam Ethnicorum Cæsarum, qui Christianam fidem professos ad nulla publica munera honoresque admiserunt, cui legum rigori tamen omnes libenter parvere, dummodo à persecutionibus & vi abstinuerint. Neque cùm hæc ita dico, aut Ferdinandi inexorabilem adversus æquissima Protestantium desideria animum probo, aut illorum accuso constantiam, in consensu non præstito fortiter & piè exertam : nisi enim suæ fidei præjudicium creare voluerint, consentire in illud non potuere : sed illud saltem volo, non easdem rationes, quæ Protestantes propter dissensum suum excusant, etiam Ecclesiasticum reservatum irritare aut perimere.

§. 25. Nec hoc adeò ipsos religionis nostræ Proceres latuit, qui in Osnabrugensi conventu omillis his omnibus causis, quæ quàm veræ sunt,

tam

tam nihil publicæ legi nocent, ad propiora tela confugerunt, defectu nimirum legitimæ potestatis ostenso in condendo illo ad Catholicorum gratiam reservato : id quod hoc ordine abunde sibi visi sunt explicuasse. In religiosa pace verbis clavis & conceptis interdictum esse, ne Status Imperii, quicumque fuerit, in usu Augustanæ Confessionis turbari possit, sed in ejusdem ut & subditorum, bonorum, dignitatum & jurium quæta & pacifica possessione, relinquendus sit: atque hanc regulam universalem jam pridem in annis superioris seculi quadragesimo primo & quarto cum adversarum constitutionum abrogatione, nec non quinquagesimo secundo in Passaviensi transactione placuisse. Tum Electorale Collegium, cum prima quasi facies religiosæ pacis anno quinquagesimo quinto adumbraretur, nullam mutationem quæsisisse, nec salvo pudore petere potuisse, ut Evangelici in conventu ad pacis negotium continuandum & plenariam æquitatem constituendam indicto, jus suum quæsitum deferrent, religione sua tanta contumelia adfecta, ut inter causas & modos dominia dignitatesve amittendi recenseri debeat. Quamvis verò nonnulli Ecclesiastici eo tempore petierint, ut voci Status, vocabulum secularis, per modum restrictionis adjiceretur, id tamen ab eis minime obtentum esse, sed rem in sua latitudine, Recessibus de Anno 1541. & 44. congrua relictam. Equidem hic Catholicos exceptionem sibi quandam à regula fingere, quam de secularibus tantum Statibus intelligunt. De Ecclesiasticis enim, inquit, longe aliud in articulo,

lo, pacis, und nachdeme 2c. per reservatum Ecclesiasticum constitutum est. Verum enim verò non intellectu solum, sed & sensibus comprehendere, hunc articulum obligatoriam legis vim nunquam habuisse, quod in illum, tanquam correctorium generalis regulæ Status Evangelici nunquam consenserint. Esse autem unicuique in Germanorum juribus vel mediocriter versato notissimum, in Romano Imperio nullas leges ferri posse, nec antiquas authenticè explicari, nisi consensu omnium Statuum: præterea in Passaviensi tractatu captum esse, ne in causis religionis majora ad præjudicium minoris partis attenderentur. Cum itaque ad validitatem cujusque actus cum voluntas, tum imprimis potestas requiratur, hanc in Ferdinando & Catholicis, non quidem voluntatem, ad condendam legem defecisse, quibus non licuit Constitutiones Imperii, ut & religiosam pacem pro lubitu, absque Protestantium, qui semper contradixerunt, consensu moderari. Quod verò Catholici hinc regerere soleant, articulum istum ab Evangelicis ad arbitrium Ferdinandi remissum esse, id è diametro adversari religiosæ pacis contextui & Imperii actis, quæ luculenter testantur, nunquam hinc consensisse Protestantes, sed Ferdinandum Regem pro Cæsareæ potestatis vicaria plenitudine ita decrevisse, quæ potestas tamen & mandatum non illud potuere efficere, ut suæ Majestati jus fuerit Statibus invitis legem dare. Sanè non posse negari, fassos esse Evangelicos, se suæ Majestati non posse modum facere, quid ex mandata potestate Cæsareâ velit hinc decidere. Sed in eodem

eodem scripto pro se verbis expressis declarare, se in reservatum nolle consentire: ac quoniam factum inferendi reservati nequiverunt impedire, idcirco petiisse, ut saltem verba quædam mitigarentur; quo ipso tamen non magis probasse reservatum, quàm libellum confitetur, qui apud actorem instat, ut illum mutet, omiſſis aculeatis verbis: Affecurationem verò & subscriptionem in fine Recessus ad id se determinare, quod firmiter & concordî omnium voluntate sancitum; jam verò in pace ipsa religionis exprimi, Evangelicos in dictum reservatum non consensisse: imò se dissensum suum omnibus Comitibus jugiter testatos esse, adeò ut Ferdinandus Imperator Anno 1557. 17. Febr. spem fecerit, memorem ejus contradictionis se futurum, & Maximilianus in rescripto quodam Cæsareo Anno 1566. idem caput controversum duxerit, quod ad alios tractatus remittendum, & cum reliquis religionis punctis, qui adhuc sub judice, ad Christianam concordiam reducendum sit. Quamvis ipsi Protestantes nequaquam id controversum existiment, cum nihil æquius sit, quàm ut juxta plurimos Imperii Recessus, nullus Statuum, sive Ecclesiasticus sit, sive secularis, ex religionis causa contemptum sentiat, vel Imperio suo, dominiis, bonis, dignitate & honoribus spoliatur. Hæc tunc Status Augustanæ Confessionis.

§. 26. Ad quæ Catholici ordines scripto contrario, per modum gravaminum exhibito, responderunt; Non negare se, sed Catholicos Status semper ante, in, & post factam religiosam pacem ex multis invictissimis rationibus contendiſſe,

disse, quod mutatio religionis, desertio Ecclesiastici Status, voti & professionis, dignitatum & commodorum Ecclesiasticorum, quæ possessor nullo alio titulo, quam ratione sui Status habet, privationem necessariam importet, & hoc in religionis pace verbis certis nec ambiguis post longas disputationes communi omnium utriusque religionis Statuum consilio & voluntate libera decretum, juratum, Cæsaream Majestatem in Capitulatione ad totam religionis pacem sine exceptione obligatam, nec non Cameram secundum eam, nullo articulo excepto, judicare jussam esse. Et referre omnino nihil, solus Episcopus, Prælati aut Capituli sodalis sciente & consentiente Capitulo deficiat; an & Capitulum cum eo, articulo de uno vel pluribus, & sic de toto Capitulo collectivè agente: Desinere enim Capitulum esse eo ipso, quod religionem mutat, & eandem esse prohibitionis rationem apud omnes, quæ apud unum vel plures, nimirum incapacitatem talium possessorum quoad beneficia Ecclesiastica, promanantem ex jure divino, fundatorum dispositionibus, generalibus Ecclesiæ Catholicæ nec non Imperialibus Constitutionibus, & novissimè Statuum Imperii Anno 1555. constitutis ac juratis fœderibus. Adhæc secundum jura civilia & Canonica nec Episcopos nec Capitula esse proprietarios dominos jurium Ecclesiæ, sed nudos Procuratores, administratoresque, qui universo ordini Ecclesiastico privatis pactis nullum damnum dare possunt, cum uno contra dicente servetur jus toti ordini. Recessus Imperii de Annis 1541. & 1544. ut & Passa-

Passaviensem Transactionem in gratiam Augustanæ Confessionis addictorum de Autonomia in beneficiis & Prælaturis immediatis concedenda ad effectum retentionis dignitatis & bonorum Ecclesiasticorum nihil decidere; nam ex allegato Anni 1544. Recessu contrarium disparere, qui libertatem religionis quoad dignitates & fructus non admittit, sed Principibus Ecclesiasticis, qui fuga sibi consuluerunt, aut vi pulsi sunt, redditus & beneficia integra conservat. Posito verò, sed non concesso, priores Imperii Recessus Autonomiam in Foundationibus immediatis ad tempus quietis causa admisisse, Pacem tamen religiosam in hoc passu omnibus anterioribus Constitutionibus derogare, ex qua etiam, non aliis legibus, decisio Autonomiæ Statibus Augustanæ Confessionis addictis prætensæ, petenda sit. Multò minùs per verba religiosæ pacis generalia, quæ Status Augustanæ Confessionis ex religionis causa turbari vetant, probari libertatem Ecclesiasticis beneficiis mutata religione utendî, nec hanc illo tempore vel Cæsareæ Majestatis vel Statuum Ecclesiasticorum & secularium mentem fuisse, ejusmodi libertatem verborum captiunculis confirmare. Secus enim reservato Ecclesiastico opus non fuisset, per quod Catholici Status sibi specialiter cavere voluerunt, postquam adversa pars prioris articuli generalem sensum nullo adjecto restringi passa est: nec videri aliquem ob religionem gravari, qui amissis propria culpa juribus, si nolit amice cedere, per eos ordine legitimo exuitur, ad quos illa debito acquirendi modo interveniente pervenerunt:

P

nam

nam cum detentor nec titulum nec possessionem habeat, non debere spoliū dici, quod ab eo injustè possessum avocatur. Quodsi objiciatur, Augustanæ Confessionis Status ad istam libertatem respexisse, & per generalem clausulam Catholicos obligare voluisse: responderi à se, eam intentionem unilaterem legis aut contractus vim non potuisse operari, cum primis, quod factæ pacis tempore omnes immediatæ fundationes, exceptis paucis, in Catholicorum manu fuerint, quos per pauciores suis beneficiis exturbari iniquum fuisset. Non pertinere ad Protestantē reservatum Ecclesiasticum, sed ad Ecclesiasticos Status, quorum patrocinium non rogatos suscipere haud deceat: illos nullam libertatem religionis petiisse, nec mandasse Protestantibus, ut alieno nomine agerent. Quam Ecclesiastici Electores principio Tractatuum mentem habuerint, nihil referre: ad conclusionem & id attendendum, quid recessui insertum, non quid media actione hinc inde jactari consuevit. Quæstionem, an mutatio religionis Catholicæ modus sit & causa amittendi Ecclesiastica dominia & dignitates, pace religiosa definitam: satis famæ & honori, nec non conscientiiis Protestantium prospectum, nec reservato libertatem impediri, quæ non in eo consistit, ut Augustanæ Confessionis socius beneficium aliquod Ecclesiasticum habeat. Frustrà in elidenda exceptione à regula laborari, quæ à Catholicorum parte non agnoscitur, nec ab allegantibus probata est. Utrisqueque articulos religiosæ pacis essentielles partes esse, & singulos æquè obligatorios; non corrigere

rigere se invicem, sed singulos manere in suo vigore, ut à Majestate Cæsarea & Statibus concepti & placiti sunt. Quamvis verò Ecclesiasticum reservatum mentionem faciat diffidii inter Status ex illa occasione habiti, tamen Confessionistarum assensum ad effectum obligatorium eo sufficienter adhibitum, dum illud caput ad Imperatoris decisionem remiserunt: & licet ejus remissionis religiosa pax non meminerit, eam tamen, & proinde etiam consensum ex actis Imperii clarè probari. Cum enim Status Catholici in omnimodam Augustanæ Confessionis libertatem & suspensionem Ecclesiasticæ jurisdictionis nollent consentire, Protestantes conditionem fecisse, ut probata jurisdictionis suspensione ipsi quoque à suo proposito destituri sint: Quare conditione à Catholicis impleta alteram etiam partem ad reservati Ecclesiastici probationem ex natura conditionati contractus obligatam fuisse, nisi ex capite non subsecuti implementi totam pacem evertere & rem in statum pristinum restituere velimus. Prædictam ad Ferdinandi arbitrium rei contentiosæ remissionem ex supplice Protestantium libello uberius probari, quo fatentur, se nescire modum suo majestati dare, si proposito constanter inhærere velit, saltem consensum suum deprecari, ne conscientiam lædant. Unde patere, Status Augustanæ confessionis eo tempore plenitudinem potestatis Cæsareæ decidendi controversum articulum, nondum in dubium vocasse, ut nunc faciunt, sed agnovisse dispositionem Cæsaream quoad effectum obligativum &

in foro civili cum aliis pacis articulis acceptasse, actis insuper pro labore gratiis, & obsequio promisso : Porro probari confessionistarum consensum inde etiam, quando clausulas quasdam articulo à Cæsarea maiestate concepto inferendas curaverunt, scilicet, quod Status in hoc puncto non potuerint convenire : quod Ecclesiasticarum dignitatum renunciatio famæ & honori Augustanæ confessioni addictorum nocere non possit : & ne hæc dispositio amicæ compositioni præjudicio sit : quæ omnia tunc à Ferdinando concordie causa impetrata sunt : ut vix in tanti momenti re Protestantes deceat consensum adhibitum cautela quadam cauldica, in contentioso foro usitata sufflaminare. De potestate Cæsarea, quam Augustanæ confessionis Status maligne totius Romani imperii probro fugilient, non esse operæ pretium multis agere. Agnovisse eam Protestantes non tantum tempore factæ pacis per remissionem illam, de qua supra dictum : sed & imperante Maximiliano aliquot annis post, porrecto Anno 1576. supplici libello, quo gravaminum suorum exonerationem petentes inter alia in recognitionem supremæ jurisdictionis Cæsareæ Imperatori supplicant, non esse necessarium, unius alterius alteriusve partis assensum expectare : competere Cæsareæ Majestati tanquam summo Capiti & Defensori cum legum, tum misere oppressorum omne jus & plenam facultatem interponendi officium Cæsareum, & procurandi, quæcunque publicæ saluti ac tollendæ dissidentia conducere videntur. Quod si itaque Status Augustanæ Confessionis

tionis eo tempore de summa Imperatoris potestate tam reverenter & magnifice senserunt, quod ea post pacem religiosam multis modis limitata est. Quanto magis Cæsareæ Majestati licuisse, uti jure suo ante pacem confectam, nullo adhuc obstaculo posito? Cæsaream Majestatem Catholicis Statibus non attribuisse novum jus, sed antiquum, & imperio Romano-Germanico cœvum confirmasse: ad eam confirmationem nec consensu Statuum nec nova Cæsarea potestate opus fuisse, attento, quod alterius religionis Status ad Foundationes & Ecclesiastica bona non jus, non actionem habuerunt. Finge tamē articulum de reservato ex defectu Cæsareæ potestatis esse nullum, adeoque nec essentialē partē religionis pacis, rem utique ad decisionem communium jurium Cæsareorum recidere, quæ Ecclesias iis omnibus adimendas jubent, qui vel levi argumento à judicio Catholicæ religionis & tramite detecti fuerint deviare. Accedere juribus publicis usum & observantiam aliorum regnorum Galliæ, Poloniæ, in quibus admissa libertate conscientiæ nemo nisi Catholicus capax est beneficiorum Ecclesiis dicatorum. Et habuisse Imperatores summas rationes, cur per reservatum illud pro conservatione Status Ecclesiastici vigilarent: Plerasque enim foundationes non à Principibus, Comitibus & Nobilitate, ut nunc fertur, sed Carolo M. & ejus successoribus esse institutas, easque eo solum fine, ut solis Catholicæ & non alienæ religionis, Ecclesiasticis personis ad pias causas & cultum divinum cederent. Certius nihil esse, quam, si aliquando Minister aut

totum ministerium Augustanæ confessionis Catholicæ religioni accederet, ut is illudve omnibus dignitatibus & redditibus cariturum esset. Unde ex æquitate naturali idem juris Catholicis adversus suæ fidei desertores non posse negari. Tantum Catholici Status.

§. 27. Si quis nunc utriusque partis argumenta invicem collocata probe excutiat, summam quæstionis in duobus versari deprehendet. Scilicet an Evangelici Status in reservatum Ecclesiasticum consenserint? Et si non consenserunt, an defectu illo non obstantē reservatum nihilominus valeat? in his solis cardo totius rei vertitur: Quicquid enim de aliis Recessibus, de Passaviensi Transactione, de generalibus pacis religiosæ verbis affertur, id omne uno reservato, si utique subsistit, evertitur: nec magis stringit modus dominia amittendi, Augustanæ confessioni contumeliosus, ut videtur: quoniam non omnis modus, quo rerum dominia & dignitates amittimus, contumeliæ comes est: ita officium Præsidis officit emptioni bonorum in provincia: * ita apud Ecclesiam Romanam quorundam ordinum professio & votum excludit omnem rei familiaris proprietatem: ita in Camera & Judicio aulico honorifico Assessoris munere amittitur Procuratoris & Advocati studium: nullibi levissimo alicujus injuriæ sensu: quotidianum hoc est in civili administratione, ut persona statum suum & conditionem mutante pereant illi pristina jura, quæ habuit, salvo honore. Et profectò re ingenuè considerata salutaris est & honorificus modus perdendi dominia

minia rerum Christiana disciplina & fides. Ipse enim ejus Magister Christus nos relictis omnibus se sequi jubet. Quamobrem remanet solus consensus, de quo dispiciendum. Primo an Protestantes eum adhibuerint, quod reservatum Ecclesiasticum attinet? Afferuerunt hoc communi ore Catholici, negarunt Status Augustanæ Confessionis: utraque pars pro sua causa rationes format, quas paulo ante vidimus. Fortasse haud erraverim, si consensisse Protestantes dicam & non consensisse. Illud modo permissionis: hoc probationis. Nimirum nunquam in id assenserunt, ut cuique Statuum, sive is secularis sit, sive Ecclesiasticus, propter Augustanam Confessionem molestia & vis fiat. Quoniam tamen à Catholicis impetrari non potuit, ut immediata Ecclesiasticorum beneficia Episcopus vel eorum administrator retineat, si religionem mutaverit, ideoque passi sunt, ut Ferdinandus ad Catholicorum preces legem conderet, bonorum Ecclesiasticorum in casu mutationis avocatoriæ: Non temerè vellem falsi Ferdinandum arguere, qui in rescripto quodam Non. Febr. Anno 1557. ad Status Augustanæ Confessionis in Comitibus dato repetita religiosæ pacis historia confidenter asserit, scientibus volentibusque Protestantibus reservatum paci insertum: si de assensu concordie civilis causa præbito nec conscientis & Augustanæ Confessionis præjudicioso accipiatur: nec diffitetur (a) Stamlerus, postquam Protestantes petitionibus suis

*locum ut relinqueret Ferdinandus , consequi non posse animadverterunt , eos voluntatem suam nolentes volentes aliquatenus communicasse : imò ipse (a) Limneus , hîc tamen valdè difficilis , post longum examen tandem deprehendit differentiam longè maximam inter reservatum scientia & consensu Protestantium tractationi religiosæ insertum , & eorundem consensu , scientia & approbatione conclusum atque confectum : illum consensum admittit : hunc rejicit. Et verò Protestantes * non alio se colore à necessitate consensûs in reservatum adhibendi excusarunt : quàm conscientia scrupulo : rem enim ad se minimè pertinere , sed solos Catholicos identidem fassî sunt : unde sequitur , illum consensum , qui conscientias non gravat , haudquaquam principiò disputasse : Talis verò omninò erat , qui externæ & civilis concordia causa nullo religionis præjudicio , propter quod in ipso reservato sibi cavere petierunt , datus est : quemadmodum antiqui Christiani illis legibus nulla conscientiarû læsione obsequiose detulerunt , quæ ab iniquioribus paulo Imperatoribus latæ tolerata religione ejus saltem sectatores hac occasione à certis civilium dignitatû honorumq; gradibus excluderunt. Quin si Anglia æquum æstimet , ut Catholici à Republica arceantur , & legibus ea de re latis consentiant : cur his iniquum erit , alibi contra nostram fidem idem statuêdi : nec enim hic de veriore Christianæ religionis conditione quæritur , sed tantum , an quis possit honestè in id consenti-*

(a) De Jur. Publ. l. i. c. 13. n. 45.

sentire, quo ejus religio salvo publico exercitio in fortunæ bonis externis premitur? idque præcipue, ubi non tam de vitando damno, i. e. re sua & patrimoniali amittenda agitur, quam captando lucro, in rebus ad certum usum à majoribus dicatis, quas administratorio nomine tenuerunt. Cum itaq; Protestantes in reservati Ecclesiastici articulo diverso respectu & consenserint & dissenserint, utriusque actus, i. e. consensus, ac dissensus varii quoque effectus sunt. Illius quidem, ut Statui, qui ob acceptam Augustanam Confessionem à Cæsare ad dimittenda Ecclesiastica beneficia condemnatus est, parata in contumacem executione, non potuerint quocunque modo auxiliari, nec facto nec verbis, Cæsareæ sententiæ & executioni contrariis, nisi forte per modum intercessionis & supplicationis. Hujus verò, ut ipsimet Protestantes necesse non habuerint, condemnare statum ob eorum religionem, multo minùs Cæsaream commissionem ex ea causa suscipere, à qua humiliter & obsequiose se excusare debuerunt, ne conscientias suas, quas salvas sibi reseruarunt, eo stimulo sollicitarent, quod suæ religionis consortes ob susceptam fidem persecuti fuissent. Atque hanc saltem operæ Imperatori & Catholicis adversus condemnatum ferendæ necessitatem Augustanæ Confessionis Status in sua Protestatione Ferdinando 4. Id. Mart. Anno 1557. exhibita deprecati sunt, non vero sibi etiam defensionis jus licentiamque, ad executionem publicam aut prorogandam aut omninò sufflaminandam sumpserunt. Verba eorum satis perspicua sunt, & legi

hic merentur. Darneben auch Ihr. Chur- und Fürstlich Gn. Gn. und Gn. dieses erklärt haben wollen / wann sich darüber ein Fall jetzt oder künftig begeben und zutragen sollte / daß von wegen der angenommenen Augspurgischen Confession einiger Geistlicher / seines Stands / Würden / Beneficien und Officien sollte entsezt und benommen werden / daß sie nicht allein derhalben in Ihr. Chur- und Fürstl. Gn. Gn. und Gn. Gewissen befrehet / sondern auch denselbigen inn- oder ausserhalb des Rechts nicht verdammen / mit der That oder in ander Weg mit nichten verfolgen helfen wollen : Inmassen sie auch die Execution des Landfriedens / dem Religion und Profan- Frieden angehangen auf berührten Fall wider die Geistlichen fürzunehmen / Ihrer Chur- und Fürstl. Gn. Gn. und Gn. halben niemals verstanden oder derhalben bewilligt / auch nachmals nicht verstanden noch bewilligt haben wollen. Dann Ihr. Chur- und Fürstl. Gn. Gn. und Gn. keines Weges gebühren und geziemen will / und ist ihnen vor Gott dem Allmächtigen unverantwortlich / an einem Ort ihre Christliche Religion für wahr zu bekennen / und am andern dieselbe / samt ihren Glaubensgenossen und Christlichen Glieder zu verdammen / zu straffen und verfolgen zu helfen. Quod si quis verò & eum consensum conscientis ob stare censeat , qui permittit saltem , ut Augustanam Confessionem amplexus Ecclesiasticus Status Catholicarum Ecclesiarum bonis & dignitatibus annexis , publico legum & juris ordine , non cooperantibus , non laudantibus Protestantibus , privetur , is ad (a) Instrumentum

mentum pacis respiciat, quo mutua & reciproca utriusque partis voluntate & consensu concordiae causa idem placuit. Quo fidei enim & conscientiae auctoramento in nupera pacificatione Status Augustanae Confessionis in reservatum Catholicorum Statuum consentire potuerunt, modo Catholici Evangelicorum quoque aliquod reservatum agnoscerent: Eodem profecto & ante Catholicorum assensum & probationem: quoniam si res seu actus per se malus, conscientisque fuisset adversus, cum ne quidem licuisset repensa vice admittere: nefas enim est ea lege furtum tuum probare, ut meo etiam assentire.

§. 28. Deinde fac, nulla ratione Protestantes quondam in-reservatum Ecclesiasticum consensisse: quid exinde vero? ergò illud non valet? vix utique crediderim. Non omnino de nihilo fuerunt Catholicorum querelae, de Caesarea potestate quosdam contemptim nimis sententiam dicere, de qua tamen olim praefracte disputare (*) sacrilegium fuit. Plurima enim sunt, quae reservatum sustinent invitae etiam Protestantibus. Primò jus illud maximum, nobilissima reservatorum Imperatoris portio, quo dissentientibus Statibus Imperatori licet rem pro potestatis plenitudine decidere: quamvis enim verum sit, dissentientibus Statibus non posse legem ferri, id tamen ita habendum, si omnes Status concordibus suffragiis ab Imperatore dissentiant, non si inter se: quare captiosa est locutio, nec penitus consuetudini & juribus imperii

(*) Lib. 3. C. de Crim. Sacr.

imperii congrua, invitis Statibus nihil decerni: nam si Statibus nec inter se conveniat, nec cum Cæsare, id utique accidere potest: sicut suo loco, de Comitibus, plenius dicetur. Deinde non omnes imperii Ordines contra Imperatorem steterunt, sed minor saltem pars, ex Protestantibus collecta: nulla verò ratio est, cur jus sit minori parti rescindere, quod majori una eum summo Principe placuit. Nec officit Passaviensis transactione cautum esse, ne in religionis causa majora valeant: id enim saltem ratione judicii de religione publicè docenda intelligi debet. Tertio non de Augustanæ Confessionis periculo, sed rebus Catholicorum actio erat, quibus se officiosius immiscere Protestantes suomet judicio non decuit. Petiere enim Catholici, ut bonis suis Ecclesiasticis Imperator edictali sententia prospiceret, ne in manus alienas perveniant. Evangelici se non posse consentire ajunt: Imperator petitionibus Catholicorum desert, ut aquis. Quæ hîc injuria Protestantium? aut qua ratione eorum consensus, ut lex valeat, necessarius? Si pactis Fraternitatis, inter Principes quosdam initis alii ea causa intercedant, quod ipsis spes adimatur Principatus illos, fraternitate comprehensos, aliquando deficiente Vasallorum legitima serie ad Imperium devolutos nova investitura, meritis suis debita, consequi: num propterea Imperator mutæ successionis conventa confirmare nequit? An irritum est decretum Magistratus in bonis pupillaribus auctoritate tutoris alienandis, cum proximus agnatus speratæ hæreditatis jacturam sen-

tit ? aut quis emptor legem accusavit , quæ do-
 talem fundum alienari prohibet ? ita nescio cur
 merito Protestantes Imperatori succensuerint ,
 quod Catholicorum desideriis in rebus ad eo-
 rundem curam atque administrationem perti-
 nentibus satisfecerit : aut cur consensum suum
 ibi necessarium esse voluerint , ubi ipsis secun-
 dum proprium testimonium nihil juris est : * ubi
 non decet eos Cæsareæ majestatis & aliorum Im-
 perii Statuum rebus his unice competentibus
 manum injicere ? * ubi negotium illud Pro-
 testantes plane non attinet ? * nec de illo pur-
 gatis conscientiis rationes reddere tenentur ? *
 cujus periculum suum esse & in suum caput re-
 cidere Ferdinandus jussit ? Accedit quod in con-
 ficiendæ religiosæ pacis ratione Imperator cum
 Catholicis certo modo unam partem constitue-
 rit : & Protestantes alteram. Quis audivit ve-
 rò , ut inter partes conventis articulis , quæ utri-
 usque æque communes sunt , altera deinceps
 & causis à suo foro alienis pro auctoritate se im-
 miscere voluerit ? aut quis non moleste tulerit
 hanc nimiam pietatem , quæ pro aliorum salute
 ingratis excubare cupit ? nec excubare saltem ,
 sed pene imperare , quando consensum suum
 ad alieni actus , quo cum ipsi nihil rei , validitatem
 violenter intrudit ? imprimis vero , cum in iis ,
 quæ sibi dari permittive petiit , exacte sit satis-
 factum. Impudens est , me Hercules , & callo-
 sum dura fronte (a) Limnei consilium , quod
 ab eo supplicanti datur , qui ad suas preces favo-
 rabile rescriptum à Principe impetravit , planed.

(a) Jur. Publ. l. 1. c. 13. n. 49.

eo modo, sicut jus fasq; erat : ut, si perlecto eo statim vel post deprehendat, potius sibi fore, apertius magisq; cautum si aliud quoq; cuius tamen & ipsa petitio honesta erat, impetratum eat eadem in causa, ingenio Principis abutatur, ac denuo pinguius supplicet : & si repulsam ferat, indignetur Principi, quasi justas conquerendi causas habeat; perinde ac si imperans teneatur omni honestæ civium suorum petitioni respondere, quid enim, si subinde novis precibus redierint? si audacia confirmetur liberali facilitate? Audient profecto, quod (a) Jacobus Trevirensis Elector, vir ut acris, ita avari ingenii, qui cum apud Fridericum III. Imperatorem nunquam sibi & occasioni deesset, ut aliquid sibi dari peteret : id tandem apud fatigatas Principis aures responsi tulit, *si non facis petendi finem: ego negandi principium inveniam.* Quid si Protestantes Status tempore factæ religiosæ pacis cum Ferdinando precibus egissent, ut soli Augustanæ Confessioni liberum & publicum in imperio usum concederet? ut Pontificis auctoritatem penitus aboleret? ut ipsemet Augustanæ Confessioni accederet? ut aliis Statibus, qua exemplo, qua mandatis, idem præciperet? ut legem conderet, ne deinceps Romanus Imperator fiat nisi Protestantium religioni addictus, ejurato Papatu? annon honesta hæc ex illorum mente & fide postulata? annon iisdem magis potiusque supplicantibus cautum? ergò justa conquerendi causa, si non facilis sit Cæsar, si tergiversetur : si renuat? Periculosa utique fuit hac doctri-

(a) Lehmann, Chron. Spir. l. 7. c. 96.

doctrina Limnei amicitia: nolim sane eum mihi petito rem factum: primo statim congressu negassem, quicquid à me optasset: satius enim fuerit primum indignationis impetum, ex repulsa irritatum, excipere, quàm demum, cum plurima dederis, postremam iram, inevitabili necessitate incurrendam expectasse.

§. 29. Hæc ita mihi exercitii gratia protulenda Ecclesiastici reservati, etiam absque Protestantium consensu quondam validi causa in medium adferre placuit, quibus, absit, ut rei Osnabrugensi pacificatione paulò aliter definitæ præjudicium facere cupiam. Confestim in principio hujus discursus protestationem interposui, merem considerare, ut ante instrumentum pacis fuisse visa est: non ut nunc est, quam & hic repetitam cupio, ne quis me temere contra publicas leges fecisse putet, quòd ociosis disputationibus civilem concordiam voluerim tentare: quæ mens tamen à me, qui pacifico ingenio utor, omnium longissimè abest. Nunc repetenda mihi intermissæ paulum narrationis de reservato Ecclesiastico series, & quemadmodum nupera pace ea de re conventum, ostendendum est.

§. 30. Cùm, ut supra diximus, tam Augustanæ Confessionis Status, quàm Catholici adversus reservatum Ecclesiasticum, & pro illo in Conventu Osnabrugensi gravamina sua certatim exhibuissent, Protestantes, qui facile animadverterent, Catholicos non omninò proposito suo cessuros, ab utraque parte aliquid remittendum rati, has concordia in hoc puncto in-

eundæ

eundæ rationes , præmissis solitis protestationibus, proposuerunt; ut Primatus, Archiepiscopatus, Episcopatus, & Collegia immediata, quæ anno hujus seculi decimo octavo in plena Evangelicorum possessione fuerunt, deinceps ita maneant, salvo capitulis eligendi jure: & Cæsareæ Majestati primariis precibus, ubi id receptum: hac tamen conditione, ne alius præterquam Augustanæ Confessioni addictus præsentetur. Si quæ ab anno decimo octavo Foundationibus à Catholicis ablata fuerunt, quorum possessionem illo anno habuerunt: ea restituantur & in statum pristinum vindicentur: Menses Papales verò in ejusmodi Collegiis penitus aboleantur, nec liceat Pontifici ullas conferre Prælaturas & beneficio vacante bullas super eo impertiri. Electus in illis Collegiis non teneatur confirmationem à Pontifice petere, sed tantum à Cæsarea Majestate regalium & jurium investituram, quæ ei sine contradictione, ut justum & æquum est, concedatur. Primates vero, Archiepiscopi, Episcopi aut vacante sede ipsa Evangelica Capitula Cathedralia ad Comitiam aliosque Conventus imperii decentibus titulis convocentur, & ad sessionem in iisdem & suffragium admittantur. Ut ratione beneficiorum à Catholicis eodem anno possessorum in puncto restitutionis idem servetur. Ut Catholicum aliquem Archiepiscopum aut Episcopum una cum toto Capitulo Augustanam Confessionem professum & jus reformandi jure superioritatis ex pace religionis sequatur, non excluso tamen Statuum Provincialium consensu, moribus illis debito.

Quod

Quod si vero solo Capituli Electo aut Sodali pro sua persona mutante religionem ipsum Capitulum in antiqua religione maneat, ut tunc citra reformandi jus potestatemque is, qui mutavit, in dignitatum suarum,redituum, Provinciarum, ac subditorum possessione imperturbatus relinquatur: salva Capitulo Catholico post ejus mortem libertate eligendi postulandive vel Catholicum, vel Evangelicum; Evangelico autem forte à Catholico Capitulo electo, jus reformandi ademptum sit, integris dignitatibus & redditibus ad vitæ dies, ut supra. Quod de Catholicis personis, mutantibus religionem, propositum: idem vice versa & in Evangelicis jus esto: Interea illis, quibus reformandi jus non competit, in aulis suis, sacellis & curiis liberam suæ religionis exercitium permittitor. Ut in mixtis Collegiis, oculis identidem ad memoratum decimum octavum annum ratione restitutionis reflexis, Episcopo aut cuidam ex sodalibus à sua religione ad alteram transeunti ad dies vitæ dignitatum & bonorum possessiones maneant. Ex Capitularibus verò aut Canonicis quodam mortuo, qui religionem mutavit, in ejus locum talis surrogetur, qui ejus religionis est, cujus defunctus ante defectionem fuit, redacto iterum Capitularium numero utriusque religionis ad modum, qui anno decimo octavo fuit.

§. 31. A parte Catholicorum hæ conditiones pacis causa propositæ. Reservatum Ecclesiasticum, essentielle religiosæ pacis membrum, ut lege publica constitutum, ita deinceps esto: non attento, Episcopus se cum aliquibus sodalibus

libus aut toto Capitulo ad Augustanam Confessionem contulerit: idque quoad Episcopatus & Collegia à Catholicis anno seculi decimi septimi vigesimo septimo possessa, aut postea legitimo titulo acquisita. Quantum vero ad illa collegia, quæ Augustanæ Confessionis addicti Status antè & post Passaviensem transactionem & religiosam pacem possederunt, quamvis & horum iusta esset repetitio, Catholicos tamen concordie causa assentiri, ut eadem, ab Evangelicis anno vigesimo septimo possessa, nec deinde ad Catholicos iustè translata, ad quadraginta annos à conclusa pace computandos possint retineri, quo quadraginta annorum spatio ab utraque parte amica in religione compositio tentari debeat, eà vero non secuta quisque ius suum debito modo & ordine persequi. In omnibus Collegiis, Augustanæ Confessionis Statibus ad quadraginta annos concessis hoc toto tempore Catholici non excluduntur, nec provisiones per menses papales aut indulta Apostolica impetratæ aut deinceps impetrandæ, nec non primariæ preces ratione Canoniciatum, Præbendarum aut beneficiorum impugnantur: sed provisi sine contradictione admittuntur, nec sub ullo prætextu aut colore gravantur: Statuto, juramento aut capitulatione contrariis nullis & irritis. Electionibus & postulationibus intra prædictum quadraginta annorum tempus in Catholicos collatis litem non movento, nec electi seu postulati gravantur: Sed à Cæsarea Majestate in electione cum provisionibus papalibus & imperatoris defenduntur. Archiepiscopis, Episcopis,

pis, Prælatiſ, Canonicis & aliis Eccleſiaſticis perſonis in Collegiis & fundationibus mediatis & immediatis religionis Catholicæ exercitium juxta Auguſtanæ Confeſſioni addictos, in Eccleſiis liberum eſto. Conceſſio Regaliorum & indul- torum, itemque ſeſſiones & vota in Comitiiſ im- perialibus, quæ Auguſtanæ Confeſſionis Status occasione bonorum Eccleſiaſticorum præten- dunt, intra hos quadraginta annos conſuetu- dini in imperio receptæ relinquuntur. In cir- cularibus autem conventibus, in quibus votum habent Evangelici, porro admittuntur, ita ta- men, ne Catholicos excludant. Beneficia Ec- cleſiaſtica immediata à Statibus Auguſtanæ Con- feſſionis curiæ rationalium applicata in priſti- num ſtatum reſtituuntur, reductis electionibus ac poſtulationibus: ut & permiſſis in Catholico- rum gratiam papalibus menſibus, primariis præ- cibus, electionibus & poſtulationibus.

§. 32. Mox Catholici per ulteriorem de- clarationem loco quadraginta & ſexaginta anno- rum centum indulſerunt, quibus pendentibus iſſis omnes actiones in ſuſpenſo ſint, quas ad bona Eccleſiaſtica habent, via facti in perpetuum prohibita. Interea ſibi reſervatum illibatum, & transactiones particulares inter utramque partem ante vel poſt religioſam pacem conven- tas, etiamſi pars una alteri aliquid de jure ſuo remiſerit, itemque reſ deciſas à regula generali ſupra poſita exceperunt. Pontifici menſes pa- pales, & ſi quid collationum immediate aut per indulta factarum Romanæ Sedi vigore Coneor- datorum Germaniæ competit, nec non Cæſareæ

Majestati preces primarias reservant, cui & Austriacæ confessionis status loco annatarum, juri-um pallii, & confirmationis, quæ Catholici Romanæ sedi exsolvere tenentur, supputatione Ecclesiis & Collegiis consueta certam summam præstare teneantur. Liberum sit Catholicis Canonicis in omnibus Foundationibus, quæ Evangelicis relinquuntur, suæ religionis statim horis exercitium: & Administratoribus illarum Foundationum à Cæsarea Majestate potestas administrandi fiat, debito homagio jurato, & exsolutis sportulis. Ratione verò sessionis & voti à more solito nihil mutatur.

§. 33. Mox Evangelici, animadverso, Catholicos quantum reservatum attinet, à proposito non posse dimoveri, ne dirimeretur cætera bene procedens negotium pacis, servata æqualitate propius descenderunt, & repetitis prioribus, de reservato ita censuerunt, si Evangelicus aliquis Primas, Archiepiscopus, Episcopus, Prælat, Abbatissæ principali dignitate ornata, aliusve Ecclesiasticus Status Catholicæ religioni accedet, is omnia bona sua & beneficia Ecclesiastica, cum fructibus & redditibus sine ulla contradictione cedit, sed salvo honore famaqué integrâ: itemque annuis alimoniis pro conditione personæ suæ & Beneficii opulentia assignatis: nec non fructibus usque ad cessionem perceptis plene relictis. Quod si verò nunc idem Catholici in suis Foundationibus, quando aliqua persona Ecclesiastica religionem mutaverit, observaturi sint, Evangelicos non repugnatorios, sed commissuros rem totam conscientiis Catholicorum, pro

pro quibus aliquando non sint responsuri, salvis tamen itidem honore, alimoniis & perceptis fructibus ut supra. Porro placere, ut Numerus Sodalium Capituli utriusque religionis ita deinceps servetur, ut Anno 1618. fuit, modo Evangelici non adeo incapaces beneficiorum & Canonicatum habeantur, ut jus non sit illis, qui electionem vel præsentationem habent, in demortuorum Catholicorum locum Evangelicos eligendi, præsentandi & admittendi.

§. 34. Has conditiones Electoris Saxonis legatus aliquatenus mitigavit, via facti ratione bonorum Ecclesiasticorum in perpetuum exclusa: via juris ad centum annos, qui ad alios centum prorogantur, si intra illos amicabili compositione res non possit transigi. Transactio Passaviensis, cum pace religiosa & ejusdem confirmatione pro perpetua regula habetur, ita tamen ne reservatum Ecclesiasticum pars sit essentialis religiosæ pacis. Tempus restitutionis ad annum vigesimum quartum reducitur, ut omnes pene status restituerentur. Qui ante illum annum gravati sunt, exhibitis gravaminibus, ut fas & æquum erit, restituuntur. Evangelici Status Ecclesiastici ad Comitia generalia & specialia vocantur, eisdemque sessiones & vota permittuntur.

§. 35. Verum nec eadem ex omni parte Catholicis placebant, qui de pertinacia & iniquitate adversæ partis apud Legatum Cæsareum graviter conquesti sunt, omissa cum Evangelicis ulteriore actione: ita totum negotium parum abfuit, omnino abruptum. Quoniam tamen

Catholici Legato Cæsareo potestatem fecerunt, ut ultimas suas condiciones & quantum descendere vellent, absque majore licentia Evangelicis explicaret, is, qui pacem toto animo exoptabat, ea in re facile se exorari passus est: Quamobrem reducta ad annum vigesimum quartum restitutione, & via facti in perpetuum exclusa centum anni propositi, intra quos suspensa omni contra possessores actione ab utraque parte Christiana & amica compositio tentetur, nec prius ab una aut altera parte vel jure agatur, vel vi, quam de norma & modo convenerit, secundum quem hæc causa decidi possit: interea Catholici reservato Ecclesiastico, paci religiosæ inserto, quiete fruuntur, & pro re nata contra mutantes religionem experiantur. Ratione Electionum & postulationum mos solitus cujusque loci & antiqua Statuta observantur, & vacante sede Capitula administrationem juraque Episcopalia in Augustanæ confessioni addicto exercent. Menses papales & aliæ collationes, Romanæ sedis juxta Concordata Germaniæ debitæ juxta usum anni vigesimi quarti deinceps manento: Annatæ verò, jura pallii & confirmationum Cæsareæ Majestati secundum antiquam computationem & quantitatem exsolvuntur, ut de iis sua Majestas prævio consensu Pontificis pro arbitrio disponere possit: Jus primariarum precum Imperatori salvum esto, cum hac tamen clausula, ut in Collegiis merè Evangelicis subjecta Augustanæ confessioni addicta præsententur, in mixtis verò utriusvis religionis. Quantum ad titulos, sessionem & Votum, quæ Foundationum illarum pos-

fesso-

seffiores sibi in Comitiiis imperialibus, conventibus deputationum, visitationum, aliisque communibus ac singularibus concedi postulant, consentiant Catholici, ut nomine Postulatorum ad Episcopatum &c. vocentur, concessis sessione & voto, si modo in illis libera adhuc electio in usu sit, nec bona Ecclesiastica in seculares Principum rationes translata, aut quoad Statum mutata, adeoque ab aliis Principibus in Comitiiis non exempta fuerint: sed & hoc ipsum non aliter quam conditionibus sequentibus. Primo, ut, qui titulos, sessionem & vota affectant, Cæsareæ Majestati postulationis & electionis suæ fidem faciant. Deinde: ne quis Episcopatum aliamve Ecclesiasticam dignitatem sibi vindicet absque Capituli electione, quam Cancellariæ imperiali intra annum & diem, postquam facta est, obsequiose insinuet, desuper impetrato Cæsareo indulto & præstito Imperatori homagio in temporalibus. Tertio, ut omnia Augustanæ confessioni addicta Capitula in circulis illis maneant, in quibus sita sunt, & votum habent; In Comitiiis verò, conventibus Deputationum, Revisionum, Visitationum, &c. pro jure quæsito sessione & voto loco tertio & separato gaudeant, requisitis eorum votis immediate post Catholicos, sed habita prærogativæ cujusque dignitatis Ecclesiasticæ ratione. Quarto Electus in Episcopum &c. si noluerit pro sua persona comparere, is Canonicos nonnullos cum aliis Consiliariis mittat pro conservatione Status Ecclesiastici. Imò, quamvis ipsemet compareat, nihilominus aliquos Collegii Sodales Consiliariis suis dicto fi-

ne adungere teneatur. Quinto Capitulationibus singulis vicibus interposito juramento caveatur, ne Electus vel postulatus Foundationes suas hæreditarias ullo modo efficere velit: sed Capitulo liberam electionem postulationemque relinquere. In quibuscunque Foundationibus Anno 1624. prope Augustanæ confessioni addictos Catholica religio viguit, ibi Catholicis ad easdem jus sit & aditus, nec non liberum suæ religionis exercitium, non electione, non præsentatione vel aliis viis turbandum. Alimonia verò illis, qui ob religionis mutationem suis beneficiis privati sunt, neutra pars præstare teneatur.

§. 36. Evangelici admissio centum annorum termino ad suspendendas omnes actiones concessio, restitutionis principium ab anno vigesimo primo fieri petebant, idque plenarie & pure, cum annulatione omnium in his causis latarum sententiarum, decretorum, transactionum & executionum: re in eo statu manere iussa, in quo anno vigesimo primo fuit. Ratione reservati Ecclesiastici, electionis, postulationis, jurium Papalium, precum primariarum, sessionum, votorum, titulorum, priora repetita, & in titulum Electi vel postulati sed citra præjudicium dignitatis consensum. De mixtis Collegiis idem temperamentum, quod ante propositum, termino restitutionis saltem mutato, & anno vigesimo primo definito.

§. 37. Ad hunc modum Ecclesiasticum reservatum pervarios & ancipites æstus jactatum est. Tandem præcipuò studio & opera Casareorum legato.

legatorum in certas conditiones post longas & difficiles altercationes feliciter conventum, quæ ex (a) instrumento pacis hæ sunt. Bona Ecclesiastica immediata quod attinet, siue sint Archiepiscopatus, Episcopatus, Pralatura, Abbatia, Balia, Prapositura, Commenda, siue libera fundationes seculares, aut alia, una cum redditibus, pensionibus, alijsq, quocunq, nomine signatis, seu in urbibus seu ruri sitis, ea seu Catholici, seu Augustana Confessionis Status die prima Januarii anni millesimi, sexcentissimi, vigesimi quarti possederint, omnia & singula, nullo plane excepto ejus religionis consortes, qui dicto tempore in reali eorum possessione fuerunt, usq, dum de religionis dissidiis per Dei gratiam conventum fuerit, tranquille & imperturbate possideant, neutriq, parti liceat alteri seu in judicio, seu extra, negotium facessere, multo minus turbas aut impedimentum aliquod inferre: Si verò, quod Deus prohibeat, de religionis dissidiis amicabiliter conveniri non possit, nihilominus hac conventio perpetua sit, & pax semper duratura. Si igitur Catholicus Archiepiscopus, Episcopus, Pralatus, aut August. Conf. addictus in Archiepiscopum, Episcopum, Pralatum electus vel postulatus solus aut una cum Capitularibus seu singulis seu universis, aut etiam alii Ecclesiastici religionem imposterum mutarint, excidant illi statim suo jure, honore tamen famaq, illibatis, fructusq, & redditus citra moram & exceptionem cedant, Capituloq, aut cui id de jure competit, integrum sit aliam personam

religioni ei, ad quam beneficium istud vigore hujus transactionis pertinet, addictam eligere aut postulare, relictis tamen Archiepiscopo, Episcopo, Pralato decedenti fructibus & redditibus interea perceptis, & consumptis. Hæc quantum reservatum Ecclesiasticum attinet: quæcunque enim de electionibus & postulationibus, jure primariarum precum, juribus papalibus, titulis, sessione, votoque postulorum, itemque de Collegiis mixtis amplius ibi disponuntur, suo quæque loco melius referemus.

§. 38. Duo articulus iste, sed invicem sibi connexa habet digna animadversione. Primum est de tempore restitutionis, quod hîc Transactione Passaviensi determinari videtur. Sed cum eo minus starent Principes Protestantes, varias ob causas, quas mox videbimus, in Osnabrugensi conventu aliud propositum: primo ab Evangelicis petitus annus decimus octavus, initialis civilis belli: verum iste à Catholicis ad annum vigesimum septimum reductus: inde Evangelici annum vigesimum primum petierunt: sed vigesimus quartus concessus & tandem utrinque placitus est, quo de hæc in (a) instrumento Pacis leguntur. *Terminus à quo restitutionis in Ecclesiasticis, & quæ intuitu eorum in politicis mutata sunt, sit dies prima Januarii anni millesimi sexcentissimi vigesimi quarti. Fiat itaq; restitutio omnium Electorum, Principum & Statuum utriusq; religionis, comprehensa libera imperii nobilitate, ut & communitatibus & pagis immediatis plenarie & pure, cassatis omni-*

(a) Art. 5. 5. 2. & 3.

mnibus interim in ejusmodi causis latis, publicatis & institutis sententiis, decretis, transactionibus, pactis seu dedititiis seu aliis, & executionibus, reductione ad Statum dicti anni dieiq; in omnibus facta. Et postea. Si ergo Status seu Catholici, seu Augustana confessioni addicti Archiepiscopatibus, Episcopatibus, beneficiis aut prebendis suis immediatis à die prima Januarii anni millesimi, sexcentissimi vigesimi quarti judicialiter aut extrajudicialiter exciderint, aut quocung; modo turbati fuerint, vigore harum illico tam in Ecclesiasticis quam politicis, omnibus novationibus abolitis restituantur: ita quidem, ut quacung; bona Ecclesiastica immediata die prima Januarii anni millesimi, sexcentissimi vigesimi quarti Catholico Presule regebantur, Catholicum caput recipiant, & vicissim, quæ dicto anno dieq; Augustana confessioni addicti possidebant, retineant etiam in posterum, remissis tamen, quæ una pars contra alteram pretendere posset, perceptis interea fructibus, damnis & expensis. (Ad Art. 6. verb. Zu Zeit des Passauischen Vertrags.)

§. 39. Alterum, idque ante nuperam pacificationem plenissimum contentions de Collegiis & bonis Ecclesiasticis mediatis agit: quondam enim acerrimè armis & calamo certatum, quantum in iis Principibus per territorialis superioritatis jus ratione reformationis liceat? Catholici volebant, omnia monasteria & mediatas fundationes post Passaviensem transactionem nec reformari potuisse, nec sponte aliam religionem, præter Catholicam Romanam, amplecti.

Con.

Contrarium visum Protestantibus, qui dum jure suo in sibi subjectos utuntur; nemini injuriam facere credi cupiebant. Utraque pars plurimas rationes pro sua causa adduxit: Hi quidem, quod juxta ipsam religiosam pacem à jure territoriali potestas publici exercitii religionis instituendi, & quæ ab eo dependent, oriatur, quam etiam Status sibi oppido post edictum Wormatiense, in reformatam religionem perquam grave & injuriosum in Comitibus Spirensibus Anno 1526. habitis reservaverint, ubi nimirum constitutum, ut quivis Status imperii religionis curam in suis Provinciis & Dominiis ita habere possit, sicut coram Deo & Cæsarea Majestate id confidat tueri: & licet in Annis 1529. & 1530. contra istam libertatem iratissimis edictis sævitum sit, quod nihilominus Anno 1530. Augustana confessio exhibita, in qua & articulus de votis & vita monastica positus, anno sequenti accepta, & à Carolo V. per Comitem Palatinum Rheni & Brandenburgicum Evangelicis pax religiosa oblata, & mox Noribergæ opera Saxonis & Hessi primùm conclusa fuerit, inhibitoriumque Cameræ, ne ratione spoliis à Catholicis prætenfi in processibus ulterius progrediatur, quod omne Cadavi porro declaratum & confirmatum. Nec aliud literas à Statibus Evangelicis Anno 1538. publicatas sibi velle, in quibus Protestantes sufficienter exprimunt, se in suis territoriis duplicem divinum cultum tolerare non posse. Tum actiones Francofurti Anno 1539. & Hagenoæ Anno 1540. habitas idem declarare, præcipuè cum Evangelici eo tempore reformationem

valde

valde urserint, ob perditæ & dissolutæ vitæ, in monasteriis agitari solitæ, scandalum, quod in tantum excreverit, ut Pontifices etiam, Adrianus & Paulus III. de emendatione serio cogitasse credantur. Adhæc declarationes Caroli V. Imperatoris, de Anno 1541. & ipsos Imperii Recessus non diffiteri, conceptis verbis decernentes, ut monasteria integra conserventur, & unicuique, in cujus imperio sitæ sunt, liceat eadem ad Christianam reformationem pertrahere: quod utique de solis Evangelicis intelligendum, quandoquidem de Catholicis ne quidem tale præsumi possit, & Recessus Anno 44. publicatus clausulam hanc expressam habeat, non attento, cujus religionis sint: in Spirenſi etiam Recessu propositiones à Cæsarea Majestæte factas, & in iis substantiam declarationis supra dictæ contentâ esse, in quo Recessu de Anno 44. Saxonicus Elector Anno 1552. Lincii replicam suam fundaverit, addito, Evangelicos quantum sibi constet, eo contentos esse: quemadmodum idem Electos Passavii prolixo scripto vehementer conquestus est, quod præcipuus minister Cæsareus dixerit: Spirensem Recessum eo colore sufflaminatum iri, quod tunc temporali quid fuerit dandum: nec minus Cæsaream declarationem Anno 1541. factam variis protelationibus declinandam nonnullos censuisse, quo nomine Catholicos ipsos Anno 1555. succensuisse certum sit. Porro in actione Passaviensis transactionis & pacis religiosæ supra memoratam declarationem cum Recessu Spirenſi non sublatam, sed potius rei Ecclesiasticæ ordinationem superioritate ter-
rito.

ritoriali definitam esse, dum scilicet Cæsarea Ma-
 jestas & Status ea mente fuerint, ut exactissima
 per omnia æqualitas inter Status in causa reli-
 gionis deinceps servetur, & quod uni, id & alte-
 riliceat, teste locupletissimo declaratione Fer-
 dinandi super religiosæ pacis primam delineatio-
 nem: Regiam quoque Majestatem cum solis Sta-
 tibus imperii actionem instituisse, cui nullus Or-
 do Ecclesiasticus mediatum interfuerit: edictum
 pacificatorium Evangelicorum in pace religiosa
 universale esse, & tam de futuro tempore, quam
 præterito conceptum: jurisdictionem Ecclesia-
 sticam in eorum territoriis penitus suspensum,
 nec vel levissimam conjecturam, rationi consen-
 taneam extare, quod Evangelici declarationi illi
 & Recessui Spirensi renunciaverint, qui, si id fe-
 cissent, à priori intentione exterminandi scan-
 dala & libidines ex suis territoriis, destitissent,
 & sic nullo metu, nulla vi cogente, spontanea in-
 curia remisissent, quod ipsimet paulo ante pio &
 laudabili zelo fortiter obtinuerint. Nec esse
 præsumendum, si aliud in pace religiosa placuis-
 set, quod heroicæ mentes, germana fide & can-
 dore summo ornatæ, paucis mensibus post ab eo,
 quod ibi tam sanctæ promiserint, levissimo in-
 genio descivissent. Extare Evangelicorum Sta-
 tuum sententiam, durante tractatione religiosæ
 pacis propositam, quæ eo collimet, ut inter Sta-
 tus imperii mutua pax sit, nec unus alterum in
 causis religionem concernentibus gravare, aut
 subditos alterius ad se pellicere possit, sed unus-
 quisque, quantum ad jurisdictionem Ecclesiasti-
 cam, Clerum & bona, quæ non sunt feuda im-
 perii

perii, ita se gerat, sicut id coram Deo & hominibus audeat defendere, cuius rei quoque Cæsarea Majestas in annis 1556. & 57. quando lis illa à Catholicis intempestive suscitata est, prudenter meminerit, & iudicio æquissimo sub favillis latens incendium restinxerit. Cæsaream Majestatem aliquoties apud Evangelicos pro quibusdam Ordinum Sodalibus intercessisse, ut illis ad dies vitæ alimenta præberentur, imo cum Pontifice ipso in certos tractatus, inter Status nonnullos & Ordines initos (quibus hi exili pretio accepto locum mutare debuerunt, ut Eslingæ, Lindavi & alibi contigit) consensisse, quod haudquaquam fuerit factura, si Statibus juis reformandi non competiisset, quo Catholici ipsi eveniente casu utantur, vocata in adjutorium declaratione Caroli V. & Spirensi Recessu jam sæpius allegatis, ut ex eorum gravaminibus Anno 1594. exhibitis & inhibita Evangelicis ex eodem fundamento reformandi potestate patet, quod in specie adversus Pappenheimium in causa Collegii Gronenbachici Anno 1591. ab Episcopo Augustano & Abbate Campidunensi factum. Si literalis religiosæ pacis dispositio cum intentione & sensu extra dubium esset, Assessores Camere imperialis illud non suscitatos, & ad imperii Comitia remissuros fuisse, (secus quam annis 1557. & 1556. fecerint, ubi pro declaratione & authentica interpretatione sollicitè supplicarunt) nec super ea re sæpius consilium plenum habituros, multo minus Abbati Donawerdeni ad S. crucem contra Comitem Palatinum Philippum Ludovicum, itemque Cathusio Erfurdeni

denſi contra Vinarienſem Saxonem petitos proceſſus eo nomine denegaturos, quod ſupplīcantes non ſint Status imperii : aut alios ab Abbate Monafterii Pœdeſholmenſis adverſus Ducem Holſatum impetratos Anno 1578. per ſententiā cum adjudicatione expenſarum juſtificata medietate caſſaturos. Ab Imperatoribus & Regibus Romanis plurima reſcripta eodem ſenſu emiſſa, ut tam ex ſententia Ferdinandi primi in cauſa Epīſcopi Auguſtani contra Ottonem Heinricum Electorem Palatinum propter quatuor pagos in judicio provinciali Hochſtettentiſi ſitos, quam Ferdinandi II. decretis, in litigiis Neoburgi Principis emiſſis, ubi ſemper juridiſctione territoriali juſ reformandi & conſtituendi Statum Eccleſiaſticum determinatur, clariſſime liquet. Quæ omnia eo magis locum habere, quod plurima pars Electoratuum & Principatuum in Statibus Provincialibus, quibus & Prælati accenſendi, fundata ſit, & eo intuitu onera imperii majora perferat : His ſi monaſteria adimantur, ſuſpenſis redditibus & debitis, exinde nihil aliud quam diſmembrationem omnium Electoratuum & Principatuum, aliarumque dominationum ſecuturam, ut ejus rei jamjam triſtiſſima exempla in promptu ſint. Paragraphum verò religioſæ pacis, *diemeißen* / non eſſe ad fundationes & monaſteria mediata trahendum, id ex gravaminibus ſcriptis publicis Evangelicorum, tum Saxonis Electoris literis ad Cæſaream Majeſtatem in puncto ediſti datis ſufficienter intelligi, quemadmodum apud Evangelicos de Protocollo, in Ediſto Ferdinando allegato nihil reperiri poſſit,

possit, quin submissiones, inibi etiam perstrictæ
 testibus actis imperialibus, imprimis de annis
 1566. 76. 82. 94. 1613. in aliis longe terminis lo-
 qui, & eam prætensionem Evangelicos Status
 semper pro restrictione vel extensione religiosæ
 pacis habuisse, in quam propterea nunquam con-
 senserint, sicut Elector Saxonæ Christianus II.
 Anno 1608. ad Cæsaream Majestatem scripserit,
 clausulæ restitutoriæ à Catholicis petitiæ bona
 conscientia à se non posse deferri.

§. 40. Illi, id est Catholici, longè aliter sentie-
 bant. Scilicet paragraphum religiosæ pacis, Und
 damit solcher Fried/qui de libero Augustanæ Con-
 fessionis fideique exercitio, nec non ceremoniis
 & Ecclesiasticis Constitutionibus agit, mali-
 gnè ad plenam libertatem & licentiam occupan-
 di ea Ecclesiastica bona, quæ in aliorum Princi-
 pum territoriis sita sunt, extendi; idque tam re-
 ligiosæ paci ipsi, quam aliis Constitutionibus Im-
 perii luculenter adversari. Ac primo quidem
 in religiosa pace, paragrapho Dagegen sollen/con-
 ceptis verbis provisum esse, ut Augustanæ Con-
 fessionis addicti Catholicos Status in quietâ pos-
 sessione & usu religionis, fidei, Constitutionum
 Ecclesiasticarum, ceremoniarum, tum bonorum
 mobilium & immobilium, jurium, reddituum,
 decimarum, &c. ut nunc sunt, deinceps perma-
 nere sinant, non attento, quocunque Aulæ suæ
 sedem transtulerint, omnique vi & turbatione
 interdicta, quod in §. damit auch clarè repetitum
 & confirmatum, jurisdictione Ecclesiastica con-
 tra Augustanæ Confessionis addictos non aliter
 quam expressa hac conditione suspensa, ut hæc

R

suspens-

suspensio Ecclesiasticis Statibus, Collegiis, Monasteriis, Ordinibus, in juribus suis & proventibus nullum præjudicium faciat. Quamobrem Status Augustanæ Confessionis in §. diu weil aberratione bonorum Ecclesiasticorum mediatorum, quæ ante Passaviensem transactionem occuparunt, specialiter sibi caveri voluisse, qua cautione opus non fuisset indistincta reformandi libertate admissa. Quamvis verò Protestantes sæpiusculè tentaverint, mentem constitutionis eo torquere, quasi ea tantum Ecclesiastica bona concernat, quæ Imperio immediatè subjecta sunt, non quæ in Statuum territoriis sita: sensum tamen literalem adeò indubium esse, ut ejusmodi interpretationem nullo modo admittat, quippe in dicto §. post Imperii Status alios etiam Ecclesiasticos nominari, quorum mentio esset omissenda, si non nisi Imperii Status illa dispositione continerentur. Paucissima enim monasteria & ordines: imò verò nulla penè collegia Status esse, quorum tamen cùm hic §. tum præcedens, damit auch/ qui sese ad hunc refert, expressè meminit. Deinde Imperii Constitutiones, & in specie Recessum de Anno 1541. §. Und damit im Heil. Reich inhibere, ne quis cujuscunque conditionis sit, alium ob fidem & religionem usque ad Concilii Nationalis judicium turbare aut spoliare possit, sed reducta Christiana concordia Ecclesiasticis imprimis personis, quæ de turbatione conqueruntur, redditibus suis & decimis liceat uti frui, quod idem in Recessu de Anno 1541. repetitum, addita regula, quid in illis proventibus tenendum sit, qui Collegio aut monasterio

sterio debiti in diversis Statuum dominiis situantur. Nec posse negari scopum & intentionem religiosæ pacis fuisse antiquam inter Status concordiam restabilire; certè non hâc ratione procurandam, si Catholici ordines cum Imperatore suo quotidie Ecclesiasticos non ob aliam causam, quam Catholicam religionem, suis bonis exui videre & pati debuerunt? Sensus §. Unde dâmit ad solos Principum Protestantium subditos laicos pertinere, non nisi licentiosè ad monasteria & ordinem Ecclesiasticum extendendum. Licet verò Monasteria & Ecclesiastica bona certo modo provinciis & rationibus secularibus connexa sint, quantum tamen administrationem, electionem, jura confirmandi, investituræ, aliæque ordinariis locorum competentia attinet, non agnoscere seculare imperium. Porro in religiosa pace de subditis disponi, ut ex religionis causa emigraturi bona sua possint divendere, quæ igitur probabile sit subditos Ecclesiasticos ea in re pejoris conditionis fuisse, quos licuit ex Protestantium mente liberè & impunè omnibus boni Ecclesiasticis nullo pretio refuso ejicere? Catholicorum dissensum sufficienter ex eo colligi, quod post prima statim attentata severè & vehementer reclamaverint, gravaminibus ad tempora usque Monasteriensis pacis productis. Certè dubitasse aliquando Cameræ Assessores hac in causa, sed medietatis tantum intuitu, an medietis personis Ecclesiasticis ex capite religiosæ pacis processus sint decernendi: non verò an istæ possint à Protestantibus jure bonis suis ejici. Verum & idem dubium in Recessu de Anno 1566.

penitus decisum, qui jubet unicuique ob religionem gravato jus dicere : eamque dispositionem Cameram Imperialem postea tam in causa quatuor Monasteriorum, quàm aliis, decretis processibus, jugiter secutam.

§. 41. Habes utriusque partis rationes : difficile est discernere, quæ meliore jure nixa sit. Vereor tamen, ne ex dispositione & mente religiosa pacis, re citra studium & affectus maturè considerata, Catholici vicissent, quod uberius nunc persequi longum nimis esset. Sanè Ferdinando II. Catholicorum potior causa visa est, pro qua & in edicto suo pronunciavit. Sed cum eo stare Evangelici noluisent, in conventu Osnabrugensi hinc inde tollendi dissidii causa variè deliberatum : primo utrique suo juri inhærebant, quod sibi tribuere. Deinde ab Evangelicis propositum, se pacis causa consentire, ut Monasteria & mediata Ecclesiastica bona post annum hujus seculi decimum octavum reformati in pristinum statum restituantur, prohibita in posterum omni ulteriore reformatione, hac tamen conditione, ut fundationes, Monasteria & bona Ecclesiastica antiqui ordinis sodalibus permaneant, quorum bono erecta sunt : nec in ea ullo tempore Jesuitæ admittantur. Cæterum quæcunque ante illum annum tenuerint, iis amplius nec cedere posse nec velle, imò verò restitui cupere, quorum possessione, quam decimo octavo anno adhuc habuerunt, dejecti sunt, non attenta ulla exceptione aut scrupulo, quem Catholici propter beneficia nonnulla & Monasteria moverunt, quasi exempta essent, extra territorium, aut non

de territorio Evangelicorum , itemque rejecta quaestione, an bona illa jure suffraganeatus , Diaconatus , aut alio nomine Statibus Imperii obligata sint. Sed id solum respici deberi, an Evangelici quacunque anni decimi octavi parte in possessione fuerint. Electionem tempore & loco consueto peragendam , qua cessante Magistratui Evangelico fas sit ex jure devoluto vacantium Præbendarum curam gerere & idoneas personas in locum decedentium surrogare. Ad hæc Conventibus , eorundemque majori parti liberum esto Evangelicos Abbates , Priores & Conventuales eligere. Evangelicam religionem amplecti , aut bona sua Magistratui Evangelico resignare. Paucis verò aut singulis sodalibus religionem mutantibus ad dies vitæ suis beneficiis fruendi jus fasque sit. Inspectio, Visitatio, Confirmatio, & his affinia , itemque rationum reddendarum examen, ut olim fuit , ita deinceps maneto. Sodales verò, & eorum administri, sive Ditecesanum recognoscant, sive non, in civilibus & criminalibus Magistratui Evangelico subiecti sunt, & consueta onera sine detractione portanto : salvis Magistratui & Statibus Provincialibus in illis monasteriis & beneficiis omnibus jurebus, justè acquisitis, nec non integra libertate eligendi Evangelicos iis in locis, quibus id anno decimo octavo fieri consuetum.

§. 42. Catholici decimo octavo anno ad vigesimum septimum reducto, nec non admissa quadraginta annorum possessione postularunt, ut & in posterum ab omni turbatione absterneatur, & quicquid demum post annum decimum septi-

mun à Protestantibus occupari ceptum , plene restituatur. A beneficio tamen termini vigesimi septimi anni, ut & possessionis ad quadraginta annos omnia ea Ecclesiastica bona excipienda, in quibus vel titulus pristinae possessionis expiravit, vel judiciali sententia aut pactis particularibus aliquid jus Catholicis quaesitum.

§. 43. Cum non convenirent , ab Oratoribus Caesareis annus vigesimus quartus juxta Saxonis consilium propositus, extensa possessione ad centum annos, quam, qui eo anno habuerunt , retineant, aut in amissam ita restituantur, ut nullum adversa partis quaesitum jus contra valere debeat, exceptis saltem iis bonis , quae notorie extra territorium occupantium sita sunt, aut alio modo Catholicis Statibus incorporata. In mixtis Collegiis ratio possessionis anni vigesimi quarti habeatur, quae ita manere debeat, sicut eo anno fuit. Quantum ad jura praetensionis, inspectionis, visitationis, confirmationis, correctionis, electionis ex jure devoluto, nec non constituendi pastores in monasteriis, quae Augustanae Confessionis Status dicto anno vigesimo quarto habuerunt, ea omnia deinceps ita exercent, ut ex eorum usu nullum praedictum Catholicis creetur, nec sub tali praetextu aliqua mutatio vel circa personalia vel realia fiat, multò minùs Catholicis Superioribus & Magistratui impedimento in illis sint , quae vel de jure vel consuetudine legitimo titulo acquisiverunt.

§. 44. Ad haec Evangelici admissa centum annorum possessione restitutionis ut & possessionis terminum vigesimo primo anno terminarunt, rejecta

rejecta exceptione bonorum extra territorium occupantium sitorum, ut & mensibus papalibus omnino rejectis, salvo tamen Cæsareæ Majestati primariarum precum jure, quamvis ad qualitatem defunctæ personæ restricto.

§. 45. Denique post longas disceptationes in (a) has leges conventum. *Quacunque Monasteria, Collegia, Ballivias, Commendas, templa, foundationes, scholas, Hospitalia, aliave bona Ecclesiastica mediata, ut & eorum redditus, jurag, quocunque ea nomine appellata fuerint, Augustana Confessionis Electores, Principes, Statius, anno millesimo, sexcentesimo vigesimo quarto die prima Januarii possederunt, eadem omnia & singula, sive retenta semper, sive restituta, sive vigore hujus transactionis restituenda, iidem possideant, donec controversia religionis amicabilem partium compositione universali definiantur, non attentis exceptionibus, sive ante sive post transactionem Passaviensem aut pacem religiosam reformatam & occupata, aut quod non de vel in territorio Augustana Confessionis Statuum, vel exempta, vel aliis Statibus jure Suffraganeatus, Diaconatus aliave quavis ratione obligata fuisse dicuntur, unicum solumq; hujus transactionis, restitutionis, observantiaq; futura fundamentum sit die prima Januarii anno millesimo sexcentesimo vigesimo quarto habita possessio, irritis prorsus exceptionibus, qua ex introducto alicubi locorum exercitio, interimistico, vel anterioribus aut secutis pactis generalibus aut specialibus trans-*

R. 4

Etioni-

(a) I. P. Art. 5. §. 9.

ctionibus, vel litibus motis, causisve decisis, vel etiam decretis, mandatis, rescriptis, paritoris, reversalibus, liti pendentiis vel aliis quibuscumque pretextibus & rationibus desumi possent. Ubi igitur supradictorum omnium bonorum, eorundem pertinentium, fructuumve Augustana Confessionis Statibus aliquid quovis modo aut pretextu sive judicialiter sive extrajudicialiter à dicto tempore interversum aut ademptum est, omnino absq. mora & indistincte, (interq. illa specialiter etiam Monasteria, fundationes, atq. bona Ecclesiastica omnia & singula à Principe Wirtembergico anno millesimo sexcentesimo vigesimo quarto possessa) cum suis pertinentiis, redditibus & accessionibus ubicunque sitis, una cum amotis documentis in priorem statum restituantur, nec Augustana Confessionis addicti posthac in habita vel recuperata possessione ullo modo turbentur, sed ab omni persecutione juris & facti perpetuo tuti sint, donec controversia religionis composita fuerint. Omnia quoque Monasteria, Fundationes & Sodalitia mediata, quæ die prima Januarii anno millesimo, sexcentesimo, vigesimo quarto Catholici realiter possederunt, possideant & ipsi similiter, ut in Augustana Confessionis Statuum territoris & ditionibus ea sita sint, non tamen in alios religiosorum ordines, quam quorum regulis primitus dicata sunt, commutentur, nisi talium religiosorum ordo plane interciderit, tunc enim Magistratui Catholicorum liberum esto, ex alio in Germania ante dissidia religionis exorta usitato ordine novos religiosos substituere. In quibus-

quibuscumq; vero Foundationibus, Ecclesiis Collegiatis, Monasteriis, Hospitalibus, ejusmodi mediatis Catholici & Augustana Confessione addicti promiscue vixerunt, vivant etiam posthac promiscue numero prorsus eodem, qui die prima Januarii anno millesimo, sexcentesimo, vigesimo quarto ibidem repertus fuit: publicum etiam religionis exercitium idem maneat, quod quovis in loco dicto anno dieq; usitatum fuit absque unius vel alterius partis impedimento. In quibuscumque etiam Foundationibus mediatis anno millesimo, sexcentesimo vigesimo quarto die prima Januarii Sacra Casarea Majestas primariae preces exercuit, exerceat eas & in posterum ad modum circa bona immediata, superius explicatum. Idem plane hic observetur de mensibus papalibus, quod supra de iis s. quinto dispositum est. Conferant etiam Archiepiscopi, & quibus aliis id juris competit, beneficia mensium extraordinariorum: Quod si quoque Augustana Confessione addicti in ejusmodi bonis Ecclesiasticis mediatis dicto anno dieq; à Catholicis realiter, plene vel ex parte possessis jura presentandi, visitandi, inspectionis, confirmandi, corrigendi, protectionis, apertura, hospitalitatis, servitiorum, operarum habuerunt, item parochos, prepositos ibi aluerunt, jura ista illic sartateq; maneat: etsi electiones debito tempore modo ve non fiant, prabendiarum vacantium distributio & collatio in ejusdem religionis personas, cujus decedens fuit, ex jure devoluto ad eosdem pertineat, modo per hoc in istiusmodi bonis mediatis instituto Catholica religionis ni-

hil præjudicetur, & Magistratus Catholicorum Ecclesiastico jura sua ex instituto Ordinis in ipsos religiosos competentia salva & illibata sint : quibus etiamsi electiones aut collationes præbendarum vacantium debito tempore factæ non fuerint, jus devolutum salvum esto.

§. 46. Jurisdictionis Ecclesiasticæ suspensio ab Augustanæ Confessione addictis & Catholicis Statibus diversimodè accepta : illi ita suspensionem agebant, ut nec adversus se, nec subditos eorum mediatos aut immediatos ullo colore exerceri possit, sublatis omnibus quondam à Romanis Pontificibus cum Imperatoribus habitis transactionibus, concordatis, canonibus, & quicquid religiosæ paci præjudicium facit : nimirum citationibus Nunciorum Pontificiorum, dispensationibus, Præbendarum collationibus, protestationibus, provisionibus, concessionibus, commissionibus à Romana fede emissis, denique judiciis in matrimonialibus causis. Hi causas & casus, quibus jurisdictio suspensa est, conceptis verbis in pace religiosa expressos contenderunt, scilicet contra Augustanam Confessionem, religionem, fidem, Ministerii ordinationem, consuetudines Ecclesiasticas, constitutiones & ceremonias : reservata Archiepiscopis, Episcopis aliisque Prælatibus pro jure quovis loco quæsito potestate jurisdictione Ecclesiastica in aliis rebus Protestantium religionem non concernentibus utendi. In tractatu pacis Osnabrugensi Evangelicis visum, huic gravamini non aliter prospici posse, quàm sublata jurisdictione Ecclesiasticâ & juribus papalibus plenissimè cum omnibus suis

luis speciebus ; contra Augustanæ Confessioni addictos seu privatos, etiam Catholicorum subditos in perpetuum non exercendis. Catholici in suæ religionis sectatores jurisdictionem Ecclesiasticam liberam & nullo colore impediendam petierunt, cum eam Ordinarii, aut ex horum defectu vicini Episcopi, vel quibus id de jure competit, visitando, corrigendo, deponendo, confirmando, aliove quocunque modo in clerum & religiosos, tum templa, Monasteria & bona Ecclesiastica in Statuum Augustanæ Confessionis addictorum ditionibus sita exerceant. Causæ matrimoniales eo demum casu seculari foro cedant, si & utraque pars litigans Augustanæ Confessioni sit addicta, & Magistratus Laicus in possessione vel quasi cognitionis constitutus. Ubi vero Ordinarii possessionem judicii etiam inter partes Augustanæ Confessionis utrinque addictas retinuerunt, ut & cum una pars, sive actor sive reus, aut utraque Catholicam religionem profitentur, tunc in quieto jurisdictionis suæ exercitio manento. Aliæ verò ad Consistoria Ecclesiastica pertinentes causæ, quæ Augustanam Confessionem, & ab ea dependentia non concernunt, ut jura patronatus, decimæ, sacrilegia & cætera, Ordinariis illibata sunt, quibus liceat sacrilegos nullo religionis discrimine judicare & punire. Postea possessio jurisdictionis, quam Magistratus secularis in causis matrimonialibus habuit, anno vigesimo quarto terminata, casu tamen existente, quo & utraque pars, vel reus Augustanæ Confessionis addictus est: Catholicis vero partibus, aut saltem reo Catho-

lico in foro Ecclesiastico litigator : in reliquis jurisdictione Episcopis adversus monasteria , bona & personas Ecclesiasticas salva esto. Cùm Evangelici non plene assentirent , nisi quantum ad Catholicorum subditos , qui foro Ecclesiastico respondere teneantur in causis Augustanæ Confessioni non præjudicialis , (a) Instrumento pacis lis hac lege composita. *Jus Diæcesanum*, & tota jurisdictione Ecclesiastica cum omnibus suis speciebus contra Augustanæ Confessionis Electores, Principes, Status, (comprehensa libera imperii Nobilitate,) eorumq; subditos tam inter Catholicos & Augustanæ Confessioni addictos, quàm inter ipsos solos Augustanæ Confessionis Status, usq; ad compositionem Christianam dissidii religionis suspensa esto, & intra terminos territorii cujusq; jus diæcesanum & jurisdictione Ecclesiastica se contineat; Ad consequendos tamen redditus, census, decimas & pensiones in iis Augustanæ Confessionis Statuum ditionibus, ubi Catholici anno millesimo, sexcentesimo vigesimo quarto notorie in possessione vel quasi exercitii jurisdictionis Ecclesiastica fuerunt, utantur eadem posthac quoque, sed non nisi in exigendis hisce pensionibus, nec procedatur ad excommunicationem nisi post tertiam demum denunciationem. Catholicorum Augustanæ Confessioni addicti Status Provinciales & subditi, qui anno millesimo sexcentesimo vigesimo quarto Ecclesiasticam jurisdictionem agnoverunt, in iis casibus modo dictæ jurisdictioni subsint, qui Augustanam confessionem nullatenus

con-

concernunt, modo ipsis occasione processus nihil
 iungatur Augustanae Confessionis vel conscien-
 tiæ repugnans. Eodem etiam jure Augustanae
 Confessionis Magistratum Catholici subditi
 censcantur, inque hos, qui anno millesimo sex-
 centesimo vigesimo quarto publicum religionis
 Catholicae exercitium habuerunt, Jus Diæce-
 sanum, quatenus Episcopi illud dicto anno quie-
 te in eos exercuerunt, salvum esto. In quibus
 Civitatibus vero imperii mixta religionis exer-
 citium in usu est, Catholicis Episcopis contra Ci-
 ves Augustanae Confessionis nulla sit jurisdictio.
 At Catholici juxta observantiam dicti anni
 millesimi sexcentissimi vigesimi quarti suo jure
 experiantur. (Ad art. 7. verb. soll die Geistliche
 Jurisdiction.)

§. 47. De redditibus, censibus pensionibus
 & decimis tria potissimum constituta: primo, ut
 redditus illi, quocunque nomine veniant, qui
 antiquæ religionis Statibus in ditionibus Sta-
 tuum Augustanae Confessionis competunt, de-
 inceps illis sine contradictione aut impedimento
 cedant. Secundò: ne illa reddituum solutio Sta-
 tuum juribus & superioritati legitimo titulo
 quæsitæ præjudicio sit; & tertio ut ex proventi-
 bus iisdem Augustanae Confessionis Status Ec-
 clesiarum suarum ministeria necessaria, Sacer-
 dotia & scholas, itemque eleemosynas atque xe-
 nodochia, quibus ab illis olim provisum est,
 nunc quoque possint alere & sustentare. Hujus
 legis primum caput ab Evangelicis in eum sen-
 sum tractum, quasi ipsis vicissim redditus ceden-
 di sint, qui Foundationibus à se occupatis & re-

formatis in territoriis Catholicorum Statuum debentur, unde speciale gravamen hac de re in Osnabrugensi Pacis tractatu ab Evangelicis desuper productum: Sed Catholici se reservato Ecclesiastico ut & exceptione iniquæ possessionis Foundationum mediatarum, post transactionem Passaviensem occupatarum excusarunt. Inde ad possessionem annorum decimi octavi, vigesimi septimi, quarti & primi, nec non quadraginta vel centum annorum detentionem pro utriusque partis captu recursum. Donec (a) pace Westphalica ita hac de re cōvenit. *Ratione reddituum cujuscunq; generis ad bona Ecclesiastica eorumq; Possessores pertinentium ante omnia observetur id, quod in pace religionis, s. Dagegen sollen die Ständte der Augspurgischen Confession: s. alsdann auch den Ständten der alten Religion: dispositum invenitur. Illi verò redditus, census, decime, pensiones, qua vigore jam dictæ pacis religionis Statibus Augustana Confessionis ob immediatas vel mediatas Foundationes Ecclesiasticas ante vel post pacem religiosam acquisitas è Catholicorum Provinciis debentur, quorumq; in possessione vel quasi percipiendi anno millesimo, sexcentesimo, vigesimo quarto, die prima Januarii fuerunt, absq; ulla exceptione solvantur. Si alicubi etiam Augustana Confessionis Status quadam Protectionis, Advocatiae, Apertura, Hospitalitatis, operarum aut alia jura in Catholicorum Ecclesiasticorum ditionibus & bonis, sive intra, sive extra territorium sitis legitimo usu aut concessione habuerunt,*

(a) J. P. art. 5. §. 15.

runt, quemadmodum etiam Catholici Status, siquid ejusmodi ipsis circa bona Ecclesiastica Augustana Confessionis Statibus acquisita competit, omnes ex aquo jura sua pristina retineant, ita tamen, ut ne per usum ejusmodi jurium bonorum Ecclesiasticorum redditus nimium praegraventur & exhauriantur. Reditus etiam, nec non decima, canones & pensiones Augustanae Confessionis Statibus, Foundationibus jam destructis & collapsis ex alienis territoriis debitis exsolvantur, qui anno millesimo, sexcentesimo vigesimo quarto die prima Januarii in possessione perceptionis vel quasi fuerunt: Quae vero ab anno millesimo, sexcentesimo vigesimo quarto destructa fuerunt, aut in futurum concident, earum pensiones etiam in alienis territoriis Domino destructi Monasterii seu loci, in quo id situm fuit, exsolvantur: Quae itidem Foundationes die prima Januarii anni millesimi, sexcentesimi, vigesimi quarti in possessione vel quasi juris decimandi e bonis Novilibus in alieno territorio fuerunt, sint etiam in posterum, nihil autem novi juris quaratur. Inter ceteros Status Imperii & subditos id juris esto, quod jus commune, vel cujusque loci consuetudo & observantia de decimis ex bonis Novilibus constituunt, aut per pactiones voluntarias conventum est. (Ad art. 8. verb. Rent / Zins / Güld und Gehenden.)

§. 48. Haud minor olim controversia fuit de libertate religionis Vasallis & subditis Statuum concedenda. Universum causae hujus argumentum in duas partes sibi invicem oppositas

commode dividi potest. Prima quærit, quantum Statibus jure liceat in impedienda aut coercenda subditorum libertate circa religionem? Altera verò quantum subditis in sumenda? vel jam sumpta tenenda? Illam, quæ jure reformandi potissimum absolvitur, cum supra attigimus, tum pleniore apparatu alibi excutiemus. Hæc hujus loci propriè est, de qua & pax religiosa agit. Itaque quod sumendam libertatem mutandi religionem attinet, ea vix est, ut ex religiosa pace subditis concessa probari possit. Cum enim hunc articulum Status Protestantes ita concessissent, ut utriusque partis subditis conscientia & confessio fidei libera sit, à Magistratu diversæ religionis non impedienda, id nullo modo à Catholicis impetrari potuit, qui eam libertatem licentiam interpretati sunt, seditionis, tumultuum & contumacis superbiæ adversus legitimos Magistratus fomitem. Tandem re ad Imperatoris Ferdinandi arbitrium remissa post varias difficultates exclusis omninò subditis mediatis & Civitatibus Hanseaticis, quæ Status Imperii non sunt, id modò impetratum, ut sola immediata Nobilitas religiosa pace includeretur. Sed id ægerrime Protestantes habuit, indignantes, salutarem Evangelii cursum per conscientiarum carnificinas & servitutem impediri: quare variis querelis ob id hinc inde ortis, & præcipue in tractatu Osnabrugensi repetitis (a) instrumentum pacis moderationem quandam videtur adhibuisse, constituendo, ut *subditi, qui*
 POST PACEM PUBLICATAM DEINCEPS FUTURO TEM-
 PORE

(a) Art. §. 5. 12. verb. Placuit porro.

pore diversam à Territorii Domino religionem profitebuntur, & amplectentur, patienter tolerantur, & conscientia libera domi devotioni sua sine inquisitione aut turbatione privatim vacare, in vicinia vero, ubi & quoties voluerint, publico religionis exercitio interesse, vel liberos suos exteris sua religionis scholis, aut privatis domi Præceptoribus instituendos committere non prohibeantur, sed in cæteris officium suum cum debito obsequio & subjectione impleant, nullisq; turbationibus ansam præbeant. (Ad art. 11. verb. denen soll solcher Ab- und Zuzug.)

§. 49. Et hæc quidem de sumenda libertate, qua de in religiosa pace nihil dispositum: articulus enim, wo aber unsere /c. ad sumptam pertinet, ut jam dicemus. Jus tuendi & conservandi mutatam, ante religiosam pacem, religionem in illa pace diversimode perhibetur à Catholicis & Protestantibus. Illi necessitatem emigrandi in alias terras, ubi exercitium Augustanæ Confessionis liberum viget: Hi voluntariam emigrationem, cum jure permanendi & privatim suæ pietati vacandi conjunctam, adempta Statibus reformandi subditos potestate. Utraque pars se pace religiosa & rationibus aliis fundabant. Augustanæ Confessionis Status quidem, quod religiosa pax sit res communis & constitutio publica, quæ, sicut & pax publica non tantum Status Imperii, sed & omnes eorum subditos concernat, quam & omnes servare oporteat, & qua omnes gaudere, nullo penitus ab ejus gratia & beneficiis excluso. Quod nemo, qui-

S

cunque

cunque ille sit, in conscientia sua vim pati debeat, sed quivis in possessione suæ religionis relinquendus sit. Si secus fiat, diffidentia & dissidiorum semina inter Status feri, cum Evangelici haud possint æquo animo ferre, ut eorum fidei consortes ob puram & veram Evangelii confessionem continuis premantur injuriis, aut ad defectionem nullo non violentiæ crudelitatisve genere sollicitentur, qui conscientiarum equuleus scaturigo sit & causa primaria omnis mali in imperio sensim enati, ipsa ad id teste experientia, quod (*) religiosa pax vocabulo voluntario, Wollen / vel manendi libertatem vel emigrandi subditis concedat. Quod causa finalis religiosæ pacis, scilicet ad Statuum & subditorum mentes in mutuam inter se concordiam & securitatem uniendas idem velit. Denique quod Ferdinandeæ Declaratio seu Decretum suo sensu perspicuum sit, manu propria suæ Regiæ Majestatis, ut & sigillo imperiali, tum necessariis clausulis & derogationibus adeò magnificè confirmatum, ut omni modo pro parte aliqua religiosæ pacis haberi debeat, nec defuisse Imperatori facultatem dandi id Decretum, nō obstantibus Ecclesiasticorum intercessionibus: nec causas æquissimas & ingentes, cur illud faceret. Enim vero respondebant ad hæc Catholici, communicationem boni publici esse ordinatam, certis mediis modoque præscripto instituendam, ita etiam justitiam rem communem esse, utilitate sua omnibus civibus communicativa: cujus tamen administrationem non quivis ex populo sibi

(*) Art. Wo aber unfern.

sibi possit vindicare, idem de monetaria re, imò de omnibus Imperii constitutionibus rectè dici, quamvis enim subditi exinde maxima commoda percipiant, jus ipsum tamen & facultatem moralem non promiscue omnes participare, sed illos tantum, quibus id more patrio licet, in omnes quidem & singulos utilitatem publicam ex re communi redundare, sed modo percipiendâ inæquali: alios enim agendi jure commodum sentire, ut Imperatorem & Status Imperii, quibus solis licet leges condere, alios obsequii gloria, quo nomine subditi censeantur & mediati Status. Ad eundem planè modum rem se habere circa religiosam pacem, qua subditi quoad communem quietem & securitatem publicam utique fruantur, verum id ipsum non aliter eis obtingere, quàm cuilibet mediante suo legitimo Magistratu, si illius jussibus & mandatis se obsequiosos & faciles præbeant: quæ utilitatis publicæ communicatio neutiquam eò torqueri debeat, quasi subditis pacem religiosam contra proprios territorii Dominos vertere, & pro lubitu religionem mutare jus sit. Nec quicquam valere argumentum à pace publica ad religiosam ductum, quando ex illis ipsis constitutionibus luculenter appareat, istam quidem, scilicet pacem publicam, inter Status & subditos, cujusunque conditionis sint, factam: Hanc verò inter solos Imperii Status, exclusis penitus subditis, quod indubitatis rationibus possit doceri. Cùm enim in prima religiosæ pacis constituendæ actione hanc promiscuam omnium inclusionem Protestantes præfracte urserint, Regiam

majestatem & Status Catholicos generose restituisse, certos, omnem potius compositionem abrumperere, quàm ut paterentur mediatos imperii subditos constitutione comprehendere: quin imò non exiguam de immediata imperii Nobilitate difficultatem ortam, in qua tamen Catholici tandem concesserint. Quare remittentibus aliquid & Protestantibus de pristino rigore, cum nihilominus à Statibus articulus pacis, undè damit solcher Fried / aliquo modo ambigue conceptus videretur, Ferdinandum Regem, ad omnem calumniandi occasionem penitus præscindendam decrevisse, ut voci *Status*, in jam dicto articulo positæ, vocabulum *imperii* adderetur, ne aliquando ex latiore Status sensu, ad Provinciales applicando, mediati etiam Status, ut & Civitates Hanseaticæ, pro quibus alias Protestantes tantopere laboraverant, religiosa pace comprehensi credi possint, cui restrictioni post multas ambages & ipsi Protestantes assenserint. Atq; hanc actionem hinc inde in Tractatu religiosæ pacis præparatorio versatam, ac deniq; non minùs Protestantium quàm Catholicorum, Statuum consensu ad Ferdinandi intercessionem finitam, revincere malitiosas & nimium subtiles omniũ aliorum interpretationes, qui & vocabulis quibusdam in pace religiosa vel narrative tantum, vel fortuito positis eandem pacem ad universos indistinctim subditos extendere volunt. Imò verò nec Protestantes id negasse, sed studiose satis jactasse, cum ipsis commodum & è re eorum visum est; Primò enim anno superioris seculi quinquagesimo nono in gravaminibus suis

Augustæ

Augustæ durantibus Comitibus exhibitis non citra prævaricationis notam reformationem Monasteriorum & Foundationum mediatarum * eo colore defendisse, quod Foundationes illæ & Monasteria, quæ sub Statibus sunt, religiosæ paci nequaquam inclusæ sint, nec capacia beneficiorum, quæ per pacem Statibus ratione religionis non turbandæ tribuuntur : cum non sint Status imperii, sed subditi tantum & Status provinciales. Et anno ejusdem seculi septuagesimo tertio in causa Civitatis Mülhusii, qui patrocinium ejus Civitatis susceperunt, Commissariis Cæsareis intrepide in os dixisse, * religiosam pacem inter solos imperii Status confectam, nec constitutionem illam id sibi velle, quasi Status teneantur subditis suis quamvis pro lubitu religionem concedere, sed saltem ne quis alium à sua religione ad alienam vi pertrahat, data eam in rem emigrandi facultate, si quis religioni superioris sui noluerit accedere. Deniq; Protestantes ipsos factis & quotidianis reformationibus pacem religiosam aliter interpretari; dum subditos suos, cum qui Catholicam religionem sequuntur, tum qui in aliquibus controversiis ab eorum confessione dissentiant, ejiciunt, persequuntur, & vel carcerum molestiis, vel proscriptione emendare velint. Verba autem articuli, *sehen demnach / cujuscung, status aut conditionis*, nihil patrocinari Protestantibus: primo enim illa non ad religiosam, sed publicam seu profanam pacem pertinere, in articulo verò sequenti, quo religiosa pax incipit, omissa esse. Deinde in omnibus Cæsareis mandatis & constitutionibus ex usu

styli eadem occurrere, non illo fine, ut cuius
 jus quærat^r literis ejusmodi concessum, sed ut
 omnes mandatis illis obsequiose parendum no-
 verint. Et tantum quidem de primo illo dubio
 an pax religiosa propterea, quod res communis
 sit, etiam subditos comprehendat. Porro, a-
 junt Catholici, quod libertatem conscientia-
 rum concernit, cavendum esse, ne illa in confu-
 sam quidvis credendi licentiam transeat, quæ u-
 tique subditis à nullo Magistratu ne in politicis
 quidem, quanto minus spiritualibus rebus, indul-
 genda sit: atque sic tam seculares quam Ecclesia-
 sticos Principes agere quod eorum officii est,
 quando inferiores, quibus vel ratione imperii
 vel curæ animarum mandare possunt, à pravis
 circa fidem opinionibus ad antiquam catholi-
 cam religionem reducant: nec se ea in re diffi-
 dentiarum semina jactare, aut ansam tumulti-
 bus in Republica præbere: quin Protestantes po-
 tius unam esse istorum malorum causam, qui
 contra religiosæ pacis luculentam dispositionem
 alienis subditis patrocinentur, eosque auctori-
 tate sua & promissis in præcepta contumacia
 confortent, sive occultis cuniculis ad defectionem
 sollicitent. Protestantes propriam allegare
 turpitudinem, cum multis religionis suæ posses-
 sionem laudent: antiquiorem enim sine dubio
 Catholicorum esse, quam illi reliquerint. Vo-
 cabulum voluntarium, *wollen*/ quod in religiosæ
 pacis §. two aber unsere ad solam emigrationem à
 Magistratu non impediendam, (quod alias jure
 suo & pro imperio facere potest,) se perspicue re-
 fert, calumniosa extensione ad arbitrium quo-
 que

que manendi trahi, cum tamen aliud haud sibi velit, quam subditis, qui religionis causa locum mutare & Dominos suos legitimos relinquere cupiunt, abire liberum esse, nec eis quocunque prætectu negotium facessendum, quod emigrationis libertati impedimento sit: & sic religionis pacem disponere non de Magistratus potestate & imperio in subditis exigendis: sed de subditorum jure in petenda abitione, à Magistratu non neganda: nec quæri de eo, quod subditis possit injungi, sed quod possit & debeat indulgeri: non de facultate remanendi, sed abeundi. Non valere argumentum à contrario sensu, ubi contrarius sensus non est, quando id, quod licet, pro eo quod possumus sumitur: non enim continuo quod volo, id etiam possum effectui dare, nec quod in uno appposito, id & mihi in altero licet: nam admodum absurde dici, dominum meum consensisse, ut abire possim, si velim, ergò Dominum me non posse sua sponte dimittere: ergo mei arbitrii esse, etiamsi ab eo dimissus fuerim, aut manere, aut emigrare. Alia ratione peiorem longe fieri conditionem Principum & Statuum imperii, qui tamen imperio & auctoritate jubendi polleant: quam subditorum, quorum gloria obsequium sit: illos enim, utcunque imperent, non posse contumaces suos subditos dimittere, cum his liberum sit vel contra præceptum manere, vel mandato motu proprio citra coactionem superioris parere: qua summa in civili ordine inæqualitate & confusione nihil possit esse ad seditiones & motus civiles accommodatus. Præterea hunc genuinum religiosæ pacis

cis sensum juvari cum eo , quod tam ex actis publicis quam ipsorum Protestantium ore constet, subditos pace religiosa non comprehendere : tum Ferdinanda Declaratione, à Protestantibus tanto studio laudata, quæ dicat, Augustanæ Confessionis Status nihil aliud, idque extra ordinem petiisse, quam ut Ecclesiastici Principes, eas tantummodo Civitatis, quæ confessionis Augustanæ exercitium longo tempore jam habuerunt, in possessione sua imperturbatas relinquant, aliis subditis ex contrario sensu ad Magistratus superioris arbitrium atque ordinationem remissis: imò verò hunc articulum à Protestantibus eadem praxi observari, apud quos malum profecto habiturus sit subditus, qui se religiosa pace excusare voluerit, quo minus aut patriam vertere, aut religionem antiquam ejurare teneatur. Postremo rem nihilo magis cōficere Ferdinandi declarationem, ut vocant, vitiosam in materia & forma. Illa quidem, quod narrata habeat incerta, dubia, captiosa contraria & propter studium in alteram partem suspecta: quod rationibus nitatur levibus, absurdis, aut omnino nauci: quod plus sit concessum, quam petatum: quod paci religiæ adversetur, contra quam nulla declaratio locum habere possit: quod summam inæqualitatem inter Status constituat: quod denique nec sibi ipsi satis constet, cum antiquior sit ipsa pace religiosa, quam tamen declarare vult, contra indolem & naturam declarationis. Hac verò, quod articulus per declarationem corrigendus non fuerit denuo in pleno Senatu propositus, quod non in deliberationem Statuum venerit,

nerit, non referendo, non correferendo ventilat^{us} fit: non in Curiis & Senatibus Imperii, sed Aula Imperatoria sententia dicta: non ex Cancellaria Moguntina, sed Regia conceptum primum prodierit: nec conceptum ante publicationem Statibus prælectum, & secuta approbatione communicatum: quod nulla Statuum subscriptio aut sigillatio accesserit: quæ omnia tamen necessaria & essentialia requisita sunt authenticæ declarationis & Recessus subsidiarii, ut proinde hæc declaratio magis videatur privata quædam inter partes actio fuisse, qua universum imperium non potuerit obligari. Hucusq; utraque pars.

§. 50. Non possum autem mihi temperare, quin de Ferdinandeâ illa Declaratione pauca quædam pro uberiore notitia adjungam. Primum quod nomen attinet, non uno ab omnibus venit. Evangelici vocant Declarationem seu Recessum subsidiarium: *Neben-/Abschied*. Catholici Decretum, à Cæsarea Majestate Protestantibus altera parte inaudita nec consultâ datum. Author verò concepti seu primæ formulæ Assurance^m inscripsit, urbibus, quæ sub ditione Ecclesiasticorum sunt, & Augustanam confessionem sequuntur, ad conclusam religionis pacem datam: seu ut verba nostro idiomate sonant: Assurance, auf den beschlossenen und verglichenen Religion-Frieden / von wegen der Geistlichen zugehörigen Stätt / so in der Augspurgischen Confession herkommen. Quæ fuerit ejus origo, superiori seculo vehementer disputatum. Pontificii enim initio, cum produceretur, omnino multum

tum dubitare vili sunt, an Ferdinandus Imperator summe pius, candidus, verax, & Catholicae religioni deditus Princeps, contra propriam & sæpius repetitam contestationem, quod sua Majestas religiosam pacem ita clarè & perspicuè, ut deinceps nulla ad multiplices & perniciosas disputationes causa possit esse, constitui, quod exactam æqualitatem utrinque citra alterius injuriam aut suppressionem observari, quod religiosam pacem inter solos Status confici, subditos verò illa omnino excludi velit, eo tandem imprudenter & temere delapsus sit, ut nulla nec promissionum, nec religiosæ pacis, nec æqualitatis ab ipsomet toties laudatæ ratione habita maximo Protestantium bono in summum Catholicorum præjudicium ejuscemodi Decretum seu Declarationem ediderit, præsertim cum nemo ex Catholicis Statibus, sive Ecclesiasticus sit, sive secularis, meminisse potuerit, quod post confectâ religiosam pacem cum ipsis eorumve consiliariis verbo ea de re quicquam fuerit actum, nec in Recessu imperii Anno 1555. publicato, nec aliis imperii actis, quæ eum proximis viginti annis secuta sunt, ullum vestigium deprehendi possit seu petiti seu concessi Decreti. Hæc, utcunque à Catholicis ad aliquandam Declarationis Ferdinandeæ vim & auctoritatem studiose in eo tempore jactata, cum tamen in Comitibus Ratisbonensibus anno septuagesimo quinto celebratis authographum ipsum insigni Regio, manuque propria Vice-Cancellarii atque Secretarii Ecclesiasticis Electoribus ad recognoscendum fuerit productum, desierunt quodammodo in re sensibus

bus subjecta dubitare, quæsitis in materiæ & formæ defectibus aliis diverticulis, ut supra vidimus. Objectum declarationis est Nobilitas mediata & subditi Ecclesiasticorum Statuum, qui exercitium Augustanæ confessionis jam actu habuerunt: unde excludebantur illi, qui post pacem demum religiosam ad illud relicta sua religione volebant transire. Certè scrupulum hic aliquem & suspicionem causæ ab Aulâ imperatoria prodita (a) Pontificiis movit, quod cum Protestantes de quorundam saltem Ecclesiasticorum subditis in supplicatione mentionem fecissent: Imperator in officiosa liberalitate omnes indistinctè inclusit, plus erogando, quàm quod petitum est. Sed prope cavillationem hæc subtilitas est. Cum enim illo tempore non omnium Ecclesiasticorum subditi in possessione Augustanæ confessionis essent, bona ratione Protestantes petitionem suam quibusdam Ecclesiasticis potuerunt terminare: cui nihil contrarium Imperator decrevit, dum indefinite de Ecclesiasticis locutus est, quorum subditi jam longo tempore Augustanam confessionem tenuere: nam hæc adjectio rescriptum petitioni ex omni parte congruens facit. Nimirum quidam Ecclesiastici sunt, respectu omnium in toto imperio: dantur enim & nonnulli quorum subditi nunquam ab antiqua religione defecerunt. Omnes verò illi, qui subditis Augustanæ confessioni diu addictos habent. Est enim hic incerta & fallax (b) Pontificiorum quorundam divinatio, quasi ratio-

ne.

(a) Burchard. Auton. Part. 3. c. 36.

(b) Burchard. d. Part. 3. c. 35.

ne Episcopatum Merseburgensis & Naumburgensis tantum à Saxonie Principibus declaratio illa petita fuisset. Nominantur enim ibi quidam Archiepiscopi, Episcopi, aliive Ecclesiastici subjuncta ulteriore explicatione, qui illi sint, quorum scilicet subditi in diutina Augustanæ confessionis possessione sunt: non itaque quidam tantum ex illis, quos adjecta restrictio exprimit: sed quos totum imperium habet. Quis vitio mihi vertet, si dixerim, quædam in imperio Nobilitas est immediata? sana profecto hæc propositio, & vel in ganeis nota. Sed graviter vapules, quod si inde collegeris, ergo Franconia Nobilitas tantum est immediata. Haud melius sapit, qui quosdam Ecclesiasticos Status, qui subditis reformatis præsent, Merseburgensi & Naumburgensi Episcopis solis circumscripserit, cum & alii sint Ecclesiastici in imperio, quorum subditi non minus, quam horum, Augustanæ confessionis longo usu gloriantur. *Causa τροφοι-ταρκτηκή* seu impellens Buchardo loco proxime ad marginem notato Saxonici Principes sunt: sed Ferdinandus Status & legatos Statuum Augustanæ confessionis nominat, cui potius si fidem habeamus, quam privato homini, & virulento in Protestantes odio amenti, nemo forte indignabitur. Causa efficiens est ipse Rex Ferdinandus, qui auditis Ecclesiasticis, quorum interfuit, præ plenitudine potestatis sibi à Carolo Fratre mandata declarationem edidit: cui non obstat, quod in fine dicitur, Status antiquæ religionis tandem consensisse: cum enim inter utrasque partes productis hinc inde apud Ferdinandum Regem rationi-

tionibus non conveniret, in eo conenserunt Catholici Ecclesiastici Status, ut litem ex officio Rex posset dirimere, & si contra se pronuntiasset, ne derogatio generalis religiosæ pacis huic speciali declarationi fraudi sit: quandoquidem verò hîc non nisi Ecclesiasticorum mentio fit, ideoque nolim rescripto illo Seculares comprehendi. Cæterum quod plenitudine potestatis Casareæ obijciunt adversarii, in eo vereor, ne se ipsos offendant, quum notissimum sit, Ecclesiasticum reservatum, de quo Status inter se longe acrius dissentiebant, eadem plenitudine, pro Catholicis decissum esse, quam si casu ipsis commodo & utili in immensum probare possunt, caveant ne in re simili sibi parum constare videatur. Quod si enim Imperatori jus fasque est rem inter Status Imperii controversam in gratiam Catholicorum dirimere: nefas haud erit aliquando & Protestantibus aliquid dare, quod illis displiceat: quando hi non minus illis sunt Status imperii, nec minore libertate juribusque gaudeant. Nihil vero moror absurdam, quam faciunt differentiarum rationem, quod nimirum reservatum Ecclesiasticum in omnibus imperii Curiis propositum re- & correlatum, & demum ad Imperatoris arbitrium remissum sit, nam eo circuitu in Declaratione Ferdinanda non fuit opus, quæ non inter omnes Status, sed quosdam saltem Ecclesiasticos, eos nimirum, quorum subditi & Nobilitas Augustanam confessionem longo tempore professæ sit, & Augustanæ confessioni addictos, invicem dissentientes agitata & tandem fidei ac decisioni Ferdinandi commissæ est, ubi utique

que eorum præsentia suffecerit, quorum interfuit actioni ad esse. Enim vero, inquiunt, per consequentiam quoque Seculares Status negotium attinuit, quia id paulo post & ad eos extendi cepit, adeoque de eo in pleno Senatu & omnibus Curiis agi debuit: quasi verò abusiva & temeraria Decreti ampliatio vel jus dare possit, qui non habet: vel ejus, qui habuit, impedire: quasi non exceptione satis tuti sint, qui rescripto non comprehensi illo involvuntur. Equidem Ecclesiastici quoque aliquot annis post, ipsis omnino insciis & invitis illud emissum testati sunt, quando noluerunt amplius meminisse, vel cum eis, vel eorum consiliaris actum esse: Verum enim vero majorem sine dubio fidem Ferdinandus meretur, qui id publico diplomate asseruit. Ex quo concidunt una omnia (a) Buchardi argumenta, quæ vitium in forma & solemnitate in publicis legibus necessariarum defectus arguunt, qui huic actioni frustra fuissent adhibiti, quando non omnibus, sed quibusdam tantum Statibus cum Cæsare negotium erat: quare si quis eo intuitu Declarationem eam transactionem privatam dixisset, quatenus non obligavit omnes omnino Status, is meo judicio non multum errasset, modo ne ex privata actione invalidam aut nullam fecerit. Porro quod de derogatione affertur, quæ omnis contra religiosam pacem prohibetur, id de ea intelligendum, quæ post publicatam pacem invitis Statibus timeri potuit: non quæ confestim post confectam, nondum tamen publicatam data est ad Statuum, quorum interfuit, conclusionem & remissionem ad arbitrium

Cæsa.

Cæsareum. Declaratio vero anterior re, quam declarare cupit, ita demum absurda, si res adhuc plane nondum sit: pax religiosa vero jam conclusa erat & plene confecta, publicatione saltem nondum secuta. Quamvis nec incongruens videatur, alicui de negotio quodam caveri, & spem moderationis certò casu fieri, quod quidem nondum est in natura rerum: certo tamen futurum. Cæteras inconvenientias in materia occurrentes, quas Buchardus longa serie recenset, tanti non facimus, ut singulas responsione dignemur, quas tyro Jurispublici facile rejecerit: Plerunque enim in ambiguo vocabulo ludit aut sensu: verba nefarie calumniatur, sententiam mentemque Cæsaream invertit, extendit, & insanè explicat, ut cuius mediocriter attendenti ad oculum patet. Dubium itaque nullum est, quin olim Declaratione Ferdinanda obligati fuerint, quos ea comprehendit, & quin subditi contra Ecclesiasticos suos reformatores in illa ipsa refugium habuerint. Hodie quid in Instrumento pacis, dispositum, mox dicitur: eo enim nunc standum, non Declaratione sæpius memorata, quæ per Instrumentum pacis aut plenius informata est, aut omnino evanuit, stante solo Instrumento. Ne tamen lectoris desiderio desimus, rescriptum istud in forma, quod ajunt, plena volenti inspicere, non pœnitet laboris, quem in eo hic loci adscribendo impendimus.

§. c. i. Wir Ferdinand / etc. bekennen ofentlich und thun kund allemänniglich mit diesem Brieff / daß auf diesen wahren den

den Reichstag bey Abred und Vergleichung des Religion, Frieden Uns die Ständ und Botschafften der Augspurgischen Confession anhängig / unterthäniglich fürbracht / das etlicher Erz, Bischöffen / Bischöffen und andern Geistlichen und Stifften zugehörigen Ritterschafften / Städte und Communen nunmehr lange Zeit und Jahr der Augspurgischen Confession Religion anhängig gewesen / und noch wären / und wo dieselbige von solcher ihrer angenommenen und so viel Zeit und Jahr herbrachten Religion von gedachten ihren Herrn und Obrigkeiten gedungen werden wolten / vor und ehemal die strittige Religion durch Christliche / freundliche und friedliche Wege zum Christlichen Verstand und Vergleichung gebracht wurde / daß daraus nichts gewissers zu besorgen / dann Weiterung und schädliche Kriegs, Empörung / zwischen den Herrschafften und Obrigkeiten / und den Unterthanen ; Solchen ab, und vor, zu kommen wäre ihr unterthänig Bitt / die Geistlichen dahin zu weisen und zu vermögen / daß sie dieselbige ihre Unterthanen um Erhaltung willen des gemeinen und hochnothwendigen Friedens im 3. Reich Teutscher Nation / hievor so wol als jetz eine lange Zeit hero beschehen / der Augspurgischen Confession Religion halben unvergewaltigt und unbedrängt bleiben / und obberührter endlicher Vergleichung in der strittigen Religion also

erwart,

erwarten lassen / und dero halben bewillig-
 ten / das solche Unterthanen in jetziger Con-
 stitution des Religion / Friedens der Noht
 durfft nach versehen wurden; Dagegen a-
 ber die Ständ und Botschafften unser al-
 ten Religion verwand allerley Ursachen
 und Begehr fürgerwendt / also daß sich bey
 der Religion Stände des halben miteinan-
 der nicht vergleichen können / daß demnach
 Wir in Crafft der Römischen Kaiserlichen
 Majestät / Unsers lieben Bruders und
 Herrn uns gegebener Vollmacht und Haim-
 stellung erklärt / gesetzt und entschieden ha-
 ben: Thun auch solches hiemit wissentlich
 in Crafft diß Briefs / daß der Geistlichen
 Aigen / Ritterschafft / Städt und Commu-
 nen / welche lange Zeit und Jahr hero der
 Augspurgischen Confession Religion an-
 hängig gewesen / und derselben Religion/
 Glauben / Kirchen / Gebräuch / Ordnung
 und Ceremonien öffentlich gehalten / und
 gebraucht / und bis auf dato noch halten
 und gebrauchen / vor derselben ihrer Reli-
 gion / Glauben / Kirchen / Gebräuchen / und
 Ceremonien hiervor durch die Geistliche
 oder jemand anders nicht gedrungen / son-
 dern dabey bis zu obberührter Christlicher
 und endlicher Vergleichung der Religion
 unvergewältigt gelassen werden sollen.
 Und auf daß solche Unsere Declaration um
 so viel destoweniger angefochten werden
 möge / haben gemeine Geistliche Ständ/
 und dero anwesende Rät und Botschafft

ten Uns zu unterthänigen Ehren und Gefallen gewilligt / daß die Derogation in meinem Religion, Frieden diß Reichstages / inhaltend / das wider denselben Frieden kein Declaration / oder etwas anders / so denselben verhindern oder verändern möchte / nicht geben / erlangt und angenommen werden / sondern uncräftig seyn soll / mit mehrern Worten begriffen / obberührter Unsern Erklärung und Entschied unabbrüchig / aber sonst bey ihren Würden und Cräftten bestehen und gelassen werden soll. Deß alles zu vesten wahren Urkund und mehrer Sicherheit haben Wir diesen Brieff mit aigner Hand unterschrieben / und Unsern anhangenden Königlichem Sigel becräftigt. Geben in Unser Stadt Augspurg den 24. Sept. Anno 1555.

Ferdinand

V. Jonas D. Vice-Canzler.

Kirchschlager.

§. 52. *Tantum de Ferdinande Declaratione mansit verò lis illa sub Iudice usque ad novissimam pacificationem : Nam Ferdinandi II. editum in gratiam Catholicorum publicatum, quo hæc Declafatio præcisè damnata est, Protestantes nunquam receperunt. Itaque in tractatu Osnabrugensi, in quo & hoc gravamen inter alia prodiit, ab his petatum, ut Evangelicis Comitibus, Baronibus, Nobilitati, Urbibus & subditis,*
in di-

In ditione Catholicorum Statuum sitis plenissima fiat restitutio templorum, Scholarum, Xenodochiorum, & redituum illis dicatorum, quorum possessionem Anno 1618. habuerunt: Ut Provinciis, Urbibus & subditis, qui publicum Evangelicæ doctrinæ exercitium vi Ferdinande Declarationis, aut aliarum concessionum, privilegiorum, pactorum, sive etiam ex recepto more obtinuerunt, suæ religionis libertas fiat, licet anno decimo octavo cultus divinus fuisset intermissus aut abrogatus. Ut Catholici aliis suis subditis quoque, si non publicum, saltem privatum religionis reformatæ exercitium indulgeant, nec eos ab officiis, tribubus, hæreditatibus, legatis, beneficiis aliisque juribus excludant, aut aliis modis, nimirum sepulturæ cæmiteriorumque negatione injuriosè habeant. Ne Evangelicus, qui in Catholicorum terras migrare cupit, investiturâ, jure civitatis aut receptione prohibeatur, multò minùs juramentis & reversalibus Confessioni Augustanæ præjudiciosus prægraveatur. Ne quis propter religionem possit cogi patriam vertere, nec spontaneè emigrare volentibus sub prætextu juris mancipiî vel decimationis molestia creetur. Cùm Catholici replicassent, se non posse consentire, ut priventur potestate jubendi subditos emigrare, à religione dissentientes, neque id religiosæ paci consentaneum esse: Cæterum in præfigendo termino, quod bonum & æquum est, observaturos, ne angustia temporis beneficio legis fraus fiat. Municipia vero & Civitates provinciales, ut & Nobilitatem mediatam, quæ à pace religiosa ad

T. 2. hzc

hec tempora Augustanę confessionis exercitium habuerunt, Status superiores tanta moderatione tractaturos, ut nullam sint habituri causam querendi de vi & injuriis, nec ex utraque parte plene possent convenire, (a) Instrumentum pacis controversiæ finem ita imposuit, ut definiverit, primo, quid juris sit, in illis subditis, qui anno vigesimo quarto hujus seculi in usu Augustanę confessionis fuerunt. Secundo quid in illis, qui eo anno nullum nec publicum nec privatum exercitium habuerunt: Tertio loco de honore & capacitate subditorum indistincta ad publica munera cavet: quarto de emigrandi jure.

§. 53. De primo ita (b) statuit. *Statuum Catholicorum Landsassii, Vasalli & subditi cujus-
cunq; generis, qui sive publicum sive privatum Augustana Confessionis exercitium anno millesimo, sexcentesimo vigesimo quarto, quacunque
anni parte sive certo pacto aut privilegio, sive longo usu, sive sola denique observantia dicti
anni habuerunt, retineant id etiam in posterum unà cum annexis, quatenus illa dicto anno
exercuerunt, aut exercita fuisse probare poterunt. Cujusmodi annexa habentur institutio
Consiliorum, Ministeriorum tam Scholasticorum quam Ecclesiasticorum, jus Patronatus aliq; similia jura, nec minus maneat in possessione omnium dicto tempore in potestate eorundem
constitutorum templorum, foundationum, monasteriorum, hospitalium, cum omnibus pertinentiis, redditibus & accessionibus; & hac cuncta semper & ubiq; observentur eousq; donec*

(a) Art. 5. §. 12. (b) vers. Hoc tamen non obstante.

de religione Christiana vel universaliter vel inter Status immediatos eorumq. subditos mutuo consensu aliter erit conventum, nec quisquam à quocumq. ulla ratione aut via turbetur: Turbati aut quocumq. modo destituti vero sine ulla exceptione in eum, quo anno millesimo, sexcentesimo vigesimo quarto fuerunt, statum plenarie restituantur: idemq. observetur ratione subditorum Catholicorum Augustana Confessionis Statuum, ubi dicto anno millesimo sexcentesimo vigesimo quarto usum & exercitium Catholica religionis publicum aut privatum habuerunt. Pacta autem, transactiones, conventiones aut concessionem, quae inter tales immediatos Imperii Status, eorumq. Status provinciales & subditos supra dictos de publico vel etiam privato exercitio religionis introducendo, permittendo & conservando antehac intercesserunt, inita & facta sunt, eatenus rata & firma manento, quatenus observantia dicti anni millesimi sexcentissimi vigesimi quarti non adversantur, nec ab iisdem nisi mutuo consensu recedere liceat, non attentis, sed annihilatis omnibus anni millesimi sexcentissimi vigesimi quarti observantia, utpote quae instar regula obtineat, contrariis latis sententiis, reversalibus, pactis, quibuscumq. transactionibus: & inter illa, quae Episcopus Hildesienfis & Duces Brunsvico. Luneburgenses de religione ejusq. exercitio Statuum & subditorum Episcopatus Hildesienfis nonnullis pactis anno millesimo sexcentesimo quadragésimo tertio transegerunt. Excipiantur vero à dicto termino & Catholica reserventur

novem Monasteria in Episcopatu Hildesienfi sita, quibus Duces Brunsvicenses certis conditionibus, eodem anno cesserunt.

§. 54. De secundo (a) ita. Placuit porro, ut illi Catholicorum subditi Augustana Confessione addicti, ut & Catholici Augustana Confessionis Statuum subditi, qui anno millesimo sexcentesimo vigesimo quarto publicum vel etiam privatum religionis sue exercitium nulla anni parte habuerunt, patienter tolerentur, & conscientia libera domi devotioni sue sine inquisitione aut turbatione privatim vacare, in vicinia vero, ubi & quoties voluerint, publico religionis exercitio interesse, vel liberos suos exterius sue religionis scholis aut privatus domi Præceptoribus instituendos committere non prohibeantur, sed ejusmodi, Landsässii, Vasalli, & subditi in ceteris officium suum cum debito obsequio & subjectione adimpleant, nullisq; turbationibus ansam prabeant.

§. 55. De tertio (b) ita. Sive autem Catholici, sive Augustana Confessionis fuerint subditi, nullibi ob religionem despiciatui habeantur, nec à mercatorum, opificum, aut tribuum communione, hereditatibus, legatis, hospitaliis, leproforiis, elemosynis, aliisque juribus aut commerciis, multò minus publicis cæmeteriis, honoreve sepulchri arceantur, aut quicquam pro exhibitione funeris à superstitionibus exigatur, præter cujusq; parochialis Ecclesie jura, pro demortuis pendenda solita, sed in his & similibus pari cum civi-

(a) vers. placuit porro. (b) vers. sive autem.

civibus jure habeantur, equali justitia protectione ve tuti.

§. 56. De quarto (a) ita. Quod si vero subditus, qui nec publicum nec privatum sua religionis exercitium anno millesimo sexcentesimo vigesimo quarto habuit, vel etiam qui post publicatam pacem religionem mutabit, sua sponte emigrare voluerit, aut à territorii Domino jussus fuerit, liberum ei sit aut retentis bonis aut alienatis discedere, retenta per ministros administratione, & quoties ratio id postulat, ad res suas inspiciendas vel persequendas lites, aut debita exigenda, libere & sine literis commeatus adire. Conventum autem est, ut à territoriorum Dominis illis subditis, qui neg. privatum exercitium religionis sua dicto anno habuerunt & tamen tempore publicata presentis pacificationis in unius vel alterius religionis Statutum immediatarum ditionibus habitare deprehenduntur, quibus illi etiam annumerandi erunt, qui ob calamitates bellicas evitandas, non tamen animo transferendi domicilium alio emigrarunt, & facta pace in patriam redire volunt, terminus non minor quinquennio, illis vero, qui post pacem publicatam religionem mutant, non minor triennio, nisi tempus magis laxum & spatiosum impetrare potuerint, ad emigrandum praefigatur: neque sive voluntarie sive coacte emigrantibus Nativitatis, ingenuitatis, manumissionis, noti opificii, honesta vitae testimonia denegentur, aut iidem reversalibus inusitatis vel decimationibus substantia secum

T 4

expor-

(a) verſ. quod ſi vero,

exportata plus aquo extensis pragraventur: multo minus spontaneam suscipientibus emigrationem servitutis aut ullo alio prae-textu impedimentum inferatur.

§. 57. Quod de immediata Nobilitate hic articulus religiosæ pacis disponit, id à Catholicis ita acceptum, quasi non una ipsis Nobilibus jus reformandi subditos datum sit. Evangelici vero eos per omne in hoc puncto Statibus exæquandos censuerunt, quod & in (a) Instrumento pacis probatum, ubi hæc verba reperiuntur. *Libera & immediata Imperii Nobilitas omniaq; & singula ejus membra una cum subditis & bonis suis feudalibus & allodialibus, nisi forte in quibusdam locis ratione bonorum & respectu territorii vel domicilii aliis Statibus reperiantur subjecti, vigore pacis religiosa & presentis conventionis in juribus religionem concernentibus & beneficiis inde promanantibus idem jus habeant, quod supradictis Electoribus, Principibus & Statibus competit, nec in iis sub quocumq; prae-textu impediuntur aut turbentur: Turbati vero omnes omnino in integrum restituantur.* (Ad art. 13. verb. die freyen Ritterschafft.)

§. 58. In eodem Osnabrugensi conventu Civitatum Imperialium occasione multiplices utrinque querelæ productæ. Evangelici con-questi, Civitates indignè habitas & præcipitatis processibus contra religiosam pacem in exercitio suæ religionis turbatas esse, quam in rem triste argumentum sint Aquisgranum, Augusta Vin-
delico-

(a) Art. 5. §. 10.

delicorum & Dinkelspülum. Verum Catholici contraria accusandi ratione usi, Protestantes non tantum in Civitatibus imperii liberis, ubi utriusque religionis exercitium tempore factæ religiosæ pacis viguit, & juxta eam in statu suo debuit exactè conservari, Catholica religione penitus eversa suam confessionem omnibus amplectendam obtrusisse; sed & astu cuniculisque occultis illuc etiam irrepentes, ubi nulli alii quam Catholicæ fidei olim locus fuit, sensim omni potestate ad se tracta Ecclesias, Monasteria, eorumque bona & redditus absque ullo legitimo titulo occupasse, in usus profanos impendisse, Catholicæ religionis exercitium cum in urbibus tum agris abrogasse, Catholicos Senatu & publicis muneribus, nec non jure Civitatis exclusisse, colore injuriis suis quæsito ex jure territorialis superioritatis, quod Civitatibus liberis non minus quam aliis Statibus competere censent, quarum tamen longe dispar sit conditio & status, utpote cum non tantum Senatus Civitatis, sed totum corpus publicum immediate Cæsareæ Majestati subiaceat, nec Consules & Curia dominium jurisdictionis in Cives habeant, sed tantum sint Gubernatores & ministri Civitatis ad id munus à Civibus ipsismet electi, qui cætera de privilegiis & juribus Civitatis suæ æque cum Senatu participant. Hæc lis (a) Instrumento pacis in hunc modum terminata est. *Libera Imperii Civitates, prout omnes atq; singula sub appellatione Statuum Imperii non tantum in pace religionis, & præ-*

T 5

senti

(a) Art. 5. 5. 11.

senti ejusdem declaratione, sed & alias ubiq;
indubitate continentur, ita & ex illarum nu-
mero ea, in quibus unica tantum religio anno
millesimo sexcentesimo vigesimo quarto in usu
fuit, tam ratione juris reformandi quam alio-
rum casuum religionem concernentium inter-
ritoriis suis & respectu subditorum non minus
ac intra muros & suburbia idem cum reliquis
Statibus Imperii superioribus jus habeant,
adeoq; de istis generaliter disposita & conventa
de his quoq; dicta & intellecta sunt, non at-
tento, quod in iis Civitatibus, in quibus prater
Augustanae Confessionis exercitium nullum ali-
ud a Magistratu & Civibus juxta morem &
statuta cujusq; loci anno millesimo sexcentesimo
vigesimo quarto introductum fuit, aliqui Ca-
tholicae religioni addicti Cives commorentur,
vel etiam in aliquibus Capitulis, Ecclesiis Colle-
giatis, Monasteriis & Cœnobiis ibidem sitis im-
mediate vel mediate imperio subjectis, inque
eo statu, qui fuit die prima Januarii anno mil-
lesimo, sexcentesimo vigesimo quarto, deinceps
quoque cum Clero intra predictum terminum
non introducto, & Civibus Catholicis pro tem-
pore ibi existentibus, tam active quam passive
omninò relinquendis Catholicae religionis exer-
citium vigeat. Ante omnia vero illa Civita-
tes Imperiales, quae sive uni sive utriq; religioni
addictae, (& inter has posteriores cum primis Au-
gusta Vindelicorum, item Dinkelspûla, Bibera-
cum, Ravenspurgum & Kauffbaira) ab anno
millesimo sexcentesimo vigesimo quarto propter
religionem vel bona Ecclesiastica ante vel post
trans-

transactiōem Passaviensem & insecutam Pacem religiosam occupata & reformatā, vel alias intuitu religionis in politicis quocūque modo, sive extra, sive judicialiter aggravata sunt, in eum statum, in quo Kalendis Januarii praedicti anni millesimi sexcentissimi vigesimi quartam in sacris quam profanis fuerunt, non minus ac reliqui Status Imperii superiores plenissime reponantur, in eoq; absq; ulteriore turbatione perinde atq; illa, qua tum temporis adhuc possederunt, aut interea possessionem recuperarunt, usq; ad amicabilem religionum compositionem conserventur: Neutriq; partium alteram de religionis suae exercitio, Ecclesiarum ritibus & ceremoniis deturbare fas sit, sed cives pacifice & comiter invicem cohabitent, liberumq; religionis suae & bonorum usum ultra citroq; habeant, cassatis rerum judicarum & transactarum, litis pendentiarum aliisq; §. 2. & 9. enumeratis exceptionibus: salvis tamen iis, quae politicorum ratione de Augusta Vindelicorum, Dinkelspüla, Biberaco & Ravenspurgo dicto §. 2. disposita sunt. (Ad art. 14. verb. in vielen Frey- und Reichs-Städten.)

§. 59. Obsignabo hoc de pace religiosa argumentum necessaria admonitione, ne quis vel contra religiosam pacem vel ejus declarationem in instrumento pacis omnium assensu, quorum interest, authenticè factam, ore aut manu quicquam velit proferre, quod ad eludendam infringendamque Constitutionem illam possit aliquod momentum habere. Cum enim superiore & hoc seculo plurima virulenta scripta hac de

re prodiissent, quibus Ordinum animi primo sollicitati, mox inter se commissi sunt, ut præludium scholasticum, sicut fieri solet, arma sequerentur & civiles tumultus, qui Germaniam triginta annis & quod excurrit, acerbè exerceverunt, facile Status inter pacis actionem in id assensu sunt, ut tenebrionibus illis & Furiarum perniciosissimis foliis publica lege obviam eatur, ne pestilentissimo reflatu pristinis vixque vitatis turbinibus imperium obvolvant. Paritum est edicto, quantum mihi constat, ad hunc usque diem ab omnibus, si unum Burcholdensem excipias, qui discursibus suis in Instrumentum pacis temerarium videtur antiqui moris contra Catholicos classicum canere. Liber profecto spongia plus quam manuali dignus, & Auctor censoria imperii indignatione, nisi ineptitudine sua & frigiditate Scythicam supra plus miserationis & risus, quam iræ concitaret: plus fastidii, quam invidiæ: non mundities non candor in stylo: non ratio, non ingenium in oratione, infantia passim aut absurda consilia: Quæ forte sapiunt, aliena sunt & mutuatitia. Summum in Catholicos odium: Augustanæ Confessionis infelix patrociniū: Verbo, ingens moles sine calce, sine arena, & tamen quod mirere, opus barbarie, plagis, virulentia, ineptiis, nugis refertissimum, atque omnino, quod vulgo dici solet, *ἡδὲν ὀπὲς ἴσθαι*, in pretio à quibusdam haberi solet, quasi singulari parrhesia ab omni fucalienum: ita enim vulgus judicat, qui criminari & totis plaustris conviciari solent, eos maxime prope verum ambulare. Sed tolerari adhuc potest

test erudita ac festiva impetuositas : quæ vero non aculeo pungit, non argutiis titillat, non virili & sapida insultatione illudit, sed tota, quanta est, rustica est & insubida, sine sale, sine ingenio, Midæ auribus placere videtur, non Apollinis fidibus. Cæterum, ut in ordinem redeam, de prohibitis contra religiosam pacem disputationibus ad hunc modum in (a) Instrumento pacis cautum est. Utriusq; religionis Magistratus severè & rigorosè prohibeant, ne quisquam publice privatimq; concionando, docendo, disputando, scribendo, consulendo, Transactionem Passaviensem, pacem religiosam vel hanc imprimis, siue Declarationem siue transactionem, uspiam impugnet, dubiam faciat, aut assertiones contrarias inde deducere conetur. Quicquid etiam contra id hætenus vel editum vel promulgatum publicatumve fuerit, irritum esto. Sed si dubii quid hinc aut aliunde innodat, aut ex causis pacem religiosam aut hanc transactionem tangentibus resultet, de eo in Comitibus vel aliis imperii conventibus inter utriusq; religionis Proceres non nisi amicabile ratione transigatur.

§. 60. Tantum de legibus, quæ definiunt, quæ religiones in Imperio publico Imperatoris & Statuum præsidio doceri possint : Quicquid igitur Catholicæ religioni non accedit, nec Augustanam Confessionem aut Reformationum doctrinam sequitur ; (b) id omne damnat Imperium, prohibet, punit. Unde Photinianorum,

(a) Art. 5 §. 17. (b) R. I. 1555. §. Doch sollen alle andere R. I. Auf das aber in mittler Zeit.

rum, Socinianorum, Anabaptistarum, Quer-
cianorum, Mahumetistarum & Paganorum de-
liria nec profiteri licet, nec professos recipere
& tueri: in utrosq; enim publicarum legum seve-
ritas, Cognitori Imperatorio seu Fiscali potestate
agendi ad id concessa, condigne animadvertit.
Qua in re iterum eximium est summi imperii jus
circa sacra, dum proscribit & amolitur religio-
nes, quas falsas judicat, sicuti veram civitate do-
nat. Hoc ut ex ipsa imperii vi & virtute omni-
bus omnino Imperantibus fas est, etiam illis,
qui verum Deum non plene agnoverunt, quem-
admodum Nabuchdonosor sub gravissimis sup-
pliciis vetuit Deo Israëlitis maledicere: ita spe-
ciali supremi Numinis (a) mandato summo Is-
raëlitici populi Magistratui Regibusve injun-
ctum, cui pio studio paruere Asa, Ezechias, Jo-
sias, Josaphat, aliique Reges pietate ac divini Nu-
minis recto cultu eximii, qui idola confregerunt,
exciderunt lucos & excelsa, verbo amoverunt
omnia, quæ rudem populum in superstitiones,
idololatriam ac pravas opiniones præcipitare vi-
sa sunt. In imperio Romano sub Christianis Im-
peratoribus occlusa Paganorum templa, vetitæ
immolationes, hæretici & schismatici coetus
prohibiti, Basilicæ Sectariis ademptæ, spes eis
ad honores & publicas dignitates præcisa, jus te-
standi aut quicquam ex testamento capiendi ab-
latum: Nec omnino jus Canonicum sua laude
caret, quam in coercenda sectariorm luxurie
meretur, si nimium rigorem eximas: antiquitati
enim non semper placuere illa poenarum genera,
quæ

(a) Deutr. 7. 5.

quæpœnitendi spatio excludunt, quos emendant. Quid Recessus imperii & aliæ Constitutiones contra (a) Anabaptistas aliosque hæreticæ doctrinæ disseminatores statuunt, in vulgus etiam notum.

§. 61. Hanc salutarem legum providentiam qui crudelitatis aut injustitiæ arguunt, ii speciola libertatis larva decepti & sibi privatim graviter errant, & in summas potestates publicè injuriosi sunt: nam neque in civilibus rebus, ut rectè animadvertit (b) Augustinus, quemque, quod vult, facere patimur: Puniuntur fures, parricidæ, falsarii, scortatores, seditiosi, & cujuscunque criminis rei: quid ni itaque & illi, qui de Deo malè sentiunt, fures scilicet & sacrilegi divini verbi: parricidæ animarum, falsarii scripturæ sacræ, in spiritualibus scortatores, adversus majestatem divinam perduelles: denique compendia omnis nequitiae: qui jura divina & humana confundunt, civitatem factionibus distrahunt, simpliciorum animos nova eoque gratiore pietate imbutos à debito superioribus obsequio ad fascinatam contumaciam deflectunt: in summa qui Dei & Reipublicæ professi hostes sunt. An minori cura pro Ecclesia excubandum, quam civitate? aut tolerabilius erratur in religione, quam fortunæ rebus? in eum, qui fidem hominibus fallit, de dolo est actio, cur impunè ferat, qui Deo? Jus Principis in dubi-

um vo-

(a) R. I. 1529. §. Nachdem auch kñiglich Const. Carol. V. Contr. Anabap. R. I. 1544. §. Nachdem auch die schädlichen. R. I. 1551. §. Nachdem auch Eursfürsten.

(b) De Correct. Donat. c. 13. & Const. Trasc. l. 9. c. 51.

um vocare , de ejus potestate disputare , à legibus acerbe vetitum : nec damnatur studiosa sui severitas , quæ sacrosancta Regum capita in tuto locat. Sed in sacris rebus quidvis credere, dicere fas erit nullo publicæ vindictæ metu? nulla legum censura? Quasi verò mitius delictum sit male de Deo loqui, quam Principe; aut leges deceat negligentius pro divino honore excubare, quam salute & dignitate Imperantis, utcunque in Civitate summi, tamen hominis? Obstrictus est Princeps ad opprimendum sectarium virus, qua Vicarius Dei est, qua Reipublicæ supremus curator & Judex: qua Vir bonus. Vicarium oportet honorem ejus, à quo constitutus est, tueri, emolumenta procurare: cavere damna: breviter ex antiqua Romanorum formula videre, ne res publica Domini sui detrimentum capiat. Libera autem hæresium propagine intervertitur honor Dei, suppositis cultus divini erroneis vetitisque formulis. Mælis & vindemia spiritualis qua uredine, qua pruina frigoribusque nocivis aduritur: imò tota Ecclesia misere corripitur, affligitur, divellitur. Impromiscua enim religionum & conscientiarum libertas tollit primò certitudinem fidei & religionis veritatem. Unum est, quod verum & certum: una igitur religio, una fides, quemadmodum unus Deus, quem religione colimus; fide agnoscimus: quicquid variat, mutat, id negat veritatem, nescitur enim, quid potius sequendū sit. Hilarius mascule ad Imperatorem Constantium Arianæ sectæ amicum : *& cum secundum unum Deum, & unum Dominum & unum baptisma*

ptima etiam fides una sit, excidimus ab ea fide, qua sola est, & dum plures fiunt, ad id ceperunt esse ut nulla sit. Itemque alio loco. *Haud verum, quod varium.* Deinde sublata fidei certitudine una opera Ecclesiæ Christianæ indubitabilis character periit, quando ea demum sit vera Dei Ecclesia, ubi quid creditu, factu, speratu necessarium sit, sincerè docetur. Amplius Ecclesiâ in dubium vocatâ de vi & efficacia sacramentorum, de auctoritate Sacerdotum, de spiritali potestate ministerii actum est: Hæc omnia enim genuini sunt Ecclesiæ Dei thesauri, quos extra eam toto orbe invenire non licet: unde necesse est Ecclesiasticam disciplinam collabi, obsequium & reverentiam Ministris debitam omitti, imò omnem Ecclesiæ unitatem dissolvi. Misera enim & rudis plebecula, cui *non iudicium, non veritas*, quæque *ex opinione multa, ex veritate pauca iudicat*, ut Cicero ait, inter tot varias & sibi adversantes Antistitum religionis rixas derelicta, cum dubia animi pendet, quibus potissimum Doctõribus credere debeat, affectu potius quam ratione ducitur, etiam sibi religionem adsumit, quæ commodior, non quæ verior, utraque enim ei suspecta est: & licet aliquando rectam invenerit, * non consilii id, sed fortunæ tribuendum, quo fit, ut ubique pietas apud plebem frigeat, perpetuis dubiis excruciatam, an ipsa in vera Ecclesia, extra quam non est salus, & ita Deo placiturum sit, si quid benefecerit: qua re vilescit divinum verbum, sacramenta spernuntur, non auctoritas & reverentia Episcopis Pastoribusvè constat, non Ecclesiæ pote-

itas sua & iudicium, quod à Christo habet : uno verbo apertis januis fenestrisque Atheismus in sinum Reipublicæ recipitur. Sanè enim ejusmodi sunt sæpe variantium Doctorum sententiæ, ita omnes & sacrorum Oraculorum majestatem, & antiquæ Ecclesiæ Patrumque placita, & rationum probatissimarum vim sibi adsumunt, ut eum etiam, qui plus vulgo sibi sapere videtur, fugere possit exactum veritatis discrimen à fucis & tenebris. Exempli causa sit ea quæstio, an Imperatorem deceat iudicium in divinis rebus : an præsidium in Synodis. Nos utrumque volumus, nec malè quidem, quibus affatim & Ecclesiæ mos & antiquissimorum Patrum testimonia patrocinantur. Sed nemo sit tam credulus, qui sibi persuaderi patiatur, adversarios nostros hic plane jejunaire : adducunt enim Irenæum, *eis in Ecclesia obedire oportere* (a) agentem, qui *successionem habent ab Apostolis* : reliquos verò, qui *absistunt à principali successione, quocumque loco colligantur, suspectos vel quasi scindentes habere* : addunt Athanasium, *quando à condito mundo auditum est*, (b) quærentem, *iudicium Ecclesiæ ab Imperatore auctoritatem suam accepisse ? aut quando unquam hoc pro iudicio agnitum est ?* eundemque ibidem præcipientem, *ne te misceas Imperator rebus Ecclesiasticis, neque nobis in hoc genere præcipe, sed potius à nobis disce. Tibi Deus imperium commisit : nobis quæ sunt Ecclesiæ concedidit* : adjungunt Ambrosium Valentiniano Cæsari

in

(a) lib. 4. cap. 43.

(b) in Epistol. ad solitariam vitam agentes.

in os dicentem , *ad Imperatorem palatia pertinere , ad Sacerdotem Ecclesiam*. Primatus Papæ nunc nobis res est monstri similis & in prima Ecclesia omnino ignorata : neque tamen hîc penitus inermes sunt Pontificii. Nam præter aliqua sacræ scripturæ loca, quæ ambigua sunt, Cyprianus Martyr non alienus ab hac sententia deprehenditur : *Ut nimirum exordium, (a) inquit, ab unitate proficiscatur & ut una Cathedra monstretur, primatus Petro datur*. Et (b) Hieronymus ideo inter duodecim Apostolos unum electum esse perhibet, ut *capite constituto Schismatis tollatur occasio*. Alia omittam, quæ in utramque paginam æquè confidenter & speciose volvuntur. Verùm enim verò ipsa hæc opinionum tam viriliter defensorum diversitas Ecclesiæ & religioni noxæ est, minùs utique nocitura, si sua absurditate aut falsimonio se ipsam proderet. Quare ad averruncandum hoc malum, hoc contagium, hanc pestem, quæ unitate fidei & Ecclesiæ, verbi divini & sacramentorum efficaciæ, disciplinæ Ecclesiasticæ, auctoritati Sacerdotum, imò toti rei Christianæ tantopere nocet & officit, quis ausus sit culpæ legum curam, quæ non nisi unius, ejusdemque veræ & Christianæ religionis copiam faciunt, quæ animos subditorum à spuria doctrina & erroribus, quos nesciunt, præceptâ providentiâ vindictos legitimo Dei cultui addicunt ? quæ integra adhuc re intemeratam pietatem conservant, non remedium quærunt post vulnus ? In hoc Reges & Principes sunt nutrices Ecclesiæ, ut eam nutriant & lactent lacte ac cibo integro, salutari,

defæcato ab omni immunditie, sordibus & corruptelis. Sunt scuta, ut protegant Ecclesiam & defendant ab hostibus cum externis, tum internis: ut defendant, qua bonis legibus adversus vim, quæ metuitur, qua armis adversus ingruentem; sunt brachium divinum, ministeriale illud & visibile, executioni *καὶ ἐκείνη* accommodatum. Nondum hîc agimus de pœnis & corporali coercitione, de quâ in sequenti capite suo loco. Sed interdicens jure, ne hæreses & schismata fiant, ne populus ab Ecclesiâ ducatur ad lupanar: à Deo ad diabolum. Jam attende quæso, quod si Imperanti jus est legibus prohibere omnia ea, quæ mala sunt, cur non etiam sectarium virus, quod in malorum genere chorum ducit? quæ hic iniquitas aut injuria? cuique ex privatis errantem monere licet: quid nî Principi subditis præcipere ne errent, aut ut resipiscant, si erraverint? tale enim monitum lex est: nam quicquid, quod honestum, Principi placet, legis habet vigorem: sed vereor, ne in re plana præter meritum diutius immorari videar.

§. 62. Porro Vicarii officium est, quæ Domino placent, denuo edictali lege subditis injungere: unde duplex obligatio nascitur, fortior ex multiplici vinculo. Nam & jussu Domini, & Vicarii mandatum, illi correspondens, obsequium exigit. Hoc in juris naturæ & divini universalissimi scitis quotidie videmus. Vetat supremus hujus orbis Dominus, ne parentes contumelia afficiamus, ne occidamus, ne scortemur, ne furemur, ne falsum demus testimonium: ne cupidine habendi aliena correpti in
proxi-

proximum injuriosi sumus : Vetat idem & terrestribus quilibet in suæ Civitatis partiali orbe Vicarius : Scilicet lex Pompeja de parricidiis : lex Cornelia de Sicariis : lex Julia de Adulteriis : Editum Prætoris de Furtō. Lex Cornelia de Falsis Interdicta , quod vi aut clam & similia : imò tota Jurisprudentia Romana , cui Constitutionem criminalem Caroli V. & alias imperii nostri rectè succenturiamus : Hæc in secunda tabula æqua censentur & justa , sed nulla ratio cur non eadem in prima ? (a) Mandat inibi Deus , ut ipsum ex præscripto sui verbi colamus , (b) ut vitemus falsos Doctores & Prophetas , *qui clamant hic est Christus* ; (c) ut simus *κατηφισμενοι* in eodem sensu & scientia : ut (d) doctrinis variis & peregrinis nolimus abduci. Ut (e) observemus eos , qui dissensiones & offendicula præter doctrinam , quam didicimus , faciunt. Fungitur & Vicarius suo munere , qui repetit illa legibus & speciali præcepto subditos suos de obsequio monet , quod Deus universis in hoc mundo hominibus indixerat.

§. 63. Adhæc si hæreticos punire licet , ut (f) Pseudo-prophetas , (g) idololatricos , integras civitates à Deo deficientes ; utique nefas hauderit videre , ne omninò oriantur , quod legibus tempestivè adhibitis propitio Deo fieri poterit , si non ex omni parte , saltem eo fine , ut coercita Novantium licentia confusioni & exorituris subinde dissidiis modus aliquis sit , à quibus Christianæ rei periculum est naufragii & sub-

U 3

merisio-

(a) Deut. 10, 12. & seq. (b) Matth. 24, Luc. 17.

(c) 1. Coriath. 1. (d) Ad Hebr. 13. (e) Ad Rom. 16.

(f) Deuter. 13, 2. & 4. (g) Deut. 17, 10.

merfionis, nisi validis aggeribus & catarrhactis inundationi prævertatur.

§. 64. Exemplorum Myriades in hac materia quid congerere juvat? paucis iisque antiquissimis erimus contenti. Primis trecentis annis, quibus Christiana Ecclesia præsidio & favore publico Imperatorum caruit, nihil in hæreticos decretum haud mirum est. Nam Pagani Principes aut summa crudelitate affligebant Christianos, aut si verò aliquod respirandi à continua laniena momentum fuit, inter Orthodoxos & hæreticos nullum discrimen factum, quos omnes æquè impensè amaverunt. Imò, qui rem Christianam pejùs oderunt, ut Julianus, cum animadverterent, nullis suppliciis Catholicos posse opprimi, ipso Martyrum sanguine nova subinde germina affatim emittente, id data opera egerunt, ut intestinis malis everteretur disciplina, quam non potuit externa vis quantacunque concutere: ita enim malitiose censuerunt, Christianorum Philosophiam, in varias sectas laceratam & minore auctoritate suo dissensu apud populum fore, & sensim pestifera invidiæ ac æmulationis tabe se ipsam confecturam: inde omnes Christianos nullo veritatis discrimine ad se vocatos ad mutuam concordiam insidiosis blanditiis cohortati sunt. Postquam verò Constantinus M. adsumpta Christiana religione & composita paulatim Republica rerum potitus est, contestim publicarum legum tutelam Ecclesia Dei incredibili suo gaudio persentiscere cepit. Ante omnia (a) edicto publico templa paganorum occlusa

(a) Id extat in Vira Constant. M. l. 2. c. 43. 44. Cont. l. 1, c. de Pagan. & Sacr. & templ. pro-

prohibita sacrificia, idolis & simulacris honor abrogatus, profani & superstitiosi ritus sublatis. Nec pientissimi Principis indignatio intra paganismum stetit, sed (a) hæreticos etiam complexa, scilicet Novatianos, Valentinianos, Marcionistas, Sabellianos, Cataphryges, & hujus farinae alios somniatores, non Ecclesias illis, non conventus, non scholas, non exercitia seu publica seu privata religionis infectæ concessit: Arrianismum in Concilio Nicæno damnatum laudabili odio infectatus est: imò omnes turbatores Ecclesiæ Christianæ auctoritate imperiali & jugi vigilantia coercuit. (b) Jovianus ab exercitu post mortem Juliani Apostatæ in castris Imperator proclamatus non prius imperium accipere voluit, quàm totus exercitus omnia alia confessione abjecta Catholicam fidem sequeretur, extra quam nemini, quamdiu imperavit, alterius religionis libertatem fecit: cui ut in imperium, ita idem institutum & custodiam veræ fidei successit (c) Valentinianus. Extat ejus edictum in (d) Codice Romani juris, cujus (e) Nicephorus meminit, in hæreticos summe invektivum, quod repudiata omni sequiore doctrina *unius & summi Dei nomen ubiq. celebrandum Nicæna fidei, dudum à majoribus tradita & divina religionis testimonio atq. assertione firmata observantiam semper mansuram tenendam, præcepit. Qui verò iisdem non inserviunt, porro habet edictum*

U 4

dictum

(a) Vita Constant. M. ap. Euseb. l. 4. c. 23. 25.

(b) Niceph. Call. l. 10. c. 30. 39. 40. 42.

(c) Niceph. l. 11. c. 70. (d) l. nullus. C. de Summ. Trin

(e) l. 11. c. 50.

dictum, desinant affectatis doli alienum vera religionis nomen assumere, & suis apertis criminibus denotentur, atq; ab omni Ecclesiarum limine summoti penitus arceantur, cum omnes hæreticos illicitas agere intra oppida congregationes vetemus. At si quid eruptio factiosa tentaverit, ab ipsis etiam urbium manibus exterminato furore propelli jubemus, ut cunctis Orthodoxis Episcopis, qui Nicenam fidem tenent, Catholica Ecclesia toto orbe reddantur. Quid deinde Gratianus cum Patre suo Valentiniano & Theodosio, quem ad Imperii consortium adoptavit, cum adversus (a) paganorum sacrificia tum hæreses & schismata, constituerit, notissima res est. Meretur legi edictum ex multis unum, quod ab his Imperatoribus publicatum apprimè nostro instituto quadrare videtur. Omnes vetita, (b) ajunt, legibus divinis & Imperialibus Constitutionibus hæreses perpetuo quæscant. Nemo ulterius conetur, quæ repererit, profana præcepta vel docere vel discere: nec Antistites eorundem audeant fidem insinuare, quam non habent, nec ministros creare, qui non sunt: nec per conniventiam judicantium omniumq; quibus per constitutiones paternas super hoc cura mandata est, ejusmodi audacia negligatur & crescat. Arcadius & Honorius, filii Theodosii & Successores, quas non in (c) tollendis sacrificiis, ritibus superstitiosis: (d) de locis hæreticis adimendis leges tulerunt? Idemque cum

(a) L. 2. C. de Pagan. & sacrific. l. 3. §. 3. C. de SS. Trin. (b) l. 2. C. de Hæres. & Manich. (c) l. 3. & 4 C. de Pagan. & Sacrific. &c. (d) l. 3. C. de Hæres. & Manich. Conf. §. C. de Pagan. & Sacrific.

cum Theodosio Juniore contra Manichæos: *Manichæos seu Manichæas vel Donatistas meritiſſima ſeveritate perſequimur: huic itaque hominum generi nihil ex moribus, nihil ex legibus commune ſit cum cæteris.* Nec diverſi abierunt Imperatores (a) Marcianus, Valentinianus III. (b) Leo I. (c) Anaſtaſius, (d) Juſtinianus, alii, quorum infinita pene edicta contra hæreticos bonam partem Codicis & Novellarum implent, quæ omnia hîc loci repetere ſupervacaneum ducimus; cum omnium oculis in Romanâ jurisprudentiâ expoſita ſint. Carolus M. & qui eum ſecuti in eodem atrio decurrerunt, ut nemini amplius tot rationibus edocto, tot locis ex ſacra ſcriptura inſtructo, tot exemplis præparato de jure & poteſtate ſummarum poteſtatum in legibus contra ſectarios ferendis legitima dubitare amplius liceat, quas Auguſtinus adverſus Manichæorum impetus magnificè admodum & conſtanter defendit. Et hæc quidem de officio Principis ſufficiant, quâ Vicarius Dei eſt.

§. 65. Qua Reipublicæ ſupremus curâtor & Judex: adverte quæſo: Civitatis tibi non adminiſtratio tantum, ſed & ſalus commiſſa: Hanc tuere pace & juſtitia: utraque opus, ſi te tuosque incolumes cupis: quî verò conſequare, niſi prævertas turbis & injuriis, quod celeri & commoda legum manu fit? Turbarum auctores non certiores ſunt, non periculoſiores, quàm qui novæ
 Uſquequeque religio-

(a) l. 4. C. de S. Trinit. l. Trinit. l. 8. C. de Manich. et. Hæret. l. 7. C. de Pag. & Sacrific. (b) l. 8. C. de Pagan.

(c) l. 10. C. de Hæret. & Manich.

(d) Nov. 137. & paſſim.

religionis : ex tripode dixit Mæcenas, quod οἱ τοῖν-
 τοι ἀντισφύροντες πολλὰς ἀναπείθουσι ἀλλοτρονομεῖν καὶ
 τῶν καὶ συνωμοσίας καὶ συστάσεις, ἱταρίας δὲ γίγνου-
 νται ἀπὸρ ἡκιστα μοναρχίᾳ συμφίγει : impossibile est,
 ut non turbent Rempublicam, qui hominum a-
 nimos : verè olim à Majoribus : *cum praecefferint*
sectarum nomin, mox & seditiosorum signa se-
quuntur : exempla funesta sunt patria & externa,
 quæ lugenda potius, quàm numeranda. Ratio-
 nes multæ & infallibiles. Primò religio est fun-
 damentum cujusque politix. Unam igitur esse
 convenit & sibi similem. Nulla moles impari-
 bus fulcris bene sustinetur. Nutat & stragem mi-
 natur, quicquid longo & brevi pede insistit.
 Subsudet palatium, quod firmo solo & arenoso
 superstructum : nam ipsa terræ inæqualitas, quæ
 una parte obnititur, altera imminenti vi conce-
 dit, ruinam edit : ita Respublica vix potest esse
 sospes & recta, quam diversæ religiones perflant.
 Deinde concordix vinculum solvit, quod bifi-
 dum est : hoc soluto succedunt æmulationes,
 dissidia, factiones & virulenta partium studia :
 non unitas in consiliis, non candor in curia, non
 justitia in tribunali : sed omnia dissidentix, suspi-
 cionum, invidiæ, odii, denique tumultus plena.
 Divus (a) Hieronymus hic Vates est nobis, quod
nunquam possit esse fidus affectus inter illos, in-
ter quos non est una fides : nec idem animus, ubi
diversa fides. Tertio labascit obsequiū apud eos,
 qui à Principe suo alienos Deos colunt : quicquid
 enim jubentur, si vel modicum privatæ rei obesse
 vide-

(a) Sup. 10. Cap. Matth.

videbitur, consciētia obtegatur contumaciæ & affectibus: huic vim deprecatur, libertatem petunt, negatā sumunt, excusatos enim se Deo credunt, quodcunque eo nomine fecerint: nec cessant sacri illi consiliarii, qui supra modum suspiciosi, singularem in hoc prudentiæ & iudicii penetrantis laudem affectant, nulli credere: ita vix se superior commovere potest, quin isti non in contraria statione. Religio petitur, inquiunt, si militem conscribit: tunc metu, trepidationibus, ploratu, præfagiis & oraculis omnia pulpita & diversoria perstrepunt, Dominorum aures fatigantur, incenduntur subditorum animi: Ex hoc quid denique nisi civile bellum: pandora malorum, sequi potest? Huic averruncandæ justæ sunt leges & necessariæ, quæ scindi religionē in Republica vetant: ita enim illam curare Princeps debet, ut ante omnia conservata pace occasio præcidatur civili bello, in quo etsi (b) omnia sint misera, nihil tamen miseriùs quàm ipsa victoria: qua etiamsi ad meliores venit, tamen eos ipsos ferociore impotentioresq; reddit, ut etsi natura tales non sint, necessitate esse cogantur. Alterum salutis Reipublicæ manubrium iustitia est, sine cuius aliqua specie, ut prudenter observavit Aristoteles, ne quidem prædonum societas consistere potest. Sed duplex est iustitiæ munus, præmia bonis civibus rependere: & malis pœnas. Hæc duo firmissima sunt ordinatæ Civitatis munimenta: adeoque quàm bonus & mitis pater obsequentibus subditis Princeps esse debet, tam severus tremendusque iudex

de improbis & flagitiosis: hos legibus admonet ne peccent: judicat, si deliquisse dicantur, puniit condemnatos. Peccatur verò circa religionem non minus quam in civilibus rebus, imò hoc gravius, quò semper periculosius: oportet itaque & leges in causis religionem concernentibus latas esse, secundum quas Imperanti in delinquentes inquirere liceat.

§. 66. Tertio, quà vir bonus. Ejus enim est fratrem æterno suo malo errantem consilio & ope juvare, ut resipiscat: Quod Cicero de bono Cive dixit, *qui non defendit patriam, cum possit, tam est in causa, quam qui eam prodit*, id quivis sibi dictum opinetur, ut perdiderit hominem, qui eum ore manuque destituit, cum potuerit pereuntem erigere & servare.

§. 67. Quamvis verò unus Augustinus omnium tela, quæ contra hanc sententiam jaciuntur, adversus Donatistas fortiter exceperit, imprimis ea, quæ Christianam libertatem ut velum & opperulum suis cupiditatibus & flagitiis inducebant: tamen cum à quibusdam, quos haud absurde *libertinos* appellare liceat, illa cantilena iisdem fidibus recinatur, paucissimis eorum argumenta excutienda sunt, ut ratio ordinis sibi constet. *Libera*, inquiunt, *Christianorum sunt conscientia, ab omnibus mandatis & legibus humanis exempta, per libertatem Christianam baptismo acquisitam. Fides Dei donum est insitum cordibus hominum divina manu, quæ nec jubetur, nec cogitur. Zizania inter triticum sinenda est, ut crescat: Imbecillibus enim Ecclesia indulget aliquod pœnitendi spaciū.* *Christus*

Itus non venit, ut pacem, sed gladium & diffidia patrem cum filio commissura, terris immitat. Gamalielis consilium laudandum, quod nec Deus videtur damnaſſe, qui in Veteri Testamento plurima populo suo condonavit propter ejus imbecillitatem & duritiem cordis. Ab orbe condito in nulla Republica unam fidem & religionem fuisse, ne apud Romanos quidem: nec verum esse quod vulgo fertur, religionum scusuram civili obsequio & paci officere: nam contrarium exemplis imperii Turcici Ægyptiaci & aliorum evinci, apud quos summa credendi libertas nullo tranquillitatis publica dispendio, ex adverso teste experientia constare, hæreses ab afflictione & odio augmentum sumere, nullo impellente per se ruituras: imò earum permissionem insigne remedium esse cavendo errori & offendi- gulo: ita enim innotescere, quæ cum insidiosè latent, occulto veneno tanto magis noceant. Enim verò hæc impudens postulatum maligne tegunt. Quod enim, imprimis Anabaptistæ & Photiniani, de Christiana libertate venditant, ei (a) Augustini verbis respondere volumus. Frustra dicis, relinquer liberò arbitrio: Cur enim non in homicidiis & stupris & quibuscunq; aliis facinoribus & flagitiis liberò te arbitrio dimitendum esse proclamas, quæ tamen omnia justis legibus comprimi utilissimum est? Dedit quidem Deus homini liberam voluntatem, sed nec bonam infructuosam, nec malam esse voluit impunitam. Libertas Christianorum non est illa naturalis facultas ejus, quod cuiq; facere li-
bet.

(a) l. 9. Contr. Crescent. c. 51. ubi dicitur: (1)

bet, nisi quid vi aut jure prohibetur, (a) ut Floré-
tinus definivit, multo minus, ut (b) Cicero, li-
centia & potestas vivendi ut velis, sed redemptio
& liberatio gratuita à Diaboli servitio & vinculis;
& reconciliatio cum Deo per meritum Jesu
Christi nobis acquisita, & omnibus Christianis
cooperante Spiritu S. in Baptismo ad renovatio-
nem hominis interim gratiolè communicata. A
potestate igitur Sathanæ, ab Inferno, à maledi-
ctione liberati sumus, non ut deinceps libidini-
bus nostris, corpori, abdomini serviamus, sed
Deo in sanctitate & Justitia. * Ελευθερωθέντες δὲ
ὑπὸ τῆς ἁμαρτίας inquit Paulus, ἰδοὺ ἁγιάζετε τῇ δικαιο-
σύνῃ (c) ὥσπερ γὰρ παριστάσθε τὰ μέλη ὑμῶν ὄντα τῇ
ἁναθαροσίᾳ καὶ τῇ ἀνομίᾳ εἰς τὴν ἀνομίαν, ὅτε καὶ οὖν
παροφθαλμιῶν τὰ μέλη ὑμῶν ὄντα τῇ δικαιοσύνῃ εἰς ἁγια-
σμόν: ὅτι γὰρ ὄντο ἡμεῖς τῆς ἁμαρτίας, ἐλευθεροί ἡμεῖς τῇ
δικαιοσύνῃ, νυνὶ δὲ ἐλευθερωθέντες ὑπὸ τῆς ἁμαρτίας,
δουλοῦμεν τῇ θεῷ ἐκ τῆς χάριτος καὶ τῆς ἀγα-
πῆς, quamobrem non ἀυτονομῶμεν, non autono-
mos est homo Christianus liber, nec eo fine com-
pedibus solutus, ut sui ipsius sit, sed ut Dei,
cui servire debet; unde idem Apostolus nos non
nostrum esse dixit, sed grandi pretio redemptos,
quasi de servitute in servitutem, sed longe me-
liorem, nobiliorem, beatiorem datos: unde se-
dulo omnes fideles (d) monet, ne libertatem suam
in occasionem carnis dent, sed per caritatem spi-
ritus serviant invicem. Consequitur exinde, si
Christianorum libertas in pietate & justitia, in
cultu divino & obsequio consistit, tanto liberio-
res

(a) l. 4. pr. ff. de Stat. hom. (b) Paradox. f.

(c) Rom. 6. (d) Ad Gal. 5.

res nos esse, quanto magis nos divinæ voluntati totos mancipamus: probe enim (a) Augustinus hoc sensu: *quod prima sit libertas carere criminibus*: ex aduerso, qui seruitia iustitiæ, obedientiam & opera spiritus contemnunt: qui nec Deo credunt nec verbo suo: qui relicta vitæ sanctimonia suis cupiditatibus & carni serviunt, non liberos esse, sed deterrima diaboli mancipia. Jam verò inter divina præcepta, quibus nos obsequi oportet, non minimum illud etiam est, ut obediamus Magistratui seu ἐξουσίαις ὑπερέχουσιν; qua fronte itaque libertatem contumaciæ præteximus, quæ pars obsequi, superioribus ex divino mandato debiti est? Ipse (b) Petrus hunc scrupulum conceptis verbis & data, quod ajunt opera, hominum animis eximere vult. Cum enim Christianos cuiusvis humanæ creaturæ, seu Regibus ὑπερέχοντι, seu Magistratibus, ab eo ordinatis subiectos esse jubet, idque propter dominum, cujus voluntas est, ut benefaciendo obturemus os hominibus stultis & ignorantibus, de libertate propediem subicit, quam quis potuisset subiectioni opponere: quare explicat, quomodo libertate Christiana uti conveniat, μὴ ὡς ἐπικάλυμμα ἔχοντες τῆς κακίας τὴν ἐλευθερίαν, ἀλλ' ὡς δοῦλοι θεοῦ *ut non libertatem operculum malitia habeamus obsequii negandi*: sed ut servos Dei decet, qui Domini mandatis in omnibus liberè obsequuntur, citra motus internos, metum aut coactionem: causa cum ipsa voluntas Dei est, quæ expresse Christianis commendat reverentiam & subiectionem Imperantibus exhibendam, tum

(a) Super Joh. Tract. 41. (b) 1. Epist. 2.

ut benefaciendo os hominum malevolorum obstruatur: benefaciendo, inquam, qua voce obsequium denotat. Cæterum si aliquid Imperans jussit, quod nefas sit agere, in eo etiam liberi sunt Christiani, ne teneantur hominem audire, quando oportet Deum: in aliis Christiana libertas non minuit civilium legum auctoritatem & vim, sed confirmat potius & juvat. Quocirca nisi castè admodum nonnullæ * Lutheri formulæ intelligantur, quibus Christianos ab omni in Magistratus obsequio, & legibus humanis immoderate eximit, sententia esset carnifice & culeo digna. Sed haud ignoramus, multa à Pontificiis in ejus invidiam malitiosè torqueri, quæ ipsi ne quidem eo sensu per somnium in mentem venerunt, quo adversarii capiunt: in sermone de indulgentiis longe diversum docet: *quanto, inquit, longius est à permissu & propius præcepto, tanto tutior vita: nam obedientia est tuta, libertas verò periculosa.* Cujuslibet enim boni viri fama & pudor facile suggillari potest, si ex scriptis abrupta promantur, veteratoriè omissis quæ præcedunt aut sequuntur; nam eadem arte Diabolus Christo negotium ex psalmo facessere voluit. Tantum de Christianorum libertate. De conscientia piget esse verbosum: libertas enim ejus non effrenis, institutionis & præceptorum impatiens, sibi que soli relicta: sed Christiana, ad certam scientiam & intellectum divinæ voluntatis ordinata, Ecclesiæ Catholicæ auctoritati & consensui subdita, civilibus legibus obsequens, quæ impiæ non sunt aut injustæ. Obedire enim oportet superioribus, inquit Apostolus,

non

non tantum propter iram, sed & conscientiam, tantum abest, ut ea nos ab obligatione legum liberet. Leges hæreticis graves non cogunt fidem, sed errores coercent, ne capacitati subjecti oblit, maximum illud Dei donum recipientis: confusi enim indigesta religionum farragine homines, quid potissimum credant, nesciunt. Zizania inter triticum jam jam enata prohibetur evelli: quæ nascitura est, aliam curam postulat: neque enim tunc periculum, ut probo germine noceatur. Hieronymus ad illum Matthæi locum notat, non eam fuisse Christi mentem, quasi malum omnino non sit coercendum: sed tantum ne severitas intempestiva sit, plus incommodi allatura quam emendationis: eam enim habet lolium cum tritico in primo flore similitudinem, ut difficulter invicem discernantur. Si vera est hæc explicatio, parabolæ vis non alia erit, quam ambiguas hæreses & specie veræ fidei imponentes in Ecclesia tolerari debere, ne inquisitio rigidior fidelibus etiam fraudi sit: non item crassas pridemque damnatas, & ut sic dicam palpabiles, quas absque læsione sementis boni evellere licet. Imbecilles sunt, qui lacte indigent, & doceri emendarive cupiunt, non contumaces & indurati, qui errorum admoniti nec credunt nec resistunt: illis, non his, ignoscit Ecclesia, nec Deus, qui contritos corde, non superbos fovet & ducit: hos verò dispergit, confundit, tollit (a) *virgeâ terreâ: confringit ut vas figuli*. Sane Evangelium Christi turbas ciere solet & dissidia inter homines, verum id per accidens, non suo-

X

met

(a) Psalm. 2.

met ingenio & virtute: est enim pacificum, mite, tranquillum: at hæreses per se sunt seditionum & tumultuum fomites: quanta igitur inter hæc diversitas? Præco, qui concitatos cives ad pacem hortatur, culpa caret & impune ferre debet, etiamsi homines factiosi: salutare consilio, tanquam rapidum flumen lapidum obice, ad maiorem insaniam correpti fuerint: quid igitur: ergo ne quidem puniendus, qui voce stentorea per omnia compita & plateas concordē civitatem ad arma & mutuam lanienam vocat? Consilium Gamalielis primo non excludit legitimam Magistratus animadversionem in hæreticos, sed condemnationis præcipationem deprecatur: evincunt id exempla Theodæ & Judæ Galilæi Palæstinam religionis nomine ad defectionem sollicitantium, qui non terra dehiscente absorpti, aut fidere ambusti sunt, sed à Magistratu condigne puniti. (a) Ille quidem à Prætoris Fado, qui dissipata multitudo ipsum ducem Theodam prælio cepit & securi percussit: Hujus verò filii, Jacobus & Simon, paternæ insanix hæredes sub Cirenio crucifixi. Deinde ambigebatur in Senatu Hierosolymitano, an Apostolorum doctrina ex Deo esset, an hominibus: causa dubii Judæis erat Messias dudum expectatus, quem Petrus & Johannes annunciabant. Consuluit itaque Gamaliel, quando adhuc incerta sit Apostolorum missio, ut suspensa sententia negotium Deo committant & eventui: doctrinam enim per se ruituram, si præsidio divino destituatur: Hoc verò nixam & defensam contra totius mundi odium

(a) Joseph. l. 1. Antiq. Jud. c. 4. & 5.

dium & injurias prævalituram. Hoc rerum statu consilium utique non rejiciendum, quandoquidem omnis actio ex dubitante conscientia profecta vitiosa est: quid autem illud ad hæreticos, de quorum doctrina non amplius dubitatur, cujus auctoritate & præceptis doceant. Venit jam Salvator mundi, frustra à Judæis expectandus: quare non novum Evangelium prædicari potest: anathema enim sit, quicumque aliud annuntiaverit, quam Apostoli: quis ergo hic porro scrupulus, quæ dubitandi causa? Tertio ferunt Gamalielem unum ex illis Christi sectatoribus fuisse, qui, sicut & Nicodemus, ad eum noctu venerunt metu Judæorum: cum itaque hic videret, speratu impossibile esse, ut Senatum omnem, si ex toto animo sententiam diceret, in partes suas traheret, quem potius libertate sua irritaturus esset, obliquato paulatim latere navigare cepit, ut comperendinata causa carcere & supplicio extremo Apostolos eximeret, quos non ignoravit de Christo crucifixo vera dicere, & propitio Deo tenuit propositum. Sed quis non videt, quantum referat extemporaneo consilio Ecclesiæ Dei prodesse, quam potentiores perditum eunt: & idem mox in exemplum ab aliis trahi ad confundendam Ecclesiam? licet omnibus Christianis ita consulere & quasi hoc laudabili dolo uti, ad avertendos Ecclesiæ hostes, sed non ad eosdem fovendos tuendosque. Denique quicquid etiam hujus sit, narrative magis quam dispositivè per Lucam historia traditur; absolutè verò non probatur, nec promiscuè ad exemplum & imitationem proponitur.

Quid enim periculosius, quid improbius, quid minus Christianum, quàm veram & Catholicam fidem, quæ ex Scriptura Sacra Veteris & Novi Testamenti, ex miraculis à Christo editis, ex testimonio Apostolorum & S. Martyrum, ex Conciliorum Oecumenicorum auctoritate, ex Patrum consensu probanda est, tempore & eventu metiri, quasi verò nulla hæresis senium viderit? Quid enim si Constantinus M. Gamalielē aliquem audivisset, ut Arrianorum veritatem duratione judicaret? Hæc secta trecentis amplius annis pacem Ecclesiæ & Romani Imperii turbavit: sæpe etiam supra Catholicam fidem dominata est: ut nihil de Mahumeti mo dicam, qui jam octingentos annos cum summa fidelium in Oriente calamitate durat, cujusque finem ne quidem adhuc ex altissima specula cernimus. Deo is curæ erit: nobis ignoratur: plurimi tamen Theologorum sunt, qui eum mundi universi conflagratione terminant. Quod aliquando (a) Livius de audaci & præpeti Neronis Romani Consulis consilio dixit, *ex eventu famam habiturum, quo nihil iniquius*, id si ulla in re, tum præcipue religionis causa verissimum. Sæpe enim Deus pro imperscrutabili suâ sapientia ac lenitate sceleribus quoque diutissime indulget, & probos expectatione vindictæ destituit, seu eorum patientiam ac constantiam in fide per afflictiones probaturus: seu castigaturus credulam ac infelicem temeritatem, eventui & incertæ fortunæ ipsissimam veritatem committentium: Atque hæc ad Gamalielis consilium, quod ita

nun-

(a) L. 27. c. 46.

nunquam probavit Deus, ut plures in populo suo religiones admitteret. Ejus imbecillitati & contumaciæ interdum aliquid indulgit: religionum diversarum tolerantiam semper detestatus est & acerbe (a) punivit, in tantum, ut ne quidem (b) permiserit, agros & vineas diversis seminum speciebus conseri, aut vestem ex lana linoque contexi, populum mystico interdicto admonens, ne agrum Domini diversarum religionum sementis impleant, justitiæque vestem ex dispari pietate consuant. * Errant, qui plures apud Romanos religiones fuisse asserunt: aliter duodecim tabularum leges. (c) *Separatim nemo habessit Deos, neq; novos sive advenas nisi publice a scitis privatim colunto, constructa à patribus delubra habento*: aliter Patres conscripti, dato Ædilibus negotio, (d) *ut animadvertèrent, ne qui nisi Romani Dii, neu quo alio more quam patrio colerentur*. Vacillat profecto civilis concordia, ubi religionis unitas: & ratio hoc ipsa vult, inquit subtilissimus (e) Lippius, *ut in externis istis rebus facile prompteq; diffideant, qui in sensu interno & in salutis ipsæ summa*. Odium imò vulgo à religionis diffidio, quasi in impios aut profanos: nec ladere eos verentur, quos lasisse Deum ipsum arbitrantur: ac longe ante eum Vincentius Lyrinensis contra prophanas hæreses. *Novelli dogmatis inductione non solum parva res, sed etiam maxima labefacta sunt: nec enim tantum affinitates, cognationes, amicitia, domus, verum etiam* X. 3. *urbes,*

(a) Deut. 13. (b) Lev. 19, 19. Deut. 22, 9.

(c) Cicero de Leg. 2. (d) Liv. 1. 4. c. 30. (e) Contr. Dial. 3.

urbes, populi, provincia, nationes, univ^{er}sum postremo Romanum imperium funditus concussum & emotum est. Quod exempla Turcici & Aegyptiaci imperii, religionibus variis impleti, & tamen summè tranquilli attinet, idem (a) Lippius pro nobis respondeat: quis enim melius illo ipso. Primum quoad Aegyptiacos, improbum illud dissidium esse, nondum tamen turbidum ob tres has causas, primo, quia mutuo non se damnant. Discrimina sunt & electio, sed nullum adhuc pra^judicium est probitatis: non Pontifex, non Princeps, aut ulla major potestas hanc illamve partem alteri voluit praferre. Secundam, quia sub potenti domino, cujus metu & simul mulctis illis, si quid peccare incipiunt, rigide co^rercentur. Tertiam & prae^puam, quia nulla illic publica conciones, nec flabra atq; incitamenta turbarum: ita dum conventicula non sunt, privatis parietibus dissidia illa clauduntur. Jam de Turcis plane disconveniens est. Nam quod ad ipsos attinet, una inter eos religio, & va illius capiti, qui verbo aut facto turbet. Alienas tantum, nec corruptas ex ea, sed plane adversas permittunt: atq; ita communicandi aut differendi vix cupiditas est aut causa. Contemnunt enim magis inter se, quam contendunt. Pone in media Europa Judeos, Turcas, Sinenses, (modo ne immani numero) nihil turbabis religionis aut Ecclesia pacem. Adde quod una religio dominans apud Turcas, reliqua mussant, & falsa illi ac barbara vel invita submittunt fasces dignitatis. Sed nec ad hono-

res

(a) Ibid.

res aut militiam cuiquam aditus nisi per illam unam: quid mirum ergò, si oppressa illa sileant. porro quæ de incremento hæresium afferunt Magistratus potestatem & vigilantiam non ever-
tunt. Multæ hæreses cita Imperantium cura-
tione & providentia evanuerunt, quæ adultæ po-
tuisse Reipublicæ detrimento esse: si quæ hu-
manas vires aliquamdiu superasse videntur. ex-
tra culpam Magistratum ponunt, qui officio suo
functus est: non enim ingravescenti malo igno-
scendum, sed ut regula Jureconsultorum habet,
crescentibus delictis exasperandæ sunt poenæ.
Denique præceptum est, & temerarium consilium
eo fine hæreticos inter nos sinere versari, ut fa-
cilis agniti fugiantur. Cur enim non furibus
& homicidis, & latronibus & sacrilegis eodem
promittimus impunitatem? Nimium corrupta
est humana natura, quàm ut pudore & verecun-
dia duci possit: plures securam aliorum audaci-
am in exemplum trahunt, & longe magis liber-
tate scelerum sibi placent, quàm ut eos turpitudi-
nis facti pudeat. * Vicinia, quæcunque infecta,
periculosa est, quia plus efficacis malitia habet
ad vitiandam partem adhuc integram, quàm
residua salubritatis virtus ad corruptam sanan-
dam. Quantulum cadaver est aut infectum,
quod latissimum aërem veneno implet? quàm
tenuis spiritus peste laborantis, qui validissima
adstantium corpora momento penetrat? imò,
quod magis est, infectarum ædium latibulis sol-
licite clausus per rimas & claustra integras alio-
rum ædes pervadit. Scabies contagione serpit, &
ut Naso cecinit:

*Dum spectant oculi laesos, laduntur & ipsi,**Multaq; corporibus transitione nocent.*

Quid illud vero, ut oscitans faciat osciturentem, & micturentem mejens, nisi occultus quidam naturæ consensus: quid, quod Aristotelis amici balbutiem ejus imitati sint, Platonis gibbum familiares, & Alexandri Macedonum Regis inflexum cervicis, vocisque in dicendo asperitatem Palatini? quid aliud, quam assidua conversationis & sodalitiis vis, eaque quo peior, hoc magis prævalida. Nimis verum est Græcorum adagium, * *χαλῶ παροικίῃς, καὶ ἐνὶ, σκάζον μάθοις.* Si hæc in naturalibus rebus usu veniunt, quid de moribus dicemus, ubi ad naturæ impetum electio & judicium accesserit, nisi cohibueris, semper in declive ferens? ubi colloquia improborum simplicem aut ancipitem adhuc mentem inflammaverint? Cum enim omnis contubernil ratio plurimum valeat ad corrigenda aut vitanda mortalium ingenia, tum præcipue oratio, quæ ex arcanis animi nostri penetralibus prodiens actiuosa quadam ex occulto vi seu venenata, seu salutari intimis auditorum præcordiis illabitur. Quod græcè vulgo fertur.

* *Κακοῖς ὁμιλῶν καὶ αὐτὸς ἐκβήσῃ κακός:*

id juxta Menandrum, ab Apostolo Paulo etiam in prima ad Corinthios epistola laudatum, ad colloquia imprimis pertinet: nam ut ait

* *Φθείρουν ἡδὲ καὶ ὁμιλίαι κακάι:*

Majus itaque ab Hæreticis periculum, si toleramus, ne orthodoxis virus suum instillent: quam spes, ut aliis exemplo ad constantiam sint, aut sibi ipsis emendationi. Quàm probè, & parum
abest

abest Christianè hîc (a) Seneca. *Sumuntur à conversationibus mores : Et ut quadam in contactis corpore vitia transfiliunt, ita animus mala sua proximis tradit. Ebriosus convictores in amorem vini traxit : impudicorum cœtus fortemq; et filiceat virum emollit. Avaritia in proximos virus suum transtulit.*

§. 68. Sed Reipublicæ ratio & necessitas interdum postulat, plures in ea religiones pati quasi, quod ajunt, ἀναγκάσιον καὶ ὄν. Inter eos primi sunt, qui extra Ecclesiam, ut Pagani, Mahumetistæ, Judæi, de quibus non judicat Ecclesia : τί γὰρ μὴ, inquit (b) Apostolus, τὰς ἐξ ἡμῶν κρίνεν. Alteri hæretici, qui quidem in Ecclesia visibili, cui perpetuo Baptismi scœdere adscripti sunt, sed erroribus variis, qui fundamenta Christianæ religionis ac veritatem fideli evertunt, obnoxii. Illi facilius tolerantur, quia ut dixi, extra jurisdictionem sunt Ecclesiæ. Hi paulo molestius, quod sint ejusdem membra à morbo fontico purganda potius quam negligenda : utrique tamen aliquando pro temporis & Reipublicæ conditione. (c) Constantinus Imperator initio suæ conversionis ne quidem pagana sacra prohibuit, turbulento scilicet adhuc Romanæ rei statu, & prævalida Paganismi factione : pagani etiam ab eo consules facti, ut notat Prudentius in carmine contra Symmachum. Honorii & Theodosii rescriptum de paganis non lædendis adhuc in (d) Codice juris visitur. Judæi in toto Imperio Romano non tantum ab injuriis tuti redditi : sed & eorum

X 5

cœtus

(a) De ira l. 3. (b) 1. Corinth. 5. (c) Eusebius de Vit. Const. M. l. 2. (d) l. 6. C. de Pagan. & Sacr. & temp.

cœtus legibus ac privilegiis ordinati. Honorius & Arcadius Judæorum Archi-Synagogis eadem jura tribuunt, quæ Christianorum Episcopis: (a) permittunt, litigari coram arbitris Judæis. Theodosius vetat in ipsorum Sectam recipi aliquos primatibus eorum reclamantibus: (b) alibi vetantur die Sabbati propter publicam privatamque causam in jus vocari: ipsive Christianis diem dicere. (c) Synagogis eorum milites exiguntur, qui eas hospitii merito occuparunt: (d) in summa verbis factisque ne quis eos lædat severe edictum. Quantum ad hæreses, Constantinus M. publica constitutione, quæ apud (e) Eusebium extat, religionis libertatem concessit, inter alia verò ita ait. *Jam olim quidem considerantes, non esse religionis libertatem prohibendam; sed uniuscujusq; animo ac voluntati facultatem tribuendam, res suas pro voto suo quemlibet curare, & Christianis hæreseos ac religionis suæ fidem custodire jussimus: & postea: & nunc igitur libere ac firmiter quisquis hanc voluntatem habet, ut Christianorum voluntatem servet, hoc ipsum sine omni molestia faciat, quia id tranquillitati nostrorum temporū conducere manifestum est.* Jovianus & Valentinianus, haud quaquam mali Principes, Christianæ legis unitatem aut veritatem violantes nullis minacibus edictis terruere: De Valentiniano præcipue (f) Ammianus memorat, *eum hoc modetamine Principatus inclavuisse: quod inter diversitatem religionum medius steterit, nec quem-*

(a) L. 8. C. de Judæis, &c. (b) l. 2. & 13. ibid. (c) l. 4. C. de Judæ. (d) l. 14. C. eod. (e) l. 10. c. 5. (f) l. 20.

quemquam inquietaverit, nec interdictis minacibus subditorum cervices ad id, quod ipse colebat, inclinavit, sed has partes intemeratas reliquerit. Sub Gratiano Imperatore variis modis etiam inter se circa Christianam fidem religionibus unicuique libertas facta, (a) ut quam quisque religionem sequi vellet, sine periculo vite eligeret. (b) Constantinus ad intercessionem Hilarii Athanasium Episcopum Alexandrinæ Ecclesiæ ea conditione restituit, ut Arriani ibidem quoque Ecclesiam tenerent, facultate contra Christianis Catholicis facta, ut in urbe Antiochena liberum haberent suæ religionis exercitium. (c) Imperatorem Justinum ipse Pontifex Johannes ad genua ejus supplex provolutus precibus ac lachrymis movit, ut revocato contra Arrianos edicto, severitatis pleno, imminentem Italiæ à Theodorico, Gothorum Rege, Arrianis summe addicto, tempestatem opportune averteret. De Sigismundo, qui Bohemis à Romana sede paulum dissidentibus suo more & arbitrio vivendi potestatem fecit, apud (d) Æneam Sylvium & (e) Cuspinianum notissima res est. Imo quid multis verbis opus? Sume ab ipso Pontifice exemplum, qui Romæ in meditullio Romanæ sedis Christianos peregrinos, maxime Abyssinos, à Pontificia fide plurimum alienos non tantum ad liberum suæ religionis exercitium præsidio publico allicit, sed & suis sumptibus sustentat. Testis in id est (f) Paulus Jovius, cujus de incredibili

(a) Socrat. l. 5. Histor. c. 4. Niceph. l. 12. Hist. c. 1.

(b) Theod. l. 2. Eccles. Hist. c. 12. Sozom. l. 3. Hist. c. 3.

(c) Niceph. l. 17. c. 9. (d) Histor. Boh. c. 52. 53. (e) in Sigism. (f) Histor. l. 18.

bili pene & insolita Pontificis mansuetudine hæc verba sunt. *Roma siquidem Orientales Peregrini Christianæ professionis, Abyssiniq; præsertim post maximi templi testudinem proprium cum domo delubrum habent, ubi suo more sacra conficiunt, alunturq; Pontificis sumptu, & pia benignitate aula Sacerdotum.*

§. 69. Exemplis itaque & auctoritate Christianorum Principum inclaret, hæreses aliquando in Republica necessitate seu pro alia ratione temporis toleratas esse : Quam recte & ex conscientia, id verò proxime quærendum? nam ex Pontificiis haud pauci sunt, qui illam Imperatorum benignitatem variis cavillis aut eludere conantur, aut accusare. Summa disceptationis in id resolvitur, quantum scilicet malitiæ erroribusve hominum permitti & indulgeri possit? in nudis enim permissivæ legis terminis subsistendum, non ut imperans etiam probet aut sequatur malum : nulla enim necessitas tanta est, ut aliquem ab actionis turpitudine excusare possit: nec (a) Aristotelem audio, utiliorem Principi quam honestum consultorem, * διακείσθαι κατὰ τὸ ἥθῶς, ἥτοι καλῶς πρὸς ἀρετὴν, ἢ ἡμίχρυσον ὄντα, καὶ μὴ πονηρόν, ἀλλ' ἡμιπονηρόν: nequidem si eventus respondeat. Apage illa ex (b) Seneca:

Honestæ quadam scelera successus facit.

& --- prosperum ac felix scelus

Virtus vocatur.

Abfit; vulgi hoc iudicium, & mos : (c) * ἐν γὰρ τοῖς τοῖμοις τὸ, τι ἀπολωλὸς πάντις αἰεὶ κατὰ τρέχουσιν καὶ

(a) §. Polit. ii. (b) Hippol. & Herc. fur. (c) Dio Cass. Hist. l. 48.

καὶ τὸ κρατῆσον τιμῶσι. Aliter (a) vir sapiens: *regnium à gente in gentem transfertur propter injustitiam & injurias & contumelias & diversos dolos.* Aliter illud σκῆϋ & εὐλογῶς divini nominis: (b) *non esse facienda mala, ut inde eveniant bona.* Aliter denique magnum Numen & Dominus ille: (c) *qui averſatur omnem injustitiam*, parvam etiam majoris boni causa. Non probatur illi, quod Jasoni Theſſalo: (d)* *ὡς ἀναγκάσιον ὁδικοῦν τὰ μικρὰ, τῶς βελομένους τὰ μεγάλα δικαιωπραγεῖν*: non quod (e) C. Cassio: *habere aliquid ex iniquo omne magnū exemplum, quod adversus singulos utilitate publica rependitur*, non s. nē. (f) *Maledictus enim, quicumq; cōtristaverit proximū secum* Quamobrē ne claudicat Princeps in religione, ne verā & falsam nullo discrimine, nulla electione lectetur, ut pacē civilem habeat. Moriendū hic poti⁹ ē vestigio, quā quod in proverbio est, *duos parietes de eadem deo albare fidelia.* Sed de permissione citra assensum aut laudationem aliter sentimus. Permissio vel est nudi facti, vel legis. Illa, (g) aliis simplex dicta, impedimenti remotionem significat, & improprie permissio dicitur, cum nihil aliud sit, quā id non impedire, quod possis, licet non debeas, quomodo exempli causa Deus peccata permittit, & Magistratus actus subditorum indifferentes: Præceptor lectionem authoris, non satis ad discipuli captum idonei. Hæc quæ lege fit aut plena est, quæ jus dat ad aliquid omnino licite agendum, cum permittitur, quod intrinſice

(a) Eccl. c. 10. (b) Rom. 3. (c) Deut. 25, 16.

(d) Plutarch. in polit. (e) Tac. Annal. 14. (f) Deut. 27, 24.

(g) Gerard. de Senis. Joh. Andr. in reg. peccatum de Reg. jur. in 6.

sic malum non est : aut minor plena, quæ tantum impunitatem dat apud homines, & jus, ne quis alius impedire licite possit : quod fit, cum res permessa habet aliquid moralis mali, externa saltem impunitate tuta, conscientia tamen gravis, nec divino iudicio innocens : quemadmodum permittuntur lupanaria, concubinatus, alia, majoris nimirum boni causa. De permissione facti, ut & plena ex lege, res satis expedita. Illa enim nulla ratione concurrat ad actum : hæc ad actum licitum & bonum. Superest itaque tertia, eaque minor plena, quam iterum duplicem faciunt : alia enim dat impunitatem externam cum jure, ut non impediri possit citra ullam aliam cooperationem permittentis : Alia vero præter hæc & concursus ejus sentit in assensu, promotione, auxilio : id quod iterum fit vel directè, cum quis non tantum, quod potest & debet vetare, non vetat, sed adjuvat, laudat, assentitur : veluti si Pater indulgentior filii sui leno sit & ichnobates. Si Dominus servum, ad bellum aperte injustum ire volentem ultra dimittit & incitat. Vel indirectè : idque rursus dupliciter : aut primario : quod fit, non vetando ea, quæ debeas & possis vetare : dempto tamen in assensu auxiliove concursu : aut secundo : qui non dissuadet cum debeat, aut factum reticet, quod notum facere debebat. Secundum hæc capita distinctè procedendum : Permissio hæresis manifestæ & damnatæ, quæ concurrentem permittentis actionem habet, sive id fiat assentiendo, laudando, sive juvando, participando in opere : ut & ea, quæ citra actionis concurrentiam

nec

nec vetat & impedit malum, quod potest & debet vetare impedireve: denique ista, quæ non dissuadet, cum debeat, quæ reticet, cum teneatur notum facere, omni tempore est illicita, nec boni publici, quantumcunq; maximi colore aut velo tegenda. Primo enim participat in ipso delicto, qui hæreses laudat & promovet: quod quid aliud est, quam bellum Deo indicere? Alter & tertius negligunt, quæ sunt ipsorum officii & muneris: sed Spiritus S. in eum lugubre carmen cecinit, qui negligenter & ignave officio suo fungitur. Signate tamen posui, qui debet & potest: nam alterutro horum deficiente impossibilitate excusatur aut facti, aut juris: facti, si non possit: juris; si non debet. Ita qui cum debeat, non possit, impedire malum late serpens, is nihil ab eo distat, qui impunitatem externam concedit cum jure non impediri citra aliam cooperationem: qui verò cum possit, non debet, ipso defectu facultatis agendi removetur: nec enim cuique Deus dedit hæreses per leges coercionem corporalem & supplicia expugnare: sed sicuti in aliis criminibus vindicandis solæ partes Imperantis sunt, ut supremi Judicis: alii verò cives arcentur: ita etiam in hæresium punitione: id tamen subditis etiam incumbit, ut dissuadeant, quod primario Pastorum est: deinde omnium: & indicent: primò ii, qui inquisitorum munere funguntur: mox his nesciis aut negligentibus cæteri: nam (a) hæreses graviores publicum crimen sunt, cujus accusatio omnibus patet. Denique de ea permissione videndum, quæ externa impu-

(a) L. 3. C. de Manich. & Hæret.

impunitate saltem gaudet, & jure, ut non impediat, citra approbationem ejus, qui permittit. Hic ante omnia Reipublicæ conditio & tempora diligenter inspicienda. Aut enim tranquillus est Civitatis Status, & intemeratus adhuc ordo publicus, omnesque cives in potestate & obsequio Principis: Aut jam in eo dissidia sunt propter religionem, turbæ, seditiones, subditi mandatis & jussibus Imperantis difficiles, membra cum inter se, tum cum capite suo male coherencia, ut aut periculum sit civilis belli aut defectionis quarundam partium ad externos cum ruina & perniciæ imperii conjunctæ. Si prius: non facilis essem suator Principi, ut apertas hæreses in Republica patiat, quas ἀσπαρα, ut ajunt, καὶ ἀνίπαρτα tollere potest: nec enim hoc ipsi decorum est, nec utile: non illud, quod non satisfaciat conscientiæ & officio, qui malo connivet, quod citra pulverem evellere valet. ne latius evagetur: non hoc: quoniam hæreses, etiam si in infantia adsumpta modestia quiescant, factiones & turbas ciere solent, quamprimum in virum evaserint: Sin verò posterius, necessitate & temporum injuria Princeps excusatus est Deo & hominibus: imo laudari potius meretur prudentiæ ejus & bonitas, quæ averfatur intempestiva & inutili pietate Camarinam movere, mox in Reipublicæ nervum & ipsius Imperantis sacrum caput erupturam. Sane enim præstat habere Rempublicam, utcunque ingeniorum quadam differentia hiantem, modò in civili administratione solidam, quàm aut perpetuis seditionum turbinibus agitatam, aut mox omninò nullam.

Veris-

Verissimum hic quod (a) Seneca : *Necessitas magnum humana imbecillitatis patrocinium omnem legem frangit*, & quod (b) Poeta, nescio an idem, certe ejusdem nominis:

Haud est nocens, quicumq; non sponte est nocens.

Illa temporum calamitate Medicos oportet imitari, (c) qui in gravioribus morbis aliquando plus proficiunt quiescendo, quam movendo agendo. Oportet Naucleros, qui subito exorta tempestate adversisque ventis in Oceano deprehensi obliquè navigant, si rectum cursum tenere nequeunt, ne naufragium facere cogantur. Oportet Musicos, qui si in fidibus aliquid discrepet, non abruptum statim, sed paulatim reducunt ad concordiam. Quare hic conniventia opus & patientia: Quid enim si extrema tentaveris? nihilomagus sanè proficies: cætera omnia Principi in prono sunt, sola religio non cogi vult, sed suaderi: in animo illa & mente residet, cujus dominium non hominum est, sed Dei. *Quis enim mihi, inquit (d) Lactantius, imponat necessitatem vel credendi quod nolim, vel quod velim non credendi*: si multum impetres, (e) *purpure tua cultores aliquot efficies, non Dei*. Nulla itaque emendatio animorum speranda, si vim adhibeas: certi verò & inevitabiles tumultus, factiones, & si pergas, bellum civile: Quis aded autem perditè insanus est, ut periculo, quod ante fores est, se objicere velit nulla fructus aut emolumentum

(a) Decl. l. 9. (b) Sen. Herc. l. Oct.

(c) Hippocr. 2. Aph. 29. (d) Inst. l. 5. c. 14.

(e) Themistius ap. Socrat. Hist. Eccl. l. 3. c. 21.

lumentis spe? Quanto melius (a) Carolus V. ut parentum deliria ferenda sunt, ita in civitatibus ac religionibus vitia quadam esse dissimulanda: fundamentum in Ecclesia retineri oportere, nec abnuvit (b) Molinus ipse Pontificius: Cogitur aliquando Catholicus Princeps sive Magistratus in quibusdam locis libertatem religionis sub certis conditionibus concedere, ne, si minus malum tolerare nolit, majora in Republica sua perpeti cogatur: & profecto idem salus & ratio ipsius localis Ecclesiæ postulat, cujus externa felicitas in pace Reipublicæ consistit: Hac enim turbata aut everfa quomodo illa salva esse poterit? Quid non in civili bello & regimini politico & Ecclesiastico patiendum est? imprimis verò huic, quando exacerbatis animis de religione certatur? Ultra pars vicerit, lethali odio alteram perimit: tunc excinduntur templa & basilicæ: franguntur statuæ imaginesque sanctorum: expilantur bona Ecclesiis dicata: nec clerus ab hostium ferocia & injuriis tutus, quin sæpe irrisione, cruciatibus, morte pereat: sed iusto & imperscrutabili Dei judicio orthodoxi etiam aliquando succumbunt, quos ab irato victore eadem mala manent, non enim Ecclesia quælibet particularis divinæ certæ victoriæ contra hostes promissionem habet: Universalis & Catholica quidem invicta est, contra quam etiam portæ infernorum nihil prævalebunt, locali non idem privilegium: eventus id docuit, tantum non omni Christiana religione ex Oriente diluvio

(a) Goldast. Tom. 3, Const. p. 506.

(b) l. 1, de Fid. hæret. serv. c. 2.

diluvio Mahumetismi in Occidentem rejecta: certe ubique in servitutem & triumphum ducta. Ubi hodie splendor Alexandrinæ, Antiochenæ & Constantinopolitanæ Ecclesiæ? Umbra est & imago antiquæ majestatis, quicquid residuum: cætera Turcorum superstitio absumpsit. Quæ causa vero alia tantæ ruinæ & cladis, nisi Principum dissidia & contentiones frivola in causa religionis? Hæc exemplo nobis fiat, ut alieno damno sapere discamus. Frustra hic & imperitè obijciunt, bona fortunæ & temporales dignitates Principibus ad defendendam Ecclesiam concessas, pro cujus incolumitate omnium facultatum jactura sit facienda. Nam nostro casu non de eo agitur, utrum Ecclesiam servare debeamus periculo nostro & bonorum nostrorum, si spes aliqua sit successus boni? Quis Christianus enim hoc negaverit? Sed illud potius in consilium venit, an præstet partem adhuc integram certa pace cum hæreticis facienda ab impendente perniciæ asserere: aut intempestivo Zelo eandem in summum discrimen vocare, si non luculentam pestem? tot casibus nos admonentibus, veras etiam Ecclesias eadem animi impotentia olim pessum datas? Multo minus movemur scrupulo, quem ex Paulo sibi imprimunt, non esse facienda mala, ut ex eo bona eveniant. Quæ enim applicatio aut connexitas causæ? facimus ne malum, si hæreses toleramus, quas absque ingenti Reipublicæ & Ecclesiæ Catholicæ discrimine non possumus amovere? Absit hoc: permittimus, quod corrigi nequit: innocentia vitæ, lachrymis, precibus

Y 2

contra

contra pugnamus, si armis non licet: Deo iudicium committimus: quæ unquam vero actio in patientia, eaque invita & necessaria? Ut in naturalibus impossibile dicitur, quod vires agentis excedit, veluti cælum manibus tangere: ita etiam in ordine civili, quod aut contra honestatem aut Reipublicæ summè detrimentosum. Hinc qui de re aliqua deliberant, non tantum fines sibi debent proponere, qui semper aut bonum sunt aliquod, aut declinatio mali; sed & eorum, quæ ad finem ducunt, facultates effectivas ad producendum finem, ita in deliberatione exterminandorum hæresium non tantum finis, qui profectò ingens bonum est, scilicet veri cultus restitutio: verum etiam efficiendi id potentia propè perpèdenda: *cum tuas scilicet vires, ex illius apud (a) Livium consilio, tum vim fortune, Martemq; belli communem, utrinq; ferrum & corpora humana fore, nusquam minus quam in bello eventus respondere.* Hanc considerationem tribus regulis absolvit (b) Grotius, quæ omnes huc applicitæ pacem videntur suadere, posito nimirum casu, quod reformatio morali æstimatione aut impossibilis sit, aut summè periculosa. Videamus breviter singulas ordine. Prima est, *si res de qua agitur, æqualem morali æstimatione efficaciam habere videtur ad bonum & malum, ita demum eligenda est, si bonum aliquando plus habeat boni quam malum mali.* At vero hic in hæresium correctione malum plus mali habet, quam bonum boni. Malum enim est, ut & vera religio, re minus ex opinione cedente, à falsa & improba

(a) L. 30. c. 30. (b) De I. Th. & P. l. 2. c. 24. §. 5.

improba trahatur : Bonum autem in partibus corruptis sanatio ejus, quod noxium est. Sine dubio autem malum, scilicet abolitio Orthodoxæ fidei totalis in Republica, majus est bono, restitutione quorundam membrorum ad partem adhuc integram : non agitur de religionis per universum simul imperium introductione : quædam enim partes jam eam habent : agitur verò de totius jactura : quid hic pejus aut melius ? amittere ex Republica omnem religionem, aut tota in parte Reipublicæ retenta alteram partem, quæ nec potest nec vult sanari, suo arbitrio relinquere ? illud opinor pejus ; hoc melius : aut ratio me fugit : quare intermittenda censura, cujus malum plus mali habet, quam bonum boni, etiam si efficacia ad bonum & malum par esset, quod tamen secus, ut mox dicam. Secunda. *Si videatur esse æquale bonum & malum, quod à re, de qua queritur, possit procedere, ita demum ea res eligenda est, si efficacia ad bonum quam ad malum major sit.* Sed nostro casu efficacia ad malum major est, quia immedicabilis, quia supra vires Civitatis, quia denique tanta, ut si rea peragi debeat, acie vincenda sit : ex adversa efficacia ad bonum debilis, dubia, periculosa : nec efficacia ad malum saltem major efficaciâ ad bonum : sed & ipsum malum majus bono : quanto magis igitur à curatione abstinendum ? Tertia. *Si videatur & bonum & malum esse inæquale, nec minus inæqualis rerum efficacia, res ea ita demum eligenda est, si efficacia ad bonum major sit collata efficacia ad malum, quam est ipsum malum collatum bono.*

aut si bonum sit majus comparatione mali, quam efficacia ad malum comparata ad bonum. Enim verò in violenta reformatione, quam altera pars opposita vi potest facile sufflaminare, major est efficacia ad malum collata efficaciae ad bonum, quam est bonum ipsum collatum malo: efficacia enim ad malum est facultas & potentia morali æstimatione habilis ad suppressendam veram religionem, quæ comparata cum efficacia ad bonum, potestate scilicet eadem mensuratione difficili & dubia ad reducendam in vicios partibus, major utique est quam bonum, ipsa reductio, malo, scilicet suppressione Ecclesiæ Christianæ. Itemque malum, suppressio illa totalis, majus est collatum bono, reformationi partiali, quam est efficacia ad bonum comparata efficaciae ad malum, sicut ex superioribus patet. Quid laboramus itaque in re ancipiti & ardua, quæ plane, quod dici solet, velut * αἰτὸς ἐν νηφελαις: ex qua plus damni metuendum: quam boni sperandum, si, quod facile est, expectationem nostram fallat. Quin illud potius cogites, * μὴ ἐκὼ τὴν Ἀβυδὸν, prudenter (a) Aristoteles * ὅτε μείτων ὁ φόβος τῆς ἐλπίδος, πῶς καὶ ἄξιον φυλάττειν & (b) Dion Prusæensis, * ἴσμε δεινὸν καὶ ἀδικον: ἀλλ' οὐ καὶ τὸ μὴ δίκαιον πέφνηκε γίνεσθαι, δεῖ πρὸς τὸ το φιλονεικῶντας αὐτὸς περιβάλλειν ἀτόπει τι; Propius verò ad rem (c) Cicero. *Ubi incertum magnum nullum fieri possit, incertum vel non magnum nociturum sit, quid opus est parare virtutem?* Sed hæc quidem nunc satis videntur expedita: quod enim impedire non potes citra maximum Rei-publicæ & ipsius religionis discrimē, cur non stare

(a) Sicala secunda. (b) Tarsensi altera.

(c) Epist. ad Att. lib. 13. Epist. 27.

permittes, stare inquam: non ulterius serpere, ire redire pro lubitu, multo minus laudare probare, adjuvare. Unde restat disquisitio paulo superiore gravior, quousque indulgere possit Princeps, ut in nudis permissionis terminis subsistat, nec ipso facto participet, quando hoc, ut paulo ante diximus, nulla ratio jubet: nulla necessitas excusat? Per exempla & casus quosdam eamus ad lucem difficultati incendendam. Primo de legibus quæritur: An quod licet nude permittere, id etiam liceat tueri legibus, nec tantum eo fine, ut de concessio constet, sed etiam ut jus aliquod quæratur illis, quibus indulget legislator, ne alii eos in exercitio & usu rei permissionis impedire possint? Sunt, qui id negant, quasi videatur rem probare, quam lege defendit. Sed aliud nobis placet, idque Judæorum exemplo, quos imperium ab omni Christianorum injuria publica tutela securos facit: liberum eis suæ religionis exercitium, ædibus etiam ad id datis, in quibus cultui divino vacent. Nobis verò sub gravi pœna prohibitum, ne feriatis diebus quocunque modo illis molestiam creemus, impediamus ritus & preces, Synagogas invadamus occisis hominibus. Hæc si Judæis lex permittere potest, quid nō & hæreticis? quod enim per se malum est & fugiendum, ex objecto & personarum discrimine non fit bonum licitumque: nec civilis tantum Jurisprudencia erga Judæos munis est & benefica: sed etiam (a) Canonicum jus, Pontificiis norma & compendium perfectæ bonitatis. Enimverò ne Judæos videamur patronos

Y 4

habere

(a) c. Sicut de Judæis. & c. Qui Sinceras. Distinct. 45.

habere nostræ causæ, quos, per nos esset, ad Garamantas & Indos relegatos volumus, alio modo luculenter probabimus, in legibus illis permissivis, ut possumus vocare, nihil quod voluntatem, assensum & mali approbationem sapiat, reperiri. Ac initio sciendum, ejuscemodi permissiones in legum nomem & familiam transire non qua aliquid permittunt, id enim repugnat naturæ & genio legis, quæ necessaria determinatione ad faciendum vel non faciendum obligat, omnem electionem & liberum arbitrium excludit: in Republica vero patimur hæreses, ut esse possint nullo pœnarum metu: non ut necessario sint: adeoque injuria leges accusamus de casu, quo posito leges esse desinunt; sed vel qua alios arcent, ne permissioni impedimentum ponant: vel qua ipsam permissionem limitant, definiunt, circumscribunt quasi finium regundorum judicio: neutro respectu legislator pro consciente aut approbante haberi debet: non priori, quoniam rationis est, ut quod à summo Reipublicæ rectore ex certis causis & necessaria salutis publicæ cura permitti potest, idem & præsidio legum publico custodiri possit, ne ab aliis, quibus nec alias fas est clavo Reipublicæ sine auctoritate & mandato Imperantis manum admove-
re, petulanti aut præpostera temeritate impediatur: nulla hic approbatio mali: nullum auxilium, sed tantum impedimenti externi, quod metu potest, remotio, eaque ad finem bonum ac honestum, videlicet civitatem pacandam & à civilibus bellis liberandam ordinata. Veluti qui catarrhactis & aggeribus perfossis restagnantem

aquam

aquam in planitiem & agros immittit, quæ oppido diluvium minabatur, non delectatur messis corruptione fundorumque naufragio: ita nec Princeps hæresium inundatione, quibus ab aliis non fuit obstaculum poni, quo minus libertate publicè permessa fruantur: nec posteriori: quoniam quod permitto, sed certis conditionibus, certo modo graduque, quantum actuale exercitium attinet, idque ægro animo & invitus ex ratione & necessitate Reipublicæ ad majus malum præcavendum, illud profectò non approbo, sed condemno potius: non adjuvo: sed reprimo, quantum integra publica tranquillitate possum. Voluntatis objectum hic aliud est ab objecto permissionis. Hæc enim immediatè ipsum malum intendit, quod permittit, sed nudè, citra cooperationem. Sed voluntas non vult malum approbando, sed permittit illud non impediendo, quod negare est actionem non ponere: at cõsentire & juvare est ponere, non negare. Duo actus sunt legis permittentis. Unus nuda mali permissio nec actio est, ut dixi, nec lex permissiva eo cõceptu lex: Alter circumscriptio, limitatio & modificatio isti mali, ne debitos cancellos proterve transiliendo ulterius progrediat, aut exerceatur alio modo, quam certo illo & definito. Neuter actus hæresin probat, neuter juvat: neuter conscientiæ stimulum injicit licitum faciendo, quod per se illicitum est: impunitas externa & secunda à metu legis actio conceditur, nec ea amplius, quam intra conditionem modumque publicè determinatum persliterit. Hæc de legibus permissivis in genere sufficiant, quæ non aliter à quibusdam probantur, quod secundo loco notamus, quam si lex malo certum

tempus præfixerit, quo elapso permissio & indulgentior gratia expirare debeat: quando enim, inquit, æterna securitas conceditur, sublatis excusationum causis, quæ conniventiam aliquam suaderit, non tam censeri Principem ex certo consilio ferre malum, quàm aut ignavum negligere, aut probare corruptum: quippe desinere aliquando illam necessitatem, & restitui Rempublicam in eum florem, qui sine ullo periculo aut metu majoris mali ad pravas in religione opiniones proscribendas sibi sufficiat: per se itaque illicitum aliquid esse, perpetuam cum hæreticis pacem facere. Verùm quod probationem & assensum actualem aut directum concernit, idem respondemus, quod ante: nam si ad certum tempus possibilis est aliqua permissio absque consensu: ratio nulla, quod non etiam sine temporis expressi definitione: nisi enim aliquid novi vitii accesserit, tempus ipsum, seu breve seu longum, permissionem nec meliorem reddit, nec deteriorem: itaque omnis hic difficultas in negligentiam resolvitur. Scilicet Princeps qui malo obsistere potest, nec facit, neglecti muneris & potestatis proditor reus est, nec enim frustra gladium cœlitus acceptum gerit, sed in vindictam scelerum & malitiæ. Vera hæc esse haud inficior, si fides non obstricta de crimine non puniendo. Quod si autem verba data, si impunitas promissa, jam juri naturali nihil tam congruens est, quàm pacta servare. Sed, inquis, non oportuit promittere: non valet de illicita re promissio: respondemus, utique non oportuit, nisi debuit, hic autem

* (A) καὶ ταῦτ' ἀνάγκη μῆτι, διομήδεια γι.

Nam ingens telum necessitas, adversus quam ne Dii quidem pugnare posse dicuntur. Euripides in Helena:

* Λῶν ὁ γὰρ ἐστὶν σοφῶν ἕπῳ.

Διὸς ἀνάγκης ἔστιν ἰχθυεῖν πλέον.

Promissio de illicita re non valet, si res actio sit turpis, juri naturæ aut gentium adversa: non etiam si negatio actionis debitæ, sed necessitate aut alia ratione civili omisæ. Quid enim si hæretici, qui Reipublicæ potentiam & vires in manu habent, nolint pacem nisi fidam & perpetuam: an æternum bellum cum Reipublicæ & ipsius Orthodoxæ religionis peste præfracta contumacia suscipiendum? Quid quod minori longe necessitate, imo pene nulla Judæos toleramus non expresso migrationis tempore? Quid quod Turcis vastissimas Christiani Orbis terras confecta pace vel habere sinimus, vel ultra cedimus, mox spissis & infelicibus Mahumetismi tenebris obnubilandas? Hæc talia *εἰρηὶ ἀναγκῆς* excusat, non etiam hæresium tolerantiam, quæ corrigi & emendari nequeunt? Aliena hic distinctio inter hæreticos, qui in Ecclesia, & sectas alias, quæ extra eam sunt: nam in ratione puniendi & severitatis modo aliquam applicationem & usum ista habent, non in permittendi jure: quoniam si simpliciter vetitum de malo tolerando pacisci, non in solos hæreticos regula illa sæviet, sed quantoscunque alios errores. Itaque cum de puniendis coercendisque pravis religionibus quæstio est, acriorem paulo adversus hæreticos proces-

(A) Aristoph. in Concionatric.

processum Ecclesia jurisdictione sua defendit: in permissione nihil quod prætendat, habet: Nam & extraneis, non illis tantum, qui in nostra sunt potestate & gremio aliquid possumus permittere; permissio enim nullam jurisdictionem arguit, ut puniendi reos facultas. Adhæc si hæreticis permittimus libertatem religioni suæ nullo certi temporis decursu finiendam, non promittimus æternitatem malo, sed impunitatem solum, quamdiu rebus sic stantibus illud duraverit. Quam multa vero interim accidere possunt in salutare remedium? princeps inter hæc est divina providentia, quæ Ecclesiæ suæ jugi auxilio prospicit: convertentur aliquando homines nullo labore, & suo pte ingenio ad sanio rem mentem redibunt, quos paulo antè non ferrum, non ignis, non equuleus fregit. Quod si verò resumpta audacia fortè improbiore s fiant, si nec fidei religio aliqua eis sit, nec promissorum sanctitas, si pacis conditiones, quibus in gratiam recepti, violent, positos limites præcipiti saltu profanent, si turbas dant nec vivere in Republica quietè volunt: jam nec ipsæmet amplius vinculo teneris, quod alii prius ruperunt. Quare circumspice, an tibi expediat fortiora remedia insanabili furori adhibere. Forte enim numero, potentia, viribus, auctoritate decreverunt, justo Dei judicio ad insaniam acti, ut puniantur: Forte plebs rudis & subita priori sanctitatis ac modestiæ imagine decepta, si ambitionem eorum & immoderatas spes apertius deprehendet, tuis partibus ultrò accedet relicta disciplina, in qua tumultuari & perfidum esse bonum opus est: Forte scelus nunc

nunc duce & patrone destituitur apertum invasioni & expugnatio facile : ita tibi nonnunquam *sine sacris hereditas* obveniet , ante immensis sumptibus nec sine periculo frustra quaesita. Tertia de infamia quaestio , haereticis demenda. Nimirum tam civilia jura quam Canones meritissimam poenam haereticis jam ab antiquo irrogarunt infamiam : dubitatur itaque , an salva pietate Princeps eam aliquando minuere possit aut tollere ? Nihil videmus causae cur non affirremus. Mutationem patiuntur haec jura , & ad faciem Reipublicae tractabilia sunt : in jure divino autem & naturali nulla lex de necessaria haereticorum infamia , adeoque tota res arbitrii & voluntatis ejus , qui praest Reipublicae. Iste si premedos haereticos decreverit , inter alias poenas & infamia praesto est illis inurenda , si viderit tolerandos : eandem quoque abrogare poterit : quae enim haec tolerantia cum infamia conjuncta ? quae religionis indemnis permissio tanta labe adfecta ? Quomodo quies in Republica speranda perpetuo isto calcari animis ad pacem compositis subdito ? Quarta disputatio de bonis Ecclesiasticis haereticis possessoribus , qui ea inter turbas publicas occuparunt , relinquendis minus difficultatis habet , quoniam si ipsos homines cum falsa religione inter nos recte possumus pati , iisdem profecto & bona relinquere , non nisi novo tumultu , & cum exercitu eripienda : ad quascunque pias causas fuerint dicata , in Republica & jure Imperantis manent , qui de illis disponit , ut è re publica visum est , secundum ea à nobis paulo infra amplius tradenda : fac tamen

men relinquere posse : an & cedere pacis causa nondum occupata ? Difficilius id quidem, opinor tamen, quod omnino, si necesse fuerit, imprimis si libera hominibus abeundi facultas excepta, hos enim vix est, ut recte ad aliena sacra quæ falsa esse haud ignoramus, quasi ad lanienam tradi fas sit. Bona verò, quæ propter Rempublicam, ejus salutis & incolunitatis causa cuivis dare licet : præstat enim quorundam jacturam facere, ut pacem certam & fidam habeamus, quam dubios belli eventus porro experiri : Si possessor concessis abutitur, non nostra ea culpa, sed male utentis, in cujus caput recidet malum, quod Deus ex ea causa immittit. Ex his quinto loco sua sponte liquet, defensionem & atrocitatem posse Principem hæreticis licite promittere, si forte religionis suæ causa, quæ certis legibus permessa, injurias patiantur. Nam quorsum pertinet iis impunitatem spondere, nisi implorantibus auxilium adsit contra eos, qui insuper habitis constitutionibus & edictis ea de re conditis malum bene reconditum movere cupiunt ? ex multiplici ratione tales poenam merentur : primo quod eos temere impetant, qui in publica & speciali legum ac Principis summi tutela sunt : Deinde turbas & seditiones videantur ciere velle : tertio, quod contemnant legum majestatem : quarto quod sint alieni juris usurpatores : quinto Reipublicæ vindictam privata auctoritate præripiant : quod pessimi exempli : denique plus sapere velint Rectore civitatis, cui summa rerum a Deo concessa : Tantum pro instituto de hæreticis tolerandis. Nunc ad alia.

§. 70. Haëtenus de jure & officio Imperatoris prolixè egimus, qua circa totum religionis corpus versatur. — Præterea dignantur aliquando leges singulis etiam partibus speciali cura auxiliove subvenire : & rationis est, ut cuius in totum corpus : eidem & in singulas ejus partes sit. Fit verò illud vel in iis, quæ ad substantiam fidei & salutis ipsam summam pertinent : vel quæ ad statum & disciplinam Ecclesiasticam ordinandam. In fidei substantia : veluti (a) de Deo uno, essentia, personis trino : de secunda persona in tempore incarnata, passa, mortua, tertio die reviviscente, & visibili motu in cælum sublata, &c. (b) de credenda præsentia Christi in Sacra ecena tam sub una quam utraque specie perfecta & solida : (c) de ratione celebrandarum Missarum : (d) de mortuis ungendis confirmandisque Christianorum liberis. (e) De imaginibus Christi & Sanctorum in Ecclesia tolerandis : (f) De credendo libero arbitrio : (g) De fide cum bonis operibus ad justificationem conjungenda : (h) De credendis septem Sacramentis : imprimis vero vide declarationem Caroli V. Imperatoris in Recessu imperii Augustæ Vindelicorum Anno 1548. publicatam, atque, ut rubrica habet, à Statibus acceptam, in qua de homine ante & post lapsum, de redemptione per Christum facta, de justificatione, ejusque utilitate & fructu ; de ca-

(a) L. 5. & 6. C. de SS. Trin. (b) R. l. de Ann. 1530. §. Demnach gebieten und wollen wir. (c) Ibid. §. Und gleicher weis sollen. (d) Ibid. §. Wir gebieten und wollen auch. (e) Ibid. §. Dieweil auch die Bildniß (f) Ibid. §. Ferner als etliche halten. (g) Ibid. §. Und nachdem. (h) §. Und sonderlich soll.

ritate & bonis operibus, de remissione peccatorum, de Ecclesia, ejusque signis, potestate atque auctoritate: de Ministris Ecclesiæ: de summo Episcopo aliisque. De Sacramentis in genere: de Baptismo: de Confirmatione: de Pœnitentia: de Eucharistia, de extrema unctione, de Ordinatione, de Matrimonio, de Missa: de memoria Sanctorum in Sacramento Missæ, de intercessionem & adorationem Sanctorum: de communione in Sacramento Missæ celebranda: denique de ceremoniis Sacramentorum, proluxa institutione & quasi catechetico compendio agitur. In Statu & Ecclesiastica Disciplina constituenda major liberiorque legum auctoritas: primo de clericorum moribus & vita. Missam facio nunc veterem Judæorum Rempublicam, in qua David cæcos & claudos à ministerio removit: Ezechias & Josias mundari Sacerdotes præceperunt: non indigemus alienis exemplis: Christiana Respublica abunde satis ipsa habet. (a) Justinianus vetat evagari Episcopos, alea ludere, adistere spectaculis: *maximam se habere sollicitudinem*, ait, *circa vera Dei dogmata & circa Sacerdotum honestatem*: longe ante eum (b) Constantinus prohibuit Clericos ad sordidum munus subeundum compelli. De electionibus quoque Clericorum & Episcopi multa & varia constituta: (c) cum quis eligi possit & quomodo debeat: quanto item numero & unde; tum quis eligi nequeat: (d) non officialis aut Rationalis interversa ratione fiscali: (e) non curialis: (a) non

(a) Nov. 6. c. 11. Nov. 123. c. 10. (b) L. 2. C. de Episc. & Cler. (c) L. 11. l. 31. l. 42. l. 48. C. de Episc. & Cler. (d) l. 4. C. Eod. (e) Nov. 123. c. 15.

(a) non censibus adscriptus, (b) non servus, nisi domino volente aut sciente: (c) De ætate Episcopi, Presbyteri, Diaconi, Subdiaconi, Diaconissæ. Tum verò ratione muneris Episcopalis: (d) ut Episcopus quisque in sua Ecclesia resideat: (e) ne ab illa ultra annum absit: (f) ne ad comitatum Principis sine literis commendatitiis accedat, à Metropolitano, vel Patriarcha vel Archiepiscopo impetrandis. Ne Ecclesiam litium causa relinquat? (g) ut Synodum quotannis agat solemne, (h) ne tutelam suscipiat. (i) Ne pro aliis fidejubeat, ne sit colonus, publicanus, procurator, susceptor fiscalium functionum. De celibatu variatum. (l) Constantinus Clericorum conjugio eximio immunitatis privilegio prospexit. (m) Justinianus verò Episcopis, Presbyteris, Diaconis Subdiaconisque: denique omni Clero uxoris ducendæ facultatem sub pœna privationis muneris Ecclesiastici interdixit. Sed (n) Leo Imperator ratione impulsiva Justiniani erudite refutata ejus Constitutioni perpetuum indixit silentium, & nemini voluit liberos legitimos impedimento esse debere, quo minus ad Sacerdotium & Episcopatum promoveatur, dummodo alias

Z. de Episc. & Cler. c. 17.

- (a) lib. 16. l. 37. pr. C. de Episc. & Cler. Nov. 123. c. 17.
 (b) d. lib. 37. §. 1. d. Nov. 123. cap. 17. lib. 38. C. eod. Conf. cap. 4. d. Nov. 123. (c) Nov. 123. cap. 13. lib. 9. C. de Episc. & Cler. (d) Nov. 67. cap. 3. (e) Nov. 6. cap. 3. (f) d. Nov. 6. cap. 3. Nov. 123. cap. 9. (g) d. Nov. 123. cap. 10. (h) d. Nov. cap. 5. (i) d. Nov. cap. 6. (l) lib. 2. §. 4. C. de Episc. & Cl. (m) lib. 45. C. Cod. Nov. 6. cap. 5. Nov. 22. cap. 45. x. ov. 123. cap. 15. (n) Nov. 2. & 3. Conf. cap. 6. cum olim. N de Cler. Conj. cap. 12. Nicæna Synodus: Dist. 31. 3. cap. 4. p. 12. Dist. 30. & cap. 8. Dist. 31.

eo dignus sit. (a) Porro arcentur à Clericis extraneæ mulieres, ne eorum pudicitiam & castitatem tentent, aut pravis suspicionibus occasionem præbeant: unde Monachos Monasteriasve separandas (b) Justinianus censuit. De poena Presbyterorum, qui falsum testimonium dixerunt, (c) speciali lege Theodosius cavit: (d) de peculio etiam Clericorum & successionibus ab intestato alia extant jura: Pene verò ambitus sacri oblitus essem, de quo gravissima (e) Constitutio Leonis & Anthemii & (f) duæ Justiniani Novellæ: & quis tandem omnes leges recensuerit, quæ de moribus & vita Ecclesiasticorum aliquid disponunt: nec enim capituli aut paragraphi hoc est argumentum, sed integri voluminis, extra tamen nostrum institutum: nobis enim exempla sufficiunt: Deinde ut in Ecclesia omnia ordinate & *in ordine* fiant, plurima in hanc rem constituta leguntur (g) de Psalmidia, de reliquiis, de xenodochiis, orphanotrophiis, similibusque locis pauperum sustentationi dicatis: de foro competente & modo litigandi, de legato ad pias causas, de privilegiis Ecclesiæ & locorum piorum: (h) de litiis aliisque infinitis: Tertio potestatis Ecclesiasticæ abusus coercitus, & Episcopis (i) interdictum, ne quem ante legitimam & plenariam causæ cognitionem excommunicent, quod utinam olim curia Romana religiosius servasset

(a) L. 19. C. de Episc. & Cler. Conf. 123. cap. 29. (b) in lib. 44. C. eod. (c) l. 8. C. eod. junct. Nov. 123. cap. 20.

(d) l. 20. l. 34. l. 90. C. de Episcopis. & Cleric. (e) in l. 31. C. eod. (f) Nov. 6. & 123. (g) l. 3. l. 25. l. 26. l. 28. l. 32. l. 33. l. 35. l. 42. §. 10. l. 46. & l. 2. C. de Episc. & Cler. (h) Nov. 113. (i) l. 30. C. de Episc. & Cler. Nov. 123. c. 12.

vasset, ubi temerario plane & præcipitato processu plerunque ex nubibus fulminatum. Denique, ne nimius hic sim, cavendis schismatis & hæresibus multiplex legum cura: in duobus tamen præcipue: (a) legitimo conciliorum usu & executione: ac (b) disputationum ociosarum inutiliumque prohibitione: qua in re profecto multum ad concordiam Ecclesiæ conservandam situm est. Verissimum enim, quod Sisinius ad Theodosium Imperatorem, *disputando de Sacris accendi tantum contentiones*, cujus mali nullum aliud, superius sane & nostrum hoc seculum triste argumentum est, in quo omnes malunt disputare, quàm vivere. At longe aliter Andronicus, rerum divinarum peritissimus Imperator, qui minatus est se Episcopos in amnem abjecturum, subtilius de isto, quam par est, disputantes: *pater major est me*. Aliter Leo & Anthemius, vetuere monasterio egressos de rebus sacris differere: quoniam verò hoc argumentum alium sibi locum dari postulat, eoque sustinemus calamum.

§. 71. Præclara hæc veterum Imperatorum in legibus de rebus sacris ferendis, vestigia Carolus M. & ejus successores pia imitatione & sequela pro jure suo calcaverunt, quorum Capitularium Francorum tantum non dimidiam partem istud institutum absumit. (c) Ibi enim de vita Clericorum, morum integritate & sanctimonia,

Z 2

erudi-

(a) L. 7. §. 4. C. de SS. Trin. Nov. 115. cap. 3. §. 14. Nov. 131. cap. 1. (b) lib. 4. C. de SS. Trinit. l. 29. §. 1. C. de Episc. & Cler. (c) Vid. Cap. l. 1. cap. 72. 75. 90. l. 5. cap. 25. 78. 95. 102. 103. 115. 178. l. 6. cap. 126. l. 7. cap. 93. 163. Lehman. Chron. Spicenf. lib. 2. 33, & 34.

eruditione, officio, actionibus, convictu, exercitio pietatis: de scholis & liberorum institutione, Xenodochiis: de electione Clericorum & Ordinatione Pastorum, de conjugio permissio: de Visitationibus, Synodis, de Monasteriis, Monachis, de jurisdictione Episcoporum & innumeris aliis nobilissimæ leges sunt. Imperio ad Germanos translato eadem jura Imperatores usurparunt, nullo Pontificum impedimento, usque ad Henricum IV. cui primum à Gregorio VII. ea de re lis mota est: inde per vices, prout imperium Principes habuit, vel vindicata antiquæ potestatis momenta, vel ignavè derelicta: mansere tamen ad hunc usq; diem reliquæ aliquæ, & siquæ periere, nisi nobis ignavis esse placeat, facili opera recuperari possunt: Volumen Recessuum imperii haud pauca habet, ad disciplinam Ecclesiasticam ordinandam ab Imperatore ex consilio & assensu Statuum constituta: (a) Scilicet ne Concionatores palam aut occulte in contemptum aut invidiam Magistratus loquantur: ne prius ad ministerium & conciones publicas admittantur, quam per Episcopos probe examinati, luculentum vitæ honestæ, eruditionis, & fidei documentum dederint: ne pro suggestu quicquam ad populum declament, quod ad tumultus, seditio- nes, aut hæreses concitandas facere videatur: ne Evangelium alio quàm sacre scripturæ & probatorum Doctorum sensu doceant: ne populum ab officio Missæ, precibus solitis ac operibus bonis abducant, ne Clerici Pastoresve conjugati in beneficiis & ministerio tolerantur; sed ab illis

pro-

(a) Vid. Rec. Imp. de Anno 1530. 5. dergleichen & seq.

propediem remoti aut ad dimittendas uxores adigantur, aut contumaces imperio ejiciantur: ne Clericis inhonestæ vitæ, vestium scandalosarum & scortorum potestas fiat, ne Beneficia & Fundationes in constitutionibus suis, regulis, ceremoniis, vivendique modo præscripto turbentur: ne vacua beneficia personis inidoneis conferantur contra defunctorum voluntates & dispositiones, nec Ordinariis in visitandi & puniendi jure ulla vis fiat aut mora: quæque alia sunt ad Ecclesiastici Status emendationem pertinentia.

§. 72. Porro notatu dignum & illud est, legislatoriam Principum circa sacra potestatem non tantum ea comprehendisse, quæ vel divinis literis congrua sunt, vel sua natura adhuc indifferencia, & in neutram partem nec bonam nec malam determinata: sed quæ Apostolorum canonibus & divina lege jam definita erant, interdum paulo aliter mutata esse. Ita est (a) canon Apostoli Pauli ad Timotheum, ne ~~sub~~ Episcopus fiat, Laodicens quoque Synodo renovatus, quem tamen nec Theodosius in electione Nestarii, nec Valentinianus in electione Ambrosii servare dignati sunt: Ita amplius est (b) canon, ne in Diaconissam eligatur vidua minor annis sexaginta, quem (c) Theodosius lege lata confirmavit: Verum Justinianus contracto ætatis tempore quadragenariam eligi permisit: Imò, quod magis est, Ezechias Judæorum Rex absolutæ pietatis encomio dotatus aliquoties ceremonialem Dei legem, alias strictissime observandam contrario

Z 3

jussu

(a) 1. Ad Tim. 3, 6. (b) 1. ad Tim. 5, 9. (c) 1. Nulla C. Theod. de Episc. & Clero, Nov. 123. cap. 12, 13.

jussu non tam abrogavit, quam *κατ' ἀναικίαν* explicavit. Scilicet (a) lex erat divina, *ne quis impuratus Pascha manducaret* : Hic tamen (b) Rex suis primum ad Deum precibus potestatem fecit, ut immundi etiam de sacro vescerentur : Nota est & illa (c) ritualis lex, ut pecudes non nisi per Sacerdotes jugularerentur. (d) sed bis ab eodem Rege penuria Sacerdotum pressio Levitæ ad illud munus adhibiti sunt : non ut Dei mandatis contumaci imperio obstreperet, sed ex officio boni legum divinarum interpretis, quas talium rerum constitutione & necessitatis casu non obligare censebat : Nam ejusmodi declaratio quemadmodum à privatis hominibus contra juris civilis literalem sensum in rebus moram non ferentibus quandoque fieri solet : ita quoque à summis Potestatibus in sacris negotiis, collectione idonea ex supposito casu sumpta, ne quidem Deum voluisse tunc lege homines obligari : quem in locum Decretum etiam illud Machabæis temporibus factum referri debet, die Sabbati nulla in tertium Decalogi præceptum injuria adversus hostes urgentes pro vita & patria pugnare licere.

§ 73. Cæterum ad rectè & feliciter utendi juris modum pertinet Sacrorum Canonum auctoritatem in consilio & pretio habere, ubi leges de rebus sacris ferendæ sunt : nam & antiqua sanctionum sua facilius obsequium à subditis in religione alioqui scrupulosis, impetrant, & probò exemplo sunt Ecclesiasticum Statum ordinaturis;

ex

(a) Lev. 7. 10. & 11. (b) 1. Chron. 30. 18. (c) Lev. 1. 5.
(d) 1. Chron. 29. 34. & cap. 30. 17.

ex quo laudabilis illa legum modestia, *non dedignantium sacros canones sequi*: imo Imperatorum etiam, *se sacris canonibus devinctos* profitentium, addita libertate edictis suis non parendi, si quæ illis adversa mandaverint. Cavendum tamen sedulo est, ne ista Principum pietas imperatoriae majestati fraudi sit; ac pro Ecclesiæ auctoritate & jure condendarum legum, quibus etiam oporteat ipsosmet summos Civitatum Rectores subesse, adulatoria cavillatione accipiantur: Cum enim leges civiles non dedignari dicuntur sacros canones sequi, id voluntatem legislatoris explicat, non jus demit: ita enim Principes nec Medicos nec Consiliarios, nec Architectos, nec peritos militaris rei dedignantur sequi: cur igitur Patres & Theologos, in divinis oraculis doctiores? quod illi suggerunt, consilio, rationibus, usu, haud quaquam ex se ipso in legem valiturum, id, ut ratum sit, sancit Princeps ac confirmat, non necessario obsequio accipit: Sicut alienæ Reipublicæ jura & mores cuivis Imperanti citra jacturam suæ potestatis in civitatem suam transferre licet, ac ut pro legibus habeantur, mandare nullo eorum, quibus origo debetur, alio quam gloriæ aut prudentiæ commodo. Sicut Atheniensium leges Civitate Romana donatæ in ea non ideo valuerunt, quod Atheniensium fuerint, sed quod à Decemviros Romanis, in quos populus omnem ferendarum legum potestatem eo tempore contulerat, sint constitutæ: ita Ecclesiæ canones, seu antiqui, seu recentiores, obligant cives in Republica qualibet, non tam qua Ecclesiæ sunt, quam quæ probati ab Imperatore

tore, & subditis in vim legum præscripti. Devincti sunt Principes canonibus, eo modo obligationis, quo legibus suis: non imperio superioris, non coactione: ita enim semper legibus soluti: sed libera voluntate & in testimonium clementiæ ac mansueti regiminis: Profitentur se ipsos observaturos jura illa, quæ subditis suis dant, ut æquissimam conditionem & parentium felicitatem intelligas. Præeunt aliis bono exemplo ad obsequium, ipsi extra illud, non eminentiorem in se potestatem adorant: nec tam damno est, quam munimento, libero agendi juri clausula apposita legibus, ne rescripta contra eas impetrata valeant, quia per eam fraudibus & venali subreptitionum improbitati occurritur, summo imperio nulla vis infertur: nam id ipsum ex voluntate & mandatis Principis, quod rescriptis non paremus. Ne regio animo, negotiorum mole hinc inde distracto per falsas preces malitiose obrepatur: ne præceps iracundia inconsiderato impetu noceat: denique ne mutatio quavis intempestiva Reipublicæ & Principi male informato aut affectibus repentinis indulgenti fraudi sit, extemporaneorum rescriptorum crudelitatem legum prudentia & majestas corrigit: ac per omnia id rationis est, ut recte & sapienter provisæ subitis impetuque solo valentibus præstent: ne poeniteat aliquando præcipitantia, ne imprudentiæ pudeat, non ne omnino non possit aliud mandari, in id subtrahitur vis & parendi necessitas rescriptis illis, quo quid salutaris & ad imperium Principis firmandum melius esse potest? Lapideo profecto ingenio fueris, necesse est,

est, nisi hæc capias: cape tamen exemplum, si ista minus. Testator, qui primo testamento omnibus aliis, quæ postea facturum sit, derogat, non se privat testandi facultate, quod vel eo facile intelligitur, quia testamentum posterius nihilominus valet, si clausulæ deroganti alia speciali derogetur: causa itaque, quod aliquando testamentum secundum repudietur, est ipsa testatoris voluntas, qui illud valere noluit, & ex ea præsumptio, non legitime plenoque ac libero jure secundo testatum. Eadem plane ratione rescripta contra jus commune impetrata errantis animi aut coacti indicium sunt, de quibus ipse Princeps plenius informari cupiat. Duo hic sunt Principis adversa præcepta, unum ne pareamus rescriptis: & alterum ut eis pareatur: Necessum itaque ut unum altero elidatur: Potius autem semper id nobis esse debet, quod maturius, quod utilius, quod denique ipsemet mandans cupiat in communi prævalere: id verò semper est illud, ne juri publico clanculariis & inconsideratis jussibus injuria fiat: sic enim & Reipublicæ & existimationi famæque Imperantis magis consultum: credendum itaque, ita velle Principem, & veluti literis occultis ipsi rescripto derogare, cui proinde ex ejus voluntate potiore non pareatur, non jure aliquo ejus, cui mandatum est: Turpiter falluntur, qui posterius jussum opponunt: Quid enim si Princeps jam ante præceperit, ne pareatur: Fieri id aliquoties solet, ut importunos hominum quorundam pro assignatione aliqua ad Quæstorem dirigenda assidue supplicantium occursum evitent: nam ante

monetur quaestor, ne solvat, quamvis literis illis iussus. Quid censes nunc, aut quid feceris Rationalis? Solves eo, quod postremo id mandetur? haud opinor: hoc enim simulate dixisse Principem explices, illud serio prohibuisse: eodem Praeses consilio utitur, qui rescriptum illud rejicit: Persuadet enim sibi aut nescium Dominum mandasse, aut male consultum, aut errantem; aut ebrium, aut praecipitem & iracundum, aut amore fascinaturn aut odio: aut tandem pravis animi affectibus aliis: sed ne pareat, mandasse praesenti animo, scientem, plene edocto, sobrio, preparato & expenso, non amore, non odio, non iracundia, non impetu, non ullis desideriorum nubibus impedito: quae imprudentia igitur, ut ne dicam insania, relicta voluntate honesta & recta priore, posteriorem sequi praematuram, erroneam, injustam, idque vetante ipso Principe? Atque rem se eo modo, quo diximus habere vel una Justiniani (a) Novella, ut plurimas leges taceam, evincit, quae disertè statuit, qui Ecclesiastici canones, à quatuor scilicet Synodis Nicæna, Constantinopolitana prima, Ephesina prima & Chalcedonensi, expositi aut confirmati, vim legis obtinere debeant: ab Imperatore itaque canones vim & obligationem legis accipiunt quam non habuerunt: Si verò non habuerunt, quomodo, antequam acciperent, aut subditos obligare potuerunt, aut, quod magis est, ipsum Principem? cujus ut est vim illam virtutemque conferre, ita & auferre: Proinde quod subditos obligent canones, id non ex intrinseca & do-

meistica

meltica eorū virtute, sed supervenienti legislatoris præcepto: quod verò & Principē, non ex Ecclesiæ auctoritate, sed subjectione spontanea, eaque tali, quæ cum voluntate subjicientis ambulatoria, adeoque nec post promissum necessaria, summo imperio vel agendi libertati adversa: Nimirum etiam si fateantur Principes, se sacris canonibus devinctos, non jū ex eo Ecclesiæ quaeritur: planè quomodo nec civibus, si legibus suis se velle vivere dicant: ubique legum canonumque æquitatem commendant, quam nec ipsi fugiant aut vereantur, de potestate mutandi abrogandi; nihil transigunt. Non promissum id proprie est aut pactum mutuae perpetuæque obligationis, sed spes de regimine leni & justo, quæ subditos aut alienos non adsumit in consortium imperii: quanto minus in dominos?

§. 74. Facile nunc est judicium de questione; an Ecclesia potestatem habeat leges ferendi? Ex se enim & qua Ecclesia est non habet, ita enim est cœtus fidelium, non ad imperandum à Deo ordinatus, sed serviendum & precandum: Pastores in ea non Domini, Principes, Archontes, sed legati, nuncii, præcones, qui non suo imperio obligant, sed alienum notum faciunt, cujus caput & summus Rector Christus est, qui regnum suum non esse de hoc mundo dixit, qui diligenter sibi ab omni imperandi jubendique ratione politica cavet: qui seriò Apostolos suos increpuit ad regnum aliquod terrestre adspirantes: qui eisdem certam mandati formulam præscripsit, loqui quæ audierunt, tradere quæ acceperunt: unde Paulus non ausus est Corinthiis aliquid

aliquid propria auctoritate præscribere, quid de voto perpetuæ castitatis habendum; consilium tantum dat, quod tamen non necesse sit sequi. Idem precibus apud Corinthios egit, ut Hierosolymis stipendio pio subveniant, non mandat aut jubet velut tributum: Unde Chrysostomus, *ad docendum pastores constituti sunt*, ait, *ἐν αἷς ἀρχὴν ὑδὲ εἰς ἀνδρωτίαν* nec officii eorum, *νομὸς κρατεῖν*: unde Græci Patres: *τὸ νομοθετῆν ἀνέται τοῖς βασιλεῦσι*. Et supra etiam illud ex Chrysostomo citavimus, *non est nobis data potestas, ut auctoritate sententia cohibeamus homines à delictis*. Si quid itaque aliquando Ecclesia ante Christianos Imperatores constituit, non in vim legis valuit ipso præcepto obligantem: sed vel per modum consilii directivi, quod probare & non sequi nefas esset: vel pacti & conventionis mutuæ, quo cœtus se ad servandam libero consensu adstrinxit. Interea verissimum est, particulares Ecclesias aliquando ab Imperatoribus Regibusque potestatem vicariam accepisse legibus & jurisdictione Ordini Ecclesiastico prospicere. Verum jus illud eo ipso, quo vicarium, non est proprium Ecclesiæ, sed dependet à summo civili imperio, cujus arbitrio & virtute stat caditque. Nec enim Princeps à se abdicat omne jus, sed plene illud retinet, delegata saltem aliis minore potestate, suo nomine & auspicio exercenda. Unde & revocare momento poterit, quicquid commisit, & rescindere aut corrigere, quæ minus ex ipsius seu voluntate seu mandato à delegatis acta sunt, imo quamvis omnia rite & ex voto impetrantis perfecta, ac publica auctoritate confirmata,

mata, eadem majore Principis jure licet revocare, si mutato post consilio parum è Republica videantur. Atque hujus superioris imperii praeque Synodi tantum non singulis constitutionibus suis expressione assensus summæ potestatis mentionem faciunt, unde frequens illa formula in recognitionem delegatæ potestatis concepta. *Præcipiente Rege : Decreto gloriosissimi Principis : consultu piissimi & religiosissimi Domini, annuente religiosissimo Principe : constituit aut decrevit Concilium.*

§. 75. Verum autem esse, quod diximus, Decreta & constitutiones Ecclesiæ ac Synodorum ab illis, qui Reipublicæ præsunt, mutari posse, jam à Balsamo etiam exemplis confirmatum, qui canonem Concilii Chalcedonenis refert, (quo statuitur, *ut si qua civitas per imperiales literas metropolis nomen acceperit, solo titulo fruatur, & vera metropoli jus pristinum integrum maneat*) ab Imperatoribus sæpissime neglectum, qui plurimas Metropoles plenissimo jure crexerunt, quemadmodum (a) Justinianus quoque illam in Illyrico, donatam Archiepiscopali jure, ita ut Thessalonicensi Archiepiscopo nullum in eam Ecclesiam jus servaretur. Præterea quoties (b) Imperatorum edictis Veteres canones de Episcoporum electionibus aut mutati aut rescissi? Quoties alii item emendati, à Synodis confecti? Antiquissimus canon erat, ut singulæ Civitates singulos habeant Episcopos, à quo tamen & Isauropolitani & Tomenis imperiali gratia excepti fuerunt: Tomeni enim tota

Scythia

(a) Nov. 9. (b) vid. lib. 36. C. de Episc. & Cler.

Scythia subiecta fuit. Denique quid aliud quam civilium legum vim & auctoritatem supra canones arguit illud in Concilio Chalcedonensi positum & jugiter observatum, ut nimirum Ecclesiasticum regimen Reipublicæ civilium ordinem, velut exemplar, sequatur? Canon, qui vigesimus septimus, ita habet: τοῖς πολιτικαῖς καὶ δημοσίοις τύποις ἢ τῶν ἐκκλησιαστικῶν ἢ ταῖς ἀκολουθεῖται.

ANNOTATA

Ad

CAPUT V.

§. 1.

TAm apud gentiles.] Ita Romani imperii primi auspices Romulus & Numa Reges de sacris tulere leges: ipseque etiam sacrorum quorundam auctores, nec id sine miraculis commentis, ut Livius nihil dissimulat. Præcipue verò ait hic quot institutis sacrariis clarus: Pontificis, Flaminum, Sacerdotum, Vestalium Virginum: aliorumque Sacerdotiorum. Apud Græcas Civitates qui iurium conditores, iidem & sacrorum, quibus Rempublicam niti credebant. Unde Lycurgæ leges, Draconis, & qui præterea inter sapientes clariere, primam religionis curam habent, qua recte ad indolem populi constituta cætera omnia ipsis in proclivi.

[§. 2. Ex adverso cum à metu externo vacat religio.] Jam sua ætate Hieronymus in vita Malchi luculentam Ecclesiæ felicitatem cognovit. Postquam Ecclesia cepit habere Christianos Magistros, inquit, facta est quidem opibus major, sed virtutibus minor.

[§. 3. ἀλλὰ τὴν εὐνοίαν.] Ut semper inter se dissiderent servi: sufficiens concordiam & veritas.

[§. 8. De honore & prædixia.] Ealis inter Romanam & Constantinopolitanam Ecclesiam diu agitata tempore Bonitacii III. finem accepit, Phocæ Imperatoris iudicio pro Romano Præsule dicentis sententiam. Honoris tamen magis quam potestatis victoria fuit, nec unius Pontificis iugo subiectis Catholicam Ecclesiam, sed ipsi saltem in ea primum locum dedit ad instar Senatus Principis.

[Sed

[Sed vix ullus repertus est.] Tentatam quidem ab aliis quoque rem non ignoramus. Sed plerumque infelici exitu. Gregorii II. & III. jam capiebant illa consilia, dum alienata Italiâ ignibus suis micarent. Sed brevis ævi saltus fuit, immaturo impetu exuberans. Francorum enim Principum potentia & auctoritate subito repressus subduxit intra corticem verberibus timidum caput, tempus opperiens, quo opportunius luxuriaret, quod Gregorius VII. sub Henrici IV. turbido imperio invenit.

[Imò vero Gregorius M.] Epistolarum suarum lib. 4. Epist. 34. 36. 38. 39. 40. Item lib. 6. Epist. 24. 28. 30. 31. Et lib. 7. Epist. 30. & 69. Res ipsi cum Johanne Jejunatore ac Cyriaco Byzantinis Patriarchis fuit, Episcopi Oecumenici nomen affectantibus. Eorum ambitionem acerbe perstringit multis locis, quos omnes recitare instituto nostro prohibemur. Summa tamen singulorum est, & injuriam fieri Ecclesiæ Christianæ illo tumore, & jam Antichristi superbiam tubam canere. Ecce pauca selecta ex magno cumulo. Ego autem fidenter dico inquit, quia quicquid se universalem Episcopum vocat, vel vocari desiderat in elatione, Antichristum præcurrit, quia superbiendo se cæteris præponit. Nec dissari superbiæ ad errorem ancitur: quia sicut perversus ille Deus videri vult super omnes homines, ita quicquid iste est, qui solus Sacerdos appellari appetit, & super cæteros Sacerdotes se extollit. Idem alibi. Triste tamen valde est, ut patienter feratur, quatenus despectis omnibus prædictus frater & Coepiscopus meus solus conetur appellari Episcopus. Sed in hac ejus superbia quid aliud nisi propinqua jam est Antichristi tempora designatur? Quia illum videlicet imitatur, qui spretis in sociali gaudio Angelorum legionibus ad culmen conatus est singularitatis erumpere, &c. unde per omnipotentem Dominum rogo, ne pietatis vestra tempora prætermittatur unius hominis elatione maculari; neq. tam perversi vocabulo illum quoquo modo præbeat assensum. Et rursus alio loco. Certè Petrus Apostolus primum membrum sanctæ & universalis Ecclesiæ est. Paulus, Andreas, Johannes, quid aliud quam singularium sunt plebium capita? Est tamen sub uno capite omnes sunt membra Ecclesiæ. Atque ut cuncta brevi circulo locutionis adstringam, sancti ante legem, sancti sub lege, sancti sub gratia, omnes hi perficientes Corpus Domini, in membris sunt Ecclesiæ constituti, & nemo se unquam universalem vocare voluit. Vestra autem sanctitas agnoscat,

gnoscat, quantum apud se tumeat, qua illo nomine vocari appetit, quo vocari nullus præsumpsit, qui veraciter sanctus fuit. Itemque. Nullus unquam decessorum meorum hoc tam prophano vocabulo uti consentit, quia videlicet si unus Patriarcha universalis dicitur, Patriarcharum nomen ceteris derogatur. Sed absit hoc, absit à Christiana mente id sibi velle quempiam arripere, unde fratrum suorum honorem imminuere ex quantum lacuna parte videatur.

[Huic monstro occasionem dederunt.] Certè quidem etsi fateri libeat, sententiâ Phocæ Bonifacio Pontifici ultra primû honoris gradum & potestatis aliquid supremæ in Ecclesiâ universalem adjectum esse, indubium tamen est illam, quantacumque fuerit, intra causas spirituales & fidei res compulsum, quâum titulo in civilibus etiam dominari non licuit. Recte igitur hoc monstrum pridem in mysterio latitans, ac trepidè interdum per intervalla spiracula quædam edens demum Hildebrandi auspiciis erupit, sibi que ausum est publicis decretis auctoritatem atque venerationem comparare.

[Illa doctrina caruisset.] Scilicet de suprema Pontificis potestate in omnes Reges & Principes Christianos. De primatu enim & universali æconomia jam multo ante disputatum est. Sed disputatum semper à unanimi consensu pro Romano Præsule conclusum nihil. Græca enim Ecclesia & omnes in Oriente acerrimè semper resistere, ut notum est.

[Immensis librorum centonibus.] Id præcipuè sedulo à Jesuitis præstitum, qui nec dum in tanta luce desinunt nobis fumos vendere: adeo sibi potestate pontificis in omnia cœlestia & terrestria validâ, (qua Vicariatus illius fundamenta constant,) placent. Alii tamen leniendæ invidiæ causa indirectam saltem potestatem cudunt, in subsidium regis & civilis, quam à recto tramite errantem possit vi sua & multis reducere. Ita Bellarminus, Pontificem habere potestatem in temporalibus asserit, non autem habere potestatem temporalem, qua Pontifex est. c. 12. Contr. Barcl. id explicat exemplo carnis & spiritus. Caro subest: Spiritus præst. Et licet Spiritus non se misceat actionibus carnis, sed sinat eam exercere suas operationes: tamen quando ea officiunt fini ipsius spiritus, tunc spiritus carni imperat, eamq; castigat. Sic potestas spiritualis se habet ad seculari. de Rom. Pont. l. 5. c. 6. Quantum per eam Pontifici liceat ad Principes in orationem cogendos, alibi clarius exponit. Si velit Imperator ad nutum Sacerdotis gladium

dictum stringere, vel si contra nutum ejus strinxerit, & si res sic ad bonum spirituale necessaria, coget illum Pontifex gladio spirituali, hoc est, censuris Ecclesiasticis materiale gladium stringere, aut in vaginam recondere. Et si censuris non movebitur, & Ecclesia necessitas id requirat, liberabit subditos ejus ab obedientia, eiq. imperium abrogabit. Contr. Barcl. cap. 19. Ad nutum igitur, ad servitium Pontificis Romani facti Principes, ut arietes ad pedum opilionis circumagendi. Tali enim comparatione Bellarmino Respublica legitur, ut non plus liceat imperantibus in subditos, quam arieti in gregem, cui pastoris jussu ductuque præit. Videte hominis temeritatem & arrogantiam, ad quam vile ac sordidum munus Reges condemnnet? quam in ergastula & compedes rapiat? Quem dictatorem illis præponat & rectorem, ex altâ speculâ elata voce clamantem. Ego pastor sum; vos populi ovicula estis; Reges vestri sunt arietes. Itaq. dum Reges vestri arietes esse perseverant, sino ut vos regant & ducant. Sed si vertantur in lupos, æquum ne erit, ut patiar duci oves Domini mei à lupis? Advers. Barcl. cap. 31. imò non patitur, abigit, jugulat. Quid deinde subditos jubeat attendite. Principi ab Ecclesia publica auctoritate excommunicato & deposito, qui proinde legitimus Princeps esse desinit, nulla deinceps obedientia debetur. Expende utrum majorem fidem habere debeas patri tuo Christi Vicario, & matri tue Ecclesia, quam uni falso fratri, qui te seducit. Bellarm. eod. c. 31. advers. Barcl. quasi necesse sit excidere imperio, quâ gratia Præsulis illius excidit: aut seditione & moribus civilibus auspicari censuras. Recte M. Antonius de Dom. ad hæc Bellarmini verba norat, eâ ratione privati ex Ethnicismo conversi multo esse meliorem conditionem quam Regis. In illum enim, si suis divitiis abutatur, papa nullam ne indirectam potestatem exercet. Hunc majestate & omni sorte temporali spoliât, si abutatur. l. 6. de Rep. Eccles. c. 10. Tanta amplitudo & licentia indirectæ etiam potestatis, profecto virtute sua directæ, imo hæc sequioris, & ejus magistræ. Quantum enim non per illam licebit Pontifici? quid non audeat hoc armorum genere? Quis illi invisus securus esse poterit, ut non obliquo fulmine feriat? Certè illudunt nobis hoc commento publici hostes, & incrustant atrocissimum virus, quod in caudâ habent, nescio qua specie coloratæ amœnitatis. Quamvis enim, verba sunt ejusdem Marc. Antonii de Dom. l. 1. spiritualis hac potestas indirectè operans, nihil minor sit minus, pos-

fit, quam suprema temporalis directe operans; nihilominus tamen, quia hi ipsi Theologi, qui hanc adhibuerunt moderationem satis frivolum, ad Papam plenissime spectare docent definitiones & declarationes catholica doctrina, quis impediret Papam aliquem, si is ad occupandos terrenos Principatus etiam directe inhiat, minus ipsemet declaret, palponum suorum Canonistarum doctrinam de directa potestate esse veram & catholicam, Theologorum vero esse reprobendam? Nemo me hercule impedit, nec Pontifex se ipsum, quin, quo suopte ingenio fertur, ad usurpationem directæ quoque potestatis trans-eat. Magis enim placent illi Curie, qui vicariam maiestatem nullis caulis, nullis finibus includunt; sed gnaviter blandiente adulatione civilia æque atque sacra munia submittunt. Ob id Bellarminus indignationem incurrit, quod indirecta sua potestate mediocriter videretur Pontifici os sublinire. Parum enim abfuit, Barcayo teste de Potestate Papa. c. 13. quia iratus pater omnia Doctoris illius opera, quæ hæresim summo hodie successu oppugnant, pontificia censura magno cum Ecclesie detrimento aboleret, ut illius ordinis patres, cujus tunc erat Bellarminus, serio mihi narrarunt. Hinc alii prolixiori palpatione auram captantes laxant aggeres, & tota vi in respublicas immittunt periculosos æstus, capita Regum pro arbitrio ferentes. Dissertæ Alexander Carevius de Potestat. Rom. P. I. 2. c. 3. n. 18 inquit Ex quibus concluditur vere & juridice nullum in orbe Principem esse, qui delinquendo Romanum Pontificem in superiorem non habeat, temporaliter eum, si expedit, punientem & deponentem, vel alios pro modo delictorum corrigentem. Et contrarium asserere est hæresis omnis hujus temporis hereticorum. Cap. 14. ejusdem Libri, n. 17. proponit observandum, quod potestas triplex sit: immediata scilicet derivata, & in ministerium data. Prima est in solo Papa. Secunda in omnibus Episcopis & Prelatis Tertia in Imperatore, Regibus & Principibus secularibus, qui jurisdictionem super talia à Deo mediante Papa accipiunt, in cujus signum ei fidelitatis juramentum præstant. Satis hæc clara & aperta distinctius exponit Suarezius, cum pro fligato pudore non veretur scribere, Reges Christianos non solum quoad personas, sed etiam quoad regiam potestatem, hoc est, non solum ut homines, sed etiam ut Reges Christianos potestati pontificis subjici defens. ad 6. Angl. Sect. l. 3. 32. Sed tædet serio nugarum & inverecundissimæ ambitionis. Quid enim non auctores homines credis, quibus tanto apparatu fabulam

bulam instruere, & pietatis specie posteris relinquere in disciplinæ illorum parte est? Argumenta requirimus, rationes & celestem auctoritatem. Velim mihi æternum fidem abesse, si præterquam quod se mutuo fideliter exscribunt, uno illorum utantur tantæ rei conficiendæ idoneo. Excresceret in longum sermo, si vestigia pressius sequi & inania præludia ostentationis tantopere intumescens velimus explodere. Cordatus lector ipse judicabit, quam dignum sit patella operculum: nec pauca toto libro inveniet, quæ larvam spectro detrahant & asino indumenta.

[Quarum condendarum jus & potestatem sibi Pontifices sumunt.] Si non directò, quod quibusdam videtur, saltem per ambages & mediante Ecclesia, cujus, præsentis etiam, definitionibus metiuntur traditiones quasdam. Et rursus auctoritatem Ecclesiæ subjiciunt Pontificis judicio. Gretserus traditionum multiplicator id esse traditionem Apostolicam, inquit, quod universa Ecclesia amplectitur & credit, in præsentis scilicet. Nam fieri potest, ut antea sæculi res non fuerit plene patefacta, & perfectè discussa: & per consequens contingere potuit, ut aliqui fideles de numero Canonicorum librorum dubitarent; vel etiam disertè hujus vel illius libri canonicam auctoritatem negarent, absque ullo Catholica fidei præjudicio: re nondum satis explorata, neque ad liquidum per Ecclesiæ Doctores discussa. Aut si olim ad liquidum explorata fuerat, postea temporis progressionem iterum obscurata, & dubitationum tenebris obvoluta. Hodie tamen re manifestè de numero canonicorum librorum compertà & statutà dissentire nequaquam licet. Hæc Ecclesiæ tribuunt, sed plus Pontifici in illam. Ejusdem Gretseri verba sunt in colloquio Ratisbonensi. *Judex generalis, legitimus, ordinarius omnium controversiarum, quæcunque possunt oriri in negotio religionis est Pontifex Romanus, sive solus definat aliquid, sive definat cum concilio generali. Iste judex semper est infallibilis, quando ex cathedra definit, ut Pontifex, nulli errori obnoxius. Eodem sensu, imò apertius Bellarminus. Habent quidam Concilia tam generalia quam particularia judicium in controversiis religionis, sed illud judicium tum demum est firmum & ratum, cum accesserit summi Pontificis confirmatio, proinde ultimum judicium est summi Pontificis.* l. 4. de R. P. c. 1.

[§. 11. De interpretatione.] Vide quas pro jure interpretationis sibi debito allegat rationes Ferdinandus Imperator

tor in edicti proœmio. Et quid regeſſerint Imperii Status Auguſtanae Confeſſionis in diverſis proteſtationibus, quorum argumenta in compedium redacta habes apud Limn. Tom. 1. Add. ad Lib. 1. J. P. c. 13. p. 161.

[§. 13. Non deſperamus verb. penitus.] Salutare fuit Procerum noſtrorum in conventu Osnabrugeni conſilium de componendis religionis diſſidiis. Wenn man nun in dieſen Punkten allen und jeden mit Gottes Hülff zu einträchtiger freundlicher Vergleichung gelanget iſt / ſo halt man Evangelischen Theils davor / daß daruin alsdann die Gedanken nicht hintan zu ſetzen / wie beyde Theil auch in denen ſtreitigen Glaubens-Articuli zur Chriſtlichen Einigkeit gedeyen konten / ſondern es möchten die Evangelischen von Herzen wiſchen / daß die Römisch Kaiſerliche Majestät ein frey unparteiſch National Concilium an einem bequemen Ort Teuſcher Nation anſchreiben / dabey die Requiſita ſolches Concilii in Acht genommen / und von Kaiſerlicher Majestät ſolches nach dem Exempel Conſtantiani Magni und anderer löblicher Chriſtlicher Kaiſer dirigirt werden. Wolten ſeine Kaiſerliche Majestät andere Chriſtliche Könige auch erſuchen / gelehrte / gottesfürchtige Kent dazu zu ſchicken / würde ſolches die lang erwünſchte Einigkeit in Glauben durch Göttliche Hülff trefflich beſördern. Similia habet Thuan. l. 28. p. 564. c. 2. & 265. c. 1.

[Oecumenicum enim per ambitionem Romanæ Ecclesiæ non licet sperare.] Imò nec poteſt hodie Imperator, ut olim, indicare œcumenicum, angustia imperii exclusus à cogendis ex omnibus Orbis partibus Episcopis. Vixini Reges nec accedunt vocati, invidia gloriæ: nec, ſi acceſſerint, unius Imperatoris erit Synodus. Sed ſtabit autoritate omnium Principum, à quibus miſſi patres. Ac etiam utcuſque omnes Reges Chriſtianos congregaveris, intra Europam necelle erit conſiſtere. Ex Aſia & Africa nemo advolabit. Vix vero mereri illud nomen concilii œcumenici poteſt, quod ex ſola Europa nec tota confluxit, tot in aliis mundi plagis reliquis Chriſtianis, quibus nulla ſeſſio & nulla vota dantur in illo cœtu. Sive quod vocati non ſint, ſive quod invitatis non liceat venire interdicto Principum, quorum imperiis ſubſunt, ex frequenti coitione in ſe aliquid mali decerni metuentium. Et hæc cauſa fuit, quod diſcerpto Romano imperio conteſtim deſierint œcumenicæ Synodi celebrari, ut Chriſtiana res vix quatuor, aut ſi liberaliter calculus ineatur, ſeptem numerare poſſit

possit eo nomine sine controversia dignas, veluti à nobis infra dictum est. c. 8. §. 4.

[§. 15. Qua de re plura alibi dicturi sumus.] Cum volente Deo in causis civilibus jurisdictionem imperatoriam alio loco trademus. Illuc enim spectat concurrentia aulici Consilii cum Camerâ imperii, olim magnopere impugnata; invidia tamen magis partium quæ studio, quam rei veritate. Conf. nonnulla in §. 4. cap. 6. notata de hac re.

[§. 20. Periculo in se recepto.] In confessione & rescripto in Comitibus Augustanis edito anno seculi decimi sexti quinquagesimo nono. Ubi circa finem scripta sequentia leguntur verba. Weil dann auch dieses ein solche Sach / die ihrer der Augspurgischen Confession verwandte Stånd eignen Bekandtniß nach / sie nicht betrifft / auch auf ihrer Verantwortung nicht stehet / sondern ihrer Majestät und der andern Stånd allein eigen ist / darinn auch sie der Augspurgischen Confession verwandte Stånd sich vormals ihrer Majestät nicht einzugreifen / noch Form oder Mas zugeben / ausdrücklich erboten / so ist ihrer Majestät gang gnädig Begehren / sie wollen es nochmals bey demselben gutwillig beruhen / auch in einer solchen schweren und darzu ihrer Majestät eignen Sach die Verantwortung / wie dann solches alle menschliche Vernunft erfordert / ihrer Majestät selbst lassen / die nimt auf sich / Gott und der Welt Red und Rechenschaft davon zugeben : und ist ihr Majestät es gegen ihnen samt und sonders mit allen Gnaden zu erkennen geneigt.

[§. 24. Ut aculeatè satis Ferdinandus argumentatus est.] Secundus scilicet Ferdinandus in edicto suo. Weil keines Theils Religion mit sich bringet / oder ihr Religion darauf fundiret ist / daß ein jeder derselben zugethan müste ein Erbsitz oder präbenda haben.

[§. 27. Ita apud Ecclesiam Romanam.] Ibidem qui inito matrimonio sacrum ordinem deserit, omnibus ecclesiasticis excidit bonis, quorum non amplius capax est, sed nulla famæ aut honoris labe. Auch die Catholische Geistliche / wie Ferdinandus in edicto suo. §. 2. So aber noch nicht in hoher Weihe / wann sie sich in den Ehestand begeben / solche Stift und präbenden ohne einigen Nachtheil ihrer Ehren / weil sie zu geistlichen höhern Aemtern nicht mehr qualificirt seyn / selbst verlassen müssen.

[Non alio se colore à necessitate consensus in reservatum adhibendi, &c.] In Protestantium Triplicis anno 1557. die 12. Martii exhibitis circa finem. Es haben aber ihre Chur und Fürstl. Gn. Gn. und Gn. solche nothwendige Protestation/Declaration und Erklärung disseits in dem Punct der Geistlichen Vorbehalt ihres Gewissens halben nicht umgeben können/ bitten darauf E. Röm. Rön. Maj. wollen derselben allernädigst ingedenck seyn / und die Ding nicht anders/ dann als dieselbe allein zu Befreiung der Gewissen gemeinet / vätterlich verstehen und aufnehmen.

[§. 28. Ubi non decet eos.] Wiewol aber unsre gnädigste und gnädige Herren in der Constitution berührtes Artikels E. Rön. Maj. Form und Was nicht geben konten / und derhalben berührter Punct / so ohne ihr Chur und Fürstl. Gn. Gn. und Gn. Bewilligung gesetzt / auf ihr Verantwortung nicht stehet/ auch ihr Chur und Fürstl. Gn. und Gn. E. Röm. Rön. Maj. und den andern Churfürsten / Fürsten und Ständen in derselben allein Sachen nicht eingreifen sollen/ 1c. Supplicatio Statuum Aug. Conf. add. anno 1556. in Comitibus Ratisbon. die 22. Decembr. exhibit. Ac rursus in Triplicis suis Comitibus iisdem editis hæc verba sunt. Ferner der Geistlichen eignen Sachen nicht eingreifen wollen.

[Ubi negotium illud protestantes plane non attinet.] Replicæ Protestantium 17. Febr. die anno 1557. in dictis Comitibus exhibit. Haben wir uns solcher Satzungen/ so unsere gnädigste und gnädige Herren nicht belanget / derer Gewissen auch derhalben befreyet/ seruer nicht angenommen/ und E. Röm. Maj. darinn kein Was geben können.

[Nec de illo purgatis conscientijs.] In paulo ante dicta supplicatione. Und derhalben berührter Punct auf ihr Verantwortung nicht stehet. Et in Replicis illis. Derer Gewissen auch derhalben befreyet.

[Cujus periculum factum esse, &c.] Vide ejus verba in his annotatis ad §. 20. tradita.

[§. 47. E bonis novalibus.] Novalis est ager de novo ad culturam redactus, de quo non extat memoria, quod aliquando cultus fuerit. Ejus decimas alii domino territorij vindicant, alii Ecclesiæ ejus loci. Hic consuetudo optima est arbitræ rerum. Extra eam vincet eminens dominium. Nam quod sacrificuli pro sua causa ex divino jure mandatum adferunt, aut dudum est cum expiraverit, aut ridicula applicatione lan-

guet.

guer. Ceterum de bonis novalibus plura legi possunt apud Welnerum Praet. obf. lit. N. verb. Noval. Zehend.

[§. 49. *Eo colore defendisse.*] Daß die Stifft und Elöster / so den geistlichen Thur- und Fürsten zuständig / aber in ihren Fürstenthumen gelegen / im Religion, Frieden nicht begriffen / noch desselben beneficien / daß man sie nemlich bey ihrer Religion bleiben und unreformirt lassen müste / theilhaftig: weil sie nicht selbst Reichs, Ständ / sondern Unterthanen und allein Land, Ständ wären. Aut. Auton. part. 3. c. 27.

[*Religiosam pacem inter solos imperii status conferam.*] Verba eorum hæc sunt. Es wissen sich aber die Herren subdelegirten Commissarien auch zu berichten / daß der Religion-Fried zwischen den Ständen des Reichs aufgerichtet und hat dieselbe Constitution den Verstand nicht / daß die Ständ den Unterthanen ihren Willen und Gefallen nach ein Religion zu lassen / sondern wider sein Gewissen keinen zu eigner Religion zwingen sollten / wie dann ein Erbarer Rath dieser Burger bey ihrer Religion und Gewerbe bleiben lassen. Mögen auch nach ihren Herzen glauben was sie wollen / allein daß sie als Burger ihrer Obrigkeit und deren Religion sich nicht widersetzen/ da es aber ihnen nicht gelegen seyn solte/ sich solch r jetzigen gemeiner Stadt Religion anhängig zu machen/ sich nachmals mit der Burgerschaft nicht konten vergleichen/ siehet es ihnen frey/an andere Ort ihres Gefallens zuziehen.

[§. 50. *Buchardo.*] Certe non latet me, dubitari de auctore libri tam virulenti, nec leve esse conjecturas, Jurconsultum in locum sacrificuli alicujus polypragmonos substitutum, ut scripto major auctoritas accederet insignis viri & publicis actionibus exercitissimi nomine; Quia tamen nec inter eos, qui rejiciunt Buchardum, satis de certa manu convenit, libuit mihi se publice professum autorem nominare, quam suspicionibus agere dubiis & plerisque ignotis.

[§. 61. *Non consilii id, &c.*] Perquam sapienter & vage Barclajus Part. 2. Satyr. Sed postquam altiori mente, inquit, omnia pariter revolvi, acerbissimo dolore persusus sum, quod viderem contentiones mortalium non aliter divinis ceremoniis, quam humana lite abuti. Omnia agi superbacaneo impetu & crudelibus maledictis, qua tamen invicem reprehendunt. Eruditos ambitu trahi, & factionibus potentes. Imbecillos vero auctoritatem doctrina aut virium sequi. Quotusquisque, cogitabam, aut Acignianus est, aut in Catharini fa-

milis videri, quem non impressa institutio parentum, aut sua gentis conversatio, aut impetus nullo rationis argumento firmatus in partes seduxerit? quam pauci matura mentis consilio ducuntur? Et tamen illis odium pugnamus, ut facile videamus omnes sibi sapientiam impusare. O superba mortalitas! O immisericors superstitionis ingenium! Quasi qui vere sentiunt, non plus felicitati debeat, quam consilio: aut quos sefellit occupato tot sentibus via, magis iracundia quam suspirio digna committant.

[§. 67. *Ελευθερωθεις δε.*] Liberi autem facti à peccato servi estis iustitiæ. Ille enim constituitis membra vestra serva impuritatis & peccato in peccatum. Ita nunc efficit membra vestra serva iustitiæ ad sanctificationem. Cum enim servi eratis peccati, eratis liberi à iustitiæ. Nunc vero à peccato liberati, servi autem Dei facti, fructum vestrum habetis sanctificationis.

[Nonnullæ Lutheri formulæ.] Torquet illas ad invdiam Viri de Ecclesia Christiana meritissimi author ille Augustinus, sed mancas profecto, & mala fide per separationem abductas à sensu suo. Nam cum sibi solæ relinquuntur extra contextus & argumenti seriem, nihil illis abominabilius aut seditiosius. Earum quædam sunt hæc. Die Christen seynd warhafftig frey / und von allen Geboten oder Gesezen der Menschen eximirt / durch die Christliche Freyheit / so uns in der Tauff geschenkt ist worden. *In Captiv. Babylon.* Item. Die Christliche Gewissen lassen sich weder mit Gesezen noch Geboten fangen oder zwingen. *In form. Miss.* Item. Ich schrey frey daffier / daß den Christen in keinen Ding köndte ein Gesez gegeben werden / weder von Menschen / noch von Engeln / dann so fern sie selbst wollen / dann wir sind von allen Gesezen frey. *In Capt. Bab.* Item. Weder Pabst noch Bischoff / noch einiger Mensch hat Macht ein einige Silben zu setzen wider einen Christen / Menschen / es geschehe dann mit seinen selbst Willen. *Ibid.* Item. Es ist doch kein Hoffnung einiger Besserung mehr vorhanden / dann daß man die Freyheit des Evangelii für die Hand nehme / nach demselben alle Menschen Gesez zumal außtrage / und alles selbst urtheile und regiere. Amen. In 500. Artic. art. 391.

[*Errant qui plures apud Romanos religiones &c.*] Nam statim ex instituto Numæ recepta tantum publice sacra sequi Romanus populus debuit, peregrinis & novis iussu omnium animi

CAP. V. De Legislat. Imp. Pot. circa Sacra. 377

animi abstinere. Quippe Rex creato Pontifice, non tantum ei sacra omnia ex scripta exsignataque attribuit, quibus hostium, quibus diebus, ad qua templa sacra ferrent, atque unde in eos sumptus pecunia erogaretur. Sed cetera quoque omnia publica privataque sacra Pontificis scitis subiecit, ut esset, quod consultum plebi venires: ne quid divini juris negligendo pariteris, peregrinorumque adsciscendo turbaretur. Liv. Histor. l. 1, c. 10.

[Vicinia quaecunque infecta.] Sententia est Lyſimachi apud Plautum in Mercatore, ex vulgari sermone sumpta. Nunc ego verum esse illud verbum experior, aliquid mali esse propter vicinum malum. Id paulo copiosius ab Hesiodo explicatum in oper. 5 die.

ἡ γὰρ τοὶ καὶ χεῖρ' ἰγχεῖται ἄλλο γήνηται,
 γήτοις ἄλλοις ἐκίον, ζῶσιν δὲ πηαί.
 πῆμα κακὸς γίγναι, ὅσον ἢ ἀγαθὸς μὲν ὄνειαρ.
 ἔμμορε τοὶ πῆμα ὅς ἱεμμορε γίγναι ἰοδῶ,
 ἔδ' ἂν βῆς ἀπόδω, ἡ μὴ γένηται κακοὶ ἔσθ.
 i. e. ex Erasmi versione.

Si qua domi inciderit tibi res, tunc illico omiffis
 Adfunt vicini zonis. Cinguntur at ipsi
 Affines. Noxa est vicinus ut improbus ingens,
 Contra ita maxima commoditas, si commodus adsit.
 Necesse bonor huius, bona quæ vicinia deficit, at nec
 Intereas bus, nisi vicinus ubi improbus adsit.

Ejusdem Hesiodi Versiculus est.

πολλὰ καὶ καὶ συμπαῖσα πέλις κακῇ ἀνδρὸς ἰπταυρεῖ.
 Sape mali viri peccata tota civitas luit.

Unde Themistocles apud Plutarchum, cum prædium venderet, præconem id etiam iussit addere commendationis, ὅτι καὶ ἀγαθὸς ἔχει γείτονας. quod bonos vicinos habeat.

[Χαλῶ παροικῆς.] Claudio si cohabitantes, etiam si nudi, claudicare discas.

[Κακοῖς ὁμιλῶν.] Qui cum malis conversatur, & ipse fiet malus.

[Θύβηται.] Corruptum bonos mores colloquia præba.

[s. 69. Διακῶιδαι.] Moribus talem esse, ut aut plane bonus sit, aut semibonus: nec malus omnino, sed semimalus.

[Ἐ γὰρ ὁ δὲ δὲ δὲ δὲ.] In his enim talibus semper & vicinum præparant & dedecorant, & vicinorum bonore omni afficiunt.

[ὡς ἀναγκαῖον.] necessarium esse in parvis a justitia abire, qui salvam eam velit in magnis.

[Ἀεὶς ἐν νεφέλαις.] Aquila in nubibus. Vid. Eras. ad illud proverb.

[Μὴ ἐκὼ τῷ Ἀβύδῳ.] Ne temere Abydum. Eras. ibid.

[Ὅτι μίσιζον ὁ φόβος.] Cum spe ipsa major est metus, quomodo non decet quiescere?

[Ἔγω δεινὸς καὶ ἀδικός.] Sit grave & injustum. Sed non propterea si quid injustum est, oportet adversus illud contententes imprudenter periclitari.

[Καὶ τίς ἂν ἀνάγκη.] Sed hoc mihi necessitas est? Diomedea certe.

[Λόγος γὰρ ἐστίν.] Sermo enim est, sapientum verbum.
Dura necessitate nihil esse fortium.

CAPUT VI. DE JURISDICTIONE CIRCA SACRA.

SUMMARIA.

1. Jurisdictio suprema in sacra competit Imperatori.
2. Ejus duplex divisio.
3. Et definitio.
4. Illius prima vis in defensione sacrorum receptorum.
5. Et secunda in coercitione vitiorum. Ubi de panibus hereticorum 1.) Ecclesiasticorum munerum exclusione.
6. (2.) Et civilium munerum.
7. (3.) Civili vite ἀποστολή.
8. (4.) Privatione elemosynarum.
9. (5.) Privatione juris patrii & domini.
10. (6.) Exilio.
11. (7.) Infamia & morte.
12. Iste tamen pena non omnes omnibus erogata.
13. Pena a iis fautoribus hereticorum dictata.
14. Laudata genera suppliciorum aut excusata.
15. Rationes pro jure puniarum capitalium a potestate vinctiva summi imperii.
16. Quam etiam Paulus jure gladii designavit.
17. Et exercuit ex divino precepto Judaica Respublica.
18. Etiam in illi qui sibi soli credunt: non alios docent.
19. Argu.

CAP. VI. De Jurisdic. Imp. circa Sacra. 379

19. *Argumenta adversariorum refutata: à quibudamAGICINIIS.*
20. *A. Zizania non tollenda.*
21. *Ab aliis scriptura locis.*
22. *Apraxi apostolorum & primitiva Ecclesia.*
23. *A rationibus.*
24. *Suo consilio & clementia temperatum in illis, qui pacifice videntur.*
25. *Contra quos aliis armis pugnandum.*
26. *At severitate & suppliciis in seditiosos opus.*
27. *Consilium Barclai.*
28. *Apostatarum pana.*
29. *Subditi extra Ecclesiam non violenter ad fidem cogendi.*
30. *Multo minus gentes extraneas, ob eam causam persequenda armis.*
31. *Jurisdic. imperatoris circa personas & mores sacri Ordinis.*
32. *Itemq. altera circa alios officiales.*
33. *Deniq. tertia in mandatam Ecclesiasticam jurisdictionem.*
34. *Quae etiam interdum Judais in suos consuevit mandari.*
35. *De auctoritate ecclesiastica remissib.*

§. I.

Legislationem proximè sequitur jurisdictio, correctrix & vindicatrix eorum, quæ in leges peccata sunt. Quid enim aliud sunt leges quam expelvi fulgur, si eas impune cuivis violare licet? In hac hominum improbissima fece & colluvie vitiorum quotusquisque mortalium est, qui virtutis & honesti amore sceleribus manum abstinere? longe maxima pars metu & suppliciis regitur. Quis metus verò tabularum aut præconiî sine lictoribus, virgis & securi? Qui Deum non verentur, abdita quæque & occultissima videntem, sed pleraque sine fulmine: cur literas æri incisas, increpantes, non percutientes. Proinde
ne ri-

ne rideatur legum majestas, ne spernatur sanctitas, custodia opus & severitate, quam jurisdictio præstat, in maleficia hominum & sacrilegos furores incorrupto judicio animadvertens. Quare quam late auctoritas legum regnat, tam longe etiam jurisditionis vis protenditur: nam quicquid contra leges fit, hæc emendat & punit. Glaucoma est nescio qua speciosa pietatis larva fucatum, quod Principum oculis Pontificii hodie obijciunt, quos prohibent in sacris rebus jus dicere, quasi alieni fori sint, & extra civilem jurisditionem: Consilium hoc quam utile & tempestivum Ecclesiastico ordini, tam pestiferum Reipublicæ, quæ in suo meditullio aliud regimen molestè intuetur, non sibi, sed extraneo capiti obsequens. Sicut enim vicinis inter se Rebuspublicis ob consulos & incertos terminos, tum ipsam propinquitatem assiduæ querelæ sunt ac æmulationes, ita non potest perfectè Civitas quieta esse & concors, quæ in duas factiones dirimitur, quarum illa semper tantum publicæ rei detrahit, & privato sui ordinis commodo impendit, quantum hæc confert: Ad hæc perpetuæ suspiciones inter cives & in finibus regundis lites sunt, dum alii immoderatè semper & perquam avarè manum civilibus rebus sub quocunque colore injiciunt; alii de damno cavendo studiosè certant. Imò quod pessimum omnium est, si tibi aliquando cum Pontifice & Romana sede controversia sit aut bellum: si forte brutum in te fulmen, quod fieri consuevit, sinistra aure vibratum; si subditi tui à fidelitate & juramentis absoluti: Dii boni, quot tunc in Republica hostes, trans-

transfugæ & proditores ? Jam pene totus Sacer
Ordo partes tuas deserit, & se ad nutum Pontifi-
cis componit : jam potentiam & opes suas, quas
beneficio atque liberalitate majorum tuorum
habent, in Reipublicæ tuamque injuriam im-
pendunt : jam populum pro concione ad seditio-
nem provocant, jam privatorum animos in se-
cretis confessionibus pertentant, aut turbulen-
to jurisjurandi vinculo constringunt : Breviter
jam tibi plus laborandum de peste intimis visce-
ribus Reipublicæ in hærente, quam externo ho-
ste, qui perfidia & superstitione aliorum stat, non
domesticis viribus : Origo ejus mali non aliun-
de, quam à prodigiosa illa doctrina, quæ juris-
dictionem in sacris rebus imperio Principum ex-
imit, & ad unum Romanum Præsulem desert ;
sed, inquis, Deus ita voluit : Distincta est natu-
rali & divino jure Ecclesiastica jurisdictio à civi-
li : Illa Cleri, hæc Laicorum : Pontifici in sacris
rebus summa potestas divinitus data : Hic est Ar-
chipœmen ille & Caput totius Ecclesiæ Catholi-
cæ : Imperatorem nefas manum arcæ admoveret
Enim verò ne credas hæc, quisquis fueris : No-
vella est & adolescens admodum illa religio, quæ
tempore Hildebrandi demum ætatem sumpsit :
interea nihil ea alienius à sacra scriptura ; nihil ab
institutis Judaicæ Reipublicæ ; nihil ab Apostolo-
rum vita & exemplis ; nihil ab Ecclesiæ primæ &
Patrum disciplina. Prolixe id supra à nobis tradi-
tum ; hic saltem exempla quædam adferre lubet,
quibus & religionis summam, & alia negotia,
quæ nunc ad Ecclesiasticum forum pertrahunt,
non tantum apud Principes fideles & Ecclesiæ
Dei

Dei studiosos, sed &, quod magis mirandum, hæreticos, impios, imò plane paganos & incredulos disceptari consueſſe inevitabili certitudine conſtet. Crudelitatem Saulis non laudaverim, qua in Sacerdotes Domini uſus eſt, laudem potius ſua hoſpitalitate meritos, quàm ſupplicium; aut certe ſi quod eſt peccatum, id omne in imprudentiam abit, honeſto Davidis mendacio nimium credulam: quid enim officioſius à ſubdito præſtari poteſt, quàm generum Regis, eundemque præcipuum aulæ purpuratum negotiis publicis occupatum benigne excipere? Sed dignum tamen notatu eſt, injuſtum illud Saulis iudicium damnari ex cauſa, non defectu juridiſtionis. Si ſceleribus pœnam promeriti fuiſſent, ſi blaſphemi in Deum, ſi alieni Numinis cultores, ſi in Rempublicam ſeditioſi, nihil eſſet, quod in ſententia culpari merito poſſet. Oportuit iudicandos ad Pontificem Maximum mitti, inquis. Sed erras, mi homo, aut calumniaris. Cur enim non Pontifex de læſa juridiſtione conqueſtus eſt? cur non Regem cenſura & ſidere ſuo afflavit? Tyrannum ais? Eccleſiæ hoſtem? Diabolo obſeſſum? quæ illa ſtultitia, in caput noſtrum crabrones provocare? Verum ſit ita, concedimus tibi iſtud diverticulum, ne propediem pudeſias. Quid autem de Salomone, Rege Sapiente, juſto, æquo, probo? Abiatharum iſtius Sacerdotem ſummario proceſſu in ruſ relegavit inſulto etiam Pontifice. Nulla hic exceptio fori, nulla ad maius tribunal provocatio, paruit regiæ ſententiæ reus, ut debuit; agnovit forum, non interceſſit Pontifex, non à ſeculari iudicio cau-

causam ad se vocavit, non brevia minis & fulminationibus implevit. De seditione agebatur, inquis, civili causa: opinor, sed persona Ecclesiastica erat, soli ut audio, Pontifici subjecta, sed non minus à rege punienda si in sacras leges impigisset. Controversia de templo Hierosolymitano & Garizitano coram Ptolemæo Ægypti Rege disceptata est, qui ex lege Mosæica rectum judicium tulit, utrum templum, uter cultus, utrum Sacerdotium ei legi congrueret: Syhedrium Judaicum Apostolorum tempore, quanta corruptissimorum hominum societas: quam inimicum Ecclesiæ Dei? quàm merito suspectum Christianæ fidei. In illud tamen Petrus & Johannes Apostoli vocati num se exceptione foretuentur? num sibi Petrus judicium sumit summo Vicario? num increpant Senatum, quod alienam causam suspiciat? imo agnoscunt Judices, *Judicamur*, inquit, *de beneficio in hominem infirmum collato*. Forte enim debuerunt vi abrepti? tempori cesserunt & imminenti periculo? Absit: Is enim est Petrus, qui cum ab eo injusta peterentur, satis animi habuit toti Syhedrio in os dicere, magis Deo obediendum esse, quàm hominibus. Judices igitur patitur & coram iis causam dicit non civilem & secularem, non de bonis, quæ Christiani in commune contulerant: sed ipsa salutis nostræ summa: an Jesus Christus qui inter Judæos tot miraculis inclaruerat: qui ab illis crucifixus tertio die resurrexerat, qui in cælum sublatus est, sit unus Messias ille, à Deo in suo verbo promissus? an sanare fas sit valetudinarios in nomine ejus? an Evangelium & redemptio

emptio hominibus amplius prædicanda? de hoc Judex Senatus constitutus, quanta de re? digna profecto, propter quam, ut ajunt, vadimoniura deferatur. Si recte judicasset & ex officio, rata fuisset sententia & firma, quæ contra Judæos jus fecisset: Nunc cum prohibet Apostolos de nomine Jesu Christi porro concionari, illi amplius instant, integrius postulant judicium, de Senatu male consulto quasi ad melius informandum provocant, non superbè rejiciunt Judices, veluti de tanta causa ad judicandum inidoneos: *ipsi judicate*, inquit, *an Deo magis parendum, quàm hominibus.* Video hic aliquod effugium: Syhedrium magna parte Sacerdotio constabat, præside ipso Pontifice summo: apud Ecclesiasticos itaque Judices lis disceptata. Arbitror, si & hodie apud Judæorum Doctores & Turcarum Muphtin Christianorum religio & Ecclesiasticæ causæ melius quam Christiano Imperatore dijudicari possunt. Apostolus Paulus coram Felice & mox Festo Prætoribus à Judæis accusatus comparuit: Causa non secularis, sed resurrectio mortuorum caput præcipuum fidei: & tamen clara voce Festi, vices Imperatoris gerentis, jurisdictionem agnoscit: *hic, ait, me judicare oportet.* Quid audio, Paule, quæ hæc hæresis est, quod Schisma? Vlearius Christi, imò tota Ecclesia Catholica Hierosolymis sedet, & tu velut in ejus conspectu paganum subis tribunal nulla exceptione fori opposita: Enimverò frustra opposuisset, regeris. Recte, sed frustra etiam Festo Evangelium prædicavit, & prædicavit tamen: non timuit itaque injuriam, sed agnovit legitimam

nam jurisdictionem. Causa apud Festum ventilata cum iniquum Judicem metueret, Cæsarem appellavit optimus Apostolus pessimum Principem, nihil veritus Petri Vicariatum, nihil Ecclesiasticam jurisdictionem. Neronis imperium adoravit: coram parricida causam suam prolixè egit, & parum abfuit absolutus nst, prima enim actione id à Nerone factum multi sunt, qui credunt. Quid moleste nunc tinea ferunt, quid invidia turgent, quid vociferationibus & diris omnia pulpita complent, si Christianus Princeps imperium sibi aliquod in Clerum sumit? Si judex inter partes sedet, non de fide ipsa & religionis substantia, sed forte Episcopatu aliquo aut divite præbenda litigantes? quando Paulus hinc ad gentilem, & impuritatis omnis nequitiaque magistrum provocavit. Nec id solum ab Apostolis in prima Ecclesiæ infantia factum, quo tempore nec Ecclesiasticus Status satis ordinatus est; nec Christiana res vires habuit, quibus confideret: Plurimis annis post idem sæpius factitatum, jam Christianis, Tertulliano teste, omnia fora, Senatum, templa, legiones, exercitus, palatia & ædes numero suo implentibus. Cum Aureliano Imperatore Antiochenæ Ecclesiæ Episcopus Paulus Samosetanus diversa à fide Catholica doceret, retento tamen Episcopatu contra omnium bonorum vota, ad imperatorium tribunal paganum atque infidele causa defertur: Actores & reus hinc Christiani, res litigiosa Episcopatus Antiochenus, proculdubio iudicio Pontificiorum aliena à civili dicasterio etiam Christiani Principis: quanto magis ethnici? Jam Romæ se-

debat Pontifex, dudum ex adversariorum mente Vicarius Christi & Caput Ecclesiæ creditus : cui cœli claves & infinita in sacris rebus potestas jurisdictioneque à Deo concessa : & tamen nulla necessitate cogente, non vocati, non obtorto collo rapti, sed liberè & velut ex compacto omiſſa Romana sede, legitimo iudice, Imperatorem ad-
eunt, hunc supremum iudicem agnoscunt : huius jurisdictionem & potestatem probant, præter hanc nullam. Cui enim credibile fit, Antiochenam Ecclesiam tantopere officii sui & pietatis oblitam esse, ut maluerit infidelem Iudicem, & Catholicis summè infensum pati, à quo injuriam metuere potuit, quàm supremum universæ Ecclesiæ caput, corruptelarum & erroris nescium, si illa ætate aliud tribunal novissent præter imperatorium ? Postquam deinde Romani Principes Dei Filium summissis virgis exosculati sunt, religionis & hæreticorum causæ à multis seculis ab unis Imperatoribus, & quos delegarunt, judicatæ : ita Arii, Nestorii, Manichæi, Acephali, alique impostores latis legibus primo impropati, mox deprehensi in crimine & in jus vocati, & debitis suppliciis puniti sunt. Quid à Caroli M. tempore usque ad Heinrichi IV. infelix regimen ea in re observatum, paulo infra dicemus : nunc suffecerit nobis per exempla ostendisse, etiam in sacris causis Imperatores cum Paganos tum Christianos pro officio suo rectè iudicasse.

§. 2. Jurisdictionis circa sacra duplex divisio est, huic argumento apprimè utilis. Primo enim alia civilis, alia criminalis. Utraque vel ab ob-
jecto

jecto dicitur, causisque civilibus aut criminalibus, vel ab intentione agentis ad privatum commodum aut publicam vindictam, vel genere poenarum: ut quaecunque poenam corporalem non habeat annexam, civilis sit, & criminalis, quæ corpus affligit. Deinde jurisdictio circa sacra Principis, alia personas afficit, alia res: Illa, quæ personas, imperio constat in Clerum valido: Hæc dominio in res sacras.

§. 3. Apparet ex divisionibus hisce, jurisdictionem nobis non tam stricte sumi, ut in juris prudentia Romana, qua notione in causis civilibus jure Magistratus competente constat, mero imperio & cognitioni causarum criminalium contradistincta, sed esse summam in Republica potestatem super religione, statu & disciplina Ecclesiastica, quæque his annexa sunt, jus dicendi, sive id ad implorationem partium fiat, sive accusationis publicæ inquisitionisve jure. Caveant itaque hic sibi jurispublici studiosi, ne usitatore jurisdictionis voce decepti istud negotiū Romani juris indigna decempeda metiri velint, illic enim jurisdictio, quæ jure Magistratus competit, mandata potestas est, ex imperio Principis, ceu fonte omnis jurisdictionis in Magistratus profluens. Hic summum illud ipsum jus, quod Princeps à solo Deo habet, adeoque independens, & majestatis pars aliqua potestative, ex objecto, id est, dicendo jure ita nominata, licet, ut supra diximus, ea potestas essentialiter considerata nihil aliud sit, quam ipsa majestas, quæ pro diversitate objectorum alia & alia nomina sortitur.

§. 4. Cæterum ut leges vel totum religionis corpus stringunt, vel singulas ejus partes dirigunt, ita jurisdictio etiam, prout in illas peccatum, præsto est. Prima ejus indignatio in illis vertitur, qui religiones civitate & publico jure donatas sequentibus molesti sunt, unde actio de religiosa pace, apud tribunalia Imperatoris instituenda. De Aula Imperatoris ante religiosam pacem valde controversum, in qua Protestantes propter religionem judicari toto animo cohærruerant: hinc varia rationum ludibria parum ex imperii dignitate conquisita, quibus illa in calumniam magis vocaretur, quam crimine: Verum præposterâ illam sapientiam damnavit atro calculo Instrumentum pacis, quod Aulicum judicium cum Spirensi Camera in omnibus causis concurrere patitur. Actor seu mediate sit imperio subjectus, sive immediate, nihil refert. Licet enim, ut videtur, religiosa pax inter solos Status imperii confecta sit, subditis eorum non comprehensis, tamen cum instrumentum pacis veteri cuiquam in religione vim fieri, qui Calendis Januarii Anni millesimi sexcentissimi vigesimi quarti publicum ejus exercitium habuit, ne effectu suo indulgentia illa & benignitas careat, si subditis adversus iniquos Dominos processus denegarentur, constitutio pacis religiosæ cum pacis publicæ lege per omnia in hoc articulo exæquata est. Subditis verò ab alio, quam Domino suo turbatis, tam ipsi Domino, quam subditis actio competit, & his quidem, quamvis Dominum pro defensione prius non requisiverint. Porro agitur contra omnes, qui nobis in religionis probate
exer-

exercitio impedimento sunt, nullo discrimine mediatorum aut immediatorum; sola enim causæ qualitas hic forum fundat, ut proinde liceat auctori omisso judice intermedio uno statim saltu ad supremum ire, nec admittuntur exceptiones rei fori declinatoriæ, sed propediem rejectis illis stare judicio cogitur, quoniam hæc pax omnes imperii subditos obligat, & causis profanæ pacis quantum ad fundandam jurisdictionem exacte congruit. Erit tamen in auctoris arbitrio, summum statim tribunal aut immediatum Judicem pro facienda justitia compellare, nisi forte exceperis Ducis Brabantini subditos, qui (a) ex speciali privilegio coram alio Judice quam suo Principe, nisi in contributionum causis conveniri non possunt. Denique duplici fine instituitur actio, ad pœnam & reparationem rei, quod item duplici remedio fit, citatione & mandatis. Pœna est imperiale Bannum, multa pecuniaria 100. vel 2000. Marcarum auri puri, & tandem coercitiones juris communis de vi publica. Ad has pœnas qui agere cupit, citatione opus habet, ad videndum se incidisse vel declarari in pœnam fractæ pacis, qua impetrata & post insinuationem reproducta comparente reo vel ex contumacia absente, ubi de turbatione idoneis probationibus liquet, sequitur condemnatio. Reparatio rei mandatis fit, de restituendo, (sub quibus illa de refundendo seu resarciendo damno complector) & relaxando, quæ omnia cum clausula emanant. Si quis verò nolit mandatis

-5711

Bb 3

uti

(a) Extat. ap. Gold. Reichs. Entf. pag. 278. & Gilman. Tom. 6. c. 2. §. 2.

uti, & petitioni pro citatione ad videndum se declarari clausulam adjungat cum refusione expensarum damnorum & interesse, illius virtute restitutionem quoque bonorum & damni dati consequitur, imo si omissa in supplicatione clausula demum in replicis eadem restitutio per implorationem officii Judicis petatur, supplicantis voluntati quamvis seræ adhuc (a) satis fit.

§. 5. Sicut verò Imperator jurisdictione sua religiones publicis legibus admittas ab aliorum injuriis defendit: ita prohibitas eadem refrenat atque punit, quod argumentum est de hæreticis puniendis accuratiore ingenio à nobis explicandum, in quo petitâ veniâ invidiam deprecamur, si nobis non licet ex omni parte nostratum Theologorum judicio stare. De testabilem profecto & perniciosum errorem hæresin oportet esse, qui omnem legum indignationem & iras pene unus excipit: non verborum acerbitates odii modum sciunt, nec jura suppliciorum: quicquid in judiciis facinorosos terret, quicquid laudabili sævitia delicta expugnat, id facto quasi impetu in hæreses vertitur: aliis sceleribus certæ sunt poenæ: Hæc una insania sæpe magis quam dolus totas jurisdictionis vires exarmat. Quod Cicero de piratis dixit & prædonibus, eos communes esse omnium hostes, cum quibus nec fides esse debeat, nec jusjurandum commune, id parum abest, quin leges in hæreticos sanciant, adeo sibi odio suo & severitate placent. Primo (b) publicum crimen constituitur hæresis, ad cujus accusationem

(a) Magenh. ad O. C. p. 2, tit. 9. vers. sciendum tamen.

(b) l. 4. §. 1. C. de Hæret. & Manich.

sationem quivis è populo admittitur, idque citra inscriptionem & periculum sui ; si orthodoxus sit. Jure communi enim, ut calumniis modus aliquis sit nec bonorum civium fama falsis criminationibus temere pulsetur ab accusatoribus (a) inscriptio requiritur, (b) ad idem supplicii obligatoria, ubi calumniari deprehensi fuerint. Hujus exceptio in hæreseos crimine aliqua est, (c) quod Orthodoxis, quicunque voluerint, absque metu & damno propalare licet & accusare. Deinde generalis quædam ἀκοινωνία & exclusio à communicatione juris socialis, quod reciproce inter cives est, hæreticos ferè ab humanitate summòvet, certe humanitatis officiis & civitate: (d) Huic enim hominum generi nihil ex moribus, nihil ex legibus commune sit cum cæteris. Consistit vero, ut distinctius explicemus, ἀκοινωνία illa, & si ita loqui fas est, incommunicabilitas, cum in privatione ἀξιοσύνης & aptitudinis illius ad rem aliquam habendam, quam justitia attributrix, seu ut vulgus Ethicorum loquitur, distributiva respicit: tum juris stricte sic dicti, quod explettrici justitiæ congruit. Aptitudo & ad publica negotia refertur, & ad privata: ab utrisque excludit hæresis suos patronos: Ita via, quæ cæteris civibus ad munera & honores publicos, qua Ecclesiasticos, qua civiles, patet, illis occlusa est & sacra. In Ecclesiasticis (e) nullus sit hæresis ministeriorum locus (f) Episcopi & Clerici

Bb 4 Ab

(a) L. fin. C. de Accusat. (b) L. fin. C. de Calumniar.

(c) l. 3. §. 2. C. de S. S. Trinit. (d) l. 4. pr. C. de hæret. & Man. (e) l. 2. pr. C. de Summ. Trin. (f) l. 3. §. 2. C. de Summ. Trin.

ab Ecclesiis ejiciantur, (a) Schemate atque nomine Sacerdotum exuti: (b) qui dicuntur ex ipsis Episcopi atq; Clerici, expellantur: tum prohibentur facere ea, quæ muneris sunt & officii Ecclesiastici: (c) non possunt Episcopos & Presbyteros aliosve clericos creare, & habere, non synacteria seu collectas facere, aut parasynaxes, aut synodos, aut ordinationes, aut baptismata, aut exarchos habere, aut paternitates seu Abbantias, aut defensiones instituere, aut curare seu administrare villas per se ipsos, aut per interpositas personas; non possunt convenire precum aut sacrorum causa (d) nulla ad exercendam animi obstinatoris dementiam pateat occasio: (e) nunquam in Romanum locum conveniendi morandiq; habeant facultatem: (f) omnes cætus celebrandi licentia priventur: (g) conventicula tam diurna quam nocturna non contrahant; nulli publicè vel privatim convocandi cætus vel circulos contrahendi tribuatur facultas. quam in rem ipsis (h) omnia loca adimuntur, siue sub Ecclesiarum nomine teneantur, siue Diaconica appellentur vel etiam Decanica, siue in privatis adibus vel locis hujusmodi cætib; copiam præbere videantur: his adibus vel locis privatis Ecclesia Catholica vindicatis: ad hoc interdicitur his omnibus ad litanias faciendas nocte vel die profanis coire conventibus, Nec eis tantum Ecclesiæ, quas habent, auferuntur, sed vetantur insuper novas sibi (i) quasi Eccle-

(a) d. l. 3. §. 4. C. eod. (b) l. 26. §. 2. C. de Hæret. & Man.
 (c) l. 2. §. 2. C. eod. (d) l. 3. pr. C. de Summ. Trin.
 (e) l. 5. C. de Hæret. & Manich. (f) l. 6. §. 1. C. eod. (g) l. 8. §. 3. & §. C. eod. (h) l. 3. C. eod. (i) l. 5. C. de Hæret.

Ecclesias construere, ne vel ulla ratione conventiculis illicitis indulgeatur. Porro cum officii sit Sacerdotalis ore & libris Catholicam fidem defendere; hæreticis hic etiam silentium imperatum, non illis (a) de errore hæretico disputandi ac perversitatem facinorosi dogmatis adferendi, non contra venerabilem Chalcedonensem Synodum aliquid dictandi vel scribendi, edendi aut aliorum dicta & scripta super eadem reproferendi jus est: (b) Libri hæreticorum diligenter conquiri debent & flammis exuri. Breviter penitus ut constet, Catholica Ecclesiæ cum hæreticis nihil rei commune esse, Catholici nominis honore & præjudicio privantur, velut abdicati filii, quos propter morum & vitæ turpitudinem incestissimus parens familiæ suæ juribus & dignitate expellit: igitur (c) desinant affectatis dolis alienum veræ religionis nomen assumere, sed suis apertis criminibus denotentur, atque ab omnium submoti Ecclesiarum lumine penitus arceantur.

§. 6. Post Ecclesiasticas dignitates etiam à civilibus muneribus arcentur hæretici: (d) prohibentur enim Magistratum gerere, & dignitatem habere, aut jus dicere, aut defensores aut patres Civitatum fieri, ne habeant licentiam vexare aut judicare Christianos aut Episcopos. Solvuntur ignominiosè cingulo militiæ, & (e) nullus ad aliquam adspirare militiam debet:

Bb §

non

(a) L. 8. §. 5. C. de Hæret. (b) l. 3. §. 1. & 3. C. de Summ. Trin. l. 6. §. 1. C. de Hæret. l. 8. §. 5. C. Eod. (c) l. 2. §. 2. C. de Summ. Trin. l. 6. pr. C. de Hæret. & Man. (d) l. 12. pr. C. de Hæret. & Manich. (e) l. 8. §. 4. C. Eod. l. 12. Eod.

non (a) officiorum aulæ, non cujuscunque publici honoris digni sunt, præterquam si munera illa oneribus magis cohæreant quam dignitati & emolumentis: illa enim perferre leges quascunque sectas volunt, (b) *ne videantur hominibus execrandis contumelioso ambitu immunitatis beneficium præstitisse*; itaque (c) *curiales*, etiam hæretici, *omnium civitatum onerosis, quin etiam militia seu diversis officiis facultatum & personalium munerum obligati sunt*: in militiam coguntur, qui ex genere (d) *Cohortalinorum sunt*: hi enim manent opera quidem sustinentes, non offendentes autem neque in orthodoxos quid exequantes, in publicis vel privatis causis. Ad officia pietatis inviti compelluntur, ut (e) *filiis orthodoxis sectarii patres etiam ultra modum facultatum suarum alimenta erogent & reliqua necessaria, & conjungant in matrimonium orthodoxis, & dent dotes & antenuptiales donationes.* (f) Porro si quæ privilegia commodo & bono civium ab Imperantibus data, eorum virtus hebescit in hæreticis & emoritur, præsertim si *contemplatione religionis indulta sint*, quæ Catholica tantum legis observatoribus prodesse oportet: (g) Denique rescripta in eorum gratiam emissa nulla dicuntur & invalida. Hæc est illa *anomia* in publicis rebus.

§. 7. In

(a) L. 1. §. 4. C. Eod. (b) l. 1. & 7. C. Eod. (c) d. l. 7.
 (d) l. 12. pr. C. Eod. (e) l. 13. pr. C. Eod. Nov. 119.
 c. 2. l. 19. §. 1. C. Eod. de Hæret. & Man. (f) l. 1. C. de
 Hæret. & Man. Nov. 119. c. 1. (g) l. 2. pr. C. de Summ.
 Trinit.

§. 7. In privatis negotiis & communi hominum vita ante omnia (a) honesto bonorum civium consortio indigni habentur : mox omne commercium cum illis interdicitur, non tantum quæ inter vivos geruntur, cum nec ipsis aut hæreticorum cœtui (b) donare aliquid liceat aut (c) vendere : sed & si quid (d) ex ultima voluntate venit, sive per testamentum, sive ab intestato. *Amoventur ab omni successione, quolibet titulo veniente : nec filii hæredes eis existere, aut adire permittuntur, nisi a paterna pravitate discesserint* : nullo etiam discrimine inter militare & paganum testamentum facto.

§. 8. Si quid cœni pauperesque beneficio Christianorum & ex Reipublicæ commiseratione accipiunt, id in solos orthodoxos erogandum (e) sectariis omnino ab omni libertate & elemosynis exclusis, ne quos leges cum summa miseria & sordibus conflictari volunt, eos intemptiva humanitate alii sublevent.

§. 9. Jus stricte sic dictum præcipue imperio constat in personas, & dominio in res (de debito enim hic nihil dico) utrumque in pœnam hæreticis aufertur : Imperium, primo paternum, quod jure Romano civibus in liberos utriusque sexus competit : (f) vetantur enim illos ex conjuge orthodoxa susceptos suæ disciplinæ consecrare, quos *omnes orthodoxos fieri oportet*. Deinde herile seu dominicum : (g) nam servi

extra

(a) L. 8. §. 4. C. de Hæret. & Manich. (b) l. 1. §. C. Eod.

(c) l. 10. l. 20. §. 3. C. Eod. (d) l. 4. §. 2. & 6. l. 5. l. 19. l. 19. pr. l. 22. C. Eod. (e) l. 20. §. 3. C. Eod. (f) l. 18. §. 1. C. de Hæret. & Manich. (g) l. 4. §. 8. C. Eod.

extra noxam sunt, si dominum sacrilegum evitantes ad Ecclesiam Catholicam servitio fideliori transferint. Dominio rerum vel indirecto exuuntur, prohibita scilicet alienatione (a) cum inter vivos, tum ultima voluntate ne quidem in liberos hæreticos: his enim summotis agnati cognativè proximiores succedunt vel directo & ipsorum bonorum ablatione, quæ fit (b) publicatione & (c) confiscatione.

§. 10. Sic omnibus bonis & ad cujusque injuriam nudati sectarii inutile sunt terræ pondus, & vivum civitatis cadaver: quare ne oneri sint civibus aut offensioni, (d) pelluntur civitatibus, (e) perpetuaque deportatione & (f) exilio plectuntur.

§. 11. Quid miseris nunc restat, nisi fama & vita? sed tamen nec ipsa ista austera legum pietas intemerata relinquit, (g) irrogatâ perpetuâ infamiâ, (propter quam (h) testimonia eorum judicialia aut in totum reprobata, aut saltem contra orthodoxos) & (i) capitis poenâ, quæ Manichæis dictatur, nec non illis, qui priora interdicta (l) transgredi, aut (m) illicita docere tentaverint.

§. 12. Non arbitramur verò quemquam judicaturum, quas hucusq; poenas recensuimus, omnes in omnis generis hæreticos cōcurrere: *Mitius*

(a) L. 4. §. 1. l. 15. l. 17. l. 18. l. 19. C. Eod. (b) l. 4. §. 1. l. 8. §. 2. C. Eod. (c) l. 19. §. Gazaros. C. Eod. (d) l. 8. §. 4. C. Eod. (e) d. l. 8. §. 5. (f) d. l. 8. §. 2. & l. 19. §. Gazaros. C. Eod. (g) l. 1. §. 1. C. de Summ. Trin. (h) l. 21. C. de Hæret. & Man. (i) l. 11. 12. C. Eod. (l) l. 14. C. Eod. (m) l. 8. §. 3. C. Eod.

tius enim semper alii puniuntur aliis, prout modestius innocentiusve delirant : imò verò inter ipsas pœnas gradus quidam sunt, ut qui levioribus non emendantur, in graviores succedant : Ita (a) Apollinaristæ primò Episcopos & Presbyteros aliosve Clericos creare vetantur : non parentibus exilium surrogatur cum facultatum amissione. Manichæorum tamen criminosa religio confestim suos clientes securi & gladio donat, quemadmodum & hodie Anabaptistarum furor ex Caroli V. (b) constitutione sanguine profano insanientium eluitur.

§. 13. Hæc supplicia, quæ longa serie enumeravimus, ipsos manent hæreticos : In fautores earum, receptatores, libros scandalosos aut legentes aut non deferentes, denique in eos, qui cum ex officii ratione debeant, frigide hæreticis irascuntur, æquè animadvertitur : (c) ita sentiunt auctoritatis imperatoris aculeos, qui eos domibus suis damnata provisione defendunt : (d) ita privata adificia, in qua Domino permittente vel connivente conveniunt, veneranda Catholica Ecclesia vindicantur, ita procurator, qui hoc nesciente domino fecerit, decem librarum auri multam, vel exilium si sit ingenuus, metallum verò post verbera, si servilis conditionis sit, subit : Ita, (e) qui habet libros Manichæos, & non manifestat eos, ut comburantur, punitur. Ita, (f) qui in dignitatibus & militiis sunt, sollicitè eos, qui in suo sunt consortio, inquit.

(a) L. 8. §. 2. C. Eod. (b) Annexæ Recessui Imperii de Anno 1529. (c) l. 4. §. 7. C. Eod. (d) l. 5. C. Eod. l. 8. §. 3. C. Eod. (e) l. 16. §. 2. C. de Hæret. & Manich. (f) d. l. 16. §. 1.

inquirant & prodant, quia si comprehensus Manicheus dixerit, sciri se & nosci talem à quibusdam, congrue illi puniuntur, ut qui eadem deliquerint, tamen si non sint tales: eadem enim delinquere videntur scientes quidem delinquentem, non facientes autem illum manifestum. Ita statuitur (a) condemnatio centum librarum auri contra officium Praefecti Urbis, vel praesidiale quinquaginta, si quid huiusmodi fieri vel in publico vel privatis adibus conceditur. Ita, (b) qui discendi studio adierint de infesta haeresi disputantes, decem librarum auri, fisco Imperiali inferendarum jubentur subire dispendium. Ita ex nova Friderici Imperatoris constitutione, (c) si Dominus temporalis requisitus & admonitus ab Ecclesia terram suam purgare neglexerit ab haeretica pravitate, post annum à tempore monitionis elapsam terra ipsius exponitur Catholicis occupanda, qui tam exterminatis haereticis absque ulla contradictione possideant & in fidei puritate conservent, salvo jure Domini principalis, dummodo super hoc nullum praestet obstaculum. Ita idem Fridericus (d) Credentes praeterea, receptatores & defensores & fautores haeticorum damnat, firmiter statuens, ut si postquam quilibet talium fuerit ex communicatione notatus satisfacere contempserit intra annum, ex tunc ipso jure sit infamis, nec ad publica officia seu consilia vel ad eligendum aliquos adhibeatur, neq. ad testimonium

(a) L. 3. §. 1. C. Eod. (b) l. 8. §. 5. C. Eod. (c) Auth. Si vero Dominus. C. Eod. de Hæret. & Man. (d) Aut. Credentes praeterea. C. Eod.

nium admittatur: sit etiam intestabilis, ut nec testandi liberam habeat facultatem, nec ad hereditatis successionem accedat. Nullus præterea ei super quocunque negotio, sed ipse aliis respondere cogatur: quod si forte iudex extiterit, ejus sententia nullam obtineat firmitatem, nec causa aliqua ad ejus audientiam perferantur: Si vero fuerit advocatus, ejus patrocinium nullatenus admittatur: Si tabellio, instrumenta per ipsum confecta nullius penitus momenti censeantur.

§. 14. Habes genera poenarum, quibus Principis jurisdic. in hæreticos armatur. Inter illas verò quædam sua æquitate propediem assensum impetrant, ut quæ remotione ab Ecclesia & muneribus Ecclesiasticis expediuntur: quæ enim injuria est lupos ab ovili exigere, præsertim ovina pelle contactos, ut securius noceant? Excludunt seipsos fidelium cœtu & juribus Ecclesiæ excidunt, qui spiritum veritatis relicto in adversis castris merent: Quid enim negotii est lucum tenebris? quid virtuti cum flagitiis? Aliæ etsi iniquiores visæ, qua ob animi crimen de fortunæ bonis periclitamur, tamen vix hodie à sapientioribus in jus vocantur: Fere enim consentiunt, hæreticos à Magistratu coerceri posse multis & contumeliis. Fortasse fama aliquos movet, exilium, bonorum confiscatio & cum honestis civibus omne sublatum commercium? sed id nulla de causa, si cogitent, non omnem hæresim tam graviter nocere, sed illam tantum, quæ impietate & cruda pertinacia inter alias emicat: quæ facile apud æquos judices sacrorum

oraculorum auctoritate & Veterum consensu revinci potest, non quæ involucris suis & subtili patrocinio tegitur, ut imperitiores facile fallat: denique quæ partem sui erroris jura etiam Principum indubium revocata facit, sicut olim Manichæi, & hodie Photiniani atque Anabaptistæ, qui capitalia Magistratus judicia strenue improbant: non quæ simplici superstitione soli Ecclesiæ & fidei sinceritati vim infert: nec eo mihi tales facile excusabuntur, quod (a) *hec, quanta sit, culpa pendeat ex modo illuminationis & aliis animi dispositionibus, quas hominibus per noscere non est datum*: etsi enim speciales pravitate causæ non semper pateant, illud tamen undique verum, non Deum in mora esse illuminationis, sed ipsos homines, qui se minus digne & serio ad tantum donum recipiendum parant, quæ ignavia aut exitialis contemptus, cum inexcusabilis sit, cur non etiam Magistratus indignationem mereatur, quid impedit? adeoque nescio annon impietatem quandam sapiat & prædestinationis absolutum decretum, quod apud eundem Grotium est, si cui auxilia Dei ad illuminationem necessaria negantur, id ex causis fieri nobis incognitis, adeoque humano judicio non punibilibus. Certe enim prima causa nota nobis est & certa, hominum propria pertinacia, quæ oblata illa auxilia contemnit, & rejicit: quæ quoniam ex affectu apparet, quid nō & puniatur. Dices, meo periculo id sit: quid de aliena salute laboras, satis habes, quod de tuo cures: enim verò tuo etiam periculo est autocheiria & muta illa

(a) Grot. de Jur. Bell. & Pac. l. 2. c. 20. §. 50.

mollisque Venus, quæ scelera tamen etiam leges vindicant: crimen est, malè de Deo sentire, & quo pejus, hoc etiam majus digniusve publica coercitione. Adhæc si propter negatum illuminationis divinæ donum impunitatem hæreticis promittimus, cur non & furibus & adulteris & homicidis? scilicet enim in causa Deus est, qui ex causis nobis ignotis & proinde humano judicio non punibilibus his dona sua negavit continentiae, castitatis, mansuetudinis: omne enim bonum donum à Deo est: nescimus profecto, ex quibus causis Deus homines interdum gratia sua deferat & in reprobum sensum det: id verò semper scimus, hominem se primo deseruisse, quem Deus deseruit, & hoc ad jus puniendi sufficit.

§. 19. Solæ itaque remanent capitalia judicia, à quibus hæreticis nostrates Doctores immunitatem largiuntur, Pontificiis contra & verbis & usu immodice ea extollentibus. Nobis ante omnia discrimen faciendum constat inter jus & consilium. De illo nunc quæritur, de hoc postea. In juris examine iterum seductores dividendi à seductis sunt; Doctores à discipulis, lupati pastores ab ovibus: Qui sibi solis infaniunt, non partem & contagionem in alios transferunt, sæpe miseratione magis digni sunt, quam gladio aut igne. Severius autem cum illis agere licet, quibus in pietatis & officii parte est perdidisse alios; Hos enim pro modo periculi & gravitate criminis ultimo supplicio posse ad exitium rapi, qui contra Magistratus interdicta illud miseræ plebeculæ propinant, nec civiles rationes nos dubitare patiuntur, nec sacra oracula: Frustra

obstrepunt, qui in fidei & religionis negotiū non attendendam esse humanam rationem clamant, sed divinam revelationem: non de fidei articulo & summa salutis hęc agitur, sed puniendis hæreticis; quod argumentum problematicum est, citra æternæ felicitatis dispendium ignorandum, imo politicum magis, quam sacrum, in officium Magistratus desinens: nisi enim ita esset, nos lubenter manum de tabula, quibus nulla voluptas est, in divinis mysteriis plus nostra Ecclesia sapere: quod si verò quicquid aliquo modo religionem tangit, humanum iudicium fastidiosè rejicit, jam omnes Ecclesiasticæ constitutiones, quæ sacri ordinis disciplinam pro commodo Ecclesiæ & temporis ratione sanciant, arbitrio & consilio imperantium eximuntur, & ad solas sacras literas provocant, ubi tamen sæpius nulla eorum negotiorum mentio: quare omnino recte faciunt, qui in hac criminali hæreseos causa politicam etiam prudentiam in consilium vocant, & iustitiam potestatem imperantium metiuntur. Scilicet tam potens & efficax est virtus summi imperii, ut nullum non delictum periculo capitis proscribendi ius habeat, quamvis illud prima facie satis leve videatur & tantum non ridiculum. Quid innocentius est Remi saltu, quo humile Romanæ civitatis vallum ex petulantia magis quam hostili animo irrisit? Quid deserta militari statione cum certissima pernicië defendenda excusabilius? tamen utrunque in legibus nostris & ex instituto Romanæ Reipublicæ mortem invenit. Quantula porro iactura quinque aureorum, propter quam pauper aliquando homo in furcam agitur?

agitur? quàm longè gravior voluntaria contumacia, edictis regiis nequaquam à docendi munere revocata, quo perfidè utitur? Utique enim vel publicæ tranquillitatis causa interest Principis videre, quid doceantur in sacris rebus cives, quid credant: unio religionis concordiam civilem ligat: dissensus primo dirimit, mox turbat: utcunque primis initiis quieta sit & modesta doctrina novior, repente tamen, ubi confidere incipit suis viribus, stomachatur, ringit, verberat: & profecto necessarium hoc est, aut religio non est religio, quæ sic torpet & friget. Cape tibi nunc Photinianos aut Anabaptistas in imperio nostro nefanda doctrinæ suæ somnia disseminantes cum populi applausu: cape imperialia mandata, quæ infelices homines excedere finibus jubent, nec in illos reverti ea mente, ut virus suum amplius spargant: Cape denique non parentes edictis, non minis aut periculo motos, sed spreta auctoritate imperii præferre rabiem rationi, pertinaciam obsequio: clam & occulte perniciosis erroribus irrepere, quando palam non licet, nec minus tamen ex insidiis nocere quam aperta virtute.

Quid statues in deprehensos: non fas est Principi inexorabilem clementia insaniam acerbiorè indignatione plectere? non igne emollire induratum nequiter constantiam? ergo illi pauci & sæpe externi in tuo quidvis impune facient, tibi manus ligatæ, potestas imbellis, gladius, quem à Deo habes, ablati, modo ne impostores leditiones excitent, aut civili crimine obligentur? Quàm iniqua hic conditio tua? quàm triumphatrix impietas, & scelus & fu-

ror? quantum inobedientiæ præmium, securitas vitæ? Non conscientiæ nunc discrimen, quæ libera relinquitur: docendi noxia libertas tollitur, in actus externos influens, adeoque punibilis humano iudicio: nec puniuntur tales, quod sibi male sentiant, sed quod contra leges socios sacrilegii sui quærant: duplex hic crimen alienos subditos impia in Deum docere, in Rempublicam perniciosa: & docere interdicente Principe sub vitæ discrimine, quod facere potest etiam in longe minoribus delictis, quam hæresum propagatio est: cum ipso enim crimine semper se contempta legum auctoritas vindicat, & sua culpa punitur reus, qui, cum noverit periculum, id ex contumacia summa maluerit subire, quam obsequio laudabili effugere. Nec illi prodesse quicquam debet, quod credat, quæ docet, consentanea esse veræ fidei & divinæ voluntati, adeoque magis Deo parendum quam hominibus: nam Principis jus & potestas erronea aliorum opinione non patitur vim aut injuriam. Versamur hic in hæreseos terminis, crimine Deo & hominibus inviso, quod prohibere Principi fas est, & subditos oportet fugere ob istud interdictum: ad omnia enim leges obligant, quæ nullam in se moralem turpitudinem continent, nec anteriore obligatione ex objecto vel universali Dei jussione profluente in diversum eunt. Superiore & hoc etiam nunc seculo in Gallia, Clemens, Castellus, Ravaiiliacus, cucullata monstra & nefandi Regicidæ id constanter, & ut creditur ex animo tenuerunt, ita scilicet parricidalis quorundam Sophistarum doctrina fascinati,

jusse subditis, imò cuique Catholicæ Ecclesiæ fideli, Regibus à Romano Pontifice qualitercunque excommunicatis violentas manus injicere, quin obligari ad istud officii pietatis omnes, nec periculi magnitudine ignaviam excusari. Parum absuit, ut non in fidei articulum & religionis præcipuum caput illa cynica Philosophia degeneraverit; tanta assiduitate & necessitatis studio commendabatur. Sed non propterea, quod in crimine læsæ occisæve majestatis deprehensis ita persuasum est, judicium religio sibi à debitis suppliciis temperavit, aut meliorum gentium judicio feralis culeus crudelitatis nomen induit.

§. 16. Istam imperii summi virtutem porro jure gladii Apostolus Paulus declarat, quem Magistratus, *ὡς δικάων*, *ἔκδικε* *ἐν ὀνόματι τοῦ κυρίου* *ἐν πάσῃ τῇ ἐξουσίᾳ*, gerit. Equidem haud invitus assentior, gladium non tantum capitalia supplicia notare, sed totam pœnalem jurisdictionem, quæ multiplicibus coercionum modis constat: verum nec illa excluduntur. Hæc itaque Apostoli mens, habere Magistratum potestatem in illos, qui malè faciunt, condignè animadvertendi etiam ad mortem usque, si id necessarium sit, & ex usu Reipublicæ. At qui male faciunt, hæretici etiam sunt, imprimis illi, qui contra edicta publica sibi falsa docendi provinciam sumunt: ergò & illi pro re nata & mali atrocitate ferociaque possunt ad mortem condemnari: non omnes, inquam, indistincte, nec semper: sed quidam & aliquando, quamvis nondum adhuc tumultuaverint, aut alio delicto teneantur. Quam iniqua

hic aliorum commentatio , dici Magistratum vindicem in iram τῷ κακῷ πράσσοντι, non autem τὸ ἴδιον διδάσκοντι ? quid frigidius hoc acumine ? quasi verò malum non faciat, quicumque falsum docet : quasi non in eodem crimine hæreat, qui ad illud alios laudando & assentiendo instigat : qui auctor est Regis occidendi, obsequii negandi, seditionis excitandæ, modo in ipso actu non concurrat , quasi malum non sit falsa religio & adulterina fides : aut non facere sit docere. Nec melius est illud simpliciter intellectum , *Magistratum non esse conscientiarum dominum, ideoque etiam mandatis & penis suis conscientias cogere nec posse nec debere* : Habet profectò & Magistratus in conscientias imperium, quas iussis suis, si æqua & iusta sunt, obligat : obediendum enim, inquit Paulus, non modo propter iram, sed & conscientiam : pone Principem mandare, ut subditi abjectis idolis verum Deum sequantur : annon conscientia ad obsequium vincitur ? ergo imperium illud saltem sibi vult, ut in externis actionibus Christiani sint, falsos autem Deos salva imperii venia in corde retinere possint ? sed non eodem generis gradu & efficacia, qua Deus : ille enim ducere etiam & flectere conscientias potest, ut verè credant, quod jubet : Hic vero Magistratus cogere saltem, ut credere debeant, ut & apud Deum, & se ipsas contempti imperii rei sint, si maligne obsequantur, denique ut in foro civili etiam, si externis actionibus internos motus prodant, quin quod nec Deus semper ita cogat conscientias, ut manus libertati earum injicere videatur. Quare cogit

cogit conscientias Magistratus obligatione ad obsequium : non obtorto collo rapit in servitutum , ut carnifex homicidam in carcerem ; cum verò minus promte imperia justa & bona exaudiunt , poëna quidem corporalis propter ignorantiam contumaciæ absconditæ suspenditur , manet tamen flagellator ille internus , qui occultis iisque gravissimis moribus delicto occultato respondet , & serenitatem animi ardentibus furiarum facibus interpellat : hæc non exigua vis est imperli humani in conscientias , cui deinde externa supplicia succenturiantur , si aliquando in actiones sensibiles erumpant , ut hoc nostro casu pertinax docendi studium , mandatis civilibus prohibitum. Desinant itaque conscientiarum libertatem jactare , ubi Princeps conscientis jam corruptis non vim facit ad sanitatem , sed luxuriantem impetum castigat , ne contagium ad alios serpat : Cur enim , per Deum immortalem , majus jus sit hæreticis , hominibus privatis & sæpe è terra natis ad conscientias aliorum suis iniquitatibus polluentes : quàm Principi , legitimo imperio armato ad easdem subditorum suorum contra omnem injuriam muniendas legibus & suppliciis , supremis quoque , si extrema malitia mitioribus remediis nequit expugnari ?

§. 17. In Judaicâ Republicâ hæc medicina ipsum auctorem Deum habet , mandantem (*) falsos prophetas , qui suadent colere Deos alienos , sine ulla misericordia occidi. Frustra hic sunt , qui abrogatas contendunt Judæorum forenses leges : ita enim abrogatæ sunt , non ut ce-

Cc 4

remo-

(*) Deut. 13. & 18.

remotionales, quæ typi quondam & umbræ nunc sine negatione adventus Messiae in carnem amplius non possunt observari: sed ratione Christianæ libertatis, ut necessarium illis non debeamus obsequium. Solum enim Judaicum populum respiciebant, adeo ut ratione nostri nulla omnino probanda sit legis abrogatio, quos nunquam obstrinxit. Interea (a) duplicem ex illa lege usum habemus, nostro huic scopo imprimis commodum: primo enim lex illa Hebræa nos sincerè docet, non esse contra naturæ jus, quicquid ibi præcipitur. Deus enim cum sit immutabilis & semper justus, nihil quod juri naturæ, id est, sanctitatis suæ typo & divinæ imaginis ruderibus conservatis repugnat, alia lege jubere potest aut vult, cum sibi ipsi nunquam contrarietur. Deinde licere illis, qui imperium inter Christianos obtinent, leges ferre ejusdem sensus cum Mosaica lege forensi, nisi Christus in Novo Testamento aliud dixerit: cum enim externam politiam & ordinationem Reipublicæ, nec non justitiæ inter cives administrationem tantum concernant, quid vetat illas ab aliis in exemplum & imitationem trahi, præcipuè ab authore suo & antiquitate tantoperè celebres? Hinc capitalia judicia jure Hebræo in hæreticos exercita de duobus nos instruunt: nimirum ea juri naturæ non repugnare, & in alia Republica eadem recte citra iniquitatem ex usu & commodo publico repeti: pugnant verò Andabatarum more, qui judiciale ac forense istius legis Christianos non obligare ajunt. Lubenter hæc assen-

timur,

(a) Vid. Grot. de Jur. Bell. & Pac. l. 1. c. 15. 17.

timur, nos Mosaicæ legi non adstringi: adstringemur autem alii, quam is, qui in Civitate summum imperium habet, pro potestate & officio legislatorio ejusdem cum Mosaicâ sensus tulit: Adhæc dissentientes nullo profectu probant, hodierno nostro jure non omnia delicta æquales poenas cum Judæorum foro experiri: non parentum contemptum, non pauperiem monito & non cavente Domino à cornupetâ datam, non Sabbati profanationem, non coitum cum uxore menstrui tempore, non scortationem filiaæ Sacerdotis, non incorrigibiles filii. mores, capitalia esse: Nec enim istud valde adversarios juvat, quos, si propositum tenere malint, id potius demonstrare oportet, nefas esse legislatori Christiano eadem delicta iisdem suppliciis compescere, quod quibus argumentis asseri possit, non video, nisi præcipuam imperii & majestatis virtutem inficiatum eamus: Nec magis ad rem faciunt rationes aggravatarum olim à Deo poenarum pro triplici circumstantia personarum, temporis ac locorum desumptæ: Ne quicquam illæ de jure ipso demunt, sed consilii instar sunt, quando leges priores imitari liceat. Falluntur enim, profecto falluntur, qui easdem circumstantias veluti nunc datu impossibiles arguunt, Eduxit Deus populum suum ex servitute Ægyptiaca magnis & illustribus miraculis: sed ubi adhuc ipsi integrum fuit divino cultui & precibus vacare: At Christianos plerosque à tenebricosis Ethnicismi voraginibus, infelici animarum servitute, longe deteriore illa, quæ corpora Judæorum in Ægypto affixit, in Ecclesiam suam

& fidem vocavit, miraculis infinitis cum ab ipso Christo tum Apostolis editis sancita fidei veritate: Quæ major ingratitudo, quæ dignior poena? Tempus illius beneficii nec in Vetere Testamento semper recens mansit, nec in Novo à prima statim origine sua vetustum est & antiquum: falsum etiam, judaicas leges forenses cum diuturnitate temporis vim suam amisisse, quamdiu Respublica illa stetit, aut Machabæorum ætate illam de falso Propheta criminalem legem eo non amplius valuisse, quod jam diu fuerit, cum populus ex Ægypto eductus sit, adeoque meliore jure potuerit memoriam beneficiorum divinorum deposuisse: Hæc scilicet absurditas ex illa temporis circumstantia sequitur, qua sibi placent. Porro si exacerbari poenæ in hæreticos possunt, si religio recentior est, cur negant eum morem primæ Ecclesiæ fuisse, cur ex eodem jus & sibi patrocinium sumunt: Locustæ terra Cananítica erat, singulare Dei peculium: Esto, quid tunc? Nunc totus orbis Canaan est, & omnis gens Dei populus, modo sibi ipsi non desit in recipienda divina gratia: an antiquum illud Canaan tenerius à Deo dilectum, quam novum nostrum Christiana Ecclesia? an major Dei cura & studium, ne damnum accipiat, in illud, quam hoc? An pretiosior Manna, Christi corpore, aut mellita lacteave flumina illius sanguine, quo nostra Palæstina fecundè irrigatur? Superest adhuc effugium illis, qui ultima hæreticorum supplicia damnant: leges, inquiunt, Mosaicæ agunt proprie de idololatricis, qui Diis alienis sacrificia offerunt, aut Pseudopphetis, qui visiones
& so-

& somnia jactitant, populumque ad idololatriam invitant. Sed vix est, internam idololatriam excludi. Quam operosè Lutherus in præfatione communi ad omnes Prophetas docet, scripturam sacram, quando de idololatria loquitur, non tam crassam & externam illam quam alienum & proprio studio præter mandatum divinum excogitatum cultum, quamvis vero Deo oblatum, significare? Hoc in pontificiorum ritus tam paratum nobis telum est, ut tota volumina impleat; cur igitur, cum è re nostra minus esse videtur, tam cito deserimus stationem nostram, & ad alia delabimur: malam causam olet versatile illud ingenium, quod unam rem, prout sibi utile duxerit, hinc illinc diverso sensu agit? Non est, quod timeamus, ne in eandem nos censuram nostra facilitas præcipitet: Nos de hæreticis loquimur, quales non sunt illi, qui ad omnes Romanæ Ecclesiæ humanas traditiones fasces non submittunt, sed ad Christianam libertatem provocant: Pontificiis de nobis liceat loqui, quicquid eis in buccam venerit, nos innocentia nostra & conscientiæ puritate defendimur: Vereor enim serio, ne in hac causa prævaricemur, si videamur suppliciorum metu, quæ hæreticis debentur, veritatis studium & meliores partes deseruisse.

§. 18. Jus itaque Principis hæreticos capite plectendi tam rationibus quam auctoritate sacrarum literarum, (quib⁹, si lubitum esset evagari, exempla Regum probissimorum, Heliæ, Josiæ, Jehu, Asæ, divinis oraculis ea occasione commendata: nec non Christianorum Imperatorum

torum & testimonia Patrum possemus attexere) præclare nititur. Sed nos hætenus tantum de illis egimus, qui non modo privatim sibi male sentiunt, sed alios quoque in militiam improbitatis qua voce qua scriptis nullo legum metu & reverentia alliciunt. Quid habendum vero, si abstineant docendi munere, & sibi solis insaniant? de jure adhuc quærimus, non damus consilium. Ego primo differre extraneos à civibus arbitror. Illi, qui pœnalibus edictis prohibentur in nostram Rempublicam pedem inferre, si spreto periculo intraverint & deprehensi sint, propriam pertinaciam merito luunt: cur non abstinent meo, cur non in suo manent? Exploratori in hostium castris agnito parata est furca. Judæis plurimæ Respublicæ capite constant: & Jesuitas quondam Gallia læsæ majestatis reos censuit, qui in regno illo capti sunt: hæc ad pericula vitanda: alibi commodi tantum alicujus causa negotiari peregrinis in Civitate vetitum, sicut ingens malum habebit, quicunque salis commercium in Gallia præter unum Regem exercuerit: quare nulla idonea ratio, cur solis hæreticis terrarum orbis inviolabile asylum esse debeat, cum sæpe honestis viris in quibusdam locis ex civili ratione aditus occlusus sit: sed periculum etiam ab hæreticis, utcunque initio quietis, ne aliquando indulgentia tua animum majorem sumant, & accessione aliorum vires, qui metus satis idoneus est ad summovendum è mea civitate advenam, velut pestifera lue correptas merces. De civibus autem & indigenis quid juris est? Ego facilis essem, imò pronus, in mitiores partes, nisi me paulis.

paulisper legum auctoritas retraheret : nempe Manichæi olim à Romanis Imperatoribus capite plexi sunt : & Carolina constitutio eodem supplicio Anabaptistas dignatur : qui seditiosos solos juribus illis notatos perhibent, sine dubio decipiuntur : lex enim nulla differentia sectam religionis notat, non factiones : (a) *Ubi cunq; Manichæi inveniuntur, capite damnandi sunt* : inventi autem aliquando sunt Manichæi non seditiosi, consimili cum illis pœna afficiendi, nam quicumque in loco Romano degere deprehensus est, *ei caput amputator*. Male hæc (b) Wesenbecius de deportatione intelligit, quod ipsa etiam ultimum & capitale supplicium dicatur in *L. Sancimus, C. de Execut. & Exec.* nam cui caput amputandum est, quomodo is deportandus dici potest? lex *sancimus* à Wesenbecio citata non capitale supplicium deportationem vocat, sed *supplicium perpetui exilii*, quæ immensum inter se distant. Expresse Jctus (c) alibi, *ultimum supplicium solam mortem interpretamur*, quare non deportationem aut exilium, nec profunt multum Wesenbecio, quæ de Manichæis de civitatibus pellendis cum eisdem ultimo supplicio afficiendis conjunguntur, cum utraque pœna arbitrio judicis relinquatur, quam cuique ex personarum temporis & loci ratione aptiorem judicaverit. Apertior est Carolina constitutio, quæ ipsa inter Anabaptistas seditiosos & coryphæos, qui scandalosam doctrinam docendo promoveant, & simplices illius sectæ socios notabile

(a) L. 11. C. de Hæret. & Manich. (b) Parat. ad Codic. tit. 5. (c) l. 21. ff. de Pœn.

discrimen facit, utrisque quidem capitis pœnam irrogando, si perseveraverint in scelere, seu viri sint, seu fœminæ : Deceptoribus verò & antesignanis ut & relapsis, nulla gratiæ spe : Deceptis proposita venia si resipuerint. Quamobrem forte aliquis haud absre distinguendum esse dixerit inter atroces hæreses & leviores. Illæ, quæ *ad imam usq; scelerum nequitiam perveniunt*, & per quas *ipsis etiam elementis fit injuria*, sicut de Manichæis Imperatores Theodosius & Valentinianus (a) locuti sunt, pœna capitali forte finiri possunt, imprimis, si, quod fere semper ulu venit, laceSSita etiam & procaciter tractata Magistratus legitimi potestas in aliquam superstitionis pessimæ regulam trahatur : quod hodieque Anabaptistæ faciunt, qui tantum non de omni jurisdictione civili dubitare videntur, certè illam ex malignè detortis sacri Codicis oraculis immensum castrant & quasi in ordinem redigunt. Hæ, quæ innoxiiis Reipublicæ erroribus, nec tam immanibus blasphemiiis in Deum injuriosis constant, mitioribus fomentis opus habent, ne in fœvitiam intempestivam medicina abeat : nunquam enim toto Christianæ Ecclesiæ tempore omnis generis hæreticos sine ullo crimine & sectarum delectu carnifici objectos legimus : Et quamvis Princeps jus habeat quævis delicta puniendi morte, illud ipsum tamen non ejus libidini aut affectib⁹ ancillatur, sed necessitatibus Reipublicæ & communi bono servit, extra quem respectum jus actu primo competens in exercitium actuale deduci nequit. *Omni tempore dominium*

(a) L. 5. C. de Hæret. & Manich.

minium eminens in subditorum bona imperanti adest : nunquam jus belli gerendi non maiestate includitur : Legum ferendarum potestas semper est ejus, cujus summum imperium : Legatos mittendi facultas ubique Civitatis Rectorem committatur : Et tamen Principi non semper licet pro lubitu & ad proprium ludibrium subditos bonis suis & dominio privato spoliare : non ex qualibet occasione bellum gerere : non singulis diebus novas leges Reipublicæ obtrudere : non assidua legatorum missione extraneis oneri esse & molestiæ, sed cum publicum bonum & utilitas totius imperii id sibi postulat : Scilicet cum adversus hostilem vim civitas munienda, privatis agri & ædificia auferantur : cum annona comburenda, ne hosti ad victum cedat, miseros agricolas totius anni spes sua fallit : cum justæ sunt & graves suscipiendi belli causæ, tunc arma idoneè induuntur : cum jure novo Civitas indiget, legislatoria potestate opus : cum fœdera commerciorum belli pacisque facienda, legatos oportet mittere : Ita etiam non levissimis quibusvis de causis secures & virgæ expediantur, verum tum demum, quando minora illa peccata ingenti præjudicio Reipublicæ sunt, morali æstimatione, aliquando in ejus nervum eruptura. Hinc in mites hæreses & simplices & quietas civiles aliæ poenæ suffecerint, quibus innocens malitia refrenetur, & emendetur, ut supersint suppliciiis, qui poenitere possint. *¶* Levein aliquam coactionem minantem tamen magis quam verberantem & trahentem ego non vere-

416 *De Summa Imper. Potestate circa Sacra.*

bor admittere : (a) Tertulliano vetustissimo Patrum & sapientissimo ita visum : *ad officium hæreticos compelli, non illicitum dignum est : duritia vincenda est, non suadenda hæresis : & post eum* (b) Augustino etiam longe omnium eruditissimo Theosopho. *Melius quidem esse, quis dubitaverit, ad Deum colendum homines doctrina duci, quam timore pœnæ vel dolore compelli : sed non quia isti meliores sunt, ideo illi, qui tales non sunt, negligendi sunt. Multis enim profuit prius timore vel dolore cogi, ut possint postea doceri, aut quodjam verbis didicerunt, opere sectari.*

§ 19. Proximum est videre illos, qui in adversa acie stant, quantum contra nostram sententiam valeant. Multipliciter quidem apparatus instructi sunt, sed si recte inspiciatur nobis innoxio, illis inutili. (c) Vaticinia ex veteri testamento desumpta de conversione gladiatorum in vomeres, & lancearum in falces, de pace perpetua & universali : de cohabitatione lupi cum agno, pardum cum hædo, de societate vituli leonis & ovis, quos puer confidenter ducturus sit, si utiq; etiam modum propagandi Ecclesiam includunt, in quo non difficiles sumus, de modo defensionis tamen Ecclesiæ à summis potestatibus ut nutriciais suis & tutoribus fideliter præstandæ nihil definiunt : nam suppliciiis hæreticorum non tam propagatur Ecclesia, quam defenditur, & munitur, ne feroces apri vineam Domini penitus subruant.

Adhæc videntur vaticinia illa
 (a) Advers. Gnost. c. 2. (b) Epist. 50. ad Bonif. (c) Esai, 2. 4. & 11. 7. & 65. 25. Zach. 9. 10.

tempora potissimum ista respicere , quibus Ecclesia adhuc seculari brachio & tutela caruit , & describere tantum miraculosam Evangelii virtutem , quod penetrantissima efficacia barbaras etiam & ferocissimas gentes Christo conciliaturum sit , sine sanguine , sine vi & coactione , quibus mediis plerumque paganorum superstitiones & nostra ætate deliria Mahumetana defenduntur : Scilicet convincet sua luce hominum incredulorum mentes , & ab animis impetrabit genuinum assensum : non violenter raptabit potentiorum corpora ad obsequium : ac ad id officii utetur ministris ovibus , hædis , vitulis , pueris , hominibus scilicet mundo contemptis vilissimæque sortis , piscatoribus , publicanis , textoribus , non Imperatorum & Regum armis opibusve , sociis magis & arroganti beneficiorum exprobratione timendis , quam instrumentalibus , ut divini favoris auxiliique præsentiam in Christianæ doctrinæ propagatione , quæ furente & obnitente universo mundo propositum tenuit , ex divinorum præconum ad omnes injurias nudatorum imbelli ac misera conditione facilius agnoscamus. Sed quid hoc ad Christianos Principes & Magistratus , quibus propter summum imperium etiam in sacris rebus multa facere licet , quæ nec sibi Christus licuisse voluit , nec licuit Apostolis ?

§. 20. Omissis igitur vaticiniis , quæ præterea fere semper suis involucris occulti aliquid & dignum Delio natatore tegunt , ad propiora novi fœderis testimonia veniamus , ubi primo man-

fueta (a) Patrisfamilias indulgentia vetantis zizania inter triticum enata evelli, adversus sistitur: servis enim ad eradicationem & iram properantibus, *finite*, inquit, *crescere zizania usque ad tempus messis*. Sed vix vitabitur absurdus sensus, ex mandato tam crudè & ad literam intellecto, primò tolli omnia capitalia supplicia: zizania enim ibi non solas hæreses significant, verùm, ut in sequentibus declaratur, πάντα τὰ σκάνδαλα καὶ τῆς ποιότητος τὴν ἀνομίαν: hoc est, οὗτος τῷ πονηρῷ. Messores enim sola colligunt zizania: Angeli verò sunt Messores illi, qui segregant scandala & iniquitates: adeoque zizaniorum nomen se non potest tantum ad hæreses referre: nec probo explicationem, quasi de officio Angelorum per excursionem hic sermo sit, omisso eo, quid per zizania in agro domini intelligatur: quia quale est officium messorum: tale & Angelorum: nam Angeli sunt messores: at officium messorum est zizania colligere: ergo & angelorum idem munus: porro angeli colligunt omnia scandala & iniquitatem facientes, filios illos nequam sive Diaboli: ergo & messores: sed messores colligunt zizania, adeoque zizania hic notant omnia scandala & iniquitates. Hæc adeo catenatim inter se coherant, ut nisi omnem contextum velis dissolvere, non possint ab invicem secerni. Adhæc ager, cui semen injicitur, mundus est: Bonum verò semen οὗτος τῆς βασιλείας: id est Ecclesia Dei: quicquid itaque Diabolus in mundo ferit, quod inter bonum semen enascitur, id est zizania: sed non solæ hæreses auctorem habent Diabolum, verùm

verum & omnia alia peccata, quæ proinde oportet nomine zizaniorum intelligi. Objiciunt quidem oppositum seminis per zizania intelligendum: illud autem semper hæreses esse: sed non amplius hic est locus conjecturis, ubi satis clare explicatur, quæ zizania Messores Angeli debeant colligere: nimirum omnia scandala & facientes mala seu iniqua: præterea non ubique, quod inter semen bonum spirituale enascitur, hæreses esse, alia Christi parabola nos abunde docet, quæ curas humanas & plus æquo mancipatum divitiis animum cum bono semine unâ crescere, & illud suffocare dicit. Quamobrem omnes in genere facinorosos per zizania parabolâ sibi velle omnino probabilius est: quo dato sequeretur nullum etiam in manifesto & maximo crimine deprehensum posse capite plecti, quo nihil & à sacra scriptura & omni Christiana politia alienius est. Deinde posito tamen ex abundanti solas hæreses esse zizania, quæ paterfamilias extirpari prohibet, id interdictum de omnibus in genere pœnis, quibus hæretici coercentur, non solum de summo supplicio debet exponi; nam servi jubentur ut crescere sinant, nec quocunque modo noceant zizaniis: quare quæcunque pœna fecunditati hæresium obest, illa improbat Patrifamilias: Verum quàm impia hæc sententia, quam injuriosa in officium Magistratus, cui à Deo gladius est datus ad omnis mali punitionem? Oportet igitur profecto alium esse parabolæ sensum: Hic enim meritò rejiciendus est, qui maximo securitatis præmio improbitati patet ocinatur, sceleribus planissimam viam ipso

metu dempto sternit, & criminalem Reipublicæ jurisdictionem sufflaminat. Parum abest, quin suffrager Hieronymo, agenti, Christum non supplicia hæreticorum fabella sua improbasse, sed intempestivum usum, unde plus damni quam emolumenti possit sperari, & quo, ut habet proverbium, spem pretio emimus: suadet id prohibitionis ratio, ne tritico noceatur: itaque si sine periculo ejus evelli possunt zizania, cessat editum, cum prohibitiva ratio cesset. Quicquid tamen ejus sit, nolo enim hic aliquid certi determinare, id pro comperto habeo, parabolæ mentem nec solis hæreticis, nec solis eorum capitalibus pœnis commode explicari.

§. 21. Minus negotii Christi increpatio nobis facessit, qua discipulos suos perculit, ignem de cœlo in ultionem provocaturos ad Samaritanorum impietate plectendam, hospitii jura negantium. (a) *Nescitis*, inquit Christus, *cujus spiritus filii sitis*. Recte id quidem; Christus enim regnum suum noluit esse de hoc mundo; sed alia Magistratus Christiani ratio, qui gladium divinitus in id accepit, ut condignis suppliciis facinora expiet: Intutum est in civilibus causis ab actionibus Christi argumentum: Hic enim nec ad alteram in ipso crimine deprehensam judicavit: quàm verò ridicule fecerit, qui idem judicium Reipublicæ negaverit? Huc & dimissio gratuita (b) Salvatoris pertinet, relinquentis discipulorum arbitrio, manere velint, an abire. Scilicet Ecclesiam decet illa mansuetudo: Magistratum

(a) Luc. 9. 54. (b) Joh. 6. 67.

stratum verò & puniendi jus, si ex usu Reipublicæ & ipsius Ecclesiæ id sit.

§. 22. Quæ porro de Apostolorum praxi & primitivæ Ecclesiæ moribus afferuntur, nullo negotio refelli possunt: Trecentis primis à Christo nato annis nec Catholica Ecclesia defensores suos habuit ac nutricos: nec Respublica Christiani Principis imperium: quid nunc mirum est si hæretici non puniti? A quo enim fuerint puniendi? non ab Apostolis & ipsa Ecclesia, quæ legitima jurisdictione caruit: nec à Romanis Imperatoribus, quibus lucrum & ludus fuit illam maximis intestinæ discordiæ turbinibus exagitari? Quamprimum verò in Constantino Magno Christiana fides supra hostes suos triumphavit, hæreticis continuò pessimum sidus ortum est; in quos Imperatoriæ leges gravissimis suppliciis, & ad mortem usque animadvertère. Sane aliquando illis etiam quoddam velut respirandi spaciū datum; sed nec illud sine civili ratione & ex necessitate Reipublicæ: non quasi fracta sit jurisdictio aut torpeat, sed quod certo consilio conniveat. Constantinus M. edicto suo, quo conscientiæ libertatem ad tempus concedit, rationem adjicit, non illam, quod non possit jure hæreticos persequi: sed (a) *quia id tranquillitati nostrorum temporum conducere manifestum est*: ergo si non expedit paci publicæ, si nocet & officit, hæreticos pati, (b) diversa sententia locuti sunt Imperatores. Adverte verò, quam multa insubida secutura sint, cū Aposto-
Dd 3 rum

(a) Euseb. l. 10. cap. 5.

(b) l. 11. l. 12. C. de Hær. & Manich.

rum vita & Ecclesiæ adhuc pressæ temporibus potestatem Christiani Magistratus metimur? quando Apostoli ius Christianis dixerunt, quando homicidia, furta, latrocinia, scortationes, adulteria, aliaque crimina corporalibus poenis aut multa pecuniaria ulti sunt? Paulus satis habuit in Corinthium illum, qui novercam in uxorem duxerat, spiritualia censuræ Ecclesiasticæ arma expedivisse. Petrus Christianos in civilibus causis non sibi sed potestatibus supereminentibus obsequium deferendum docet: nullus eo tempore toto orbe Christianus Princeps, aut Præsul aut Prætor: quicquid imperium, quicquid Magistratum tenuit, profanos gentium Deos sectabatur: sed ridiculus plane fuerit & pepone insulsior, qui captato inde exemplo in jurisdictionem nostrorum imperantium, & merum, quod ajunt, imperium, cupiat infelix præjudicium torquere: Patrum testimonia non ius oppugnant, sed consilii sunt, de quo postea dicemus: certe enim magis aliquando proficimus clementia & obliqua velificatione, quam sanguine & ferro.

(a) Nam sæpe quo majora supplicia irrogabis, eo minus proficies, cum ea sit hominibus insitavis ac natura, ut ad aliquid assentiendum sponte duci velit, cogi nolit.

§. 23. Tandem rationes videamus, quibus assertum suum fulciunt: Primò, *conversioni & saluti errantium via præcluditur*: Hoc argumentum si aliquid valet, quis ob facinus mortem poterit iuste pati, imprimis si contumaciter nolit resipiscere? Superest damnato adhuc tem-

(a) Bodin. de Rep. l. 4. cap. 7. pus,

pus, quo de animæ salute cogitet, quod si negligenter effluere siverit, est quod sibi imputet: mortali enim æstimatione non attenditur illud periculum, in quod quis se propria culpa sciens præcipitat: Non deerunt Doctores orthodoxi, qui usque ad ferale pegma orationibus, precibus, consolatione instent, ut animam lucrentur. Scio, quid opponi possit: diversa scilicet esse alia civilia delicta à crimine spirituali hæresi: in illis enim facilius posse culpam agnosci, quam hac, ubi reus id ipsum, ob quod plectitur, summam pietatem putat, & proinde se innocentem. Sit ita: fatear discrimen: quid tamen si hæreticus læsæ majestatis reus ad culeum damnetur, qui etiam si crimen fateatur, errorem suum nolit deponere? Moriatur, inquis, sceleratissimus parricida, & hic infandi criminis pœnam sustineat, illic inexcusabilis pertinaciæ: subscribo lubens sententiæ, sed vide, quàm parum sistui memor, qui momento improbasti festinata judicia, quibus errantium conversioni non amplius via patet? instas autem Augustinum diu in Manichæorum sordibus hæsisse, tantum mox lumen Ecclesiæ futurum, cujus oportuisset jacturam facere, si ad nostrum tribunal ventum esset. Absit hoc, absit serio: non statim ad ferrum & rogam clamamus, cum jus defendimus, quo Principem decet moderatè uti & caste, sicut propediem à nobis dicetur: tum providentiæ divinæ etiam hic aliquis locus, quæ illum non patietur inter hostes suos perire, quem honesto transfugio ad salutarem Ecclesiæ suæ Symmachiam vocatura est. Secundo, ajunt, *fidem esse Dei donum, quæ hu-*

manis edictis nec imperatur nec cogitur : conscientias non recipere dominatum : simulationem aliquando extorqueri, non ingenuam pietatem, velle Deum populum voluntarium, nec ipsi placere coacta servitia : sed confunduntur hic, quæ probe à se invicem discerni debent : nam eum, qui contra publicas leges aliis errores suos communicat, nihil hæ rationes juvant : non ejus fidem cogimus, non conscientias dominamur ; de damno cavendo solliciti sumus, ne pestiferum virus exerrando viciniam corrumpat : Quod si verò interdum homines propter ipsum hæreseos crimen de capite periclitantur, non aliter id probamus, quam si error in extremas abominationes & illas impietates abeat, quæ à sacris literis conceptò damnantur, & omnem fidei Christianæ veritatem ac substantiam evertunt : quantum enim studium illud & professio tot scelerum à manifestis blasphemias distat, ultore gladio dignis ? Tertio capitalia supplicia illis delictis corporalibus terminant, *qua humana societatis tranquillitatem destruunt.* Frigide medius fidiis : an enim quinque aureorum furto, quod laqueo expiatur, orbis terrarum in mutuam laniationem trahitur ? quæ unquam Respublica ex eo turbavit, quod perdit homines cum bellis coierint ? quando Romanum imperium civile bellum ex fellatione civium aut reciproco masculorum amore habuit ? criminum poenæ non tantum humanæ societatis quiete definiuntur, sed etiam ipsius sceleris & peccati gravitate, quam vel indice natura vel ex divinis legibus venamur. Adhæc delicta etiam, à quibus aliquando me-

do metus esse potest turbarum, si nimium inva-
luerint, sanguine eluuntur, licet è vestigio pu-
blicæ concordia parum noceant : quæ unquam
verò in mundo tam mansueta hæresis visa est,
quæ non in factiones & tumultus exiit, receptis
viribus ? Arius sub Constantini M. imperio quie-
tus & torpens: in Synodo Nicæna humilis & sup-
plex : quam ferox verò idem & sanguinarius,
cum primum sibi fidere cepit : cum patronos ip-
sos Imperatores invenit ? Jam amplius vide,
quam absurdum sit illud, & inconsideratum,
quod quarto loco afferunt, *Antichristi notam &
morem esse in hæreticos usque ad sanguinem sa-
vire* : quid audio, cornicem cornici oculos eru-
entem, viperam veneno occidi ab aspide, & scor-
pionem nocere scorpionem ? Aliud est Antichri-
sti ingenium : ut enim vespæ inter se non certant
aculeis, ut lupi invicem se non devorant, ut pi-
ratarum fida & concors est ad gentium pernici-
em societas, ita Antichristi regnum hæretico-
rum velut sacrum asylum & mutua conspiratio
in Ecclesiæ Catholicæ exitium : non ex eo nosci-
tur illa Ecclesiæ pestis, quod hæreticos occidat,
sed quod orthodoxos : sed occidit, inquis, ut
hæreticos : quasi verò Tyrannus bonos & inno-
centes cives, quos suis consiliis obstare scit, aut
propter opes ad prædam petit, non in crimen ali-
quod vocet, & ab eo ad mortem ? hic Tyranni
constans est & proprius caracter, quem in justum
Principem si quis torqueat, homines veris scele-
ribus oneratos poscentem ad debita supplicia,
eum profecto oportet Morycho Siculo esse stul-
torem. Quinto mansuetudinem Ecclesiæ obji-

ciunt, quam nos quoq; magnopere commenda-
mus. Enimverò tam pertinax est interdù malitia,
ut verberari velit, non palpari, sicubi sit sananda.
Medici aliquando plus quiete proficiunt & con-
nivencia : est etiam cum uritur secaturve ma-
lum, ne ad integras adhuc partes perrepat, nec
qui hoc faciunt, crudeliores sunt illis, aut illi
his mitiores : ægrotis etiam amara potio saluta-
ris est, & vena aperitur, quæ sanguine atro accen-
sive ebullit : ita semper temporis & morbi ha-
benda ratio. Cùm spes est verbis & minis inno-
centibus confectum rem iri, O te beatum, quem
tanta gloria expectat: quid Magistro virgis opus,
discipulo ad nutum & imperia ejus parato? Ve-
rum si corruptus simul & corruptor, æger & fla-
grans animus perversissimis libidinibus arde-
scit, fortem medicinam induratum malum po-
stulat, & durus nodus, quod ajunt, durum cu-
neum. Nihil impedit Ecclesiam divinam man-
suetudinem imitari. Hæc diu patienter mali-
gnitates hominum fert, ad peccata dormit, er-
rantibus viam monstrat, & dilata ultione poeni-
tendi tempus : sed quam languida primò est &
indulgens; tam graviter irascitur & lethaliter
ferit, quos frustra expectavit ad officium redi-
turos : ita Ecclesia cum hæreticis agit monitis,
rationibus, indulgentia, minis : his in irritum ca-
dentibus, utitur porro jure suo, extrema arma
expedit : Adde quod alia mansuetudo & *μακρο-
θυμία* Ecclesiam deceat, alia judicem, qui de
criminibus cognoscit, in Ecclesiæ injuriam & da-
mnum desinentibus : Ut privato vindicta non
convenit, cum Magistratus copia datur, ita nec
Eccle-

Ecclesiæ in hæreticos ultio , quam à tutore suo & nutritio , à Deo in id constituto,consequitur: Denique incommodis terrent & periculis , quasi aliqua restam sancta sit & proba , qua non pessime abuti liceat,aut quasi abusus usum tollat, vel injuria jus. * *Sub prætectu in hæreticam pravitatem saepe innocentes è medio tolluntur corrupta judiciorum sanctimonia* : Opinor, sed nemo de homicidio,furto, latrociniiis, innocens accusatus est? nulla unquam honesta matrona à sagis & veneficis perfide delata? nunquam sub equulei doloribus victa veritas , ut sibi ipsi deesset , & in gratiam judicis mentiretur? in læsæ majestatis crimine quoties bonis viris judicium illud exitio fuit? quoties alieno furto inson-tem victimam temeraria indicia substituerunt? ergò omnia publica judicia tollenda, & ipsa vindicatrix justitia denuo è terra proscribenda est, quod sanctissimæ Deæ pudicitiam hominum improbitas sollicitet? *pereunt, qui successu temporis ad veritatis agnitionem perducipoterant*: non isti profecto, si me audis, sed à quibus vehementer metuitur, ne alios in eosdem casses pertrahant & scelerum societatem: sed qui extrema pervicacia nullam emendationis spem reliquam faciunt: sed qui subinde plus de veneni sui propalatione solliciti sunt, quam veritate quærenda. *Multi ex hæreticorum pertinacia ad hæresin inflammantur*: ad latrocinia etiam aliqui, ad veneficia, constantia latronum & sagarum, quos mox eadem supplicia manent. *Bella, seditio- nes & cades excitantur*, imò etiam cum tributa cogimus, factiones excidimus, aut eos jure persequi-

sequimur, qui majestatis rei & in gratia apud populum sunt. Nulla unquam lætior Diis hostia cæsa est, quam Guisus in Gallia, nunquam justior cædes perpetrata, aut in meliore causa pugiones percussorum humano sanguine rubuerunt: tota tamen Gallia manibus tam foædis & impuris mutua laniena & parum abfuit, extremo regni excidio parentavit, *nec omnes Magistratus certamina Ecclesie intelligunt, nec satis diligenter ea expendunt.* Quid deinde? Judices etiam non omnes jus sciunt, quantum nosse debent; quorum sententia nihilominus in rem judicatam abit. *Armamus contra nos Antichristum, cujus proprium est bello & armis igne & gladio savi-
adversus eos, qui ab ipso secessionem fecerunt:* nulla id nostra culpa fit, nam qui jure suo utitur, nemini injuriam facit: etiam Pontificem & Hispanum male olim habuit, quod maximum & infandum à Pontificiis adversus Jacobum Angliæ Regem meditatum parricidium exitu caruerit & expectatione: complices tamen adeò immanis sceleris in furcam acti, & Garnetus, quod mirum, parricidio martyrum coronam meruit. *Savi-
tur in eos, de quibus nondum constat, an verè & proprie loquendo sint hæretici.* Puniuntur & illi sæpius præcipitato judicio, qui nondum idoneis probationibus de crimine civili satis convicti sunt, nec statim irato plebis scito legitima jurisdictioni potestas ex abusu illo in Republica abrogatur; Omnes res natura bonas produxit & homini salutares: vitio mortalitatis, non usu suo exitium fiunt: ipsi ingenio nostro debemus, quicquid noxam nocet, & illud ipsum ingenium quam

quam divina res & omnibus Cræsi divitiis pretiosior, si ut oportet impenditur, tam pessima & exitialis alieno manubrio. Aliter venenum miscuit Æsculapius, aliter Medea: Ferrum in subsidium nostrum natum est, & contra feras arma, quod mox nescio quis malus genius in nos vertit & ad humanam pestem. Divitiis, quibus incommoda vitæ solari convenit, sicarii sæpe emuntur, aut proditores: & vero ipsa justitia sobrie ac pie dispensata quid humano generi utilius? quid propius ad socialem rationem. Hæc Dea civilis vitæ præses & Domina: hæc innocentiae solatium: hæc præmium bonis: hæc sceleri & injuriæ ingens terror ac fuga: quam speciosum sæpe libidinibus & iniquitati operculum? quanta avaritiæ, crudelitatis & violentiæ larva? quis unquam, qui civium libertatem & jura opprimit, non colorem aliquem ambitioni suæ invenit? quando lusciniolæ sua cantio defuit, ut avaritiæ adoleret subditorum expilatione: quando muneribus, affectibus, ira, amicitia corruptus judex injuriam non jus dixit? adeò nihil est ab improbitate tutum: ejiciamus ex orbe res omnes, quibus abuti possumus, non cibus nobis in alimentum relinquetur, non ipsa nostra corporis membra: in triste exilium ibunt virtutes & ipsa pietas, quarum nomine nobis frequenter illuditur: tanta necessitudine malum bono cohæret, ut si hoc carere possimus, illi tota terra exulandum sit.

§. 24. Sic censem de jure eorum, qui summum imperium habent, & criminali jurisdictione, hæreticorum sanguine atrata. Enimverò

non

non semper, quod licet, expedit. Plus damni aliquando subita coërcitio in Rempublicam attulit quam commodi, & ipsâ immaturâ medicinâ exasperatus est morbus. Cunctandum hic Principi, & omnia prius expedienda, quam virgæ & secures in colla ac tergora fontium: regia, imò imperatoria sententia est, *festina lente*, cum toto vitæ curriculo necessaria, tum præcipuè quando de alieno capite agitur: nihil iræ dandum, nihil affectibus: tempori potius multa, quod ista mitigat: Mulierum fervidis imperiis ne auscultes: sapientius (a) Poëta: *nulla unquam de morte hominis cunctatio longa est*. Sit itaq; tibi *vilissimi etiam sanguinis parsimonia*: (b) *prope est ut libenter damnet, qui cito*, * quanto opportunior clementia non solum tuæ gloriæ, sed etiam eorum saluti, quibus medemur: quod medicis visum in natura restituenda, cur non vitiis Reipublicæ curandis adhibeas? Oraculum profecto est, tu adora, (c) *melius sanare vitiosas partes, quam exsecare*: O salutare decretum, & bis civica corona dignum! O clementiæ aram, supplicibus exorabilem! O miraculum supra Herculis labores æternitate donandum! O suave & commodum justitiæ refrigerium, quod Titanicum ejus vultum ad humanitatem componit & meliorem spem! O nomen Principibus nunquam obliviscendum! Sed ei non nisi opportunè locus dandus, est enim tempus, cum (d) *adhibenda est Reipublicæ causa severitas, sine qua administrari civitas nulla potest*: iidem Medici

(a) Juv. Sat. 6. (b) Senec. de Clem. l. 1. (c) Cic. 2. Ad. Ar. vic. Epist. 1. (d) Cic. de Off. l. 2.

Medici sciunt, (a) *digitum praecludi oportere, si ob eam rem gangrena non sit ad brachium ventura.* Malitia hominum & ipsa impunitatis spe excitata peccandi illecebra crebro nos cogit armatam faciem sumere: vulgi hæc natura (b)

* ὅ γὰρ πικρύνουσιν αἰδοῖ πειθαρχεῖν, ἀλλὰ φοβῶντο ἂν ἀπέχεσθαι τῶν φούλων διὰ τὸ, αἰσχρὸν, ἀλλὰ διὰ τὰς τιμωρίας. Itaque aliquid clementiæ dandum & miserationi: interdum etiam necessitati: aliquid auctoritati & justitiæ: utrumque ita temperatè, ne ex una parte marcida segnitie patiaris hebescere aciem tuæ auctoritatis: & ne ex altera immiti & sylvestri rigore plus timoris & odii facias, quàm emendationis. Ut rem totam penitus intelligas, * discriminatim hæc habe, primò personas, quæ in religione peccant: deinde tempora: Homines qui de Deo & receptis sacris male sentiunt, rursus duplici ordine collocandi, quibus singulis accommodanda tempora sunt: Alios enim videas, qui tantum sibi privatim errant: Alios, qui publicè etiam, propalata contra publicas leges prava religione, cui adhibita vi & datis turbis sectatores quærunt. De primis quid faciendum? Ego ferendos suadeo, non tollendos, præcipue si magna & infinita peccantium multitudo. Quid arma, supplicia & mortes ingeminas? non ista in emendationem nocentium sufficiunt, non aliorum exemplum, quos fines in pœnis maximè oportet intueri. Si eum in meliorem facere cupis, quem punis, cur occidis, cur simiarum amore suffocas, non foves? cur non relinquis pœnitentiæ spatium? cur non ea adhibes

(a) Varr. in Fragm. (b) Aristot. 1. 10. Eth. cap. ult.

bes tomenta, quæ ferre potest ægrotium intemperies? præcipue in religionis negotio, * *ubi fides suadenda est, non imperanda*, ubi animus docendus, qui nec ferro læditur, nec vinculis contrahitur: ratione, innocentia vitæ, sanctitate disciplinæ, ante omnia divina manu vincendus est; ferreis catenis ægrius illum traxeris, quam Hercules infernalem custodem. Obnititur vi & imperiis, quoque severius cum eo agis, hoc minus tibi fидit, nec sibi videtur in præsidium duci, sed rapi ad insidias, qui ad lanienam petitur, vix enim sine suspitione bonum est, quod invito crudeliter obtruditur. Melior ergo & tutior docendi via, quæ animæ vitiis sola medetur: qua humanitate erga peregrinos & devios utimur, illam eos etiam patiamur experiri, qui in religione aberrant: nam hîc quod jus illud humanitatis valeat, (a) *errantem per agros ignorantia via melius est ad rectum iter admoveere, quam expellere*. Imò eadem firmior quoque, quæ convincit mentem, non terret: quæ flectit non frangit: ut fera robore inclusa animo semper foras est, ita pietas, quam metus suppliciorum tenet, frendet, reluctatur, evolat, cum iste cessat, qui malus est diuturnitatis Magister: id demum constans est, quod sponte volumus, & (b) *multo firmior fides, quam reponit pœnitentia*: Quod Polybius in actionibus hostium observandis præcipit, ne illis temere credamus, qui tempori potius & necessitati præsentī cedunt, quam animis concidunt: id in Ecclesiæ hostibus longe verius: simu-

(a) Senec. l. 1. de Ira. (b) Lactant. l. 5. c. 13.

simulabunt se amicos , ut mox ex occasione ad vomitum redeant, & ex ipsa securitatis arce gravius lædant : fac tamen semper quiescere : quantum lucratus es ? Moriones scilicet aliquos in sacris, & animos, qui vultu, ore, corporis habitu religionem ferunt, partibus scilicet ad serviendum factis : animo & sensibus alieni : sed Deus est, qui mentem inspicit, qui liberum assensum vult, non coacta servitia : ita tum tibi magis quàm Deo homines obsequuntur, *purpura tua cultores aliquot efficies, non Dei.* Bene hic Baudius: *Vis & mina, non efficiunt Christianos, sed hypocritas, purpura cultores : non veri Numinis : Nihil est tam voluntarium, tam sue spontis, quàm religio, qua si cogitur, non amplius est religio, sed fucus & inane simulacrum.* At profecto ut tutius est apertos hostes habere , & ex adverso nobis oppositos , quam occultos, & in visceribus nostris latentes : ut in minore periculo lupum arcemus , qui aperto campo occurrit, quam si aliquo latere è latebris & dumetis subito exsiliat : ut scorpionis ictu incauti ac improvidi pereunt : ita præstat in Republica & Ecclesia hæreticos pacificos esse, quàm improbos simulatores , qui solo metu à novandis rebus prohibentur : Quæ nunc emendatio illa, quod præmium severitatis? Malim ego Leonis pellem super Crocoton , quàm lupum ovino vellere contactum : malim professum lupanar , quàm insidiosum, & ipsis latebris pudori juventutis consulens. Deo etiam ita visum est, qui, quod inter calidum & frigidum est medium , severe improbat & detestatur. Sed exemplis forte opus & terrore, ut

Ee

qui

qui intacti adhuc sunt ab ista sanie , alieno damno sibi sapere discant ? * Vide autem ne in malum vertat consilium , & quos aliis ad cavendum exemplum statuis , illud ipsum in laudem sint & sequelam : Humanæ naturæ vitio fit , ut sæpe committantur , quæ sæpe vindicantur : id cum alias experimento constat , tum in suppliciis hæreticorum frequentissimum est : Dum incredibili animi præsentia ad mortem eunt , dum ignem , tormenta , cruciatus ludibrio habent & inter medias flammæ velut de hostibus suis triumphant , in admirationem primo illud intrepidæ mentis robur venit , mox venerationem & assensum. Tenuiores sunt Vulcaniis retibus constantiæ & pervicaciæ limites , quos vulgus nec videt satis nec capit : præsentia fere sequitur , & oculis magis quam rationi auscultat : certe enim perquam speciosum est , pro Deo & veritate cadere , qui summa alacritate ad mortem vadunt , quum honestè vitare licet , si error est aut scelus , quod damnatur : nunc verò cum quasi quadam dulcedine aut nectare ebrii cuncta contemnant , quam facile æstimari possunt propterea mori non timere , quod timeant etiam post mortem mori : Et profecto negari non potest , hæc altum descendere in hominum animos , & sub dirissima Paganorum carnificina primam Ecclesiam eadem patientiæ disciplina immensum crevisse : vix itaque consultum est , ut quod Christianæ religioni olim hostium cœcitate adjumento fuit , idem nunc pejore ertore nos in illius injuriam pro hæresium incremento imitemur. Quid enim expedit hæreticum comburi , si ex improbis cineribus

neribus plures alii velut recisæ arbores repullulent., & in illa hydra sectum caput centum alia substituatur? quod illud exemplum, si laudant & sequuntur: quam sapienter hic mihi (a) Gallus canit? *Experientia satis edocti sumus ferrum flammæ, exilia, proscriptiones, irritasse potius quam sanasse morbum menti inhaerentem, ad quem proinde curandum non iis, quæ in corpus tantum penetrant, sed doctrina & sedula institutione, quæ in animum leviter instillata descendit, opus esse.* Alia omnia pro arbitrio civilis Magistratus atque adeo Principis sancuntur; sola religio non imperatur, sed ex præcepta veritatis opinione accedente divini Numinis gratia bene preparatis mentibus infunditur: ad eam cruciatus nihil valent, quin obfirmant potius animum quam frangunt aut persuadent. Prædixit hoc multis ante eum seculis Tertullianus, heu, quantus nostri temporis Vates! *exquisitor quæque crudelitas illecebra est magis sectæ.* Adeoque Magnus Lipsius, cujus mite hic & pacatum ingenium, si utique ad mortem, quam avertatur, & eligit suffundere malis hominibus sanguinem quam effundere, veniendum sit mali pertinacia aut periculo, arcanam consulit & occultam: quod hoc flagitium oculi & regi expediat, non ut reliqua scelera cum castigantur, ostendi. Præter fines pœnarum alia etiam non pauca sunt, quæ Principem à summo iure ad miserationem ducunt & clementiam. Primò hæresium perpetua catena, & facilis in errores lapsus: quod apud Thucydidem Atheniensis

(a) Thuan. in præf. Histor.

Civis ait, * *πιφύκασι τὲ ἀπαντί καὶ ἰδίᾳ καὶ δημοσίᾳ ἀμαπλάνῃ, καὶ ἢ ἐς νόμον, ὅς τις ἀποίρῃσι τούτῳ;* id in fide & sacris unice verum : quicquid sævies, cædes, occides, non purgabis penitus hoc stabulum à sordibus & fimo. Deus ipse hæreses fore prædixit : Vovere poteris ut pravi illi & sectarii desinant plane, efficere illud saltem, ne vincant. Necessaria igitur aliquando dissimulatio, imprimis cum errantium magna copia, & velut Lerii mali. Hos omnes tolles, de calvo ad calvum, quod dicitur : profecto id parum ex usu tuo : nam tanta multitudo acie vincenda est, ut rei agi possint : sed irritantur arma armis, & quid deterius civili bello, ob religionem suscepto ? Minus ex fama & existimatione : Quid exteri de te cogitent, quid sapientes, perpetuis suppliciis efferato ? nisi illud ex (a) Seneca. *Principi non minus turpia multa supplicia quam medico funera.* Deinde arduum veritatis & difficile scrutinium in hac parte veniam aliquam aut certe moderationem meretur : (b) Augustinus : *illi in vos sæviant, qui nesciunt cum quo labore verum inveniat, & quam difficile caveantur errores : Illi in vos sæviant, qui nesciunt, quam raram & arduam sit, carnalia phantasmata pia mentis serenitate superare. Illi in vos sæviant, qui nesciunt cum quanta difficultate sanetur oculus hominis interioris, ut possit intueri solem suum : illi in vos sæviant, qui nesciunt, quantis gemitibus & suspiriis id fiat, ut ex quantulacumq; parte possit intelligi Deus : postremò illi in vos sæviant, qui*
nullo

nullo tali errore decepti sunt, quali vos deceptos vident. Tertio condonandum aliquid hominum pertinaciæ, quæ animis nomine & auctoramento pietatis insidet. Alia crimina, quæ naturalis honestas aut gentium consensus damnat, agnosci ab iis etiam possunt, quibus placent: Hoc unum scelus est, quod divino auspicio se defendit, & infamiam ac supplicia sibi honori ducit, & lucro. Priusquam non docueris Deo displicere, quod credunt, propterea est & immatura severitas, quam idè rident & contemnunt, ut fidem ei conseruent, qui mandatis suis humana imperia absorbet & vincit: *Hæretici sunt*, inquit Salvianus de Arianis, *sed non scientes: denique apud nos sunt hæretici, apud se non sunt: nam in tantum se Catholicos esse judicant, ut nos ipsos titulo hæretica pravitatis infament. Quod ergo illi nobis sunt, & hoc nos illis. Nos illos injuriam divina generationi facere certi sumus, quod minorem Patre Filium dicant; Illi nos injuriosos Patri existimant, quod aequales esse credamus. Veritas apud nos est, sed illi apud se esse præsumunt. Honos Dei apud nos est, sed illi hoc arbitrantur honorem divinitatis, quod credunt: inofficiosi sunt, sed illis hoc est summum religionis officium: impii sunt, sed hoc putant veram esse pietatem. Errant ergo, sed bono animo errant, non odio, sed affectu Dei, honorare se Dominum atque amare credentes: Quamvis non habeant rectam fidem, illi tamen hoc perfectam Dei aestimant caritatem: & qualiter pro hoc ipso falsa opinionis errore in die judicii puniendi sint, nemo potest scire nisi iudex. Interim*

*ei, ut reor, patientiam Deus commodat, quia videt eos etsi non recte credere, affectu tamen pia opinionis errare. Hunc humanæ mentis callum non ferrum secatur, non exurit ignis. Hæc improbitatis arx, non ariete oppugnatur aut scalis capitur: cœlesti medicina & illuminatione opus: quæ quod durum est & pervicaciter compactum solvit: illa est lenimen uberi: illa clavis ad arcem inaccessibilem: quicquid viribus & ter-
riculamentis agitur, id omne in irritum cadit: nam ut lutum sol calore indurat: ita suppliciorum & cruciatuum æstus sordes illas & purgamenta Christianæ Ecclesiæ. * C' est prendre un mauvais chemin, inquit Gallus quidam scriptor, en matiere de religion, que de penser faire tenir prison aux Esprits, s' il n'y a, que Dieu, qui en garde la clef. que les prisons soient basties de crainte ou d' esperance, d' honneur ou d' ignominie de promesses ou de menaces, de recompenses ou de supplices, ils eschappent toujours à la servitude, retournent en leur premiere liberte on peut forcer le corps: tirer une parole de la bouche: Mais le coeur humaine s' opiniastre contre la desense, & emprise ce, qui luy est permis. Hinc videmus in Christiana Ecclesia parce semper & modice ad mortem ventum esse, nec id quidem prius, quam vel ipso Bellarmino teste omnes aliæ rationes experiri ceptæ. Nam primo pecuniaria pœna: deinde infamia, tum exilium: postremo omnium loco nex: sed illa ipsa raro, & in paucos hæreticos: interdum etiam terrendi magis causa, quam serio: certè id con-*

filiū Theodosio Imperatori fuisse, clare (a) So-
zomenus testatur. * χαλιπὰς τις νόμοις ἐπιγράφει τι-
μορίας, ἀλλ' οὐ πιζύει : ὃ γὰρ τιμωρεῖσθαι ἀλλ' εἰς
δίκην καθίσταται τὸς ὑπηκόους ἐπιτάσσων. ὅπως ὁμοφρονεῖ
αὐτῷ γένοιτο καὶ τὸ θεῖον : ἵνα καὶ τὸς ἰσχυροὺς μετατι-
θεμένους ἐπὶ πνεύματι. Hinc Patres antiqui apud Chri-
stianum Magistratum extrema illa & fervida in-
genia consiliis suis ac precibus temperant : non
ius ipsum puniendi in discrimen vocant. (b) Hi-
larius: *Misereri licet nostra etatus laborem, &
presentium temporum stultas opiniones conge-
miscere, quibus patrocinari Deo humana cre-
duntur, & ad tuendam Christi Ecclesiam am-
bitione seculari laboratur. Nunc proh dolor
divinam fidem suffragia terrena commendant;
terret exiliis & carceribus Ecclesia, credi sibi co-
git, qua exiliis & carceribus est credita, fugat
Sacerdotes, qua fugatis Sacerdotibus est pro-
pagata.* (c) Chrysostomus: *Sermonis nobis do-
ctrina commendata est, non Principatus. Ordi-
nem tenemus consulentium; qui consulit, non
cogit: in hoc culpabilis, si non qua decent & ope-
ret pastor dixerit: est enim fides ex auditu, non
à violenta coactione. Imò (d) Augustinus,
Corrigi eos cupimus, non necari, nec disciplinam
circa illos negligi volumus, NEC SUPPLICIIS,
QUIBUS DIGNI SUNT, EXERCERI. Sic igitur co-
rum peccata compesce, ut sint, quos peccasse pœ-
niteat. Quasumus igitur, ut cum Ecclesia cau-
sas audias, quamlibet nefariis injuriis appeti-
tam vel afflictam esse cognoveris, potestatem*

Ee 4

occe-

(a) Histor. Eccles. l. 7. c. 12. (b) in lib. ad Auxent. p. 294.
(c) Hom. 12. ad Ephes. (d) Ad Donat. Pro Consul. de Donatist.

occidendi te habere obliviscaris, & petitionem nostram non obliviscaris. Non tibi vile sit, neque contemptibile, quod vos rogamus, ne occidantur, pro quibus Dominum rogamus, ut corrigantur. Et idem (a) alibi. Pœna sanè illorum, quamvis de tantis sceleribus confessorum rogo te, ut præter supplicium mortis sit & propter conscientiam nostram, & propter Catholicam mansuetudinem commendandam. Ac proinde eo nomine (b) Athanasio Ariani malè audiunt, quòd invitos ad mutationem sententiae coegerunt, quod hominum minime est sua causa confidentium: non enim gladiis aut jaculis aut militari manu veritas predicatur, sed suadendo & consulendo: quæ autem ibi suadendi libertas aut consulendi ratio, ubi qui contradicit, pro mercede aut mortem reportat aut exilium? Nova autem ista & execrabilis hæres, cum rationibus obruitur, cum ipsa veritate pudefacta concidit, quos non potuit verbis inducere, eos vi, plagis, carceribusq; ad se pertrahere nititur; atq; ita se ipsam, quam non sit pia, & cultrix Dei, manifestat. In Gallia Idacius & Ithacius Episcopi damnati sunt Ecclesiæ iudicio, non alia causa, quam quod in aliquos Priscillianistas gladio animadverti curaverint: ut ex Sulpitio Severo (c) Thuanus porro explicat.

§. 25. Sed duo sunt arma, quibus feliciter in hæresin pugnare licet, ex usu Reipublicæ & tua gloria: nec incerta victoria aut infida, sed plena. Sedula institutio & tempus. Cum animus patitur, remediis idoneis opus, quæ non tam

(a) Epist. ad Marcell. 158. (b) Epistola ad Solitarios.

(c) in Præfat. Histor. Oper.

corpori subveniunt, quàm in ipsum descendunt pectus, & vel invitis sanitatem conferunt. * Docendi meliora sunt, & revocandi à vetustis erroribus veritatis ingenua luce : Hæc circumfusas mentium nostrarum nebulas dispellit : hæc admittit solem intra præcordia, & judiciis recto vestigio præit, ut tandem assentiantur : Hæc errantium pœna sit ex Platonis præcepto, DOCERI. Sanguinem, sanguinem, clamas : Ah quam imprudenter sæpe. (a) Non enim est prudentis errantes odisse, alioquin ipse sibi odio erit : quod Cæsar militibus in Pharsalica pugna dixit, ut vultum ferirent : id ego tibi, ut animum : non cervicem. * Τὸν γὰρ ἀγνοῦντα ἢ κακῶς πάχειν, inquit (b) Chrysostomus, ὅδ' ἐγκαλεῖσθαι, ἀλλὰ μανθάνειν δίκαιόν ἐστιν, ὅπου ἀγνοεῖ. & (c) Marcus Antoninus. * Εἰ μὲν δύνασαι, μετὰ δίδασκει : εἰ δὲ μὴ : μέμνησο, ὅτι πρὸς ἑαυτὸν ἡ εὐμνεία σοὶ δίδεται : καὶ οἱ θεοὶ δὲ εὐμνέεις τῷ τῷ τῷ ἴσιν. (d) Pelletierius. Certe la conscience ne veut estre regentée la dague ala gorge, ne dependant d' une commendement rude & violent : ains elle s' apprivoise, elle s' instruit & rend capable de son salut par la douceur, par la persuasion, & par les preuves amiables de la vray doctrine. Institutionis autem lacinia & veritatis velut litteræ, quas hodie vocant, credentiales vitæ innocentia est, & morum sanctitas. Quis enim ei facile credet, qui Deum, quem in ore habet, actionibus negat ? qui, quam verbis docet fidem, re negligit, eludit, frangit ? * Te primum in exemplum compone, ut alii habeant, quod sequantur : Quod in politi-

Ee 5

ticiis

(a) Senec. de Ira. l. 1. (b) Ephes. 14. 17.

(c) l. 9. (d) de la Personne Sacrée de Rags. p. 22.

* Ἀμείραν δὲ ἐπίλοιποι μάρτυρες σοφώτατοι.

Nec revelatur tantum tempore veritas : sed sanitatem etiam tenax illa & viscosa animorum scabies recipit, quæ cita & dura manu irritatur magis quam siccatur. Menedemus apud Terentium, *dies adimit agritudinem hominibus*, & Sophocles * *χρόνός γὰρ εὐμαρὴς θεός*. Egrotanti menti apud Euripidem hoc solatium est. * *χρόνος μάλ' αἰεὶ σὲ*, quemadmodum musto tempus dandum ut despuet, ita corruptis mentibus, quo defervescent paulatim, & putridas opinionum feces ejicient, veritate & ratione impetum & affectus animi vincente : in melancholico morbo medici omnem curam abstinere, quod ea sit mali pertinacia, ut à medicina ipsa alimentum & iram capiat : idem in hac animi intemperie faciendum, quæ quiete & patientiâ remittit : assiduo tactu efferatur : Itaque potius Tiberii consilium, *omittere adulta & prevalida vitia, quam illud assequi, ut palam fiat, quibus flagitiis impares simus* : At si aliquantisper conniveas, *istos ab atra bile dies plerumq; sanat & quies* : quamvis sub inde lanies, cædas, macies, induratur superstitio, & auctoritate Dei ab obsequio se excusat : nisi enim prius animum à vulnere curaveris, quam vulneres corpus, semper id tibi respondebunt, quod Achæorum Prætor Romanis. (a) *Veremur vos, Romani, & si ita vultis, etiam timemus : sed magis veremur & timemus Deos immortales*. Cæterum hæc duo rursus tempori in subsidium mittenda, ut eo celerius pravum pus & noxium ematurescat :

Præmia

Præmia & contemptus : Præmia, qui se respicere volunt & relictis nugis ad sacra patria redire: His Princeps honores, munera, Magistratus dividet, aliis escam & illecebras tam salutari perfugio demerendi Reipublicæ gratiam, & litandi, private ambitioni: Verum si pacta quædā inter Principē & Sectarios de Civitatibus, Provinciis, muneribus & officiis publicis inita: ea servare convenit, nec emendationis specie ad perjurium usque descendere. Secundo contemptus ab illis sentendus, quos pessimo ingenio pudet valedicere sectæ suæ & veritatem amplecti. Ille autem non ex lege aliqua sit, qui pudorem publice adferat, & ignominiosam maculam famæ, sed prudentia & mansuetudine Principis ita temperatus, ut nec iste ipsis, quos acerbe pungit, ad querelas & conjurationem profit.

§. 26. Jam ad eos venio, qui rixis, jurgiis, factionibus, turbis, deniq; publicis latrociniis religionem miscent: ventosa ingenia & Saturnii homines, quibus nihil in Republica placet, quod bonis: * *δυσχεραίνοντες*, sicut eos (a) Philo pingit, τῇ πατρίῳ πολίτεια, φόρον καὶ καταγοραν αἰεὶ τῶν νόμων μιλιῶντες. Hi totius Reipublicæ viribus debellandi sunt & perdendi, si non religionis causa, quamvis & illud, (b) *quod in religionem committitur*, in omnium fertur injuriam: saltem ex perduellionis capite: nulla hic clementiæ occasio: de auctoritate tua & regno, non aliorum salute fabula agitur, ubi semper (c) *salutaris severitas vincit inanem speciem clementia*. Multæ vir-

(a) De confus. ling. (b) l. 4 C. de Hæret. & Man.

(c) Cic. ad Brut. Epist. 2.

virtutes in vitia degenerant, & nisi temporis, personarum criminumque rationem habeas, nimia Regum lenitas apud suos ignaviae nomine in contemptum abit : Aliud ingenium ambitionis est, aliud deceptae pietatis : Hæc gratiam iis habet, quorum beneficio suomet sibi arbitrio relinquitur, & plerumque quiescit, nisi injuriis sollicitetur ad furorem, aut fiducia virium ad novas res : Illa, quæ propediem sibi satis fidit, nec unquam suis fortunis contenta est, sed ad novas spes subinde animum acuit, aures arrigit, protendit manus, nec sibi unquam per occasionem deest, ipsa clementia in audaciam imbecillitatis suspicione contemptuque firmatam, accingitur, & auctoritate Principis apud populum variis rumoribus criminata, sensim sibi nidum facit, ubi spes suas parturiat. Itaque adversus hoc monstrum severitate opus & clava Herculis, ut contundas: quicquid exspectas, connives: tibi perit, aliis accremento fit : Alii sævitiam objiciant & crudelitatem, pro te Cotys Rex Thracum respondeat : Cùm enim ipsi non nemo ejus severitatem exprobraret, & diceret, * *μὰ τὴν ἑστῆ, καὶ τὴν βασιλείαν*: commodè retulit: * *ἀλλ' ἢ ἐμὴ μανία τῆς ἀρχομένης σάφρονας ποιεῖ* : & sanè ita est. Nullum enim supplicii genus illis indignum est, qui Reipublicæ pacem turbant: sed non est consilium hæc latius persequi: satis enim, ut opinor, omnes in eo conveniunt, seditiosos & perduelles, qui tot funera civium faciunt, mereri, ut & ipsi funus sint.

§. 27. Lubet hîc loci divinum Barclaii de tolerandis hæreticis consilium, velut argumenti

cata.

catastrophen adscribere. Hujus enim Viri maximi incomparabilis & ignea sapientia civili & eloquenti humanitate familiaris, non torvo Catonis supercilio horrida, quem non in admirationem primo rapuerit, & mox amorem? Ita verò hæc nostri seculi gemma in persona Ibburanis ad Archombrotum toto animo in hæreticos armatum, (a) *Laudo impetum tuum, egregio fervore succensum. Sed sunt tamen qui non sine argumento contraria sentiant, quia rerum successu compertum est, ut quadam animalia aluntur veneno, ita hanc sectam invalescere publicis malis, interq; bella & clades saginari. Alias igitur artes, easq; mitiores quas vivere, quibus maculam Sicilia eluat: credideruntq; Regum prudentia absq; ferro & sanguine morbi savitiam ponere posse. Si quid verò ipse sentiam, queris, neque cum illis pacem neque bellum simpliciter volo: nam si quietem possunt pati, non hos puto ullis motibus sollicitandos: sin in Regem, Remq; publicam seditiosis consiliis sponte insurgent, ferendos non arbitror, sed vi armisq; premedam vesaniam superbè furentium. Pia tunc arma, tunc omni laude digna in eos severitas. Totis regni viribus enitendum, ne impune auferant abominandi in Reges exempli audaciam: Et eo quidem celerius vindicandum est facinus, quo ipsis ferocius solent grassari in cunctantes, nostramq; patientiam pro imbecillitate contemptim accipere. Neque enim hac secta ferendo parendove, ut solent meliores disciplina, quarit sibi incrementa, sed jurgio, rixa, tumultu, suis*

facinora assuevit asserere. Ferro igitur & plusquam amula ferocitate censeo in eos esse agendum, quoties suis injuriis Regem ac patriam lacerassent. At si seditionibus, si rebellio abstinebunt, patienturq; mitius se haberi, tum ego cum illis pacem malim. Jam enim in plures serpsit labes, quam ut singuli inter reos scribi possint, & citari à lictore. Ac præterea juventute abundat Sicilia, quam nunc levitas, nunc egestas, nunc ipsa armorum cupido sic versat, ut non jure aut pudore aestimato factiosus det nomina. & in militiam coeat quantumvis superis mortalibusve aversam. Ita multi, dum armis certatur, accedunt spe præda ad istos Hyperephanios, qui eos in pace devoverent: & Reges bello illato plures de novo reos faciunt, quam de veteribus extinguunt. Præterea veluti fila per se tenuia ac soluta facile rumpas: at si ea inter se violento implicas nexu, quo fortius premis, eo validius stipantur, coeuntq; deniq; in funem, cui frangendo nunquam suffeceris: Sic isti per se forte negligentiores suarum partium ubi intentatos iugulis vident enses, qui coactam, id est, ut existimant, pudendam pœnitentiam extorqueant, interdum furioso & quem agre exsolveris nexu conjurant: itaque pace, otio, regni facilitate, (si ipsi importunis tumultibus ad arma Regem non cogent) debellandi sunt, quo tempore nihil ex publicis latrociniis habent, quod incertis & seditiosis auxiliatoribus largiantur, neque incitati adversantium fervore plurimum quoque de suo remittunt. Ex ipsius deinde præcipuis multi ad Regem respiciunt, ex cujus amicitia in

illo sereno omnia pendent. Is autem si non tam odio quam contemptu prosequetur eorum disciplinam, efficacius omni bello nobilium animos ad pœnitentiam coget: qui si malo pudore prohibebuntur suam sectam ejurare, saltem liberis suis consulent, magistrisq; eos tradent, per quos erudiantur ex veteri more, vivantq; in regia gratiosi. Nam qui cælo, argumentis, veterumq; præceptis unam pertinaciam anteponunt, adhaerentq; Usinulca, vincentur, mihi crede, hoc honorum aditu, & spe regionum munerum caute praelusâ: præsertim si non hæc pœna legibus publicè latis in eos constituentur, (nam id ipsum satis iratis esset ad quæstus conjurationemq; & contumacia arma) sed lento quodam usu Principisq; ingenio nequaquam in eos dividendis Reipublice munera, qua conferri aliis possunt, neque ferentis, ut extra licentiam, quam leges faciunt, exerrent. Cetera sit in eos mansuetus, & interdum familiaribus verbis dignus ipsis videatur, cui placeant. Multi enim inter illos non suo, sed sectæ & institutionis vitio peccant: absq; hac esset, recta indole paresq; majoribus futuri. Hos cum licet, corrigi, me hercule, præstat, quàm everti, aut ad insaniora adigi necessitate. Ista vero utcunque lenta remedia paulatim Hyperephaniis nervos excindunt, & qui specie altioris sapientia coaluerunt, tandem segni nec irritatâ vetustate, philosophia quoque excussa atque contempta, qua exorients anti supercilii fuit, non agere solventur. Hæc Barclajus: Cujus summi Vatis veluti Sibyllina folia eventus probavit: Quid enim nunc Hyper-

ephanii

ephanii isti in Sicilia sua amplius auctoritatis habent aut antiqui roboris? Quod bella, & cædes & repetitæ toties lanienæ, fractaque pietatis nomine fides & pacta non præstare regno potuerunt, id in pace factum præmiis, honoribus, pecuniola, imò aliquando etiam levissima spei amplioris auræ. Nunc secta urbibus & imperiis Provinciarum exuta, amissis Optimatibus & Purpuratis, quos melior Regiæ fulgor in aulam & ad sacra majorum compulit, Regum gratia & arbitrio potius stat, quàm suis viribus.

§. 28. Post hæreticos aliquid de Apostatis dicendum, *qui sanctam fidem prodiderunt*, ut describuntur (a) ab Imperatoribus Theodosio, Valentiniano & Arcadio, & *sanctum baptismum hæretica superstitione profanarunt*. In hos, si clerici sint, (b) eadem poenæ constituuntur, quæ in hæreticos: (c) si laici, bonorum confiscatione, & omnimoda intestabilitate tam passivâ quam activa, etiam testimonii dandi inhabilitate, & segregatione ab omnium consortio coercentur: exilii etiam & aliis poenis digni, (d) *nisi poena visum fuisset esse majoris versari inter homines & hominum carere suffragiis*.

§. 29. Subditos plane extra Ecclesiam constitutos jam supra attigimus: nam violentam eorum compulsionem vix est ut probare possim, quamvis de jure Principis nec hic quidem difficilis sim futurus: Longè verò alia eorum ab hæreticis est ratio: Maximè enim hi in id puniuntur, ne insidiosè Ecclesiæ noceant: isti verò, ut

Ff

eam

(a) L. 3. C. de Apost. (b) l. 6. C. de Apost.

(c) l. 1. & 3. C. Eod. (d) d. l. 3.

eam intrent : sed quemadmodum potiore jure in eum animadverto, qui intra tectum meum molestus mihi est & periculose tumultuatur, quam si ad epulas ædes meas ingredi recuset; ita etiam digniores suppliciis sectatores sunt, qui pacem Ecclesiæ turbant, quam qui complexum ejus fugiunt: (a) Concilium Toletanum præcipit, *nemini deinceps ad credendum vim inferre, cui enim vult Deus miseretur, & quem vult indurat: & huc respicit canonicum jus, grave alias hæreticis.* (b) *Nova atque inaudita prædictio est, qua verberibus fidem exigat.* (c) Item: *qui sincera intentione extraneos à Christiana religione ad fidem cupiunt rectam perducere, blandimentis debent, non asperitatibus studere, ne quorum mentem reddita ratio ad planum poterat revocare, pellat procul adversitas. Nam quicumque aliter agunt, & eos sub hoc velamine à consuetis ritibus sui voluerint cultura removere, suas illic magis quam Dei causas probentur attendere.* Ac in specie, quantum ad Judæos. (d) *De Judæis præcepit S. Synodus, nemini deinceps ad credendum vim inferri, &c. non enim tales inviti salvandi sunt, sed volentes, ut integra sit forma justitiæ.*

§. 30. De externis nunc ultimò quærimus, an sufficiens sit ad arma & bellum causa religio Christiana, quam illi recipere nolunt: Equidem haud ignoro, melioris loci esse hanc quæstionem, ubi de jure belli agitur: jurisdictionem enim nostram exteri non suspiciunt: sed imposuit

(a) Quartum scilicet. c. 56. (b) c. Quid autem. dist. 45.
(c) Qui sincera. dist. 45. (d) c. de Judæis. Dist. ead.

fuit mihi argumenti contiguitas, ut ordinem defererem, ne divellatur materia : imò si quis rem totam accuratè velit expendere, est hoc argumentum plane à publico jure alienum, (nisi forte justificis belli causis, nec id ipsum citra circuitum, misceatur,) & ad jus gentium pertinet : adeoque breves hic erimus, quasi per excursum aut deflexum compendio curiosi. Jure gentium non quævis religionum diversitas bellum parit, sed illa demum, quæ justitiæ & fidei vim infert, & necessarios Rerumpublicarum nexus iniqua superstitione prophanat : Cum enim magna illa gentium societas publico jure constet, quod maximâ sui parte à metu Numinis pendet, is utique communis omnium gentium hostis censendus est, qui justitiam & jura socialia tollit : quoniam verò falsæ etiam religiones sociali finî sufficere possunt, idcirco non alia, quam in gentium unionem & sanctimoniam Civitatum injuriosa publicam indignationem experitur. Hinc primò ἀθεΐας, & omnis de Deo ac religione securitas gentium arma in se provocat : quod si enim in quavis Republica multum refert & ad civilem concordiam & faciliorem juris executionem religio rectè & prudenter ordinata, quam, ut supra diximus, Plutarchus vocat coagulum omnis societatis & , fundamentum legislationis : & Philo, * αἴτιον τῆς ὁμονοίας τὸ ἀντιτάξαι καὶ μέγιστον ἀφ' ἧς, διὰ πηγῆς, ἐνοτιαν καὶ ἀδιαλύτω φιλίᾳ κέχρηται πρὸς ἀλλήλους : quanto magis in gentium societate, ubi & pauciora jura sunt, eademque in sola religione fundata, & longe difficilior executio ? Nam illic certe negata religione

pereunt omnia socialia jura & inviolabilis illa
 sanctimonia vinculorum, quibus Reipublicæ in-
 vicem connectuntur, quæque facta testaq; con-
 servasse publicæ tranquillitati tantum interest.
 Bene (a) Cicero, *sublata pietate, fides etiam
 & societas humani generis & una excellentissi-
 ma virtus justitia tollitur*, & (b) alibi. *Justi-
 tiam adfert, cum cognitum habeas, quod sit
 summi rectoris & Domini Numen, quod consi-
 lium, quæ voluntas*. Nec ad aliud Homerus
 respexit, qui passim hominibus ὕβρις αἰς ἀνρί-
 ος opponit illos, quibus νόμος ἐστὶ θεῶν: quasi
 quos Numinum metus tenet, eos oporteat justi-
 tiam sequi & humanitatem: cæteris fera sit & im-
 proba mens, ad aliorum injurias non prona mo-
 do sed & præceps: (c) Lactantius. *Si ergo pie-
 tas est cognoscere Deum, hujus cognitionis hæc
 summa est, ut eum colas; ignorat utique justiti-
 am, qui religionem Dei non tenet: quomodo e-
 nim potest eam nosse, qui, unde oriatur, igno-
 rat*: Ac (d) Philo: * τῆς αὐτῆς φύσεως ἐστὶν ἰουσεβῆ
 τι εἶναι καὶ φιλάνθρωπον: καὶ περὶ τὸν αὐτὸν ἐκάτερον
 εἰσιότης μὲν πρὸς θεόν, δικαιοσύνη δὲ πρὸς ἀνθρώπων διω-
 ρεῖται: quo nomine Justinus ex Trogo laudat Ju-
 daeorum veterum justitiam religione permix-
 tam: Hinc illa notitia esse Deum adeo omnibus
 gentibus communis est, ut (e) Æliano teste ne-
 mo etiam ex Barbaris ad ἀδιότατα usque delapsus
 sit. (f) Seneca quoque eundem populorum o-
 mnium consensum appellat: *Tanquam Deos
 esse inter alia sic colligimus, quod omnibus de
 Deo*

(a) lib. 1. de Nat. Deor. (b) l. 4. de Fin. (c) Inst. l. 5. (d) in
 vita. Abrah. (e) l. 2. c. 31. (f) Epist. 117.

Deo opinio insita est, nec ulla gens usquam est adeo contra leges moresq., ut non aliquos Deos credat : adde & quæ Jamblichus habet post principium de mysteriis Ægyptiorum, ubi homini proprium ait, Deum nescire, sicut hinnitus est equo : quare nihil omnino habent, quod eos cum ratione subleuet, qui contra commune hoc & universalissimum omnium gentium placitum de Deorum existentia aut ignorantiam suam turpiter fatentur aut pertinaciam inanem : Nam & hominum crassiorum, quam ut fallere alios possent, & sapientiorum, quam ut fallerentur circa eandem opinionem æterna conspiratio, tum quod adversæ sententiæ argumenta non citius audita, quam communibus suffragiis rejecta sunt, nullam admittunt ἀδύνατον & excusationem, sed eam recto præjudicio oppido proscribunt : Atque hoc nomine Moxus Lydus Crambi urbis incolas captos omnes aquis merfit, οὐκ ἀθεῖς, qui nec Deum scirent nec colerent : Nulla hîc Philosophiæ libertas : Commode enim Himerius Sophista, *actione in Epicurum*, quærenti, * δογματῶν ἐν ἀπαρχαῖς δίκας ; respondet, καὶ ἀλλ' ἀσεβείας : δογματίζειν μὲν γὰρ ἔξον, ἀσεβεῖν δὲ καὶ ἐπιτίτταται. Secundò, quicunque divinam providentiam negant, iisdem juris gentium suppliciis succumbunt : certè enim morali effectu negare, Deum esse, aut negare ab eo humanas actiones curari, idem sunt : Nam si Numen illud nullam hujus universi & singularum rerum curam gerit, quid pietas est inter homines, quid justitia, quid fides ? quæ illa gentium stultitia placare Deum, ad vota nostra incurium & immobilem ? quis fu-

ror justitiam colere, fidem servare, cum jus, injuria, perfidia, fides æquali apud Deum pretio sint? Verum quam impla hæc doctrina in Deum? quam communi gentium justitiæ hostilis, & merito collatis viribus profliganda? Igitur qui in Republica & inter gentes vivere volunt, imò saltem qui humanitatem participare, eos necesse est credere ista duo, & esse Deum & humanis rebus affici. Nam hæc summa sunt cujuscunque religionis principia, sine quibus nec religio ulla est nec esse potest: Intendit eam in rem digitum (a) Scriptor epistolæ ad Hebræos, cum ait, * τὸν προσερχόμενον τῇ θιᾷ πιστεύει θεῷ ὅτι ἐστὶ καὶ τοῖς ἐκζητοῦσιν αὐτὸν μιθ' ἀποδότης γίνεται: à quo non longe (b) Cicero abit. *Sunt Philosophi & fuerunt, qui nullam habere censerent humanarum rerum procurationem Deos, quorum si vera sententia est, quæ potest esse pietas, quæ sanctitas, quæ religio: Hac enim omnia pure ac caste tribuenda Deorum ita Numini sunt, si animadvertuntur ab his, & si est aliquid à Diis immortalibus humano generi tributum.* Epictetus etiam: * τῆς θεῆς τῆς θιῆς ἰουσιβείας ἰδοὺ ὅτι τὰ κυριώτατον ἐκεῖνο ἐστὶν ὁρθῶς ὑπολήψεις θεῶν αὐτὸν ἔχειν, ὡς ὄντων καὶ διοικούντων τὰ ὅλα. Et (c) Seneca. *Primus est Deorum cultus Deos credere: deinde reddere illis majestatem suam, reddere bonitatem, sine qua nulla majestas est: nec aliter Latantius: neque honor ullus deberi potest Deo, si nihil præstat colenti: nec ullus metus, si non irascitur non colenti: Atque hæc duo ita inter se connexa & devincta, ut upo soluto & alterum subito*

(a) C. 9. 6. (b) De natura Deor. l. 1. (c) Epist. 95.

bito dispareat: & recte Plutarchus censuit tolli de Deo notitiam providentia sublata, quæ Deitatis præcipuum est attributum: * ἡ γὰρ ἀθάνατον καὶ μακάριον, ἀλλὰ καὶ φιλόανθρωπον, καὶ κηδεμονικόν, καὶ εὐφείλιμον προλαμβάνειν θεὸν: quare nec parcius ista de providentia divina religio aut naturæ communicata aut in gentes diffusa est, sed quæ aqua late creditur, ubi modo vel umbram divini cultus & pietatis licet deprehendere: Quod procul dubio sibi Pomponius voluit, qui religionem juri gentium tribuit; & Socrates apud Xenophontem *Deos colere* legem facit omnibus hominibus communem: ac Dion Prusæensis persuasionem: * δοξάν καὶ ἐπίνοιαν κοινὴ τῇ ζύμπασι τοῖς ἀνθρώποις γίνεσθαι, ὁμοίως μὲν ἑλλήνων, ὁμοίως δὲ βαρβάρων ἀναγκαίαν καὶ ἑμφυτον, ἐν παντὶ τῷ λογικῷ γινομένη καὶ φύσιν: item, πάντες ἰσχυρὰ καὶ αἰέναν ἐν τῇ παντὸς χρόνῳ, καὶ παρὰ πᾶσι τοῖς ἔθνεσι ἀρξάμενην δὲ καὶ διαμένυσαν: Inde pariter nulla in tanta luce naturæ & consensu populorum excusatio ignorantiae aut alia opinionis censura nisi poenalis: sed quemadmodum ex bene constitutis Civitatibus quondam Epicurei jussi sunt exulare, quod Diagora Melio accidit, ita nec inter gentes ferendi sunt, qui earum sanctitatem & connexa jura tanta impietate maculant: nam nihil justitiæ, religioni, fidei, virtutibus ea Numinum securitate relinqui, vel ipse Epicurus evidens argumentum est, qui justitiam nasci ex sola conventionem dixit, non amplius duraturam, quam communis duraret utilitas, & solus poenarum metus ab aliis prohiberet injuriam. Cæteræ autem notiones, ut esse unum Deum, & ab ipso omnia, quæ sunt, creata, quam-

vis primis & indubitatis argumentis constent, quia tamen secus acceptæ sociali gentium juri non æque nocent, aut justitiæ adversantur, extra humanas juris gentium pœnas sunt positæ, nec justificam bello causam præbent: Sic gentes inter se salvo publico jure aliæ plures Deos adorabant, aliæ unum: interdum etiam creatas res, ignem, aerem, stellas, arbores, terram: quin nec ipse Deus Cananeos & vicinos illis populos, ad pravas & barbaras superstitiones pridem delapsos prius delendos curavit, quàm impiam religionem infandis amplius iniquitatibus polluisent: alicubi pertinaciæ aut ignorantiae hominum aliquid indulsit: Ut exinde facile judicium de cogendis gentibus ad Christianam religionem possit institui, quæ præter naturæ prima principia non tam ad rationem, quam præter eam, adeoque fide percipienda non cognoscenda. Hæc autem magna sui parte à divino verbo & cœlesti illuminatione pendent, quæ externis suppliciis & armis ambiciosius sæpe quam pie susceptis non imperatur. Qua propter vix est, nisi aliæ causæ accesserint, ut in Turcas expeditionem eo tantum nomine susceptam, ut religio Christiana sanguine propagetur, laudare possim: sed operæ pretium est hic Desiderium Erasmus audire, qui vir superioris sæculi maximum decus & literariæ Reipublicæ velut alter Camillus singulari integritate & candore animi inter tenebricosas adhuc Papatus voragines emicuit: Hujus tale judicium de Christianorum in Turcas expeditione (*) legitur, quod profecto plurimum se

pruden-

(*) Adag. Chiliad. 5. cent. 1. Adag. 1.

prudencia sua & moderatione commendat. Mihi sane ne hoc quidem adeo probandum videtur quod subinde bellum molimur in Turcas. Male profecto agitur cum religione Christiana, si illius incolumitas à talibus pendet praesidiis, neque consentaneum est, his initiis bonos gigni Christianos. Quod ferro paratum est, ferro vicissim amittitur. Vis Turcas ad Christum adducere, ne ostentemus opes, ne militum manum. Videant in nobis non titulum tantum, sed certas illas hominis Christiani notas, vitam innoxiam, studium bene merendi etiam de hostibus, invictam omnium injuriarum tolerantiam, pecunia contemptum, gloria neglectum, vitam vilem: audiant caelestem illam doctrinam cum hujusmodi vita congruentem. His armis optime subiguntur Turcae. Nunc saepe numero mali pugnamus cum malis, dicam aliud, & utinam audacius, quam verius, si titulum crucisq; tollas insigne, Turcae cum Turcis digladiamur. Si militum manu constituta est religio, si ferro confirmata, si bellis aucta, tueamur eam iisdem praesidiis. Quod si diversis rationibus peracta sunt omnia, cur veluti Christi praesidio diffisi ad ethnicas consugimus suppetias. Pleriq; dum volunt videri valde Christiani, student Turcis quam plurimum facere mali, & quod facere non possunt, execrantes imprecantur, cum hoc ipso argumento parum Christianum liceat deprehendere: ita nonnulli dum volunt videri vehementer orthodoxi, diris execrationibus devotent, quas vocant haeticos, ipsi fortassis digniores hoc vocabulo: qui vult or-

rhodoxus videri, mansuetis rationibus adiutatur, ut qui errat, resipiscat. Quod si veteres Evangelii Pracones hoc animo fuissent in nos, quo nos sumus in Turcas, ubi nos nunc essemus, qui illorum tolerantia sumus Christiani? Succurre Turcis, ex impiis, si potes, reddito pios, si non potes, opta, & agnoscam mentem Christianam. Tam multi sunt in orbe Monachorum mendicatio viventium ordines, qui se columnas Ecclesiae videri volunt: ex tot millibus quotusquisque est, qui pro religione Christiana propaganda vitam suam vilem habeat? Sed spes non est, inquiunt: imò summa spes esset, si mores adferrent majorum suorum Dominici & Francisci, ne quid interim commemorem de moribus apostolicis. Ne miracula quidem nos destituta sint, si quidem id postularet Christi gloria. Nunc qui se Petri principis Ecclesiae, qui ceterorum Apostolorum Vicarios ac successores gloriantur, plerumque totam fiduciam in humanis praesidiis constituent. Illi vero rigidi vera religionis professores versantur in urbibus opulentis ac luxuperditu, ubi facilius corrumpantur ipsi, quam alios reddant emendatiores, ac ubi est affatim pastorum, qui populum doceant, ac Sacerdotum, qui laudes Deo canant. Versantur in aulis Principum, ubi quid agant, in praesentia non referam, utinam ne quid pejus, quam canis in balneo, &c. & paulò post commemoratam Cleri ingluviem, avaritiam, ambitionem, libidines: Nos totam inquit Asiam & Africam ferro paramus extinguere, quum plurimi sint illis vel Christiani vel Semichristiani? quur non illos agnosci-

agnoscimus potius, hos fovemus & clementer emendamus. Quod si studemus imperio propagando, si inhiamus illorum opibus, quare rei tam profana Christi titulum prateximus: Quid quod interim, dum humanis opibus tantum adorimur illos, hoc ipsum, quod superest nobis ex orbe, totum in manifestum discrimen adducimus? quantulus Orbis angulus nobis reliquus est? quam barbarorum multitudinem quam pauci provocamus? Si volumus Christo vincere, accingamur gladio sermonis Evangelici, assumamus galeam salutis, & scutum fidei: reliquamq; vere apostolicam panopliam: ita fiet, ut tum maxime vincamus, quum vinceremur: Non hac dixerim, quod in totum damnem expeditionem in Turcas, si nos ultro impetant: sed ut bellum, cui Christum autorem prateximus, animis Christianis, Christi q; presidii geramus. Sentiant sese ad salutem invitari, non peti ad pradam: adferamus ad illos mores Evangelio dignos, si lingua deerit, quibus cum illis congregiamur: magnam habebit eloquentiam & ipsa vita. Adferamus fidei professionem simplicem, vereq; apostolicam, non tot articulis humanitus additis oneratam: ea potissimum exigamus ab illis, qua nobis aperte sacris voluminibus & Apostolorum literis tradita sunt: in paucis facilius erit consensus & facilius constabit concordia, si in plerisq; liberum erit in suo cuiq; sensu abundare, tantum ut absit contentio. Tantum de Turcico bello Desiderius.

§. 3. 1. Hæc est Principis jurisdictio circa totum religionis corpus. Nec minor in singulis parti-

partibus ejusdem auctoritas, eaque latissimè diffusa per omnes leges, quæ de religione, sacrisque rebus & personis aliquid definiunt: Nos summam comprehendemus: nam aut in personas illa agit, aut res: sed quæ de rebus jus dicit, dominium vocatur, singulari capite deinde à nobis explicandum: nunc illam circa personas videamur, imperio animatam: cujus iterum duplex officium: aut enim de moribus, vita & delictis Ecclesiastici Ordinis cognoscit, præmiis in bonos distributis, & in malos suppliciis: aut superiore jure, eoque potiore rescindit ea, quæ per Clerum suo munere & auctoritate turpiter abutentem acta sunt, non ut æquum est & decorum, sed ex ambitione aut avaritia. De criminibus personarum prius inquirendum: est enim hoc argumentum latissima contentionum seges, quas cum Pontificiis habemus, dividuntibus quasi orbem cum Christianis Principibus, quibus in unam suæ Reipublicæ partem omne imperium & jurisdictionem de causis vel oblique religionem concernentibus superbè & contumaciter rapiunt quam inique id quidem & fatali nostrum errore, ex superioribus constat: Nunc in præsentia id tantum nobis curæ sit docuisse, per exempla vel ipsis Pontificiis non inficianda, cum ipsum Romanum Pontificem, tum omnem Clerum ab Imperatoribus olim judicatum esse: Nec in Orientali imperio multum morabimur, ubi vel unius (a) Justiniani in Vigilium Papam animadversio, quod Anthimum Episcopatum suo nollet restituere, ut fidem dederat, de illibata adhuc

(a) Niceph. l. 17. cap. 16.

adhuc potestate luculentissimum testimonium perhibet: accitus enim Byzantium ad imperatorium tribunal Pontifex & ob pertinaciorem linguæ libertatem alapis injuriose castigatus carcerem pro palatio habuit, unde vix post biennium ad Narsetis intercessionem dimissus est: sed novimus, postquam Ecclesia Romana ab Oriente per factiones, tumultus & contumacia arma secessionem fecit: tantum non omnes illorum Cæsarum actiones data opera criminatam esse, ut pudorem suum sublevaret, qui verecundissimis hominibus perduellionis crimine proculdubio suffusus est. Quamobrem paulo inferius ad Carolina & Ottoniana tempora descendemus, cum versantibus ita fatis Romanum in Occidente imperium præcipua ipsorum Præsulum ope & industria primò in Carolum & ejus stirpem: mox deficiente illa aut negligente per Ottonem in Germanos translatum est. Faciamus autem principium ab ipsa Romana Ecclesia, quia si in illam jurisdictio Imperatorum evincitur, faciliior assensus de cæteris erit, quas fere pro caudâ reputat. Nec de electione & confirmatione Pontificis hic verbosi erimus, singulare enim caput ea res desiderat; sed actu jam sedentem Pontificem excutiamus tantum, quo jure in eum Imperator usus sit: Coronato Romæ ipsis natalitiis Carolo M. Leo Pontifex prostrato ad pedes sacros Imperatoris corpore fidelitatem & subjectionem præstitit, scilicet *adorando more antiquorum Principum*, ut annales Francici ajunt. In eundem Leonem jam anno coronationem imperialem præcedente constituto judicio Carolus

Carolus inquisivit, quod multorum criminum ab inimicis postularetur: nec recusavit jurisdictionem summus Sacerdos, sed ad Pauli exemplum coram illo tribunali voluit judicari: igitur *causa ventilata*, verba sunt (a) Reginonis, *cum nullus probator aut testis legitimus appareret, qui locum controversia subire praesumeret, praefatus Pontifex coram omni populo in domo S. Petri Evangelium portans ambonem conscendit, invocatoq. S. Trinitatis nomine iurejurando ab objectis se criminibus purgavit.* Tantum Papae necesse fuit suspicione criminum onerato etiam deficientibus accusatoribus innocentiam suam Principi probare, quasi ex officio inquirenti: Post coronationem verò inter Carolum & Leonem pro Romani Pontificis electione & obsequio certae leges perscriptae sunt, quas etsi nobis temporum injuria inviderit, earum tamen mentionem faciunt tabulae donationis Ottonis I. à Pontifice recens electo *talem in praesentia missorum suorum, vel filii sui, seu universa generalitatis promissionem pro omnium satisfactione atque futura conservatione requirentis, qualem Dominus & venerandus Spiritualis Pater Leo sponte fecisse dignoscitur.* Propemodum verò ex antiquissimo scriptore Italo, coevo Ottonibus, quem vulgo Eutropii continuatorem vocant, quid istae promissiones sibi voluerint, colligere licet: Scilicet *inventum est, ut omnes majores Romae essent imperiales homines, tam Episcopi quam laici, & omne vulgus pariter cum his faceret fidelitatem Imperatori, & ut suus missus omni*

(a) ad Añ. 800.

tempore moraretur Roma ad deliberandas litigiosas contentiones. Morabatur quippe in Palatio S. Petri, & erat constitutum, quanta & qualia stipendia de Palatio ei darentur quotidie: quod autem reliquum erat de supra dictis monasteriis vel patrimonis, deferebatur affluenter. Tanta nempe imperialis viri⁹ ibi vigeat, ut si in legali iudicio minoris vel inscii causa proponeretur, & ille alicujus consilio pedes teneret legati Imperatoris, petens ab eo iustā legem, & missus adjuraret Principes Romanorum dicens: Per eam fidem, quam Domino Imperatori debetis, facite huic homini iustam legē, nemo ausus erat declinare neg. ad dextram neg. ad sinistra, etiamsi à propinquis Pontificis illata esset injuria. Multoties verò non ante Apostolicum, sed in iudiciali loco ad lateranum, ubi quidam locus dicitur ad lupam, qua mater vocabatur Romanorum, ibi iudiciariam legem finiebant. Compositiones quoque, quae solebant à malefactoribus solvi, aequaliter dividebantur. Misso Imperatoris & Apostolici. Si autem talis culpa erat, ut res scelerata fisco publico subderetur, non ad Ecclesiasticam transibat subjectionem, nisi per donativum imperiale praeceptum. Si enim aliquis iram incurrebat Episcopus aut Judex Romanus, & placitum esset Caesari venire Romam, veniebat: sin. autem, mittebatur Dux Spoletanus, comprehendebatur offensor, & ducebatur in exilium, domus verò illius signabatur annulo Regis usque ad ejus consultum: ut si quando reverteretur ad gratiam, haberet propria salva: sin. alias, per imperialia praecepta distribuebatur militi-

*militibus. Quod si ad Judicis potestatem re-
 ciebatur quisquam, & Caesaris adhereret cle-
 mentia, mittebatur pro tali negotio legatus ab
 Imperatore, qui diligenter examinaret rei ve-
 ritatem, & si reus propriam haberet culpam,
 sustineret injuriam. Hæc ille, quisquis est,
 Eutropii continuator: & mox adjungit, hæc con-
 suetudine usi sunt Romani usque ad Ludovicum
 Magnum Imperatorem. Vides hic omnes Ro-
 manos cives nullo ordinis discrimine homines
 imperiales, id est, Imperatori fidelitate & obse-
 quio devinctos: vides tam Episcopos quam lai-
 cos: & inter Episcopos ipsum Romanum Ponti-
 ficem: is enim & primarius erat Ecclesiæ Roma-
 næ Præsul, & Reipublicæ civis: Vides Missum
 Imperatoris, qui sua vice jus Romæ diceret, &
 litigantium audiret causas: vides stipendia ex
 palatio S. Petri, id est, ut opinor, Ecclesiæ redi-
 tibus ei procedentia. Vides majestatis Cæsareæ
 vim & inter Romanos summam venerationem,
 quæ iudices ad injuriam & affectus pronos solo
 nominis sui fulmine correxit. Vides propinquos
 Pontificis coram Missis Imperatoris causam a-
 gentes: sed illi sæpius Ecclesiasticæ personæ sunt,
 ad Cardinalitiam vel Episcopalem dignitatem
 ambitu, prensatione & studiis promoti. Vides
 locum judicii & multas imperatorio fisco debi-
 tas: Vides eos, qui Principis indignationem i-
 ramque sceleribus aut contumacia sua provoca-
 runt, exilio damnatos bonis confiscatis: Vides
 nullam inter Episcopos & Iudices differentiam
 factam: vides ipsos Episcopos Romanos in ean-
 dem classẽ trahi, judicandos vel per ipsum Im-
 pera-*

peratorem, si ei libuit accedere Romam: vel per vicarium ejus Spoletanum Ducem, qui hoc absente in causis gravioribus ad jus dicendum Romam missus est. Vides denique gratiam à solo Imperatore factam, nec id prius, quam per legatum in causæ merita & rei veritatem diligenter inquisitum esset. Quid clarius hoc ipso pro Imperatoris jurisdictione in Pontificem & totum clerum dici potuit? quid nubium nunc novi Centauri captant? quid refugii eis est in tanta planitie? quid non erubescunt tam alieni à majorum suorum institutis? quid perfidia sua & crimine gloriantur? quid ne quidem hoc ipso sacrilegio contenti longiore ambitione in nostra quoque involant, & violentiore impetu, quam ille Homericus Jovis, cælum terram cum omnibus Diis per ludibrium pedibus trahunt? O ambitionem inter jejunia, castitatem, preces & ipsa sacra prodigiosa natam! O temerariam audaciam, quæ præterfluentem rapidè amnem ad piscatum intrat! O seculi cæcitatem & veternum, quando ad priora tempora respicimus exemplo captato! sed etiam ô inanes querelas & in ventum effusas! Immedicabile hoc malum est, & ultra Chironium vulnus aut morsum aspidis. Præstat abstinere manum: nocet medicina in sanitatem ægrotantis mista. Levis enim & imbellis morbi pertinacia vincitur: violenta turbat. Fatis curæ sit plena Ecclesiæ restitutio ad antiquam sanctionem: quod possumus, nos ipsos sepiamus, ne majore naufragio ambitio sacra reliquam Principum majestatem mergat: sed in quem lutum nunc intempestive præcipientes cadimus?

Gg (6) Hem!

Hem ! in viam & ad nos redeundum est : nam has lachrymas dolor foras vocat , & Christianæ rei lugubre funus , quod ducimus quotidie . Igitur ut ceptum filum urgeamus . Carolus ad modum ac præscriptum illarum conventionum , (quæ fortassis haud longe à natura & indole Capitulationum abierunt , regiminis modum certis legibus definientes , nec non auctoritati & potestati Ecclesiæ dependenti , quam in bona donata ab Imperatore accepit , prospicientes) continuo cepit Rempublicam administrare : inde cum in Pontificis adversam factionem exilio animadvertisset , porro animum ad negotia Romanæ Urbis totiusque Italiæ ordinanda adjecit , non publica tantum , *sed & Ecclesiastica* , ut disertim (a) Regino & Annales Francici memorant . Hinc paret , juris imperatorii fuisse , ordinare sacras res & Ecclesiasticum statum , ubi Pontifici sine dubio prima manus admota , quippe cujus res eo tempore valde debiles & confusæ præcipuam curationem desiderabant . Ludovicus Pius , Caroli filius , missis in Italiam legatis in eundem Leonem inquisivit , quod aliquos Romanorum Optimates adversus se conjurantes inscio Cæsare morte multasset : nec prius Imperatori satisfactum quam Pontifex illi per Oratores se humiliter purgasset : Hanc rem (b) annales Francici ita nobis enarrant . *Priusquam tamen illuc* (scilicet Padrabrunnam , ubi generalem populi sui conventum habebat) *sed domi adhuc esset , allatum est ei , quosdam de primoribus Romanorum ad interficiendum Leonem Papam in ipsa Urbe Roma* *confissi*

(a) ad Ann. 801. (b) ad Ann. 815.

conspirasse : ac deinde cum hujus causa indicium ad Pontificem esset delatum, omnes illius factionis auctores ipsius jussu fuisse trucidatos : quod cum moleste ferret, ordinatis tunc Sclavorum & Heriholti rebus, ipsoq; in Saxonia dimisso cum ad Franconofurt palatium venisset, Bernhartum, Regem Italia, nepotem suum, qui & ipse secum in Saxonia fuerat, ad cognoscendum, quod nunciabatur, Romam mittit : is cum eo venisset, aegritudine decubuit : res tamen, quas compererat, per Gerholtum Comitem, qui ad hoc legatus erat datus, Imperatori nuntiavit : quem legati Pontificis Johannes Silva candida, Theodorus Nomenclator & Sergius Dux subsequuti, de iis, quæ Domino objiciebantur, per omnia Imperatori satisfecerunt. Unde colligere licet, succensuisse Pontifici Imperatorem, quod fontium punitione in Romanos cives sibi merum imperium vendicare videretur : adhæc suspicio forte Ludovico oborta, reos quæsitis aliunde coloribus ideo esse peractos, quod majore fide imperatorem colerent, quam id ex re Romanæ Ecclesiæ esset. Quicquid verò ejus sit, indubitato illud ex ista Ludovici inquisitione constat, Imperatorem potuisse in Pontificem pro imperio animadvertere, si vel innocentis cædis convinceretur, vel falcis in alienam messem audaciter immixtæ : atque id ipsum mox idem Ludovicus manifestius testatum fecit, cum rumor Paschalem Pontificem, (qui post Stephanum adepta Sede adornata ad Cæsarem legatione (a) pactum, de quo paulo ante dictum, quod præcessoribus suis

Gg 2 factum

(a) Annal. Franc. ad ann. 16.

factum erat, etiam secum fieri & firmari rogavit) inter percussores tacite referret, qui nonnullos Nobilium Romæ obtruncarunt, non alia causa, quam *quod proniores esse justo viderentur ad fidelitatem Lotharii Imperatoris*: ut loquitur (a) Sigebertus: nam Cæsar omni severitate auctores cædis pervestigari iussit: & quamvis Pontificis Oratores, antequam delegati Cæsaris Romam irent, Ludovicum adiissent, ut Dominum suum de suspicione purgarent, ambigua tamen responsione dimissi sunt, nequicquam eorum adventu mora delegatis injecta, quin continuo Romam profecti de veritate anquirerent: nec sane impune Pontifex facinus tulisset, si sufficientibus indiciis potuisset reus peragi: ut verò conceptam semel suspensionem quoque elueret, juramento opus fuit, quo *de hoc crimine coram populo & legatis Imperatoris Romæ cum magno Episcoporum numero se expurgavit*. Prolixius id omne ab authore (b) Annalium Francicorum memoratur, quod visum est huc transcribere. *Nunciatum est etiam Theodorum Romanæ Ecclesiæ Primicerium & Leonem Nomenclatorem generum ejus in Patriarchio Lateranensi primo excæcatos, ac deinde fuisse decollatos. & hoc ideo eis contigisse, quod se in omnibus fideliter erga partes Lotharii Juvenis Imperatoris agerent. Erant & qui dicerent, vel jussu vel consilio Paschalis Pontificis rem fuisse perpetratam. Ad quod explorandum ac diligenter investigandum missi sunt Adalungus Abbas Monasterii S. Vedasti, & Humfridus, Comes Curienfis: sed antequam*

(a) ad ann. 833. (b) ad ann. 833.

quam illi fuissent profecti, venerunt legati Paschalis Johannes Episcopus Sylva Candida, & Benedictus Archidiaconus S. Sedis Apostolica, rogantes Imperatorem, ut illam infamiam à Pontifice auferret, qua ille in memoratorum hominum necem consensisse credebatur: quibus cum ille, juxta quod ratio postulabat, respondisset, eosque dimisisset, prædictos legatos suos ad investigandam rei veritatem, sicut prius disposuit, Romam ire præcepit. Legati Romam venientes rei certitudinem assequi non potuere, quia Paschalis Pontifex se ab hujus facti communione cum magno Episcoporum numero jurejurando purgavit, & interfectores prædictorum, quia de familia S. Petri erant, summopere defendens mortuos velut majestatis reos condemnabat, jureq; casos pronunciabat: atque ob hoc cum prædictis, qui ad eum missi fuerant legatis Johannem Silva Candida Episcopum & Sergium Bibliothecarium: Quirinum quoque Subdiacenum ac Leonem Magistrum militum ad Imperatorem misit: qui cum tam per illos quam per suos legatos de sacramento Pontificis & excusatione reorum comperisset, nihil ultra in hoc negotio sibi faciendum ratus memoratum Johannem Episcopum & socios ejus ad Pontificem dato convenienti responsò remisit. Multa ex hoc Annalium loco digna sunt observatu: Primo eadem factam Ecclesiasticarum personarum: itemque percussores ejusdem fuisse Ordinis: & nihilominus Imperator criminalis causæ cognitionem suo foro destinat: Deinde jus inquirendi in ipsum etiam Paschalem delegatis datum, nec

passum Cæsarem tumultuaria exculpatione sibi satisfieri, sed Romæ in facinoris loco auditis proculdubio testibus & aliis probationibus conquistis legatos accuratissima diligentia perfunctos: Cum nihil certi de Pontifice comperissent, in reliquos cædis auctores omnes de Familia S. Petri, id est Pontificis, iudicium constitutum: nec ipsi vel se exceptione fori tutati sunt, vel Paschalis suæ jurisdictioni injuriam fieri conquestus est: sed eo tantum nomine apud delegatos Imperatoris Judices reorum patrocinium suscepit, quasi in perduellionis & læsæ majestatis criminis convictos jure esset animadversum: quam in rem credibile est multa eum congestisse, quæ onerarent cæsos, & præcipitatum supplicium imprimis periculo non ferente moram exulsarent, juramento insuper ad fidem verbis suis faciendum addito. Denique totam causam dependisse ex arbitrio & sententia Cæsaris, à quo velut Oraculo Paschalis per legatos denuò mittendos aut absolutionem impetrare debuit, aut Decretum, ut ulterius de cæde quæreretur. Verum visus est Pontifex satis innocentiam suam probasse, quare abruptit Imperator actionem & iudicium amplius sustulit. Sequenti anno cum Paschalis è vivis excessisset, Ludovicus filium suum Lotharium Romam misit, ut cum Eugenio novo Pontifice Romanam rem imprudentia aut ambitione priorum Præsulum corruptam in melius ordinaret, qui multa Pontificum acta circa bona Ecclesiastica rescidit, & constituit leges de electione. Defuncto Ludovico Lotharius per filium Ludovicum Romam ablegatum à Sergio & omni Romano

mano populo tam Ecclesiastici Ordinis quam secularis fidelitatis & subjectionis iuramentum exegit. Conceptis id verbis (a) Anastasius narrat; *Tunc demum in eadem Ecclesia sedentes pariter tam beatissimus Pontifex, quam magnus Rex & omnes Archiepiscopi atque Episcopi, stantibus reliquis Sacerdotibus & Romanorum ac Francorum Optimatibus fidelitatem Lothario magno Imperatori semper Augusto promiserunt.* De Ludovico Lotharii filio operæ pretium est audire appendicem Eutropianam. *Hac consuetudine (sc. quam supra ex eadem appendice transcripsimus) usi sunt Romani usque ad Ludovicum magnum Imperatorem, Lotharii filium. Hic quia magis Italiam habitare elegit, vicinior factus est Romæ, ubi & ampliore quadam usus est potestate, habens strenuos viros ejus urbis, scientes antiquam Imperatorum consuetudinem, & irritantes Casari, qua suggererant illi repetere antiquam Imperatorum dominationem: & nisi ob reverentiam beatorum Apostolorum dimitteret, pro certo faceret.* Nihil itaque sub imperio Ludovici II. de jure remissum: imo hoc jugius semper & assiduius repetita usurpatio, quo vicinior Romæ Imperator & in meditullio Italiæ imperium tenuit. Nam si quando Pontifices in diversum ire voluerint, Consiliarii Principis, viri antiqui moris & imperii jurium peritissimi continuo quid officii imperatorii esset, & qua ratione exorbitantem licentiam oporteret in ordinem cogi, tempestive admonebant. In quo verò nonnunquam benignior Imperator fuit, id cum ab ejus gratia tantum & arbitrio penderet,

nunquam in jus ivit aut præjudicium legitimæ potestati tulit : quàm masculè enim auctoritatem suam adversus Nicolaum in negotio Archiepiscopi Ravennatis tutatus sit, & improbæ ambitioni restiterit, idem continuator Eutropii narrat. Sed in hujus Imperatoris morte jura Romani imperii ingens detrimentum acceperunt, Carolo Calvo, Francorum Rege non ambitiosius inverso legitimæ Successionis Ordine, qui Germaniæ Regibus debebatur, imperium capeffente, quam ignave illud & turpiter prodente. Ut enim apud Pontificem fratrem suum Ludovicum præverteret, muneribus & noxia liberalitate præcipuas vires pristinæ majestatis aut prodegit aut vendidit, pluribus deinde quasi incumulum invidia conjectis, cum Germanorum potentia brevi se tota possessione ejiciendum ominaretur, ne victores solidus virtutis suæ fructus maneret. Et profecto est hoc eorum ingenium, qui malis artibus & festinato ad honores contendunt, ut amplissima promissorum spe & blandienti supra modum auri fulgore honestatis & justitiæ pudorem operiant, oppido liberaliores de alieno, cujus qualecunque lucrum faciunt, quamdiu eo potiuntur, nec suæ rei damnum, si malè partis aliquando excidant. Ad hoc institutum Carolus non modo imperiales redditus ambitu & largitionibus exhaustit, sed etiam summam Cæsareæ auctoritatis vim Pontificibus jam diu molestam tantùm non penitus extinxit : ab illo enim tempore eviluit illud Romanæ Ecclesiæ & omni Italiæ tremendum Imperatoris nomen, & humanarum rerum vicissitudine in ludum

ludum pene, certè contemptum abiit : umbra enim fuit, imo vix umbra antiquæ majestatis, quicquid in Italorum Regulis verius quam Imperatoribus residuum mansit : reliqua jam romana Curia inexplebili voragine cupide absorperat. Prodigæ donationis Carolinæ testem habemus Continuatore illum Eutropii jam sæpius à nobis laudatum, cujus verba iterum hîc lubet adferre. *Carolus Calvus*, inquit ille, *veniens Romam renovavit pactum cum Romanis, perdonans illi jura regni & consuetudines illius, tribuens illis sumptus de tribus supradictis monasteriis, id est, Domini Salvatoris, & Beata Maria semper Virginis in Sabinis atque S. Andrea juxta montem Soractis, & de cæteris quam plurimis monasteriis fiscalia patrimonia. Patrias autem Samnia & Calabria simul cum omnibus Civitatibus Beneventicis contulit : insuper ad dedecorem regni totum Ducatum Spoletanum cum duabus Civitatibus Tuscia, quod solitus erat habere ipse Dux, id est Aretium & Clusium, quatenus ut is, qui præerat regia vice ante Romanis, videretur post esse subjectus. Removit etiam ab eis regias legationes, assiduitatem ad præsentiam Apostolica electionis : quid plura, cuncta illis contulit, quæ voluerunt, quemadmodum dantur illa, quæ nec rectè acquiruntur nec possessura sperantur. Fugato itaque isto Carolo præ metu alterius Caroli, qui veniebat, infirmatur, antequam de regno egrederetur Italico : egressus namque vix defunctus est. Ab illo autem die honorificas consuetudines regia dignitatis nemo Imperatorum,*

nemo Regum acquisivit, quia aut virtus defuit aut scientia præ multis regni contentionibus & assiduis divisionibus. Hoc modo initium ab isto Carolo ad proditionem imperatoriae auctoritatis, quam Ecclesia Romana tanta veneratione & cultu supplex adorabat, factum, exemplum ad posteros transmisit. Sicut enim Scipio Africanus Antiochi legatis verè dixit, (a) *Regum majestatem difficilius à summo fastigio ad medium detrabi, quam à mediis ad ima precipitari.* & illud Stoicæ Philosophiæ (b) lumen, non enim his gradibus, quibus ad summa perventum est, retroitur: saepe inter fortunam maximam & ultimam nihil interest: ita cum semel imperii Romani vis apud Sedem Apostolicam labi cepisset, præcipitio magis ruit ad interitum, quam sensim demissa est, splendidissima purpura in debiles Italarum Principum humeros conjecta, unde plus contemptus contraxit, quam illis attulit majestatis. Fecit ad mali summam incerta dominantium fortuna & populi multiplicata servitus, cum hinc inde adversi Augustuli quilibet suæ factionis hominibus confisi, Pontificis gratiam injuria imperii licitarètur: interdum tamen quasi per intervalla eluxit aliqua flammula ex vetere luce. Anno enim nongentesimo quarto Carolinis jam plene possessione imperii dejectis in Romana Synodo procurante Pontifice Johanne IX ad Lamberti Widonis filii, Imperatoris tribunal cum Ecclesiasticæ personæ admissæ, tum causæ, imperiali indignatione in eos constituta, qui cuiquam eo nomine molestiam

crea-

(a) Ap. Liv. l. 37. c. 45. (b) Sen. de Benef. l. 4. c. 33.

crearent. Acta illius Synodi, quæ Baronius Annalibus suis inferuit, hac de re ita loquentem Lambertum exhibent. *Si quis Romanus, cujuscunque sit Ordinis, sive de clero, sive de Senatu, seu de quocunque ordine gratis ad nostram imperialem majestatem venire voluerit, aut necessitate compulsus ad nos voluerit proclamare, nullus eis contradicere præsumat, & neque eorum res quispiam invadere vel deperdari, aut eorum personas in eundo vel redeundo vel morando inquietare præsumat: donec liceat imperatoria potestati eorum causas & personas aut per Missos nostros deliberare: qui autem eos inquietare eundo vel redeundo vel morando tentaverit, vel eorum quidpiam rerum auferre, postquam per nostram misericordiam se proclamaverint, imperialis ultionis indignationem incurrat.* Hinc liquet Ecclesiasticas personas in causis etiam spiritualibus, tam per modum simplicis querelæ, quam appellationis, apud Imperatorem litigare potuisse: Revocata etiam illo tempore filci Cæsarei jura, & imperialis pastus servitus denuo Episcopis & Comitibus pro vetere more imposita: ut octavum inter duodecim capitula tunc constituta expresse habet. Hæc sunt reliquiæ illius ævi ex imperatoria potestate, quæ in turbulentissimis illis Italiæ æstibus servata sunt, quibus etiam Romanæ Ecclesiæ multa periere, ut Papa Johannes in modo memorata Synodo stomachosè conqueritur: sed hæc perlequi non est nostri instituti; quos potius ad Ottones decet properare, ab Ecclesia Romana in Italiam vocatos, quam imperii suorum genti-

gentilium tandem pœnituit, deprædantium magis per civilia arma sacras possessiones quam juvantium : inde imperatoria jura veluti postliminio reducta & reddita Ottoni M. ne fortissimus Princeps inanem tanti nominis gloriam pristina potentia vacuam generose aspernaretur, qui præterea non aliter Pontifici anteriores donationum tabulas suis additis confirmavit, quam si vicissim Pontifex fidem suam obstringeret, de obsequio ad eum modum sibi hæredibus suis præstando, sicut Leo III. Carolo M. fidei subjectione exhibuit. Hoc pactum fundamentum est & basis jurisdictionis imperatoriæ in Pontifices, qua idem mox Otto in Johannem XII. violato fidei & læsæ majestatis reum magnifice usus est. Post irritas enim admonitiones & perfide promissam à Pontifice vitæ morumque emendationem cum videret Imperator nihil se benignitate & clementia proficere, ipse cum exercitu Romam venit, ut puerum Papam bonorum virorum exemplo & rectis monitis meliorem faceret, sed jam illum præcepta ad Saracenos fuga elapsum comperit. Igitur denuo in fidem adactis Romanis, indictoque Episcoporum Cleri & Optimatum populi Romani conventu citari fecit Pontificem, & contumaciter non comparentem papali sede & dignitatibus excidisse judicavit, undique conquisitis probationibus, ut nihil omnino defuerit legitimo judicio, in quo causæ & fata subditorum aguntur, necessarium. Tam perspicue ista à Luitprando produntur, ut nec Baronius potuerit de veritate rei sic gestæ dubitare, improbato saltem procedendi modo, quod à consiliis Hildebrandi.

brandinis paulo esset alienior. Hujus magni Principis nepos Otto III (a) quam severe in Crescentio & ab eo Pontifice creato Johanne XVI. jura imperii atque auctoritatem suam vindicavit? Nec alii Imperatores usque ad Heinrici quarti infelix & luctuosum regimen in asserenda majestate adversus Romanos Pontifices sibi unquam defuerunt : Quid enim Heinricum & Conradum, qui proxime Ottones secuti sunt, plus annua mora aliud Romæ fecisse putas, quam ex more & præcepto majorum suorum Statum tam Ecclesiasticum quam politicum ordinasse, & utrobique pro summa potestate jus dixisse? Constat sane ab Heinrico Benedictum Præfulem electum : Conradum verò post obitum Johannis XX. Benedictum IX. Apostolicæ Sedi itidem imposuisse : ut de jurisdictione minus sit ambigendum : De integra Heinrici III. auctoritate nos (b) Frisingensis non sinit dubitare, qui claris verbis asserit, *in ipso dignitatem imperialem, que per longum tempus à semine Caroli exulaverat, ad generosum & antiquum germen reductam esse* : nec id Baronius tam dissimulat, quam ineptè ringit & stomachatur, ad nescio quam hæresin Heinricianam, natam scilicet aliquanto post ex Gregorii VII. secundi Jovis cerebro, impudentius stolidusve incertum, provocans. Ac profecto ad hæc usque tempora jurisdictionem in Romanam Ecclesiam illibatam Principibus nostris mansisse, locuples sat testis est Onuphrius Panvinus, ipse Pontificius, & ob id suomet studio in Pontifices quam Imperatores pronior,

(a) Vid. Glaber Rudolph. (b) l. 6. c. 32.

pronior, qui tamen hîc lucidissimis veritatis radiis victus non potuit omnem pudorem defricare : sed nec alius quispiam fuit, cui fata Apostolicæ Sedis ab omni ævo magis explorata fuerint, ne contra testimonium ejus excipias : Conscripsit Pontificum vitas, ubi in Gregorio VII. hæc verba habet. *Huic (i. e. Hildebrando, Gregorio) cum omnes Latina Ecclesia tum præcipue Romana acceptum referre debet, quod libera sit, & ab Imperatorum manu eruta, cum antea tanquam vilis ancilla non ab Imperatoribus modo, sed à quovis Principe Romani Imperatoris præsidiis fulto premeretur, ab hoc maxime illius & omni seculo tremenda venerandaq; Romani Pontificis & infinita pene potestatis jura manavit. Nam etsi ante Romani Pontifices tanquam religionis Christianæ capita, Christiq; Vicarii & Petri Successores colerentur, non tamen eorum auctoritas ultra protendebatur, quàm in fidei dogmatibus vel asserendis vel tuendis : ceterum IMPERATORIBUS SUBERANT, ad eorum nutum omnia fiebant, ab iis creabantur, de iis judicare vel quicquam decernere non audebat Papa Romanus. Haftenus igitur non obscura vestigia extant summi imperii, quod in Pontifices & Apostolicam Sedem Romani Imperatores exercuisse deprehenduntur. In alias Ecclesias hoc certiora sunt jura Principum, quod ad fidem historiarum leges etiam civiles accedunt, quæ sibi illam jurisdictionem sumunt, ut summæ potestatis indubiam partem : Capitula Francorum eam in rem multa constituunt observatu hinc inde sanè quam dignissima. Episcopi,*

Abba

Abbates, Comites, (a) inquirunt, & potentiores quique, si causam inter se habuerint, nec se pacificare voluerint, ad nostram jubeantur venire praesentiam, neque illorum contentio alibi dijudicetur, neque propter hoc pauperum & minus potentum justitia remaneant. Ac proinde apud antiquos Francos Comitum jurisdictionem in Ordinem quoque Ecclesiasticum valuisse (b) Lehmannus pluribus argumentis probat, donec sub Carolo Magno majoris in Ecclesiis causa (c) Ecclesiastica judicia instituta sunt, in quibus auctoritate tamen & auspicio Imperatoris Clerici à solis Episcopis judicari debuerunt: interea nihilominus Ecclesiarum Rectores, si inter eos minus convenerit, per advocatos suos jussi sunt ire ad Comites & ibi forum habere in causis etiam merè Ecclesiasticis: (d) lex ipsa sic habet. *Ubi ex utraq; parte Ecclesiasticum negotium fuerit, Rectores earundem Ecclesiarum, si se familiariter pacificare velint, licentiam habeant. Si autem de hujusmodi pacificatione intra eos convenire non possint, advocati eorum in mallo publico ad praesentiam Comitum veniant, & ibi legitimus terminus eorum contentionibus imponatur*: Sed ante omnia Missorum ratio & officium, quos Francorum Reges singulis annis in provincias miserunt cum plenissima inquirendi potestate, non in Comites modo & profana negotia, sed etiam Episcoporum doctrinam, mores & vitam, nil nisi suppre-

(a) l. 3. c. 67. & 77. (b) Chron. Spir. l. 2. c. 21.

(c) Capit. l. 7. c. 322. Conf. l. 1. c. 28. & 38. & l. 5. c. 14. & 20. & 225. (d) Capit. l. 5. c. 11.

Redirent : gravioribus autem causis ad ipsam Principis decisionem remissis. Hac de re in eum sensum (a) lex loquitur. Hoc volumus, ut Missi nostri observent, ut quicquid de his causis vel simul vel singulatim emendare potuerint, emendent, & ea, quæ emendaverint, diligenter scriptis notent, & hoc sic peragere curent, quatenus juste reprehendi à quoquam nullatenus non possint, & quod facere debent aut possunt, nullatenus pratermittant, imò caveant, ne, quod absit, aut gentis alicujus, aut honoris aut timoris sive odii causa illud quod agere debent, omittant : & summo opere studeant, ut hoc, quod per se efficere non possunt, nobis notum faciant, ut omnimodis prævideant, ut per singula capitula tam verbis quam scriptis de omnibus, quæ illic peregerint, nobis rationem reddere valeant. Item. Ad hoc Missi à nobis constituti, ut si quilibet Episcopus aut Comes ministerium suum propter quodlibet impedimentum implere non possit, ad eos recurrat, & cum eorum adjutorio ministerium suum adimpleat : & si talis causa fuerit, quæ per eorum admonitionem emendari non possit, per eos ad nostram notitiam deferatur. Et si forte Episcopus, aut Comes aliquid negligentius in suo ministerio egerit, per istorum admonitionem corrigatur, & omnis populus sciat, ad hoc esse constitutos, ut quicumque per negligentiam aut incuriam vel impossibilitatem Comitum justitiam suam acquirere non potuerit, & eos primum querelam suam posse deferre, & per verum auxilium justitiam

Hb

tiam

(a) l. 4. c. 56. l. 2. c. 26.

compromiserunt : Post hæc Imperator usus est jure suo & de Burgundiæ Ecclesiis per tabulas hodieque superstites variè disposuit : de (a) Viennensi in hunc sensum. *Viennensis Ecclesia sicut inter ceteras Ecclesias & metropolitanas sedes regni Burgundia gloria & honore quasi clariore sidere resulget, ita peculiari gratia prerogativa apud imperialem celsitudinem meruit præminere, ut Metropolitanus ejus inter ceteros Archiflamine principalem locum ac dignitatem obtineat : & quia Princeps consilii nostri & Archicancellarius in regno Burgundia, & primus in aula regali & in administratione Reipublica ceteris excellentiore dignitate præpolleat.* (b) Eraclius Archiepiscopus investitus est de regalibus Ecclesia Lugdunensis & de omnibus, quæ in Lugdunensi Episcopatu ad imperium pertinent. *Civitatem Lugdunensem & totum Episcopatum liberum facit ab omni extranea potestate, salva per omnia imperiali justitia : in summa Andreas* (c) Chesneus testatur, vidisse se plures chartas hujus Imperatoris pro Ecclesiis Viennensi, Lugdunensi, Bellicensi, aliisque in Burgundia constitutis, quæ fidem faciunt, cum in regno Burgundia pro supremo Principe agnitum esse. Atque hæc est illa summa Principum jurisdictionis, quæ sacri Ordinis mores, vitam, disciplinam, imo ipsum docendi munus à divinis oraculis temere abiens olim tempestive correxit : quæ si seculi vitio & imprudentia nostra in Romano Imperio

H h 4

(a) Vid. Joh. de Bosco in Viennensibus Antiquitat.

(b) Guîlhelmus Paradinus Hîstor. Lugd. l. 2. c. 35.

(c) Hîstor. Burg. l. 4. c. 7.

novatum deinceps à Pontifice Johanne pactum cum Ottone M. quale Leo III. Carolo fecisse dicitur, eadem jura Imperatori restituit. Et quamvis ferale Heinrici dissidium cum Gregorio VII. idque mox subsequuta transactio filii ejus Heinrici V. & Paschalis Pontificis circa electionem Pontificis & Cleri aliquam mutationem invexisset, ipsi tamen nihilominus & omnis Sacerdos, qui intra imperii fines consistit, semper in obsequio & fidelitate duravit, ut veros subditos decet: Certe enim Fridericus I. omnes Italici regni Episcopos & Optimates in Comitibus Roncaliensibus, ubi pristina imperii jura severe revocata sunt, in verba sua & fidem juramento adëgit. Malim hoc ipsum Radevici verbis narrare, qui summa diligentia Friderici res feliciter gestas descripsit: *Deinde super iustitia regni (a) inquit ille hac de re, & de regalibus, quæ longo jam tempore seu temeritate pervadentium seu neglectu Regum imperio deperierant, studiose differens (sc. Imperator Fridericus) cum nullam possint invenire defensionem excusationis, tam Episcopi quam Primates & Civitates, uno ore, uno assensu in manum Principis regalia reddidere: primi, resignantium Mediolanenses extitere, requisiti, de hoc ipso jure quid esset, adjudicaverunt Ducatus, Marchias, Comitatus, Consulatus, monetas, telonea, fodrum, vectigalia, portus, pedatica, molendina, piscatorias, portus, omnemque utilitatem ex decursu fluminum proventientem: Nec de terra tantum, verum etiam de suis propriis capitibus census annui redditionem, &c.*

præterea & hoc sibi ab omnibus adjudicatum atque recognitum est, in singulis Civitatibus potestates, consules ceterosve Magistratus assensu populi per ipsum creari debere, qui fideles simul & prudentes & Principi honorem & Civibus patriæq. debitam justitiam nossent conservare. De his autem omnibus fideliter & sine fraude recipiendis ab omnibus Civitatibus & Sacramenta præstita & vades pro lubitu Imperatoris exhibiti sunt. Cæterum de Episcoporum fidelitate & subjectione paulo obscurior hæc est Radevicus, quare placet ei lucem ex Ottone Muræna cœvo scriptore accendere, cujus hæc verba Baronius annalibus suis inseruit: *Hoc sic peracto*, (i. e. regalibus à delectis iudicibus indicatis) *Mediolanensis ARCHIEPISCOPUS unacum Consulibus Mediolani, omnes alii presentes Lombardia, EPISCOPI, Comites, Marchiones, Duces, ceteriq. Italia Principes, & omnium Lombardia Civitatum Consules ibi adstantes publicè in colloquio ipso surgentes in manu ipsius Imperatoris omnia, quæ prædicti Iudices jura regalia esse dixerant, resutaverunt, & eisdem de ipsis omnibus fecerunt.* Aegrè hoc habuit Pontificem Hadrianum, qui ambiguus literis ad Cæsarem datis religionem, preces, iram minas confuse miscuit: inventa est ejus quædam epistola à Nauclero, ubi inter alia hæc leguntur. *Quid dicam de fidelitate B. Petro & nobis à te promissa & jurata, quomodo eam observes, cum ab iis, qui Dii sunt & filii excelsi omnes, Episcopis videlicet homagium requirens fidelitatem exigis, & manus eorum sacratas manibus tuis*

482 *De Summa Imper. Potestate circa Sacra-*
tiam acquirere, & quando aliquis ad nos ne-
cessitatis causa reclamaverit, ad eos possimus
relatorum querelas ad definiendum remittere.
 Porro in Missorum potestate & mandatis fuit,
 Monasteria ac religiosorum Ordines visitare, ad
 pristinam disciplinam reductis illis, quæ contra
 regulas & instituta Ordinis, nec non leges pu-
 blicas aut pietatē peccata erant: id officii (a) hac
 lege comprehenditur, ut Missi per singulas Civi-
 tes & Monasteria virorum & puellarum pravi-
 deant, quomodo aut qualiter in domibus Eccle-
 siarum aut ornāmētis Ecclesiæ emendata vel re-
 staurata esse videntur, & diligēter inquireant de
 conversatione singulorum, vel quomodo emēda-
 tum habeant, quod jussimus de eorum lectiōne
 & cantu ceterisq; disciplinis ad ordinem Eccle-
 siastica regule pertinentibus. Denique ut alio-
 rum obliviscar, executionem sententiæ à Co-
 mitibus contra Episcopos latæ ex bono & æquo,
 sed ab his improba tergiversatione & fuga diu su-
 pensam Missi auctoritate sua & mora conde-
 mnatæ parti sumptuosa procurabant: Licuit igitur
 Episcopos convenire in seculari foro, licuit
 Comitibus jure Magistratus sententiam ferre, cui
 stare Episcopos oportuit: & verò qua luculen-
 tiore ratione his ipsis argumentis quis suam
 imperii vim circa sacra probaverit? sed eccum
 ipsam legem, ne mihi soli credere videare. (b)
 Ubicunq; Missi aut Episcopum aut alium quem-
 libet quocunq; honore preditum invenerint, qui
 justitiam facere vel noluit vel prohibuit, de i-
 psius rebus vivant, quamdiu in eo loco justitias
 facere

(a) l. 2. c. 122. (b) l. 4. c. 66.

facerere debent. Præter Francorum Constitutiones Bavaricæ etiam leges Episcopos seculari potestati judicandos subjiciunt, cum in aliis causis, tum præcipuè publicis criminibus, privatis saltem vindictæ propriæ usu vetito. (a) Verba legis hæc sunt. *Si Episcopus contra aliquem culpabilis est, non præsumat eum occidere, quia summus Pontifex est, sed mallet eum ante Regem vel Ducem aut ante plebem suam: & si convictus crimine negare non possit, tum secundum canones ei judicetur. Si talis culpa est, ut deponatur, deponetur & exilietur: de homicidio, de fornicatione, de consensu cum hostibus, si intra provinciam inimicos invitaverit, & eos prodeire voluerit, quos salvare debuit, pro istis culpis damnetur.* In Italia & Romano imperio, (præterquam quod Francorum leges illic etiam vim suam ut in aliis omnibus Caroli M. imperiis exseruerint: nam omnibus nullo discrimine facto præcipiunt: (b) *volumus atque præcipimus, ut omnes ditioni nostræ Deo auxiliante subjecti: tam Romani, quam Franci, Alemanni, Bojoari, Saxones; caterig, nobis subjecti omnes*) inventum est, quemadmodum paulo ante ex Continuatione Eutropii citavimus, *ut omnes majores Roma essent imperiales homines, tam Episcopi quam Laici, & facerent fidelitatem Imperatori; ut & illa Romana Synodus sub Lamberto Imperatore habitâ omnibus Romanis cujuscunque sint ordinis secularis & Ecclesiastici liberû ad imperatorium tribunal in litigiosis causis accessum permittit, pœna in impediētes constituta: Re-*

Hh 2

nova

(a) Tit. 10. (b) l. 6. c. 81.

diversa docere ausus sit, si plane abstineat publicis concionibus, aut frigidus in illis sit & negligens, si à sacris faciendis sibi propterea caveat, quod ambitiosus & iratus Pontifex præcipitato fulmine innocentem populum percusserit: si privatis affectibus indulgens invisum non tam Deo quam sibi hominem à Domini cœna arceat, & Ecclesiæ communione, is jurisdictione Principis coercendus est: cum enim ejus judicio omnes omnino actiones subjiciant externæ moralis bonitatis vitijque capaces, ac quibus aliis injuria fieri potest, non autem illæ solum, quæ ab imperio profiscuntur, oppido liquet, nulla ratione istas Sacerdotum excipi, quæ sæpius affectato studio immeritos premunt: nam neque conjugiale officium, neque rei familiaris diligens cura ex imperio sunt, propter quæ tamen aliquando tribunalia adeuntur: Potestas civilis omnis mali vindex est constituta, etiam illius, quod in sacris rebus fit. Enimverò hæreticorum causam, qui à vera religione vel novandi studio vel nimia sapientia & amore sui discedunt, supra prolixè egimus. Id saltem nunc hic restat dicere, siquidem inter Antistites aliquos controversia orta fuerit, quis magis consentanea sacris literis doceat, ejus quoque litis judicium summi Principis fuisse, quam variis modis, sed semper auspicio suo diremisit legitur. Usitatissimum omnium fuit per consultas Synodos sopire mutuas similitates & in veritatem inquirere: quod si à Synodis provocatum esset, indicto conventu causæ denuò agitata finis impositus. Aliquando, sed rarius, ipse Imperator de religione & innocentia

quam peccatorum condonationem ære & opibus venalem transformavit: sed quemadmodum ea gratia & venia plurimum iudicio Ecclesiæ relicta est; ita nonnunquam summa potestas eidem imperavit, ut absque solemnī circulo peccatorem intrò admitteret, quamvis non omnem totius examinis seriem absolvisset, & æquum esse Ecclesiæ iudicavit, superiorum mandatis ea in re obsequi. Ivo Carnutensis Episcopus, Ecclesiastici juris acerrimus cōtra reges propugnator, hic tamen fatetur debitum suum, cum se apud Episcopos de Gervasio recepto in hunc modum excusat. *De Gervasio quoq; non debet vestra paternitas mirari vel indignari, quod eum ad communionem in Paschali curia suscepi: pro regia enim honorificentia hoc feci, fretus auctoritate legis, in qua legitur: Si quos culpatorum regia potestas aut in gratiam benignitatis receperit, aut mensæ suæ participes fecerit, eos etiam Sacerdotum & populorum conventus suscipere in Ecclesiastica communione debet, ut quod principalis pietas recipit, nec à Sacerdotibus Deo alienum habeatur*: ad quam hic legem Ivo provocat, eam alibi dicit *regale capitulum* Episcoporum auctoritate constitutum; quate cum tam illustres sint summæ potestatis partes, in illis quoque Sacerdotum actionibus, quas soli Deo debent citra humanum beneficium, quid mirum est, quod Principes sibi prius causas probari voverint, quibus ab Ecclesiæ corpore deploratum membrum resecandum sit, quam ad ipsam sectionem maturato opere perveniatur? Inter Hungariæ decreta anno 1651. condita prohibi-

tuum exilium promerita poena fuit; adeo plus Senatus constantia contra proditores valuit, quam Pontificis indignatio, minæ, preces pro assentatoribus & clientelari familia. Nec functi tantum Ordines interdicti tempore suis exercitiis, sed etiam doctissimi Patres publicis scriptis Venetorum causam & jura contra Pontificem fortiter tutati sunt, ut proculdubio Paulum mitisingenii hominem, nisi ab aliis impelleretur, serio pænituere consiliorum, quæ ad aliorum suggestus & præcoccia ingenia amplexus posteritati exemplum reliquit, quam innocens sit & innoxius ille Pontificius ensis, qui impetuosa iracundia in eos imprudenter stringitur, quorum causæ Deus & justitia adversus ambitionem aut affectuum sordes faver. Hæc de Venetorum illo dissidio, quod cum Romana Ecclesia habuit. In Gallia familiarior paulò est iste civilis potestatis usus in moderandis Ecclesiasticis censuris, non modo cum Pontifex Regem & regnum ferit, sed & si certæ provinciæ Episcopus aliquis privatis odiis in fidos Regi & Reipublicæ subditos detonat; tunc ad sacra facienda, revocandas comminationes, impertiendam quærentibus absolutionem, admittendosque ad sacram communionem inique exclusos mandatis, multis & pignorum prædiorumve capione pertinax pietas compellitur: nec id quidem injuria, aut sine exemplo: nam & (A) Romani Imperatores noluerunt quempiam illo sidere afflari, nisi justa sit causa & sanctis canonibus congrua, cognitione etiam sibi reservata, quam ex more antiquo Gallia per
appella-

(A) l. 30. C. de Episc. & Cler. Nov. 123.

appellationes ab abusu ad summam Parlamenti
 jurisdictionem defert, quæ vices regias sustinet.
 Hispania idem remedium usurpat per intercedē-
 di opponendique modum. Nostri Imperato-
 ribus præter communia cum aliis Rebus publicis
 jura specialis Ecclesiæ Romanæ advocatia singu-
 lare etiam præsidium adversus injurias suppeditat.
 Quemadmodum verò summæ potestatis
 est temperare clavium usum, & licentiæ affecti-
 busque pravis obistere: ita in atma Ecclesiastica
 pro merito & ut oportet districta duplici iterum
 virtute aliquid potest: Primo enim confirmat
 & approbat Ecclesiasticas minas, ex quo imperi-
 ale illud anathema, quod plurimæ Justiniani
 leges expediunt: Deinde absolvit & liberat à
 pœnis canonum & positivi juris: cujus enim est
 eas constituere, illius & ab iisdem eximere. Unde
 Johannes Episcopus Romanus insolita & vix cre-
 denda successoribus suis modestia apud Justinia-
 num Imperatorem pro illis intercedit, qui imperia-
 li fulmine ambugi ejurato scelere exhibita pœni-
 tentia in Ecclesiæ gremium recipi cupiunt. *Obse-*
cro clementiã vestram, inquit, ut qui proprio de-
posito errore & prava intẽtione repulsi ad uni-
tatem Ecclesiæ reverti voluerint, in vestrã com-
munionem receptis indignationis vestræ remo-
veatis aculeos, & nobis intercedentibus benigni
animi gratiam condonetis. Scilicet notum est
 quanto circuitu coërcitionis vetus Ecclesia in
 eos usa sit, qui ob vitæ, morum & doctrinæ vitia
 sacra communione ejecti promissa emendatione
 in pristinam gratiam admitti petiere: non enim
 ad prima statim pœnitentiæ indicia pleno velo
 remi-

priorum Judicium cognovit, quod Constantinus in Donatistarum causa post duplex Episcoporum judicium fecit : Rarissimum, non verò sine exemplo est. Synodo certis argumentis in suspicionem vocata, ut is ipse, qui summum imperium habet, ad se causam evocaverit, ex consilio Orthodoxorum quod æquum & justum est, pronuntiaturus : ita Antiochena quidem Synodus vetat injuria aliqua affectum *ὀχλῆσαι τὰς βασιλείας αἰσῶς*, quamdiu res potest per majorem Synodum expediri : sed Imperatori tamen, si forte ad eatur, cognoscendi potestatem non aufert aut negat : Et verò, quo quis evidentiori ratione superiorem in religionis negotio summæ potestatis auctoritatem laudaverit, quam si omnes appellationum gradus in eam definant, ut ultimam metam, quam piaculum est transilire ? Quod intermissa ad immodestam & præco-
 cem Pontificis censuram officia pietatis & neglecta sacra attinet, quæ imperium summi Magistratus restitui curavit contempta fulminatione, insontibus nihil timenda, ejus illustre exemplum hoc seculum pene sub initium suum nobis exhibet. Illustrissimis Venetiis eo tempore brutaliter irascebatur Paulus Pontifex, quod in Republica ordinanda prudentiores essent, quam id vel Patri placeret, vel profanæ rationes Romanæ Sedis ferre possent : quantum enim peccatum esse putas, quod in officiosas donationes superstitioso hominum impetu in sacrum ordinem collatas publico decreto correxerint : quod insanum & inutile Diis hominibusque studium excitandi sacras ædes, quæ jam tum suo numero & mole

Christia-

Christianum orbem moleste urgent, ad Magistratus scientiam & auctoritatem revocaverint; quod impuberis puellæ stupratorem Monachum &, ne scelus emanaret, abominandum percussorem, summa sodalium indulgentia ad triremes damnatum, inde raptatum secuerint in partes; quod aliud monasticum pecus in sollicitando honestarum matronarum pudore conspurcandisque ex repulsæ dolore velut impudicarum ædibus assiduum in carceres conjecerint? Hæc crimina fuerunt & sacrilegia, quæ majorum nostrorum pietas æterna laurea donasset & cælo. Sed Pontifex qui Ecclesiæ libertatem gravissimorum etiam scelerum impunitate & maximis opibus quocunque titulo injuriose quæsitis metiretur, cum primis imperiis nihil profecisset, impotens & præfervidum telum ex immaturis nubibus inauspicato librat, quo si quis causam recte æstimare velit, nocuit magis suæ famæ, quam auctoritatem crexit. Sapientissimus enim Senatus, quem præcipitata necessitate adegerat, ut hostis esset, facile persuasit civibus, non agi de religione, sed Republica, quam externus hostis ad prædam & servitutem peteret: Hinc nova ad Episcopos & Præsules totius Venetæ ditionis mandata data, quibus sub exilii pœna jubebantur solemne sacrum apertis templis celebrare & cœtus Ecclesiasticos agere, contempta censura, quam summa injuria in Venetos vibratam divina & humana jura viribus suis destituerent. Et parvere edicto omnes antiqui Ordines, pauci quidem ac inter eos primi Jesuitæ alio migrarunt; quibus deinde etiam pace cum Pontifice facta perpetuum

dinario jure primò concessum Episcopis judicare de iis rebus, quæ ad religionem pertinent, quod sanctioni Valentiniani primi tribuunt: licet Ambrosius, cujus auctoritate nituntur, causis fidei illas Ecclesiastici ordinis conjungat: ita enim (a) inquit, *in causis fidei vel Ecclesiastici alicujus ordinis eum judicare debere, qui nec munere impar sit, nec jure dissimilis*: aliam Arcadii & Honorii legem ex Codice Theodosiano (b) Grotius citat, quæ Episcopis cognitionem de religione tribuit, à Valentiniano III. confirmatam, ademptis aliis *præter religionem* causis: est & alia Valentiniani II. antiquior Honorianâ lex, quæstiones, *quæ ad Christianam pertinent sanctitatem sub eo Judice moveri præcipiens, qui Præsul est in suis partibus omnium Sacerdotum*. Sed (c) Marcianus Imperator in aliis etiam causis permisit Clericum reum ad Episcopalem audientiam trahi, si actor voluerit: eo autem Præfecti Prætorio judicium eligente vetat Clericum se tueri fori exceptione. Illud præterea (d) Theodosius & Valentinianus constituerunt, ut filiabus & ancillis jus sit Episcoporum auxilium adversus Domini & Patris lenocinia implorare. Denique Justinianus omnium, ut fertur, primus Clericos tam à Laicis quam Clericis non in Ecclesiasticis modo causis, sed & civilibus apud Episcopum voluit conveniri, licentia tamen Episcopo data deferendi difficiles controversias ad civiles judices, & gravatæ parti appellationis be-

Ii neficio

(a) Lib. 5. Epist. 32. (b) De Imp. Summ. Pot. circ. sac. §. 11. (c) l. 28. pr. C. de Episc. & Cler. & l. 12. C. de Episcop. Audient. (d) l. 12. C. de Episc. aud.

neficio ad seculare tribunal reservato , qua lege Chalcedonenſis Synodi nonum caput , quod interdixit Clericis Sodales ſuos ad civilia judicia vocare , antequam actio apud Epiſcopum, vel quem ex Epiſcopi conſilio partes elegiſſent, diſcuſſa eſt , in neceſſitatem juris mutavit , nam Synodus quidem Canonicas correptiones & cenſuras in transgredientes exequi potuit , judicandi poteſtatem ſeculari judici, ſi eum forte partes adiverint, auferre non potuit. Juſtinianum Carolus M. in capitularibus Francorum , ſecutus eſt, cujus (a) ibi talis conſtitutio legitur. *Placuit ut Clerici non diſtringantur vel dijudicentur niſi à propriis Epiſcopis. Fas enim non eſt, ut divini muneris miniſtri temporalium poteſtatum ſubdantur arbitrio. Nam ſi propriorum Epiſcoporum juſſionibus inobedientes extiterint , tunc juxta canonicas ſanctiones per poteſtates exterarum adducantur , id eſt per judices ſeculares. Item: ſi clerici inter ſe negotium aliquod habuerint, à ſuo Epiſcopo dijudicentur, non à ſecularibus.* Unde & certos provocationis gradus, primo ad Epiſcopum, deinde Metropolitanum ; tertio ab hoc ad ſacram religionis illius Synodum , & denique provinciæ Patriarcham (b) Juſtinianus inſtituit, excluſo penitus ab his cauſis ſeculari judicio : Ulteriores autem appellationes, quemadmodum & à ſententia Præſecti prætorio , ne quidem ad imperatorias aures conceſſæ. Et profeſſò id valdè eſt dignitate & honore ſacri ordinis eſſe , cui ſua reverentia & auctoritas à ſubditis conſtare debet, ne ad quævis profanæ

(a) l. 7. c. 322. (b) l. 29. C. de Epiſc. audient.

profanæ justitiæ lectisternia inverecundè rap-
 tentur, negari nequit, dummodo meminerint
 Episcopi, cui id beneficii & gratiæ debeant, nec
 imperatoriam providentiam extremâ mox in-
 gratitudine divino jure, à quo Pastoribus nulla
 jurisdictio, permisceant. O Reges & Princi-
 pes! huic rei potius impendite vigilias vestras &
 laborem, quam alex, venationi & theatro. Hîc
 interponite auctoritatem, non quando de vestra
 sanitate bibitur. Hic consilio opus & prudentia,
 non ad expilandas miseræ plebis fortunas: ex
 hoc certamine gloriam capite, non inter pocula
 aut gynæcéum: qui rempublicam amatis, imo,
 qui vestram tantum, hoc agite, huc attendite:
 de vestris capitibus comitia habentur. Digni
 sunt singulari legum præsidio & honore Sacerdo-
 tes, digni privilegiis & exemptione, digni favo-
 re vestro & opibus, quibus nudam pietatem ve-
 stiant, quamdiu gratiæ & beneficiorum memi-
 nisse possunt: sed si obliviscuntur conditionis
 suæ, si gratiam in debitum convertunt, si con-
 tumaciter abjurant suarum fortunarum tutela-
 res Deos, & superbè in cœlum eo consilio respi-
 ciunt, ut ex eo vobis ipsis dominantur, ac po-
 tentiam & vires, quæ vestra sunt, in Reipublicæ
 perniciem proditores impendant, tunc finite eos
 sentire, qui sint, si suum Respublica repetierit:
 detrahite illis aliena spolia, ut agnoscant sola
 cœlestia dona, quæ in religione sunt externa ma-
 jestate destituta: Recinite ipsis Friderici I. fortis-
 simi Imperatoris cantilenam, quam ipse jam ante
 aliquot secula Pontificiis legatis cecinit. *Episco-
 porum Italia ego quidem non affecto hominum, si*

tamen & eos de nostris regalibus nihil delecta habere: qui si gratanter audierint à Romano Prasule, quid tibi & Regi? consequenter quoque eos ab Imperatore non pigeat audire, quid tibi & possessioni? Nuncios nostros non esse recipiendos in palatiis Episcoporum asserit: Concedo, si forte aliquis Episcoporum habet in suo proprio solo, non de nostro, palatium. Si autem in nostro solo & allodio sint palatia Episcoporum, cum profecto omne, quod edificatur, solo cedat, nostra sunt & palatia: injuria ergo esset, si quis nuncios nostros à regis palatiis prohiberet. Interea omninò ex re sacri Ordinis est & religionis institui judicia Ecclesiastica, in quibus non tantum causæ ad religionem pertinentes & Ecclesiastica crimina judicentur, quis enim hic melior iudex quam Ecclesia? recte (a) Justinianus. Si verò Ecclesiasticum sit delictum, egens castigatione Ecclesiastica & mulcta, Deo amabilius Episcopus hoc discernat, nihil communicantibus clarissimis provincia judicibus: neque enim volumus talia negotia omninò scire civiles iudices cum oporteat talia ecclesiasticè examinari, & emendari animas delinquentium per Ecclesiasticam multam secundum sacras & divinas regulas, quas etiam nostra sequi non dedignantur leges: verùm etiam civiles, quas clerus inter se habet: nam multum inter est famæ ejus & existimationis, ut non nisi à suæ disciplinæ iudice condemnentur, auspicio tamen Principis judicantes: nisi enim istud sit, consilium in pestem abit, & mandata potestas in sacrilegium contra primæ Eccle-

(a) Nov. 89.

Ecclesiæ mores & institutum. Sed operæ pretium est audire illustrem Conringium, virum qui vulgares nostri seculi dotes ultra invidiam quoque superavit. (a) Ille hac de re ita nobiscum censet. *Interesse auctoritatis, quæ merito debet competere sacris ministris, ne sint subiecti cuilibet iudicio seculari, liquidum est: eoque omnino in qualibet civitate ita sunt constituenda iudicia, saltem de personis sacris, ut auctoritati illorum sit consultum. Et verò hoc ipsum spectare primi Cæsares Christiani, dum clericos exemerunt à vulgaribus iudiciis. Non est tamen vel hac exemptio profecta à singulari quadam divina constitutione, sed introducta auctoritate civili & quidem boni civilis obtinendi causa. Simpliciter verò Clerum omnem aut etiam summos Episcopos neutiquam Cæsares subduxerunt etiam suo atque adeo totius Reipublice iudicio. Nec quisquam talem quidem Ecclesiasticorum libertatem atque exemptionem vel somniavit jure divino competere, donec demum Romani Pontifices struentes novam sacram Monarchiam ceperunt hominibus persuadere, clericos jure divino esse exemptos jurisdictioni civili Regum & Rerum publicarum, suæ autem tantum jurisdictioni à Deo optimo Maximo commissos esse: & si verò passim terrarum novum hoc placitum credi ceperit, attamen usque ipsa edocti multi Reges & Principes placitum hoc Romanum Respublicas funditus evertere strenuè huic sese opposuerunt: & verò non tantum reformati Status Imperii verum etiam ipsi*

Ii 3

Reges

(a) Ad Lamp. part. 3, c. 11. §. 40.

*Reges Hispania & Gallia, etsi Romana sacra amplexentur tamen jurisdictionem suam in clericum frustra ringente Romano Pontifice exercent: in ipsa Italia faciunt idem Veneti, seu notum est ex praeclaro illo inter Paulum V. & Rempublicam Venetam agitato certamine. Judicium ex consensu arbitrio absolvitur, quod à Constantino primùm Episcopi acceperunt, cum jure, ne liceret ulterius litem movere sententia Episcopali sopitam: enim verò nihil novi hinc videtur Episcopis tributum, cuiuslibet enim in Romano orbe jura talem arbitrandi potestatem dant, ut praevio compromisso si in arbitrum sit consensus, sententia ejus stare partes teneantur, etiam si iniqua sit & contra jura: Denique ex delegatione jurisdictio iterum subsistit communi juri: nam & (a) tam inferior Judex, quam Imperator speciali mandato Episcopis delegare potest: * & ubique provocatio est à delegato iudice ad delegantem. Cæterum Ecclesiastica jurisdictio in, quocunque ex hisce tribus modis competierit, omnes inerant cognoscendi species & ipsum jus obligandi victum judicata re, nisi provocatum esset, ubi licuit: Executio tamen non fiebat Episcopali manu, sed auctoritate & jussu civilis judicis: minus enim decorum existimatum est, ut lituus & mitræ vim & arma parturirent: hinc constitutum fuisse Sozomenus ait, εἰς ἕκτον τὰ κριτόμενα κατὰ τῶν ἐπισκόπων ἄγειν τῆς ἀρχιεπισκοπῆς, καὶ τῆς διακορυμνίης αὐτοῖς ἐξουσίαν: & ex eo etiam factum, quod accuratior antiquitas eorum jurisdictionem singulari nomine audientiae*

(a) Aut. si quis litigantium C. de Episc. aud.

tiæ appellaverit, quæ in audiendis causis terminetur citra exequendi potestatem.

§. 34. Et verò jurisdictionem quandam Ecclesiæ à Christianis Principibus datam tanto minus convenit mirari, quòd Judæorum etiam præcipuis aliquid potestatis jura tribuunt: nec enim invitis eorum Primatibus, quibus Imperatores *suam de religione sententiam* relinquunt, quisquam vel in istam sectam recipi vel opem reconciliationis accipere potuit: nec Justinianus omne anathematis jus ipsis ademptum voluit, quando illi abusum Græcorum Codicum interdicit, haud dubie locum ex aliis causis faciens, coercitioni sufficientibus: imo quod plus adhuc est, Arcadius & Honorius alia constitutione, his, *qui illustrium Patriarcharum ditionibus subiecti sunt, Archisynagogis, Patriarchisq, ceterisq, qui in Judaica religionis sacramento versantur, eadem privilegia servari volunt, qua veneranda Christiana legis primis Clericis deferuntur*: unde non sine causa sagacissimus Grotius conjecturatus est, in alia eorundem Principum lege, quæ etiam in (a) Codice Justiniano extta, negantem desiderari particulam, ut scilicet *Judæi communi Romano jure viventes in his causis, qua non tam ad superstitionem eorum, quam ad forum & leges ac jura pertinent, adeant solemni more judicia, omnesq, Romanis legibus conferant atq, excipiant actiones.*

§. 35. Executienda nunc ultimo loco esset sacri ministerii supellex, qua illud vel divina manus vel auctoritas canonum instruxit, num scili-

(a) l. 8. C. de Jud. & Cæl.

cet illic sit aliquid, quod imperium sapiat, nec tamen summæ potestati debeatur: sed cum hoc argumentum meliore jure parentis partis in nostra aquila sit, ubi de Ecclesiastica potestate & officio Episcopali non erimus incurii, nolumus nobis aut inutiles studio geminare laborem, aut causæ continentiam indecora & lacera festinatione dirimere.

ANNOTATA.

Ad

CAPUT VI.

§. 23.

Sub prætextu.] Detestamur artes illas toto animo, quibus tyranni innocentes homines religionis specie in foveas & supplicia solent præcipitare. Catharinæ tutricis in Gallia & Lotharingorum, qui obnoxiam eam habebant, plus fere quam latronum aut grassatorum crudeles insidias bonis etiam viris amendas, quis probaverit? præsertim non tam pietati aut antiquis sacris conservandis, quod simulabatur, quam alendis factionibus & potentie firmandæ accommodatas. Id nimirum consilii eis fuisse ad comitia disturbanda palam à Thuano traditur. Tum ludibria illa religionis adjecta, ut terrore illorum catholicos cives à protestantibus, quibus omnibus libera regni comitia paribus animorum studiis expetebantur, dividerent. *Mentione Comitiorum regni*, verba sunt ipsius Historici: *lib. 23. maxime offendeantur Catharina ac Lotharingi, veriti, ne comitiorum auctoritate in usum revocata ipsorum potentia in ordinem cogeretur, itaque eos, qui ordinum conventus urgebant, tanquam perduelles ac seditiosos insinulabant, à quos, cum viderent Protestantes, qui jam magno numero erant, se aggregare, ut eos dividerent, revocanda passim per Galliam contra sectarios supplicia censuerunt, inventis artibus, ac paratis velut foveis, in quas etiam infantes & ignari præcipitarent.* Nam ubiq., ac Lutetia præsertim ecclesia Sanctorum ac B. Virginia Maria loca profanis per vicos ac compositas imagines, ad quas omni cultu exornatas candele interdum accendi-

accendebantur, & cantica more insolito à turpibus personis, lixis, bajulis & aquariis non sine sacra disciplina & sacerdotalis ordinis dedecore decantabantur, positis per vine arculis, in quas transeuntes pecuniam ad certos ac candelas in eorum usum commendas erogare importunis hominum ad id destinatorum pressationibus cogebantur; quod tributum si quis pendere recusaret, aut eas imagines insalutatas quàmvis incogitantè pertransivisset, aut non denig. ad insuaves illos modos venerabundus substitisset, in eum tanquam suspectum imperius à plebe fiebat, bellèq. is secum alium putabat, si tantum pugnis casus ac pedibus in carna conculcatus ceterum salva vita in carcerem truderetur.

[§. 24. Quanto opportunior clementia.] Reginaldus Polus Cardinalis moderatissimi ingenii vir sapius dicere auditus est, quàmvis id non ex institutione Ecclesiæ Romanæ. Se ac ceteros Episcopos non solum iudices adversus præbe de religione sentientes, sed patres iudices esse constitutos. Thuan. Hist. l. 17.

[ὁ γὰρ περὶ τῶν.] Non enim nati sunt verecundiâ & pudore duci, sed metu. Nec temperare sibi à malo turpitudinis sed punarum causa.

[Discriminatum hæc habe.] Paulò aliter partitus est Jacobus Angliæ Rex doctissima illa in regni Comitibus de religionis causa totoque regni statu oratione habita. Ceterum eorum, qui pontificia religioni additi sunt, duo esse genera, eosq. aut clericos esse ac literatos, aut literarum rudes & ex populi facie. Et hos quidem minus repræbensione dignos & inter eos, qui sobrium & quietum vitæ genus siquuntur, quosq. senes dediscere, quod juvenes didicerunt, pudet, omni prorsus culpa vacare, quippe quorum sanatio à Deo & S. ejus Spiritu sit expectanda. Sed & esse inter eosdem, qui fanatico errore agitati turbarum occasionem captant, quorum coratibus, ne furoris contagia longius serpant, maturè obviam ire debeant, quos penes summum imperium & legitima potestas est. Clericos autem, quoniam inveterato errore scientes videntesq. peccant, & insolens & odiosum Principatus desiderium, quod pontifex in terrenas potestates ambitiose affectat, tuentur, & quantum possunt adjuvant, nullo modo ferendos, & à Christianorum cælibus omni ratione explodendos, eos quippe esse, qui furentes inconsiderato religionis impetu præbe sua doctrina animos incendunt, & reges trucidandos docent, dignum

prorsus laude atque adeò meritorium facinus ducentes, si quis, postquam Romanensis Monarchia, vel potius monstrosum Ecclesie caput aliquem regem diris deoiverit, aut subditos ejus fidei & obsequii vinculo solverit, aut regnum ejus à prae-
datoribus diripiendum proscripserit, in eum vel gladium stringat, & contra Principe, ac Magistratus bella, motus ac seditiones excites. Tum commendata concordia, cujus in-
eunda gratia utraque pars moderata consilia sociare debeat, à quo se alienum non sit exhibiturus, imò impetu castissimo in amplexus pontificiorum ultrò ruiturus, postremo sub-
jungit. Quod ita sibi dictum accipere pontificis debeant, ut non propterea sua lenitate ac patientia intemperanter abu-
tantur, aut sibi licere putent conventicula impunè celebrare, & partes in regno fovere: quod si faciant, quam clementem ipsum hactenus experti sunt, tam infestum hostem sint deinceps habituri, quamquam aliqui à persecutoria nomine ma-
ximopere abbarreat. Thuan. l. 31.

[Ubi fides suadenda est, non imperanda.] Id Heinricus III. Rex Gallie, post diu adhibitam inaniter vim in extremo vitæ articulo, cum adhuc parricidalis Monachi culter sacro ejus sanguine caleret, palam ad amicos confessus est. Nec vos religionis causa terrent, inquit, apud Thuan. l. 96. Histor. Hic error me diu tenuit, & inextricabiles in errores induit. Ex religionis causa, quæ fortasse ab initio fuit, in factionem itum est: eam regni ordinum arbitrio permittite, hocq; fixum ratumq; animo tenete, religionem, quæ à Deo mentibus insinuat, ab hominibus non imperari. Hæc ille Henricus, præcipuus auctor, ut creditur, Parisiensis lanienæ, & tota vita intensissimus protestantium in regno hostis. Quæ tamen inconsulta pietate non aliud effecit, quam ut incrementa caperet ipsi adeò invisa secta, ipseque, quod expectationi pontificiorum non respondisset, in suspicionem collusionis, à qua omnium maximè abfuit, adductus defectione regni, ira Pontificis, denique, quæ ultima est ple-
runque factionum linea, parricidio per illos gradus periret, quibus se paulatim occidere morique sensit.

[Vide autem ne in malum vertat consilium.] Profecto enim certò vertet: id experientiâ avorum nostrorum parentumque ætate constitit, vim & arma frustra semper tentata, auctumque his artibus malum esse, non suppressum. Hospitalius in Senatu Parisiensi inaugurali sua oratione pruden-
tentes

denter inter alia censuit. In religionis causa plus fore negotiis, neque enim aliunde remedium quam à Dei ope & Concilii celebratione, armis, vi, rem hactenus, sed infelicitè tentatam: & superiores Reges fecisse, quod non imperiti mendiculis faciant, qui cognitum morbum habent, causam ejus plerumq; ignorant. Nunc exemplo & experientia omnes edoctos, vim remedium intempestivum esse. Nam quas non leges sancitas? quas non penas indictas, Senatoribus ipsi exitiosas? In Germania vero, Anglia & Scotia, quid armis profectum, nisi ut antiqua religio in periculum vocaretur, motha stabiliretur? Non ut corporis sic animi morbos curari debere, quos ratione & verborum lenitate, potius quam asperitate ad sanitatem reduci usu sit compertum. Thuan. l. 25. Extat eodem libro Johannis Monluccii Valentini Episcopi sententia, in conventu ad fontem Bellaquensensem habito super Colini libello supplice lata, in qua cruciatibus plus nocitum esse, ait, religioni, quam emolumenti parum. Verum non minus peccari ab iis, inquit, qui in illos, qui sola pietatis studio ducuntur, proq; ea fortiter ad mortem pergunt, & jacturam suorum ac futurarum contemnunt, plus aque saviunt: nam irritari plerumq; spectantium animos, & in confesso esse, id in multorum animis excitasse studium cognoscendi de ea doctrina, quam in medio flammis homines minime malè tam constantè proflentur, ac postremo ipsos eam suscepisse.

[Περὶ τῆς διὰ τῶν ἀνθρώπων.] Nati vera omnes sumus & privatis & publicè peccare: & non est lex, qua satis ab hoc possit arcere.

[C'est prendre une manivelle chemin.] Malam & inutilem viam eligimus in materia religionis id moliri, ut animas humanas captivemus carceribusq; includamus, cum nemo sit præter Deum, qui ad hoc clavem habet. Fac custodias firmari timore aut spe, honore aut infamia, promissis aut minis, beneficiis aut suppliciis. Semper tamen mentes illæ à servitute aufugiunt, & in primam suam libertatem revertuntur. Cogi corpus quidem potest & verbum ore elici. Sed cor humanum obnubilatur assidue vetitè, & contemnit illud, quod ipsi permissum est licitumq;.

[Χαλεπὰς τοῖς νόμοις.] Graves pœnas legibus constituit, sed non executus est. Neque enim tam plerere homines; quam metu ducere allaboravit, ut secum in sacris idem sentirent. Et sua sponte mutantes laudavit.

[§. 25. Docendi meliora sunt.] Senatus Parisienſis ad Regem. Quibus & hoc addendum duximus, quandoquidem miserorum, qui cottidie ob religionem plectuntur, suppliciiſ id tantum hactenus effectum est, ut crimen potius detestabile esset, quam errores ipsi corrigerentur, æquum videri, ut potius veteris Ecclesiæ vestigiis infixatur, quæ non ferro & flammis in religione constituenda ac propaganda, sed purioris doctrinæ & honestæ vitæ Antistitum exemplis rem confecit. Igitur in id tibi toto animo incumbendū censemus, ut quod in tua unius potestate positum est, quibus rationibus olim religio constituta est, eundem nunc conservetur ac retineatur. Antistites, sicut fidos obivum pastores decet, ovile quæque suum præsentibus gubernent: idem faciant, qui iis subsunt, hoc est, pio vivant, & sincere Dei verbum doceant, aut saltem per ministros idoneos doceri curent, in posterum vero ii præſciantur, qui possunt ipsi, quod sui muneris est, per se exequi: hoc est docere populum: utque vicaria ad id opera indigeant. Hæc est radix, quam excolere, hoc fundamentum, cui superstruā oportet. Hæc enim ratione minime dubitamus fore, ut venienti morbo, antequam latius serpat, in tempore occurratur, & pravarum de religione opinionum in dies pullulantium luxuries coercetur. Contra hæc remedia, si præſervantur, nulla leges, nulla edicta, quæcumque tandem fiant, huic malo curando satis erunt. Thuan. Histor. l. 16.

[Τὸν γὰρ ἀγνοῶντα.] Errantem enim non verberare neque accusare, sed docere oportet, in quo errat.

[Εἰ μὲν δύναται.] Si quidem possis, meliora doce. Siminimus, recordare, ad id tibi lenitatem esse datam, ipsosq. Deos his talibus indulgentes esse.

[Certe la conscience] Sane enim non vult regi conscientia adallo ad gulam gladio, cum non dependeat à mandatis crudis & violentis. Sed cicut fit ipsa, instruitur & redditur capax salutis sua mansuetudine, persuasionibus & argumentis plausibilibus de vera doctrina.

[Te primum in exemplum compone.] Hospitalius in Comitiiſ regni sub Francisco II. Aureliani habitis, Hactenus fecisse nos, inquit, quod belli duces imperiti solent, ut nu-

datis

CAP. VI. De Jurisdic^t. Imp. circa Sacra. 509

dati praesidio munitionibus cum omnibus copiis in hostem ducant. Contra oportere nos prius virtutibus, bonis moribus ac verbo Dei, quae supplicum arma sunt, huic certamini idonea, intus munire, tum foras prodire, & in adversarios ducere. Quippe ejus, qui bene vivat, efficacem esse ad persuadendum orationem. Tbuana. Histor. l. 27.

[Εἰ μάχῃσις.] Si cupias res civitatis bene administrare, virtus tibi cum civibus est communicanda.

[Ἐὐὸς ταῦτα.] Ad hac occultat nihil, omnia videns, Et omnia audiens omnia aperit tempus.

[Ἄγει δὲ.] Trahit vero in lucem veritatem tempus.

[Παντ' ἀπακαλύπτω.] Omnia manifestans tempus in lucem protrahit.

[Ἄνικας δὲ.] Dies vero superstitibus testes sapientissimi.

[Χρόνος γὰρ.] Tempus enim benignus Deo.

[Χρόνος μαλάξει.] Tempus curet te.

[§. 25. Δυσχεραίνοντες.] Rempublicam patriam exosi, culpam semper aliquam & crimen legibus impingentes.

[Μανία ἔστ' ἐστίν.] Furor hoc est, non regnum.

[Ἄλλ' ἢ μὴ μάλα.] Sed hic meus furor subditos moderatos bonosq. efficit.

[§. 30. Αἰνίον τῆς ὁμοφιλίας.] Summam & maximam concordia causam, à qua veluti fonte se invicem sociali & indissolubili amore prosequuntur.

[Τῆς αὐτῆς φύσεως ἐστίν.] Eiusdem est natura religiosum esse & hominum amantem. Apud eundem spectantur pietas in Deum, & in homines justitia.

[Δόγματι γὰρ ἐστίν.] Placiti igitur pœnam exigis? neutiquam, sed impietatis philosophari fas est, sed non aequè impium esse.

[Τὸν προσερχόμενον.] Qui religionem habet, eum oportere credere, & esse Deum, & quarentibus ipsum beneficia atque mercedem rependere.

[Τῆς περὶ τὸς θεοὺς.] Pietatis in Deos scito, id potissimum esse, rectas de ipsis opiniones habere, scilicet quod sint, & hujus universi curam gerant.

[ὅτι γὰρ ἀθάνατον.] Non enim oportet credere Deum tantum immortalem & felicem, sed & amantem hominum, & de illis sollicitum & beneficium.

[Δόξαν καὶ ἰσχυρίαν.] Opinionem & iudicium publice omni humano generi similiter gratia barbarisq. & innatum & in

in omni, quod rationem habet, factum secundum naturam. Admodum forte & perpetuum ab omni tempore. Et apud omnes populos simul natum permanensq.

[§. 33. Et ubique provocatio est.] Quam caveant Principes adimere litigantibus, in illis præcipue judiciis, ubi de sanguine agitur, aut alia corporali pœna, quale est inter alia frequentius de hæreticis cognitio, plerumque solita sacro ordini mandari. Hanc enim cum Henricus II. Rex Gallie olim Episcopis cum summa judicandi potestate credidisset, appellationis beneficio condemnatis ablato. Rex enim edicto præfatis omnibus mandaverat, ut quos Ecclesiastici iudices ac fidei quaestores ut prava opinionis convictos damnaissent, pro delicti magnitudine nulla interposita mora nec ulla provocationis habita ratione punirent; intercessit prudentissima admonitione Senatus Parisiensis, ea lege innoxii civibus periculum creari clamitans. Atque personas ipsas inquirunt Patres, in quibus tibi vita necique jus est, aliena potestati hoc edicto subiectis, qua in re dignitatem & auctoritatem tuam ladi & infringi magnopere dolemus, quippe cum tuos lege scripta deseras, quorum famam, existimationem, fortunas, salutem denique externis, hoc est ecclesiasticis iudicibus permittis, & adempto provocationis beneficio, quod unicum innocentia præsidium est, eos illegitima potestati, atque adeo superbia & arrogantia hominum potestate regia in se transmissa abutentium objicis. Thuan. l. 16. Histor.

[Eis ieyor.] Executioni mandari, qua per Episcopos judicata sunt, Magistratus & inservientes illi milites.




VAI 1532135

CAPUT









163

(S
50-51

